





53179/A

Volpi, G. A.

A  
27/3/9

~~100~~  
P.C. 27.







IO. ANTONII

V. C. L. P. I. I.

PHILOSOPHIAE ET RHETORICAE

IN GYMNASIO PAVLOVINO.

ANNO DOMINI MDCCCLXXV.

OPUSCULA

PHILOSOPHICA.

Ab Io. Antonio P. V. C. L. P. I. I.

PHILOSOPHIAE ET RHETORICAE

IN GYMNASIO PAVLOVINO.

ANNO DOMINI MDCCCLXXV.

OPUSCULA

PHILOSOPHICA.

PAVLOVINO, MDCCCLXXV.

Caesari JOSEPHUS OMNIUS.

PAVLOVINO, MDCCCLXXV.





J O. A N T O N I I  
V U L P I I

PHILOGI AC RHETORIS  
IN GYMNASIO PATAVINO,

*Olim Publ. Philosophiæ Profefs.*

O P U S C U L A  
PHILOSOPHICA,

*Nunc primum collecta.*



P A T A V I I . C I D I C C X L I V .

EXCUDERAT JOSEPHUS COMINUS.

SUPERIORUM PERMISSU.

305525

PHILOSOPHY AND RHETORIC


IN GYMNASIO PATAVINO

Chm. Prof. Philosophiae Prof.

OF USCULA

PHILOSOPHICA

Adm. Prof. Philosophiae Prof.



PATAVINA CIVIS

LIBRARY





# CANDIDIS LECTORIBUS

J. A. V.

**N**ON me præterit, Lectores candidi, in tanta varietate sententiarum, & tam perturbato statu studiorum, hæc scripta mea ad Philosophiam pertinentia, quæ nunc primum collecta prodeunt, superciliosis quibusdam censoribus omnino inutilia visum iri. Qui enim certos legunt auctores, & de certis tantum libris audierunt; qui nova solum mirantur, vetera ignorant aut spernunt; ii fere, ut consentaneum est, elegantem doctrinam, historiam, *κειτικὴν πολυμαθεῖαν*, res hodie obsoletas, olim cum Philosophia conjunctissimas, quas ipsi ne de facie quidem noverunt, indictâ causâ condemnant;

&

## LECTORIBUS.

& quibus magistris usi fuerint, quantum profecerint, quantum sapiant, hoc contemptu satis ostendunt. Huic hominum generi, feroci & superbâ ignaviâ (magna enim semper minantur, ne exiguis quidem præstandis pares) placere numquam studui, displicere non timui. Politioribus ingeniis atque humanioribus hæc nostra committimus; in amicorum manus venire volumus, qui Latinas litteras amant, Græcis delectantur: soli enim æstimare possunt, quam magno steterit nobis hæc qualiacumque scribere posse; soli intelligere, quid utilitatis ex varia, uberi, accurata, eleganti scriptione colligatur. Alios vero in dumentis & fimetis barbarorum semper hærentes, nubes & inania captantes, & suo tamen judicio beatos (quasi a communi sensu plane abhorrere, & exili ac sordida oratione uti, ad sapientiam requiratur) hæc attingere nolumus, nedum legere. Habent illi delicias suas & oblecta-



# LECTORIBUS.

lectamenta; in primis opinionem scientiæ, qua gaudent, qua inflati ambulant. Deest illis otium ad hæc pusilla cognoscenda. Propterea pauca admodum exempla harum Orationum, quas ab interitu vindicare cupimus (suus enim cuique carus est) typis excudi curavimus, contenti scilicet paucis lectoribus. Id saltem amicos homines ex meorum Opusculorum cognitione consecuturos speraverim: nulli viso temere assentiri, contumaciam ὁ φιλονεικίαν exuere, fastum ponere, scire denique, nullam prope philosophorum esse sententiam ita firmam, ita exploratam, cui aliquando non fuerit contradictum, ὁ de qua dubitare non liceat; ut iccirco ludibrium cordatis debeat quicumque, ὁ ἑαπατῶν τῇ τῷ προσώπῳ ἐν πάσει,

Quod mecum ignorat, solus vult scire videri.  
Valere.

# NOI RIFORMATORI

dello Studio di Padova.

**A**VENDO veduto per la Fede di revisione, ed approvazione del P. F. Paolo Antonio Ambrogio Inquisitore del Santo Offizio di Padova, nel Libro intitolato: *Joannis Antonii Vulpii Opuscula Philosophica*, non esser cosa alcuna contra la Santa Fede Cattolica, e parimente, per attestato del Segretario Nostro, niente contra Principi, e buoni costumi; concediamo Licenza a *Giuseppe Comino*, Stampatore in Padova, che possa essere stampato, osservando gli ordini in materia di Stampe, e presentando le solite copie alle Pubbliche Librerie di Venezia, e di Padova.

Dato li 21. Luglio 1744.

( Gio. Pietro Pasqualigo Rif.

(

( Daniel Bragadin Cav. Proc. Rif.

*Registrato in libro a carte 38. al num. 254.*

*Michel' Angelo Marino Segretario.*



J O. A N T O N I I  
V U L P I I  
O R A T I O

*H A B I T A*

IN GYMNASIO PATAVINO

Quum ad Phyticam publice  
tradendam aggrederetur.

EDITIO TERTIA

*SCHOLIIS LOCUPLETATA,*

ET GRÆCA EJUSDEM AUCTORIS

METAPHRASI.





## TRIUMVIRIS LITTERARIIS

GYMNASII PATAVINI MODERATORIBUS,

CAROLO RUZZINO

Equiti, Ædisque D. Marci Procuratori;

ALOYSIO PISANO

Equiti, Ædisque D. Marci Procuratori;

JOANNI PETRO PASCHALICO

Joannes Antonius Vulpus S. P. D.

**M**AXIMO gravissimoque munere Physicæ in hoc Gymnasio Patavino publice tradendæ, jussu vestro atque auspiciis ad me delato, VIRI SUMMI, eo primum orationis genere studiosæ juventutis aures imbuere mecum ipse decrevi quod egregiam disciplinam a nonnullorum calumniis vindicaret, qui eam scilicet rebus inutilibus, ac prope nugatoriis, omnino annumerare non dubitant. Sunt enim qui sibi sapere videntur quum philosophis, ut ita dicam, barbam velant, atque in ipsorum studia liberius & petulantius jocantur: quemadmodum olim ab Aristophane, urbanissimo veteris comædiæ poeta, factum videmus, qui de Socrate, philosophorum sapientissimo, ita loquitur in ea fabula quam *Nebulas* inscripsit, ut levium forassem hominum risum excitet, cordatioribus quidem stomacho atque indignationi sit. Ipsum enim ob oculos

A 2                      ponit

ponit pulicum saltus accurate metientem, & qua parte corporis culices bombum edant, sedulo perquirentem: Nubes præterea, tamquam deos, adorantem, & in calathio suspensum, quasi medium inter cælum terrasque, sublimium rerum contemplationi vacantem. eo progressa est Athenis poetarum in præstantissimos quosque viros licentia. Horum vestigia secutus fuit Lucianus ille Samosatensis, argutiis totus & lepore scatens, qui philosophorum nationi nihilo æquior, illos, ubicumque potest, non solum perstringit, verum etiam pungit, fodit, lacerat, miserisque modis dive-xat: quod nimirum ea se scire profiteantur quorum ignorantia laborent; quod nihil in vitam communem emolumenti conferant; quod baculo & pallio tenuis virtutem colant, ceterum ebriosis, mulierosis, atque impuri sint; quod juventutem corrumpant, parasitentur, divitibus adulentur, ac denique specioso sapientiæ titulo turpe otium, ignaviam, moresque interdum perditissimos obtegant. Quæ quum adolescentes legunt suavi sermone condita, in cachinnos dissolvuntur: atque ipsis paullatim augustum Philosophiæ nomen sordet. Idcirco deinceps dant operam ut cum vulgo sentiant, caventque diligentissime, ne umquam ab humilibus curis ad cælestia consideranda mentem cogitationemque traducant. Hinc tam multi occurrunt quibus ( ut Salustii (\*) verbis utar ) corpus voluptati, anima oneri sit: & in quos (\*\*) illa Horatii perbelle conveniant:

Nos numerus fumus, & fruges consumere nati,  
Sponsi Penelopæ, nebulones, Alcinoique  
In cute curanda plus æquo operata juvenus;  
Cui pulchrum fuit in medios dormire dies, &  
Ad strepitum citharæ cessatum ducere curam.

Ora-

(\*) Belli Catilin. cap. 2.

(\*\*) Epistola 2. lib. 1. v. 27.



Orationem igitur a me nuper in hoc celeberrimo Gymnasio habitam, qua ostendere conatus sum, quot & quam magna commoda in hominum vitam e Physicæ fonte deriventur; vixque nos recte posse aut nobiscum, aut cum parentibus, cognatis, amicis, reliquis civibus, aut cum ipso Deo agere, nisi rerum naturam penitus cognoscere studeamus; æquis animis accipite, VIRI AMPLISSIMI: quam ideo ad VOS typis descriptam mittere institui, ut Nomini Vestro dicata, & a VOBIS benigne excepta, majorem apud omnes auctoritatem consequatur, eosque fructus pariat qui a me, quum calamum huic scriptioni primum admoverem, longe uberrimi spectabantur. Simul vigiliarum mearum apud VOS, quibus omnia debeo, ratio constabit, industriæque nostræ quasi specimen hæc opella exhibebit; quam, nisi vana spe fallor, plura olim & majora subsequenter. Valete interea, VIRI AMPLISSIMI, atque, ut facitis, Rempublicam bene ac feliciter gerite.



IN RERUM NATURÆ COGNITIONE,  
AD BENE BEATEQUE VIVENDUM  
MOMENTA SUNT MAXIMA.

O R A T I O

JOANNIS ANTONII VULPII

*P. P. P.*



UUM in omnium ferme artium  
ac disciplinarum studiis ea vel  
gravissima quæstio sit, Quem  
scilicet finem singulæ appetant,  
quidve utilitatis ad rempubli-  
cam administrandam, aut et-  
iam ad privatam vitam com-  
mode agendam, ex illarum unaquaque colligi  
possit: maximos enim labores sine causa susci-  
pere, animique contentionem frustra adhibere,  
dementis esset: tum in hac difficillima, summe-  
que perplexa atque implicata rerum naturæ in-  
vestigatione; quæ provincia, præstanti cum di-  
gnitate conjuncta, mihi nuper ab Amplissimis,  
iisdemque Sapientissimis Viris est data; id ego  
qui-





ΟΤΙ ΠΡΟΣ ΤΟ ΕΥ ΖΗΝ ΚΑΙ ΜΑΚΑΡΙΩΣ  
 Η ΤΩΝ ΤΗΣ ΦΥΣΕΩΣ ΓΝΩΣΙΣ  
 ΜΕΓΙΣΤΗΝ ΕΧΕΙ ΡΟΠΗΝ.

Λ Ο Γ Ο Σ

ΓΩΑΝΝΟΥ ΑΝΤΩΝΙΟΥ

Τ Ο Υ Ο Υ Ο Υ Α Π Ι Ο Υ ,

Εκ τῆς ἑβρ. ῥωμαίων γλώττης εἰς τὴν ἐλλάδα  
 φωνῶν ὑπ' αὐτῶ μετενεχθεῖς.



ἘΝ τοῖς ἀπασῶν ἑβρ. τεχνῶν τε καὶ  
 μαθημάτων ἐπιτηδύμασιν ὡς ἐπὶ  
 τὸ πολὺ ἐκείνης καὶ μάλιστ' αὐτῆς  
 ζητήσεως ἔστι, τίν' ἔστι δηλαδὴ τέ-  
 λος ἐκαστῇ τέτῳ ἐφίεται, καὶ ὅποιον  
 ὄφελ' ἔσται πρὸς τὸ ἑβρ. δημοσίων διοί-  
 κησιν, ἢ καὶ πρὸς τὸ ἑβρ. ἰδιωτικὸν  
 βίον δὲ καίρας βίον, ὅς ἐκείνων συλλέγεσθαι πᾶς τις  
 δύναται· μεγίστων γὰρ πόνων μάτῳ ἀντιλαμβάνε-  
 σθαι, καὶ νῦν τὴν ἀλλὰ σωτὴρ εἶναι, ἀνοήτως ἂν εἴη· ἐν  
 ταύτῃ δὲ τῇ χαλεπωτάτῃ καὶ παντελῶς ἐπιπλόκῃ καὶ  
 ἐμπεπλεγμένῃ ἑβρ. φυσικῶν ἀνιχνύσει, ὃ ἐπιφανῆς τῇ  
 ἀξίᾳ συζῶσθαι ἄρτι πρὸς ἑβρ. ὑπερβαλλόντων καὶ ἑβρ.  
 σοφωπέτων ἀνδρῶν δέδοται μοι, τὸ ἐγὼ μὲν πρὸς παν-

quidem præcipue quærendum, semper existima-  
vi. Neque vero exiguos fructus, aut contemnen-  
da præmia ab iis spectari debere intelligebam  
quicumque ob sciendi cupiditatem, Physicæ ita  
operam darent, ut a fori curiæque conspectu  
longissime remoti, ac omnia quæ vulgus magno  
æstimat, pro nihilo habentes, societatem, quam  
ipsa inter homines natura constituit, aspernari  
quodammodo, & deferere viderentur. Quamquam  
enim experientia comprobari cernebam id quod  
a veteribus philosophis toties inculcatum est :  
Rerum sublimium atque abditarum contemplatio-  
ne nihil esse in vita jucundius, nihil homine  
dignius ; eamque ad conciliandos animos, &  
tamquam suavissimo veritatis pabulo reficiendos  
valere plurimum ; suspicabar tamen, majus ali-  
quod bonum, quodque latius diffunderetur, &  
ad omnes honestatis partes permaneret, ex hu-  
jusmodi studiis petendum esse. Qua quidem con-  
jectura ductus, animadvertere cœpi triplicem il-  
lam philosophandi rationem quæ olim a Plato-  
ne accepta, & quasi per manus tradita, tot jam  
sæcula permansit ; unam videlicet de differendo ;  
cujus ope vera a falsis, recta a pravis, consen-  
tientia a repugnantibus in oratione dijudicari &  
distingui solent : alteram de universi natura, re-  
busque occultis : tertiam de moribus formandis, &  
civitate optimis legibus instituenda : qua partiti-  
one ad id quod quærebam, inveniendum expedien-  
dumque maxime sum adjutus. Videbam etenim,  
summos illos viros, excellentibus, ac prope di-  
vinis ingeniis præditos, qui nobis primum hæc  
præ-



τὸς ζητητέον αἰ ἐνόμισα. Οὐ μὲν καρπὸς ἐλαχίσ-  
 τος, ἢ ἄθλα δὲ καταφρόνηται παρ' ἐκείνων ὑποβλέπε-  
 σθαι δὲν ἔμαθον, ὅπουσιν τ' τῷ ἐπίστασθαι ἐπιθυ-  
 μίας ἔνεκα, καὶ τὰ φυσικὰ ἔτις εἶεν, ὡς ἡ ἀγορὰν,  
 καὶ τὸ βελούτιον ὁρᾶν πολλὰ δέοντες, καὶ πάντων  
 ἔξ' τοῖς πολλοῖς μάλα τιμωμένων ἅπασι καταφρονούν-  
 τες, τ' κοινωνίας, ἧς μεταξὺ ἀνθρώπων ἡ φύσις αὐ-  
 τῇ συνίσταται, ὀλιγοῦν τινὰ ζῶπον καὶ ὑπολείπειν  
 δόξαν. Καίπερ γὰρ ἐμπειρία δοκιμάζεται ἔλεγον  
 τὸ πρὸς παλαιῶν φιλοσόφων ποσάκις παρεμβληθέν·  
 τ' ἔξ' ὑψηλῶν καὶ κρυπτῶν θεωρήσεως ἔξιν γλυκύτε-  
 ρον εἰ τῷ βίῳ, ἔσθ' ὅ τῷ ἀνθρώπῳ μᾶλλον αὖ πρέ-  
 πη· καὶ τὸ πρὸς τὰς ψυχὰς ὑγιᾶν, ἢ ὥστερ  
 ἡδίστη τ' ἀληθείας τροφὴ αἰσφύχειν, μέγιστα διύα-  
 σθαι· ὑπὸ πᾶσι δὲ ὅμως, μεῖζόν τι ἀγαθόν, ἢ πλα-  
 τυτέρως διακεχυμένον, καὶ πρὸς τὰ πάντα τῷ κάλ-  
 λος μέρη καταρτίζον ὡς πᾶσι τοῖς ἐπιτηδεύμασιν αἰτη-  
 τέον. Ὡς μὲν σοχασμῶ ἐπὶ ὁμῶς, τῷ προσέχειν ἡρ-  
 ξάμεν τῷ ξιπλάσιον ἐκείνῳ τῷ φιλοσοφεῖν ζῶπῳ, ὅς πο-  
 τε ὑπὸ Πλάτωνος δεχθεῖς, ἢ οἶονεῖ διὰ χειρῶν πορδε-  
 δομένῳ, ποσάκις ἤδη γῆρας διέμενε· τῷ μὲν δὴ  
 λονότι καὶ τῷ διαλέγεσθαι, ἢ βοηθῶντ' αὐτῷ τῷ  
 ἐκ ἔξ' ψυχῶν, τὰ ὁρᾶν ἐκ ἔξ' σρεβλῶν, τὰ συμ-  
 φωνῶντα ἐκ ἔξ' ἀντιμαχομένων διακρίνεσθαι εἰ λόγῳ  
 καὶ διαγινώσκεσθαι πέφυκε· τῷ δὲ καὶ τ' τῷ παντὸς  
 φύσεως, ἢ καὶ ἔξ' κρυφίων· ἐτέρῳ δὲ καὶ τ' ἔξ' ἡ-  
 θῶν διατυπώσεως, ἢ καὶ τῷ τῷ πᾶσι ἀείσεις νόμους  
 παιδεύειν· ἢ διαίρεσις πρὸς τὸ δεισθεῖν ἢ ἀναλύειν  
 τὸ ζητῆμεν, ἐμοὶ μάλιστα συνίσταται. Εἴρων γὰρ,  
 ὑπερπᾶς ἐκείνης ἀνδρας, ἢ ὀλίγε δὲν θείων ὀφθ-  
 ῶν λαχόντας, οἱ πρῶτοι ταῦτα τὰ ἐνδοξα κατεπι-  
 ποί-

præclara peperere, quum se totos ad sapientiæ studium contulissent, a cæli, terræque natura considerata, quasi a carceribus quibusdam, profectos, eum postea finem tenuisse, ut ad humani generis utilitatem universæ philosophiæ ratio potissimum redundaret. Quum enim plane perspexissent admirabilis hujus operis quod mundum appellant, constitutionem; quibusque vinculis a procreatore & gubernatore Deo connexum & colligatum fuerit, ne ulla umquam vi aut labefactari, aut dissolvi posset: quis item ejus partium inter se ordo, quæ figura, quis usus, quæ ad mutuam salutem conspiratio, in eam paullatim sententiam devenere, ut hominem ita demum beatum fore dicerent, (1) si Deo pareret, si naturam ducem sequeretur, si reliquis mundi partibus consentiret, si denique hujus magnæ civitatis, quæ omnia suo ambitu & sinu continet, neque inutilem, neque seditiosum civem se præstaret. Multum igitur præsidii positum est in totius cognitione naturæ, non solum ad medicinam ægris corporibus adhibendam, verum etiam ad animi morbos depellendos, qui plerumque ex veri ignorance consequi solent. Sed priusquam de re tanta copiosius verba facere, & cur ita sit, argumentis docere, aggrediar, TRIUMVIRIS LITTERARIIS, hujus PATAVINI GYMNASII MODERATORIBUS, qui nobilitate, sapientia, rerum gestarum gloria, patriæ caritate, optimarum artium amore, principem in Republica locum obtinent, ac toti pariter VENETO SENATUI, cujus  
in



ποιῶνται ἡμῖν , ὅπουτιν σφᾶς αὐτῆς ὅλως πρὸς τὸ τῆ  
σοφίας ἐπιτηδύμα σωεβάλλοντο , ὥς ἔρανῃ καὶ γῆς  
τὴν φύσιν τῆ θεωρεῖσθαι , καθάπερ ἐκ βαλβίδος  
τινὸς , ποροδύνας , τὸ ἐκείνο ἔπειτα τέρμα λαβεῖν ,  
ὡς φιλοσοφίαν σύμπασαν εἰς τὴν τῶ ἀνθρώπων γῆρας  
λυσιτέλειαν τὰ μάλιστα περιαδύσαι . Σκεψάμενοι  
γὰρ ἀκρεβῶς τὴν τέτη θαυμαστῶν ἔργα , ὃ κόσμον πορο-  
σαγορόμεν , κατέσασιν ὅποιοις τε δεισμοῖς ὑπὸ τῆ  
δημιουργῶν ὅλων καὶ κυβερνήτη θεῶν συμπεπλεκται ,  
καὶ σωδεδεται , ὡς μηδεμιᾶ ἐδέποτε δυνάμει λυμαί-  
νεσθαι δύνηται , ἢ ὑπολύεσθαι ἢ τίς ἔτι ἢ ἱπὺ μερῶν  
αὐτῆς πρὸς ἀλλήλα τάξεις , τὴν χῆμα , τὴν λεία , καὶ  
ἢ πρὸς τὴν ἀμοιβαίαν σωτηρίαν σύσασιν ἢ κατὰ μι-  
κρόν εἰς ἐκείναι ἢ ὁλννοιαν κατῆλθον , ὡς ἀνθρώπων  
τέως ἔτω μακάριον ἔσεσθαι λέγωσιν , εἰ θεῶν ὑπα-  
κή , εἰ τῇ φύσει ἔπεται ὡπερ ἡγεμόνι , εἰ λοιποῖς  
μέρεσι κόσμος συμφωνῇ , καὶ τὸ τελόταῖον εἰ ταύτης  
τῆ μεγάλης πόλεως , τῆ τῶ ἑαυτῆς περὶ βόλῃ καὶ κόλ-  
πῃ πάντα καταλαβέσης , ἐδ' ἀλννησον , ἐδ' εσσιωδῆ  
πολιτῆν ἑαυτῆ παρέχῃ . Πολύ γὰρ τῆ φρενῶς τέθει-  
ται ἐν ὅλης τῇ τῆ φύσεως ἐπνγνάσει , ἐ μόνον πρὸς  
τὸ τὰ νόσιμα ἢ σωμάτων θεραπεύειν , ἀλλὰ καὶ πρὸς τὸ  
τῆ θυμῶ νόσος ἀπάγεσθαι , ἀς πολλάκις τῇ τῆ ἀλν-  
θῆς ἀγνοία , ἔπεται συμβαίνει . Περὶ δ' ἂν περὶ τη-  
λικῆς πρᾶγματῶν διεξοδικωτέρως λόγους ποιήσω ,  
καὶ ὁλν τὴν ἔπος ἔχει , ταῖς πίσει διδάσκειν ἐπχει-  
ρήσω , τοῖς ἔισιν ἄρχεσι τοῖς τέτη ἐν τῷ Παταβίῳ  
γυμνασίῃς γράμμασιν ἐφισαμῆροις , δνλνεία , σοφία ,  
ἱπὺ πρᾶχθύντων δόξη , τῆ πατείδῶ ἀγάπῃ , ἱπὺ ἀεί-  
ρων τεχνῶν ἔρωτι , ἱπὺ πρῶτων καὶ τῆ πρῶεδείας ἐν  
τῇ πολιτείᾳ κρατῶσι , καὶ ὅλη ἐπῆσης τῇ ἱπὺ Ἐνεῖπὺ  
συγκλύτῳ γερυσία , ἐν ἧς ἐπῆξοπῇ καὶ φυλακῇ πάν-

in fide sumus omnes quotquot doctrinis liberalibus delectamur, gratias immortales ago; quod me litterato in otio conquiescentem, huic doctissimorum hominum concilio adjungendum censuerint, illustrique decreto voluntatem hanc suam declarare voluerint. Quo tamen Amplissimi Ordinis de me judicio tantum abest ut ad superbiam, vel ad ignaviam abuti velim; ut potius totis artibus contremiscam quoties & accepti beneficii magnitudinem, & suscepti muneris difficultatem, & virium mearum imbecillitatem æstimare incipio: & quis ipse sim, quidve a me jure postuletur, serio cogitare. (2) Sed hæc Divinæ Providentiæ, ut spero, curæ erunt: interea, quod ad vos attinet, Auditores, humanitate ac benevolentia vestra conatibus nostris favete.

Ut igitur a notissimis initium faciam; id primum omnium satis constare arbitror, nobiliores philosophos qui antiquis temporibus magna nominis celebritate in Græcia florere, quamvis de rebus gravissimis, ac de omni fere vitæ ratione inter se dissiderent, id unum tamen communi quodam decreto scivisse, extraque omnem controversiam posuisse, **OPTIMAM VIVENDI MAGISTRAM ESSE NATURAM**; cujus propterea vocem si quis audiat, præceptisque obtemperet, non possit non esse beatus: at, contra, si quis obistere ac repugnare in animum inducat, hunc statim miserum & calamitosum esse oporteat. Sive enim ad Peripateticos te conferas, elegantioris omnis ac solidioris doctrinæ parentes, qui ad beatam vitam efficiendam honestati

τες ὅποσοι τοῖς μαθήμασι τοῖς ἐλδιδεείοις χαίρο-  
μεν, ἐσμὲν, ἀθάνατον χάριν ἔχω · ὅτι με εὐ ἀνέσει  
ἔρῃ ζαυμάτων ἡσυχάζοντα, εὐ ταύτη ἔρῃ ἐλλογιμω-  
πάτων ἀνδρῶν σωόδῳ ἄξιον ἀειθμεῖσθαι εὐόμισαν, ἡ  
ψηφίσματι ὅπφανῃ τῶτ' ἐαυτῇ δέλημα δηλῶσαι ἐ-  
βελήθησαν. Ἡὶ ὁμως τ' μεγίστης τάξεως πρὸ ἐμῷ  
κείσει ποσῶν ἀπέχω τῷ πρὸς ἀλαζονείαν ἢ ράθυ-  
μίαν καταλῆσθαι, ὥς τε μᾶλλον ζέμειν τοῖς μέλει-  
σιν ὅλοις, ὁσάκις ἡ τὸ τῷ προσληφθέντῳ δειργετή-  
ματος μέγεθος, ἡ τὴν τῷ πρὸςδεχθέντῳ ἔργα χα-  
λεπότητα, ἡ διωάμεων ἔρῃ ἐμῶν ἀρρώσιαν ἀρχομαι  
ὑποτιμᾶν · ἡ τίς ἐγὼ, ἡ τί ἀπ' ἐμῷ εἰκότως ἀπαι-  
τεῖται, σπεδῇ νοῆσαι. Ἀλλὰ ταῦτα μὲν ἔν, ὥς ἐλ-  
πίζω, τῇ τῷ Θεῷ προνοίᾳ μελήσει · εὐ τῷ μετα-  
ξὺ, ὃ σωτείνει εἰς ὑμᾶς, ὃ ἄνδρες ἀκροαταί, μετὰ  
τ' ὑμῶν φιλανθρωπίας τε ἡ δυνόας, τοῖς ἡμετέροις  
ἐγχειρήμασι συμπαράττετε.

Ὡς ἔν ὑπὸ ἔρῃ γνωερωπάτων ἀρχομαι, πρὸ πάν-  
των ἐκείνο φανερὸν ἡ ὁμολογέμενον εἶναι ὑπολαμβά-  
νω, τῆς εὐδοξοπάτης ἔρῃ φιλοσόφων, ὅσοι εὐ τοῖς πᾶ-  
λαι χρόνοις μεγάλης δόξης τυχόντες ἠκμασαν κατὰ  
τὴν ἐλλάδα, καίτοι πρὸς μεγίστων, ἡ χεδὸν πρὸς ὅλας  
ζόπας τῶ βίᾳ πρὸς ἀλλήλους μαχομένης, ὁμως ἐκείνο  
μόνον ὥς τι κοινὸν ψήφισμα ψηφισαθαι, καὶ ἅπαξ  
ἀναμφίσβητον θέσθαι, ἈΡΙΣΤΟΝ ΤΟΤ' ΖΗῒΝ ΔΙ-  
ΔΑΣΚΑΛΟΝ ΕἶΝΑΙ ΤΗ'Ν ΦΥΣΙΝ · ἥς δὲ  
τῶτο φωνῆς εἴ τις ἀκή, ἡ τοῖς πρὸς ἀγγέλμασι πείθη-  
ται, εὐ δυνάται εἶναι μακάριον · ἀλλὰ μὲν, αἰ-  
τικρὺ, εἴ τις ἀντίσθαι ἡ πολεμεῖν εἰς νῦν ἐμβάλ-  
ληται, τῶτον πρὸς ἀλῆμα πάλαι ἡ δυσυχῇ εἶναι ἄ-  
ξιον ἢ. Εἴτε γὰρ πρὸς Πειπατητικὰς σωτ' μεταφέ-  
ρης, τῆς ἀπάσης τ' χαιρεσίρας ἡ σφρεωτέρας διδα-



neſtati ſane vim plurimam tribuerunt, ſed & quædam bona corporis, & nonnulla porro externa requiſivere, ex quorum acceſſione plenior nimirum & cumulatior exſiſteret beatitudo: ſive Stoicorum rationem cognoscendi cupidus ſis, qui de finibus bonorum cum ſuperioribus verbo diſcrepantes, re ipſa conſentientes, unam virtutem rerum humanarum dominam appellavere; in eaque omnia quæcumque ad bene beateque vivendum opus eſſent, contineri, dixere: cetera vero quæ ſecundum naturam ſint, valetudinem puta, ſenſuum integritatem, pulchritudinem, robur, divitias, potentiam, gloriam, præponenda quidem ac ſumenda eſſe, docuerunt, non tamen bonorum nomine dignari voluerunt: ſive denique Carneadem, vel Epicurum, aut Hieronymum Rhodium ſequi malis, quorum unus conſervationem earum rerum quæ primæ a natura nobis datæ ſunt, alter voluptatem, tertius neſcio quam vacuitatem doloris, extrema bonorum poſuere: omnium tamen una vox erit, In rerum naturam, (3) tamquam in ſpeculum, nobis inſpiciendum eſſe; quidve ipſa imperet, quid appetat, quid aſciſcat; rurſum, a quo abhorreat, quid improbet, quid rejiciat, diligentiffime conſiderandum. Neque vero ſine ratione certa, id perſuaſum fuit hominibus acutiſſimis: natura enim, ut M. Tullio videtur, (4) in animis noſtris virtutum quædam femina incluſit, quæ celeriter, cupiditatibus in diem ſuccreſcentibus, a malæ conſuetudinis corruptela ſic obruuntur, & quaſi ſuffocantur, ut perraro fructus parere ex ſe poſſint. Quum enim

naturæ

σκαλίας ποκῆς, οἱ πρὸς τὸ μακάριον βίον ποιῆσαι  
 τῷ κάλλει δὴ πολλὰ δυνάμιν ἀπένειμαν, ἀλλὰ ἢ ἔ-  
 νια μὲν τῷ σώματι ἀγαθὰ, ἔνια δὲ ἢ ἔξωθεν ἐ-  
 κάλεσαν· ἔτε γὰρ ἡ Στωϊκῶν μέθοδον ἐπιθυμῆς πυ-  
 θείσαι, οἱ δὲ τέλος ἀγαθῶν τῆς ἢ προηρημύων  
 ὁμιλίᾳς ῥήματι μὲν ἀφεσῶτες, ὅπως δὲ αὐτοῖς προ-  
 σήκοντες, μόνον τὸ ἀρετὴν ἀνθρωπίνων δέσποιναν προ-  
 σηγόρευσαν· καὶ τῇ παύσῃ ὅσων δὲ ἐπὶ τὸ καλῶς ἢ  
 μακαρίως βίειν, συνέχευται ἔφασαν· τὰλλα δὲ κατὰ  
 φύσιν, ὑγίαν δέπν, αἰσθησέων ἀδελφειασίαν, κάλ-  
 λος, ἰσχύ, πλῆπον, δυνάμιν, δύξαν, προσημύα μὲν  
 ἢ ληπτεία εἶναι ἐδίδαξαν, ἀλλ' ἐκ ἀγαθῶν ὀνόματος  
 ἠδέλησαν ἀξιοῦσαι· ἔτε τὸ τελευταῖον Καρνεάδῃ,  
 ἢ Ἐπικέρῳ, ἢ Ἰερωνύμῳ τῷ Ροδίῳ, μᾶλλον ἔπεσαι  
 δέλης, ὧν πρῶτον μὲν ἢ ἀπ' ἀρχῆς πρὸς τῆς φύ-  
 σεως ἡμῖν δοθέντων συντήρησιν, δεύτερον ἡδονὴν,  
 τρίτος δὲ ἐκ οἷδ' ἢ αἰσθησίαν, ἀγαθῶν ἔχοντα  
 ἔδεικτο· παύτων ὅμως μία φωνὴ ἔσαι, εἰς τὸν ἢ  
 ὄντων φύσιν, ὥστε εἰς κάτοπτον, ἡμῖν εἰσβλεπτόν·  
 καὶ τί αὐτὴ κελεύει, τί ὀρέγεται, τί προαιρεῖ-  
 ται· τὸναντίον τί δυσχεραίνει, τί ἀποδοκιμάζει,  
 τί ὑποβάλλεται, σκεπτόν μετὰ μεγίστης ἐπιμε-  
 λείας· Οὐδὲ μὲν ἀνδρὶ βεβαίως λόγος τῷ πεπει-  
 σμένοι εἰσὶν οἱ ἢ ἀνθρώπων ὁμηχανώτατοι· φύσις  
 γὰρ, ὡς Μάρκῳ Τελλίῳ δοκεῖ, ἐν ταῖς ἡμετέραις ψυ-  
 χαῖς ἔνια ἢ ἀρετῆς σπέρματα κατέκλεισεν, ἃ πα-  
 χέως, ἐπιθυμιῶν κατ' ἡμέραν ὑποφουμύων, πρὸς τῆς  
 τῷ κακῷ ἔδου ὁμιλίᾳς ἔτι καταβάλλονται καὶ τινὰ  
 ῥόπον ἐμπνίγονται, ὡς παύσιν σπανίως καρποφορεῖν ὅτι  
 αὐτῶν δυνάσαι· Ἐπειδὴ γὰρ τῆς φύσεως οἱ νόμοι τῆς  
 ἰδίας

naturæ leges a vulgari intelligentia sint remotiores, videmus plerumque, imperitos homines eo se abripi sinere quo perturbationum æstu feruntur; & quum libidinibus frena laxaverint, tunc se mirifice naturam secutos putare: quasi vero uti ratione, pravosque appetitus ea regente coercere, non sit naturæ hominis maxime consentaneum. Qui tamen error modo memoratam philosophorum sententiam summopere confirmat; quum isti ipsi qui peccant, satis idoneam excusationem se afferre credant, si id se facere dicant suadente quodammodo, atque impellente natura. Ne igitur ulla re impediamur quominus ad illum quem quisque expetit, tranquillæ, felici, absolutæque vitæ portum perveniamus, (5) discutiendæ sunt nobis luce veritatis, ignorationis caligines; quibus involutos, a recta via semper aberrare necesse est. Ac primum quidem in universi hujus contemplatione mentis acies defigenda; ejusque superæ, atque inferæ partes attentius perlustrandæ; quibus cognitis, multo facilius humanæ naturæ notitiam nobis comparabimus. Tria sunt autem potissimum, quæ de hominis officio a philosophis quæri ac disputari solent: (6) quid videlicet homo sibi ipse debeat; quid ceteris hominibus, quos omnes cognatione quadam attingit; quid mundi effectori, rerumque principi Deo: in his vero singulis egregiam esse ajo naturalis scientiæ utilitatem. Hoc igitur divinum animal, cujus caussa cælum terrasque fabricatos esse deos immortales, saniores philosophi tradidere, duabus dissimillimis inter se naturis, mente  
nimi-



ιδιωτικῆς νοήσεως χωρίζομενοι τυγχάνουσιν ὄντες, ὁρῶ-  
μεν ὑπὸ πολὺ τῆς ἀπείρου ἢ αἰθρώπων, ἑαυτοὺς ἔαν  
ἀφανπάζεσθαι, ὅπῃ τοῖς τῷ παθῶν κύμασι φέρονται·  
καὶ ἀκολασίας ὅτε χαλινὸς αἰῶσι, τότε θαυμαστῶς  
τὴ φύσιν δεδιωκέναι νομίζουσιν· ὥσπερ αὖ εἰ τὸ λόγῳ  
κῆρται, αὐτὰρ τε διοικῶντι πονηρὰς ὁρμὰς καθείργειν,  
καὶ φύσει αἰθρώπως μάλισα ἔαρεπεν. Ἡ μὲντοι πλά-  
νῃ τὸν ἢ φιλοσόφων γνώμην ἄρτι μεμνημονομήσαν  
ἀνυπερβλήτως βεβαιῶται· ἐπειδήπερ οἱ αὐτοὶ ὅσοι ἀ-  
μαρτάνουσιν, ἄλλῃς ὑπὸ τῆς παρὰ φύσιν προσφέρειν νο-  
μίζουσιν, εἰ αὐτοὺς ἐκείνο ποιεῖν λέγῃσι περὶ φύσεως τι-  
νὰ ἔσθον καὶ διωδεμήνης τῆς φύσεως. Ἰνα μὴ οὖν  
πᾶσι πράγματι τινὸς κωλυόμεθα εἰς ἐκείνον πᾶ-  
σιν αἰρετέον τῆς ἰσχύος, καὶ μακαρίας, καὶ τελείας  
ζωῆς τὴ λιμνὴ παρήκειν, ἀξιὸν ἐς ὅλας εἶσαι τὰ τῆς  
ἀληθείας φωτὶ τὸ σκότος τῆς ἀγνοίας, ὃ περὶ βεβλη-  
μένης ἀνάγκῃ τῆς ὁδοῦ τῆς εὐθείας ὅλας παντὸς ἀμαρ-  
τάνειν. Καὶ πρῶτον μὲν εἰς τὴν κόσμῳ τέττε θεω-  
ρεῖαν τὴν τῆς ὁλοκλήρας ὁζύτητα καταπηκτέον· ἐκείνῃ  
τε καὶ τὰ ἄνω καὶ κάτω προσεχέςτερον περὶ δόξης· ἃ  
γνωεῖσαντες, πολλῶν ῥᾶον τὸν τῆς ἀνθρωπίνης φύσεως  
γνωσιν ἡμῖν ποιεσόμεθα. Τεῖα δὲ μάλιστά ἐστιν, ἃ  
περὶ τῆς καθήκοντος τῆς αἰθρώπως, ζητεῖσθαι καὶ ὅλα-  
λέγεσθαι εἰδῶσιν οἱ φιλόσοφοι· τί δηλαδὴ ἀνθρω-  
πῶν ὁφείλῃ αὐτοὺς ἑαυτὰ· τί ἄλλοις τε αἰθρώποις,  
ὧν πάντων συγγενεία τινὶ ὑπερφύει· τί τὰ τῆς κόσμου  
δημιουργῶ, καὶ ὄντων ἄρχοντι Θεῷ· ἐν ἐκάστοις δὲ τέ-  
τοις ὑπέρουχον εἶναι φημι τὸν τῆς φυσικῆς ὑπερῆχης  
ἡγεμονίας. Τοῦτο οὖν τὸ θεῖον ζῶον, οὐτὶν ὁ εἰς  
οὐρανὸν καὶ γῆν κατασκόπευσαι θεοὺς ἀθανάτους οἱ δὲ  
φραγούντες τῷ φιλοσόφῳ πᾶσι δέδωκασιν, ἐκ δυεῖν ἀνο-  
μοιοπάται ἐν ἀλλήλαις φύσεσιν σιωπῆσθαι, τοῦ δὴ καὶ

nimirum & corpore, constat: neque enim aut Dicæarchum, aut Aristoxenum audiendos puto, qui quum animus qualis esset, intelligere ac definire non possent, rei obscuritate permoti, (7) nullum omnino esse, dixere: neque Democriti, summi ceteroquin viri, rationem hoc in genere habendam existimo, qui ex corpusculis individuis, ut omnia, sic mentem etiam cogitationemque componi voluit. Platonis auctoritatem sequor; quem gravissimis rationibus adductum video, ut secus de animo judicaret quam reliquis istis philosophis visum est, naturam ullam corporis expertem propterea inveniri posse negantibus, quod eam sensibus minime assequerentur. Altera igitur harum partium, e quibus hominem existere diximus, ab omni mortali concretione prorsus libera & segregata est, vimque mirabilem in se continet intelligendi; nam & præterita recordatur, & præsentia complectitur, & futura providet; ad eamque potissimum pertinet veri falsique judicium. Hac homo plurimum distat a ceteris animantibus: in eaque propemodum, tota hominis natura sita esse videri potest. Quod causa Platoni fuit, præceptum illud Apollinis quo jubebat Unumquemque ipsum sibi notum esse, ad solam humanæ mentis cognitionem referendi; censebat enim vir maximus, (8) animum tantummodo hominem esse, non corpus, non utrumque. Inducit enim (9) quodam loco cum Alcibiade in hanc fere sententiam Socratem differentem: Id quod aliquo utatur, tamquam instrumento, aliud esse oportere atque illud ipsum quo utitur; sicuti faber & mal-

σώματ'· οὐδ' γὰρ ἢ Δικαιάρχῃς, ἢ Ἀεισοξένῃς ἀκροα-  
 τέον ἡμῖν ἡγοῦμαι, οἱ ἢ ψυχρὸν, τίποτε ἦν, δια-  
 γινώσκειν οὐ δυνάμενοι, παράγματ' ἀσαφείᾳ διαγι-  
 νησύντες, ἔλεξαν οὐδεμίαν παντελῶς εἶναι· οὐδ' Πη-  
 μοκρίτης, ἄλλως τε ὑπερτάτῃ ἀνδρὸς, λόγον ἐν τέτῳ  
 τῷ γένει ποιητέον ὑπολαμβάνω, ὅς ἐκ σωματίων ἀ-  
 τόμεν, καθάπερ καὶ τὰλλα πάντα, οὕτω καὶ νοῦν καὶ  
 νόημα σωίσασθαι βεβούληται. Πλάτων' ἀξιώματι  
 ἔπομαι, ὃν ὑπὸ δεινότητων λόγων πειθύντα ὁρῶ, ἄλ-  
 λως πρὸς τὴν νοῦ δικάζεσθαι, ἢ τοῖς λοιποῖς τέτοις ἢ  
 φιλοσόφων ἔδοξε, τοῖς οὐδεμίαν φύσιν ἀσώματον δει-  
 σκεσθαι διῶσθαι διὰ τὸ οὐκ ἀντιφύσιν, ὅτι ταῖς αἰ-  
 σθησέσιν ἐκείνης ἐκ ἀφικνουῦντο. Τούτων τοιγαροῦν ἔρ-  
 μεῶν, οὐκ ὦν εἶναι ἢ ἄνθρωπον ἐλεξάμεθα, τὸ ἕτε-  
 ρον, ὑπὸ πάσης συμπήξεως θνητῆς ἐλευθερόν ἐστι πά-  
 νυγε καὶ χωρεῖν· διῶσθαι δ' θαυμαστὸν ἐν αὐτῷ πε-  
 εἶχει τὴν νοεῖσθαι· μέμνηται δ' ἔρ' ὡς ἀφικνουῦν, καὶ  
 τὰ παρόντα περιβάλλει, καὶ τὰ μέλλοντα προσορᾷται·  
 καὶ κείνῳ διαφερόντως προσήκει ἢ τῷ ἀληθοῦς καὶ τοῦ  
 ψεύδους κείσιν. Τούτῳ ἄνθρωπ' ἄλλῃς ἀπέχει ἔρ'  
 λοιπῶν ζώων· καὶ ἐν ἐκείνῳ πρὸς μικρὸν ὕλη ἢ τῇ  
 ἀνθρώπῃ φύσιν κείσθαι δοκεῖν διῶσθαι. Οἱ Πλάτωνι  
 αἴτιον ἔω, τὸ τῷ Ἀπόλλων' ἐκείνῳ πρὸς ἀγγέλῳ,  
 ὃ ἐκέλευεν ὁ θεὸς ἑκάστον ἑαυτὸν γινῶναι, εἰς μόνον τὸ  
 τῷ ἀνθρώπῳ νοῦ γινῶσιν ἀναφέρεσθαι· ἐνόμιζε γὰρ ὁ  
 μέγιστ' ἀνὴρ, ψυχρὸν μόνως ἄνθρωπον εἶναι, οὐ σῶ-  
 μα, οὐδ' ἐκότερον· Εἰσάγει γὰρ ποτὶ τὸ Σωκράτῃ  
 πρὸς ταῦτά γε δὲ τὸν γινῶναι τῷ Ἀλκιβιάδῃ δια-  
 λεγόμενον· ὃ ἡσπῆται τινι ὡς ὀργάνῳ, τὸ ποτε εἶναι ἄλλο  
 εἶναι ἐκείνῳ ὡς ὃ ἡσπῆται· καθάπερ ὁ τέκτων καὶ ἡ  
 σφύρα φύσιν διαφέρειν ἀλλήλων διαγινώσκονται· τὸ



malleus natura differre intelliguntur: animum vero ad agendum corpore uti: aliud igitur esse animum, aliud corpus. Præterea quum animum in dominatu locari necesse sit, corpus autem animi imperio parere debeat, non posse hæc duo, genere ac dignitate longe diversa, in unam quasi naturam coalescere: quod enim ex tam dissimilibus mixtum foret, oppositis motibus assidue cieri contingeret, ex quorum congressu omnis vitæ actio non solum disturbaretur, verum etiam funditus tolleretur. Quam rationem Zeno, totaque Stoicorum familia valde probavit; statuitque, corpus hoc quod gerimus, ex terrenis crassisque elementis compactum, & iccirco dissolutioni obnoxium, in alienis rebus prorsus numerandum esse: intelligebant enim, quamvis animus doctrina excultus inanes cupiditates maxime in officio contineret, multa nihilominus corpori accidere posse, quæ prohibere, vel emendare in hominis potestate non sit. Colligebant itaque, (10) animum tantummodo humanum, quæque ad ipsum proxime pertinerent, opinionem scilicet, appetitum, declinationem, & quæcumque nostra sunt opera, neque cogi, neque impediri posse: corporis vero servilem atque infimam conditionem esse, quod & ad nutum animi præsto sit, & huic rerum universitati necessario obtemperet, a qua injuriis & plagis quotidie afficiatur. (11) Vilis igitur abjectique Mancipii talem curam suscipere debemus, ut a quo operam exigimus, ei justa præbeamus: ne si nimis aspere duriterque tractetur, sub opere fortasse deficiat; (12) si contra, nimis liberaliter,

ψυχὴν δὲ πρὸς τὸ ἐνεργεῖν τῷ σώματι ληῖσθαι· ἄλλο  
οὖν εἶναι τὴν ψυχὴν, ἄλλο τὸ σῶμα. Ἐπὶ τέτοις  
ἀναγκαῖς ὄντων, τὴν μὲν ψυχὴν ἐν ἀρχῇ τίττεσθαι,  
τὸ δὲ σῶμα τῇ τῆς ψυχῆς ἡγεμονίᾳ πείθεσθαι ἀρε-  
πην, οὐχ' οἷόν τε τέτω δύο, γῆν καὶ ἀξία πόρρω  
διαφέροντε, μιᾷ ὥσπερ εἰ συμρύνεσθαι φύσει· τὸ γὰρ το-  
σοῦτον ἀνομοίοις συμμιχθὲν, ἐναντίας κινήσεις ἐντε-  
λεχῶς κινεῖσθαι συμβαίνει ἂν, ὧν τῆς ὁμιλίας πᾶσα  
ἢ τῆ βίβι ἀρᾷξις ἐ μόνον εἴργοιτο ἂν, ἀλλ' ἐτι παν-  
τελῶς ἐκ θεμελίων ἀναίροιτο. Οὐ λογισμὸν ὁ Ζή-  
νων καὶ ὅλην τῇ Στωϊκῶν οἰκίᾳ μάλ' ἐδοκίμασε· ἐγ  
διέγνω τὰτὶ τὸ σῶμα ὃ φέρομεν, ὡς ἐπηγείων ἐγ πα-  
χυλῶν σοιχείων πηκτῇ, καὶ διὰ τῶτο ἐνοχον τῇ δια-  
λύσει, ἀλλοτρίοις πάνυ γε σωμαειδημντέον· κατενοοῦντο  
γὰρ, καὶ τοὶ ἡ ψυχὴ διδασκαλίᾳς ἐπηκοσμηθεῖσα πᾶς  
κενὰς ἐπιθυμίας καταχοίῃ μάλιστα ἐγ παύσειε, πολ-  
λὰ μὲν ἦτον τῷ σώματι δυνάσθαι συμβαίνειν, ἃ κω-  
λύειν, ἢ καπορθοῦν, ἐπ' ἀνθρώποις οὐ κεῖται. Συνέ-  
λεγον τοιγαροῦν, τὴν μὲν ἀνθρωπίνην ψυχὴν μόνως,  
τὰ τε αὐτῇ ἔγγυσα ἀροσῆκοντα, δόξαν δηλαδὴ, ὄρε-  
ξιν, ἐκκλίσιν, ἐγ ὅσα ἡμέτερα ἔργα, οὐδ' ἀναγκάζε-  
σθαι δυνατὸν, οὐδ' ἐμποδίζεσθαι· ἢ δὲ τῷ σῶματι  
κλῆρον δελικὸν εἶναι, ἐγ κατώτατον, ὅτι πάρεσι πρὸς  
τὸ τῆς ψυχῆς νόημα, ἐγ τῷ παντὶ τέτω ὑπακούει·  
παρ' οὗ κατ' ἐκάστω ἡμέραν καὶ πληγὰς ἔχει,  
καὶ ἀδικίας ἀδικεῖται. Φαύλα γοῦν ἀνδραπόδε ἐγ  
ἀτίμους ἡμῖν οὕτως ἐπιμελητέον, ὡς παρ' οὐτινᾷ ἀ-  
παιτῶμεν τῆργον, ἐκείνῳ παρέχωμεν τὰ δίκαια·  
ὅπως μὴ χαλεπῶς εἰ ἄγαν ἐγ σκληρῶς αὐτῷ λῶ-  
μεθα, ὑπὸ μύχθῳ ἴσως ἐκλείπη· τούναντίον, εἰ  
λίαν ἐλαττεύει, κατὰπερ ἴππῳ ἀγαλλόμεσθαι.

raliter, tamquam equus ferocitate exsultans, herile imperium omnino contemnat. Nemo autem, nisi a natura doctus, modo & ratione vitam agit: nemo, nisi ex naturæ præscripto, videre potest, quatenus aut corpori indulgendum, aut valetudini serviendum, aut fruendum voluptate sit. Hinc perturbatio vitæ sequitur, & magna confusio, hinc judiciorum summa perversitas: hinc mille morborum genera oriuntur, quæ nec vitare frugalitate, nec tolerare patientia possumus: ut ideo necesse sit, in ægritudine ac metu omne vivendi tempus consumere, plenum stomachi & querelarum. Quod si asoti & libidinosi homines, quum ex intemperantia morbum contraxerint, ad medicorum opem se confugere dicant; putamúsne, sine accuratissima naturæ consideratione, ullam omnino futuram fuisse medicinam? quæ ars non immerito a primis hominibus deorum immortalium inventioni consecrata est: quam si quis perdiscere cupiat, hunc profecto, & ingenii abundantia, (13) & multiplici rerum scientia præstare oportet. Quid est enim tam abstrusum, quid tam densis tenebris a natura ipsa occultatum, quod non assiduo studio, longaue periclitatione medicorum industria patefecerit? Hi vires elementorum, præcipue vero hujus aeris, quem spirando ducimus, hi (14) temporum opportunitates, hi locorum varietates, hi volatilium, terrestrium, fluviatilium, marinarum animantium genera, ex quarum corporibus remedia morbis & vulneribus eligerent, sagacissime sunt persecuti. Horum sollertia herbæ stirpesque



ἀρεστότητι, τὴ δὲ αἰσθητικῆς ἀρχῆς παντελῶς καταφρονῇ.  
 Οὐδείς ὅ, πλὴν εἰ μὴ διδασκόμεθα ὑπὸ τῆ φύσεως,  
 μετὰ ζόπου καὶ λόγου δάσκει τὸ βίον· ἔδειξεν, εἰ μὴ ἐκ  
 φυσικῆς ἐπιπάξεως, ὁρᾶν δυνάται, παρ' ὅσον ἢ τὰ σώ-  
 ματι συγχωρητέον, ἢ τῇ υἰαίᾳ δεκνύμενον, ἢ τῇ ἡ-  
 δονῶν ὑπολαυτέον. Ἐν τούτῳ ἢ τῷ βίῳ ταραχὴ ἔπει-  
 ται, καὶ μεγάλη σύγχυσις, ἐν τούτῳ ἢ τῇ κρείσσων  
 ἔχεται ἀστροφία· ἐν τούτῳ μυρία νόσον ἔδη γίνεται,  
 ἃ μήτε φύγειν δύτελεια, μήτε φέρειν ὑπομονῇ διωά-  
 μεθα· ὥςτε δὴ τὸ ἀνάγκη εἶναι ἐν λύπῃ καὶ φό-  
 βῳ πάντα τὰ ζῆν ἡσόνον ἀναλίσκειν, πλήρη ἀγα-  
 νακτῆσεως καὶ μεμψιμοιείας. Εἴπερ γὰρ οἱ ἄσωτοι καὶ  
 ἀκόλαστοι τῇ ἀνθρώπων, ὅς ἀκρατείας νόσον σωά-  
 ξαντες, πρὸς τὴν τῇ ἰατρῶν ἐπιχειρεῖαν σφὰς καταφύ-  
 γειν λέγονται, ἀράγε λογιζόμεθα, ἂν δὲ ἐπιμελε-  
 σάτης τῇ φύσει σκέψως, τινὰ παντάπασιν μέλλουσαν  
 ἔσεσθαι ἰατρικὴν; ἢ τέχνη ἐκ ἀναξίως τῇ τῇ θείῳ  
 τῇ ἀθανάτων ὀρέσει πρὸς τῇ πάλαι καθερώθῃ·  
 ὡς εἰ τις ἐκμανθάνειν ἐπιθυμῇ, τῆτον, ὡς ἀληθῶς,  
 καὶ δαφιλία δύφειας, καὶ πολυπλασίῳ παραγμάτων  
 ἐπιστήμη καὶ δαφίρειν. Τί γὰρ ἔγω κρυφαῖον, τί πο-  
 σαύτη σκοτίας πυκνότητι ὑπὸ τῇ αὐτῇ φύσεως ἀποκρυ-  
 φθέν, ὃ σωεχὴν πρὸς τῇ, καὶ μακροῖς κινδυνεύμασιν, ἢ  
 τῇ ἰατρῶν ἐκ ἀν δηλώσει φιλοπονία; ἔτοι σοιχείων  
 δυνάμεις, μάλιστα ὅ τῷ ἀέρῳ τέτα, ὅν πνέοντες ἀ-  
 γομῶν, ἔτοι ἡσόνων δυνάμεις, ἔτοι τόπων ποικιλίας,  
 ἔτοι πλυνῶν, ἐπιγείων, ποταμίων, θαλαττίων ζώων  
 γῆν, ὅς ὅν σωμάτων ὅπως ἀν θεραπείας νόσοις καὶ  
 τραύμασιν ἐκλέγοιεν, δεξιῶς μάλιστα διδιδώκασιν. Τέ-  
 των ἀγχινοῖα βοτάναι σωτήριοι καὶ ῥιζοφυτὰ ἐκ μέσης  
 τῇ βλαβεράν καὶ λοιμοδῶν διώκειν καὶ δαφικεχέειν.

pesque salutare a nocentibus & pestiferis distinctæ ac separatæ sunt: multaue ex intimis terræ cavernis in lucem protracta, quæ ad vitam hominum conservandam magnos usus afferrent. Ad hos pertinet admirabilem humani corporis fabricam, ossium commissuras, nervorum implicationem, venarum angustias, viscerum situm figuramque, subtilem denique tanti operis descriptionem attentis oculis perlustrare ac rimari: ut si quid in eo fatiscere, si quid laborare inceperit, medendi ratio certa sit atque explorata. Quibus nobilissimæ artis muneribus doctissimos viros quorum præsentia me recreat atque confirmat, ita fungi videmus, ut per illos plura sint inventa quæ majorum nostrorum temporibus in abdito latere. Si quis autem eos interrogare voluerit, quæ facilior & expeditior declinandi morbi, ac tuendæ valetudinis ratio sit; respondebunt, credo, temperantiæ frenis domitas habere libidines, (15) tenuem victum anteferre copioso, laboris & quietis vicissitudinem probe nosse, ut neutro modus excedatur, angore & sollicitudine vacare: ut liquido appareat, sanitati corporis non parum conducere virtutem. Quemadmodum autem citharædus, nisi contentis ac temperatis fidibus utatur, absurdos elicit sonos; ita, si corpus ægrotet, (16) principem illam hominis partem quam Græci τὸ ὑγεμονικὸν appellant, simul cum corpore hebescere ac debilitari contingit. Quo magis cavendum est, ne aut voluptatibus corrupti, aut nimia etiam animi contentione vexati, in morbos incidamus: fit enim haud raro, ut quidquid immo-

ἢ πολλὰ ἐκ μυχάτων ἄνθρωπων τὴ γῆς παρείληκται,  
 οἷς πρὸς τὸ ζῶν ἀνθρώπων φυλάττει μεγάλα λείπει  
 ἂν εἶναι. Τέτοις προσήκει θαυμαστὸν ἀνθρωπείν σῶμα-  
 τος τέχνημα, ὅσων σωμαφείας, νερῶν ἐμπλοκὴν,  
 φλεβῶν σινοτήτας, ἐντέρων ποποδεσίαν καὶ χῆμα,  
 τὴν λεπτομερῆ τὸ τελευταῖον τηλικύττε ἔργον διαγρα-  
 φὴν προσεχέσιν ὀφθαλμοῖς κατασκοπεῖσθαι καὶ ἰχ-  
 νεύειν. ὥς εἴ τι ἐν αὐτῷ χαίρειν ἢ μοχθεῖν ἀρχη-  
 ται, ἢ τῷ θεραπεύειν ζῴον, βέβαιον ἢ ἀπορήλον  
 εἶναι. Ταῦτα δὲ τὴ δόξησάτης τέχνης ἔργα πρὸς ἑῶν  
 ἰλλογιμωπάτων ἀνδρῶν, ὧν παρσσία ἐγὼ ἀναζωπυρε-  
 μαι ἢ κραταύομαι, ἔτις ἀποτελεῖσθαι ὁρῶμεν, ὥς  
 πολλὰ δύνῃεναι δι' ἐκείνων, ἃ ἐν τοῖς ἑῶν προγόνων  
 λήθοις ἀπόκρυφα λείληθεν. Εἴ τις δὲ αὐτῶν ἐρωτᾷ  
 βέλαιο, τίς ποτε ραϊδίων ἢ ἀποχειρότερον τῷ νόσον  
 ἐκφύγειν ἢ ὑγίαιεν φυλάττειν εἴη ἂν ζῴον, ἀπο-  
 κειθήσονται, ὥς ἡγεῖμαι, τοῖς σωφροσύνῃς χαλινοῖς  
 δεδμημένως ἔχειν πρὸς ἐπιθυμίας, τὴν λεπτὴν τροφὴν  
 τὴ δόξῃ προτιμᾷν, πόνον ἢ ἡσυχίαν ἀμοιβὴν κα-  
 λῶς γινώσκειν, ὥς ἐδιδέρω μέτρον ὑπεραίρεσθαι, ἢ  
 χεῖρας ἢ φροντίδους κενὸν εἶναι. διὰ τῶν φανερόν ἐστι  
 τῇ τῷ σώματι ὑγιείᾳ τὴν ἀρετὴν ἐκ ολίγον συμ-  
 φέρειν. Καθάπερ δὲ καθαρώδης, εἰ μὴ σωματικῆς  
 χορδαῖς ἢ δυνάμεις λήπται, ἀλόγως ἢ χεῖρας ὑπάγει,  
 ἔτις εἰ σῶμα πονήρως ἔχει, τὸ πρῶτον ἐκείνο τῷ  
 ἀνθρώπῳ μέρεν, ὃ ἡγεμονικὸν οἱ ἑλλήνες καλεῖσι,  
 μετὰ τῷ σώματι ἀμβλυεσθαι ἢ ὑπερτινίσεσθαι  
 συμβαίνει. Μάλιστα ἐν ἀλαβητέον μὴ διεφθαρμένοι  
 ταῖς ἡδοναῖς, ἢ συντόνῳ πρὸς κακὰ χεῖροι, ἀπει-  
 πλωμεν νόσοις· γίνεται γὰρ ἐκ ἀσυνείας, ἅπαν ἢ ἀμεί-  
 ζως ὑπεργόμεθα, ἐκείνο εἰς λυμὸν ἢ ὕλεθρον ἡμῖν  
 πέπεισται.



immoderate appetimus, id nobis in pestem perniciemque vertatur. Sed & alia causa est, eaque gravissima, cur ipsis disciplinarum studiis modum aliquem imponere debeamus; ne scilicet hominum curam, quorum commodis amplificandis natura nos genuit, omnino abjecisse videamur. Neque enim (17) in beatorum insulis vitam degimus, ubi necessitate omni soluti, hoc unum propositum habeamus, rerum cognitione frui; quum potius ipsa nos philosophia, humanæque naturæ cognita & perspecta conditio a studiis immoderatis ad tuendam ornandamque civilem societatem revocet quodammodo atque traducat. Enimvero quum ceteri homines aut condendis legibus, aut exercendis judiciis, aut domibus ædificandis, aut agro colendo, aut mercaturis faciendis, utilem reipublicæ operam tribuant; non intelligo cur soli philosopho hæc venia danda sit, ut ad hoc quasi commune convivium sine symbola accedat, fucorumque morem imitetur, qui ipsi otiosi atque inertes, parata ab apibus mella consumere, ac rapto vivere consueverunt. Neque illa tamen a sapientiæ studiosis flagitanda sunt quæ a vulgaribus hominibus facile præstari possunt: (18) quis enim porticibus forum circumdare, aut urbis muros vetustate collapsos reficere cupiens, non architectum potius quam philosophum consulit? sed quorum scientiam profitemur, magna profecto & mirabilia, ea vero in usum civitatis conferamus necesse est. Quod nisi laboris tædio refugerimus; quæ tandem turres, quæ propugnacula firmiorem patriam, contraque hostium impetus

mu-

Ἔτερον δ' αἰτιόν ἐστι, ἡ δὴ μέγιστον, ἐφ' ὅτῳ τοῖς  
 αὐτοῖς ἱστ' μαθημάτων ὑπηρετούμασιν ἔνιον ζόπον ὀ-  
 φείλομεν ὑπενόηται· μὴ δηλονότι, τὸν ἱστ' ἀνθρώ-  
 πων φροντίδα, οἷς τὰ συμφέροντα μεγάλα ποιήσον-  
 τες πεφύκαμεν, παντελῶς ἀποβαλεῖν δοκῶμεν. Οὐ  
 γὰρ ἐν ταῖς ἱστ' μακαρίων νήσοις τ' βίον δαίνομεν,  
 ὅπερ πάσης ἀνάγκης λελυμένοι, τῷτο μόνον ὑποτε-  
 δὲν ἔχωμεν τ' ἱστ' ὄντων γνώσεως ἀπολαύειν· ὅποτε  
 μᾶλλον αὐτῇ φιλοσοφία, ἡ ἀνθρωπεία φύσεως ἐγνω-  
 σμήν· καὶ δεδοκιμασμένη· ὁ κληρὸς ὅς ἀμέζων  
 ὑπηρετούμάτων πρὸς τὸ σῶζειν ἡ κοσμεῖν τὸν πολιτι-  
 κὸν κοινωνίαν, ἡμᾶς ἀνακαλεῖ τῖνα ζόπον ἡ μετὰ-  
 γει. Ἀλλὰ μὲν ἱστ' λοιπῶν ἀνθρώπων ἢ ἱστ' νομοθε-  
 τεῖν νόμους, ἢ δίκας δικάζειν, ἢ οἰκοδομήματα κα-  
 τασκευάζειν, ἢ ἀγρὸς γεωργεῖν, ἢ ἐμπορεύεσθαι ἡ  
 καπηλεύειν, ὠφέλιμον ἔργον τῇ πολιτείᾳ διακονέν-  
 των, ἢ σωτήριον τίνος· ἐνεκα μόνους τοῖς φιλοσόφοις ἔ-  
 σίαν ἔχειν προσήκει, πρὸς τῷτο δηλονότι ὡς πρὸς  
 κοινὸν συμπόσιον ἀσυμβόλως παρὰ γίνεσθαι, κηλεύων  
 ἔσθ' μιμησμένους, οἳ ἀτέχνους ἡ ἀπαράγμονες, τὸ ταῖς  
 μελίτταις παρὰ σκευασμένων μέλι διαπαντᾶν, ἡ ἀφ'  
 ἀρπαγμῶς ζῆν εἰώτασι. Μὴδ' ὅμως ὑξαιτητέον τὴς  
 φιλοσοφίας τὰ παρὰ τ' τυχόντων ραδίως ὑπετελεῖσθαι δυ-  
 νάμεθα· τίς γὰρ ἀπειβάλλειν τῇ ἀγορᾷ σοᾶς, ἢ τὰ τ'  
 πόλεως τείχη δι' ἀρχαιότητα συμπεπληκῶτα ὑξαρτίζειν  
 ὑπεθυμῶν, ἢ ἀρχιτέκτονι μᾶλλον, ἢ φιλοσόφῳ παρὰ τῶν  
 συμβέλλω λήσεται; ἀλλ' ὧν τ' ὑπερήμεν ἐπαγγελλό-  
 μεθα, μεγάλα δὴ καὶ θαυμαστά, τῇ τ' πόλεως  
 λείᾳ ὑπεφέρειν ἡμᾶς ἀνάγκη. Ὅπερ εἰ μὴ δὲ ρα-  
 θυμίαν, ἢ πόνος μῖσθ' ἀποπροσιάσωμεν, τίνες ποτε  
 πύργοι, τίνες ἀροβολαὶ βεβαιοτέρην τὸν πατείδα,  
 καὶ πῖ

munitiorem efficient, quam civium animi sapientiae præceptis ad honestatem, fortitudinemque excitati? Quæ porro signa, quæ tabulæ pictæ eum templis basilicisque nitorem atque ornatum addent, qui cum adolescentium verecundia, cum virorum fide ac probitate, cum senum consiliis & gravitate, quæ omnia ex uberrimo philosophiæ fonte petuntur, ulla ex parte comparari mereatur? Hinc enim pietas in superos initium sumit, cognita eorum providentia, quæ in rerum cælestium sempiterno ordine, ac totius mundi gubernatione maxime elucet: ex pietate autem justitia oritur, in qua præcipue civium salus, & reipublicæ summa consistit. Hinc & casuum humanorum despicientia efflorescit, quum perspexerimus & præsentis vitæ brevitatem, & futuræ æternitatem: ut contra fortunæ vim semper armati, nulloque metu perculsi, æquo animo feramus adversa; imminutaque re familiari, nihil damni nos fecisse arbitremur si unam virtutem obtinuerimus. Quapropter verisimillimum judico id quod historiarum monumentis celebratur: Philosophos nimirum, qui tum Sapientes appellabantur, priscis hominibus auctores fuisse, ut silvis montibusque relictis, in quibus olim dispersi ac dissipati, bestiarum more, vagabantur, domiciliis primo, deinde conjugis, tum legum & disciplinæ communi-  
one alter alteri jungerentur. Quo saluberrimo, planeque divino instituto ardores libidinum repressi, certisque finibus constricti & cohibiti sunt, quos transire homines sine immani scelere non possent. (19) Tunc a matrum fororumque concubitu



καὶ πὶ ἤβῃ πολεμικῶν ὑπδρομῶν ὀχυρωτέραν ποιήσου-  
 σιν, ἢ πολιτῆς ψυχὰς σοφίας παρὰ γυμνασίου πρὸς  
 καλοκαγαθίαν, καὶ ἀνδρείαν ἐγνηγευμένη; τίνα δ' ἀ-  
 γάλατα, τίνα ζωγραφήματα ποσῶντι λαμπρότη-  
 τα καὶ κόσμῳ τοῖς ἱεροῖς καὶ ταῖς βασιλικαῖς πε-  
 ρύχῃ, ἢ ἂν τῇ μερακίῳ αἰδοῖ, τῇ ἀνδρῶν πίστει  
 καὶ ἁγιότητι, ταῖς γερόντων βελαῖς καὶ σεμνότητι,  
 ὧν πάντων ὁπορώμεθα πηγὴ ἐς φιλοσοφίαν, μέρο-  
 τι ἀντιπαρβαλλέσθαι ἄξιόν ἐστι; Ἐν τούτῳ γὰρ ἡ  
 εὐσέβεια πρὸς τὸ θεῖον ἀπάρχεται, ἀνορίας ἐκείνης  
 ἐγνωσμένης, ἢ δὴ ἐν τῇ ἡβῇ ἐρανίων αἰωνίῳ τάξει,  
 καὶ τῷ παντὶ διοικήσει μάλιστα ὁρατάται· ὅς εὐσε-  
 βείας δ' γίνεται δικαιοσύνη, ἢ ὑπαίρετος ἢ τῇ πολι-  
 τῇ σωτηρία, καὶ τῇ πολιτείᾳ τὸ κεφάλαιον ἐφίσταται.  
 Ἐν τούτῳ ἡ ἡβῇ τοῖς ἀνθρώποις συμβαινόντων κατα-  
 φρόνησις ἐπανδρεῖ, ἐπὶ ἡδὴ δῶκεν δηλονότι καὶ τῇ  
 παρέσσης ζωῆς βραχύτητα, καὶ τῇ ἐσομένης αἰδιότη-  
 τα, ὡς ὑπὲρ βίας τῇ τύχῃ πάντα ἁρμόνιον ὀπλισμένοι,  
 ἐκ δὲ νῦν φοβερῶς ἐκπλαγύτες, ἀνεκτὸς φέρωμεν ἀτυ-  
 χίας, ἡλαττομεν δ' ἡβῇ κτηματῆς, ἐδεμίαν βλάβ-  
 ῆν ἔχειν οἴομεθα, εἰ μόνῃς κρατήσομεν ἀρετῇ. Διό-  
 περ πιθανώτατον ἡγεῖμαι τὸ ἐν ἰσοειῶν μνήματι θρυλ-  
 λέμενον, τὸς φιλοσόφους δηλαδὴ, οἳ τότε σοφοὶ προ-  
 σηγοῦντο, τοῖς πάσαις αἰτίαις καὶ συμβέβαις γεγο-  
 νέναι, τῷ ὕλῃ καὶ ὕρῃ ἐκλιπῆσιν, ἐν οἷς ποτὲ διε-  
 σπαρμένοι καὶ διεσκεδασμένοι, θνητῶν δίκῃ, περὶφε-  
 ροντο, οἰκῆμασι τὸ πρῶτον, μετὰ ταῦτα γάμοις, τὸ  
 τελευτάειον καὶ νόμων παιδείας τε κοινωνίᾳ, ἀλλήλοις  
 συνάπτεσθαι. Ὡς σωτηριώδεις, καὶ πάντῃ θεῷ παιδεύ-  
 ματι, τὰ ἡβῇ ὑπὸ θυμῶν καύματα κατακεκράτηται,  
 καὶ τέρμασιν ἀκείβησι συνέσφαλται, καὶ συνδέεται· ὅ

παρὰ

cubitu abstineri cœptum : ut videlicet quædam personarum sanctitas esset, ac (20) societatis caritas plures familias complecteretur. Tunc nuptiis legitima ætas præfinita, ne adolescentes, antequam ipsi corporis maturitatem adepti essent, de uxore ducenda cogitarent; neve puellæ nondum adultæ matresfamilias fieri cuperent: quod nisi legibus cautum foret, procliviores homines ad concubitum evaderent, cui nimis tempori assuevissent, infirmioresque liberos ex se procrearent. (21) Illud quoque a sapientibus monitum video, quod utinam consuetudo suscepisset; Non id solum in conjugiiis spectandum esse ut dotatae mulieres ex opulentis domibus eligantur, sed potius optimis moribus imbutæ, curaque parentum ad pudicitiam pudoremque informatæ, nulloque corporis vitio insignes; quod qui negligunt propter divitiarum cupiditatem, & minus morigeris uxoribus utuntur, & male profecto consulunt posteritati: quum enim plerumque contingat, matrum similes nasci filios, civibus quidem respublica quotidie augetur, sed iis sæpe mancis, debilibus, mente captis, corpore demum atque animo distortissimis. Neque vero satis esse crediderim, vacuas urbes cœtu ac multitudine hominum frequentare; nisi & mansuetissimos, & probos, & diis nominibusque acceptos nostro e semine supeditare studeamus. Ut enim per invias desertasque solitudines quis iter facere malit, quam per culta quidem loca, sed feris latronibusque infesta; sic & urbibus florentissimis, quas malorum scelesti & insidiæ compleant, ruris vastitas ac tranquill-

παθαβαίνειν ἄνθρωποι ἄνδρ' ἀπηνεῖς ἀδικήματ'· ἐκ  
 ἂν δύναιτο . Τότε τ' σὺ μὴξάσι καὶ ἀδελφαῖς ἐπι-  
 μιζέως ἀπέχεσθαι ἤρξαντο, ὡς εἶναι δηλαδὴ τινα ἔξ  
 προσώπων ὁσιότητα, καὶ τὰ τ' κοινωνίας φιλοσόργον  
 πλείους οἰκίας ἀειχεσθαι . Τότε γάμοις νόμιμον ἡ-  
 λικίαν προαείζοντο, μὴ νεανίσκοι πρὶν αὐτὰς τῆς ὡ-  
 ραιότητ' τῆς σώματ' ἐπιτυχεῖν, δξανόσειαν γυναι-  
 κα λαβεῖν· καὶ μὴ κόραι ἔπω ἀκμάζουσαι οἰκοδεσπο-  
 νῶν ἀξίωμα ταχέως ἀπαιτῆσαι . Καλὴ δ' αὖτε τις  
 νόμων δὺλάβεια· φυλάττονται γὰρ ἕως ἄνθρωποι πρὸς  
 σωσσίαν ἀποκλίνειν, σφόδρα δὲκαίρως πρὸς αὐτῶν ἐ-  
 ριζόμενοι, καὶ ἀδυνεσέρεις παῖδας ὡς αὐτοῖς ποιῆ-  
 σθαι . Καὶ πρὸς τέτοις ἐκείνο παρὰ τῶν σοφῶν οἶδα  
 παραινέμενον, ὅπερ εἶδε δέξαιτ' ἂν τὸ ἐστ'· ἐκ ἐκεί-  
 νῳ μόνῳ προσεκτεῖον εἰ γάμοις, ἐπιπροίκες γυναικας  
 ἐκ πολυλθρημάτων οἰκιῶν ἐκλέγεσθαι, ἀλλὰ μᾶλλον  
 βελτίους ζώοντας πεπαιδευμένας, καὶ τῇ τ' γυμνασίᾳ  
 φροντίδι πρὸς ἀγνείαν καὶ σεμνότητα ὑποτυπωθεῖ-  
 σας, ἥ ἑδὲ μὲν ἐπισημὰς τῆς σώματ' κακίας· ἢ πα-  
 ραμελῶντες ὅλα λθρημάτων ἐπιθυμίαν, καὶ ἐκ ὑπηρεσίαις  
 λθῶνται ταῖς γυναιξὶ, καὶ τῶ μέλλοντ' λθόνε ἥκιστα  
 πρὸνοιαν ποιῶσιν· ἐπειδὴ γὰρ ὡς πὰ πολλὰ συμβαίνει,  
 ἔξ μνηστέρων ὁμοίως τίνεσθαι τὰς παῖδας, πολίταις  
 μὲν καθ' ἡμέραν ἡ πόλις αὖξεται, πηροῖς δ' ἐκείνοις  
 ἐπὶ τὸ πλεῖστον, ἀδυνεσεί, φρενολήπτοις, τὸ τελευ-  
 ταῖον σώματι καὶ διανοίᾳ μάλιστα διεσπαραμμένους .  
 Οὐδὲ μὲν ἀπολλύειν ἂν πισδύσεια ταῖς τ' πόλεων κε-  
 ναῖς ὁμηγύρεως καὶ πλήθους ἀνθρώπων ἡμᾶς θαμίζεν·  
 εἰ μὴ καὶ ἡμερωπάτας, καὶ ληστὰς, καὶ θεοῖς ἀνθρώποις  
 τε δεκτὰς ὡς ἡμετέρους σπέρματ' ἐκποεῖζεν ἐπιτη-  
 δωόμεθα . Ὡς γὰρ δι' ἀνύδων καὶ ἀπολεφθευσῶν ἐρη-  
 μιῶν τις ὁδοιπορεῖν προαιρεῖται, ἢ ὅλα μὲν εἰργασ-  
 μένων



quillitas longe præponenda est. Quid nunc de amicitia loquar? cui secundum propinquorum caritatem veteres physici honoris plurimum tribuere. Hanc (22) Epicurus ipse; cuius illa fertur philosopho indigna vox, Se nisi voluptatis causa, ne digitum quidem fuisse versurum; ita naturæ hominis accommodatam existimavit, ut sine ipsa minus tutam, minusque jucundam vitam fore, prædicaret. At hic quidem amicitiae præsidio voluptatem, quam dies noctesque venabatur, se facilius affecuturum speravit. Oportet autem rem tam eximiam, tam sanctam, tam humano generi salutarem, non quæstu nostro, aut delectatione, sed sua ipsius pulchritudine ac dignitate metiri; ne amicis sceneratoris animo beneficia largiamur, vel eos colamus ut prædia, quorum expetere solemus fertilitatem. Præterea ita nos comparare debemus, ut omnibus quicumque hominis figuram vultumque præferant, quantum in nobis est, bene consultum velimus, nihilque humani a nobis alienum putemus: est enim unicuique nostrum (23) animus ex mente divina acceptus, corpusque simili ex materia concretum: (24) neque nobilium atque servorum alia natura est: neque magistratus, aut potentia, aut exaggeratæ opes, aut litterarum armorumque gloria quidquam in homine mutat, vel de communi mortalitate quemquam eximere potest. (25) Quid est enim turpius, quid scelestius, rogo vos, Auditores, quam quis eruditione ac sapientia reliquis præstet, quam imperitos homines, arctissimo secum naturæ vinculo consociatos, perpetuo in erroribus

μύων τόπων, ἀλλὰ ὃ πᾶσι θεία ἐν λησῶν ὀχλη-  
 ρῶν· ἔγω ἐν πόλεων ὑξαιρέτως ἀνδρῶν, ἀλλὰ μεσῶν  
 ἐπιβελῆς καὶ κακουργημάτων, ἢ τὰ ἀρεῶν ἐρημίαν τε  
 καὶ ἡσυχίαν οἱ φρονέοντες πολλῶν ἀποκείνουνσι. Τί νῦν  
 δ' εἶπω περὶ φιλίας; ἢ μετὰ ἢ ἱπὶ συγγενῶν ἀγά-  
 πην οἱ πάσαι ἱπὶ φυσικῶν πλείεσσιν τιμῶν ἀπείκει-  
 μαν. Ταύτῃ αὐτὸς ὁ Εὐπίκρου· ἔστιν ἐκείνη φέ-  
 ρεται φιλοσόφῳ αἰδρὺς αἰάξι· φωνή, οἱ πλεὺς ἡδονῆς  
 εἶνεκα, ἐδ' ἢ δάκτυλον μελίσσεται σρέφειν· ἔγω τῇ  
 τῷ ἀνθρώπῳ φύσει ταύτῃ ἐπιτήδειον ἐνόμισε ἐν ἰκα-  
 νῶν, ὥς αὐτῆς ἀνελομῆς, ἦτον ἀσφαλῆ, ἐν ἦ-  
 τον ἡδὺν ἢ βίον ἀνγορεύετο. Καὶ ἔτ' μὲν τὴν φιλίαν  
 συμπαρτέσης, ἡλπιε τὴν ἡδονῆς, καὶ ἡμέρας ἐν νυ-  
 κτὸς ἐθροῦετο, τούξεσθαι μηδενὶ πόνῳ. Χρὴ ὃ ἀργ-  
 μα ἔως ὑπέρχον, ἔως ἄγιον, ἔγω γένει ἱπὶ ἀνθρώ-  
 πων σωτήριον, ἐχ' ἡμετέρῳ κέρδει, ἐδ' τέρπει κα-  
 ταμεξῆν, ἀλλ' ὡς κάλλει ἐν ἀξιώματι· μὴ τοῖς  
 φίλοις γνώμη δανεισῇ τὰς δειργείας χαριζόμεθα,  
 ἢ αὐτὸς γεωργῶμεν κατὰ πῦρ καὶ χεῖρα, ὦν τὴν πο-  
 λυφειῶν ἐπιθυμεῖν εἴδομεν. Πρὸς τούτοις, ἡμᾶς  
 αὐτὸς ἔγω πᾶσι σκευάζειν ὀφείλομεν, ὥς πάντων οἷτι-  
 νες ἀνθρώπῳ μορφῇ ἐν βλέμμα ἀποφύεσιν, ὅσον ἐφ'  
 ἡμῖν, ἐδ' ἐπιμελεῖσθαι βελάμεθα· ἔστι γὰρ ἐν ἐκά-  
 στῳ ἡμῶν ψυχὴ μὲν ἐκ νῦν θεία ληφθεῖσα, σῶμα δ'  
 οὗ ὁμοίαν ὕλης συμπαγῆ· ἐδ' ὁλβίων καὶ δόλων  
 φύσις ἄλλη· ἐδ' τὸ ἀρῆεν, ἢ πολλὰ δύνασθαι, ἢ λη-  
 μάτων σωρὸν συναγαγεῖν, ἢ χραμμάτων καὶ ὀπλων  
 δύξα μεταβάλλει τι ἐν ἀνθρώπῳ, ἢ τὴν τῷ θανάτῳ  
 κοινωνίας ὑξαιρέτον τινα ποιεῖν δύναιται. Τί γὰρ αἰ-  
 χιον, τί πονηρότερον, ὑμῶν δεομαι, ὧς ἄνδρες ἀκροα-  
 τὰι, ἢ πᾶσι τινὲς παιδεία ἐν σοφίᾳ ἱπὶ ἄλλων διε-  
 νεγχόντ', ἀπείρους ἀνθρώπους, μετ' ὡς σενωπάτῳ

roribus versari finire, neque illos consilio juvare, aut virtutis viam docere, quum possit? quid vero tam absurdum, quam & ipsorum vitia acerbius insectari? quæ fortasse miseri declinarent, nisi veritatis ignoratio omne rerum discrimen ex eorum judiciis sustulisset. (26) Timonis igitur, (27) & Cyclopum valde reprehendenda ratio est, quos hominum generi omnino iratos, atque a civili consuetudine abhorrentes, in agris ac speluncis vixisse, accepimus: ita vero humanitatis oblitos, ut neque hospitii jura nossent, nec ullis egentium calamitatibus a suo negotio agendo umquam dimoverentur. Horum similes nonnulli e numero philosophorum mihi videri solent, qui dulcedine contemplationis abrepti, omnia humana se negligere, dictitant: ne exitio quidem patriæ, ut de Archimede illo a scriptoribus proditum est, jucundissima studia relicturi. Quod quum Socrates, oraculi sententia mortalium sapientissimus judicatus, diligenter animadvertisset, philosophiam primus e cælo deduxit, hominumque cœtibus deinceps interesse voluit, ac de justitia potissimum disceptare: (28) credo, non quod Physicam improbaret, quam & ipse, ab Anaxagora doctus, non mediocriter excoluerat, sed quod eam ad publicas utilitates præcipue referri debere, contenderet. Hoc igitur unice spectemus qui rerum naturam scrutamur, huc nostra consilia omnia cogitationesque dirigamus, ut beneficentia adversus homines, Deum Optimum Maximum, quocumque modo possumus, imitemur; qui, quum ei beatissimo esse liceret, nulla etiam rerum ad-

mini-



φύσεως δεσμῷ συνδεθείας, εἰ σφάλμασιν αἰὲν ἔλαττον  
 βεῖν ἔαται, ἐδ' αὐτὸν ἐκείνοις βελεία βοηθεῖν, ἐδ'  
 ἀρετῆς ὁδὸν δεικνύειν, διωάμενον ὄντα; τί δ' ἔτις ἄ-  
 ποπον, ὡς ἢ πὰς αὐτῷ κακίας πικρότερον καταδιώ-  
 κειν; ἀφ' ὧν ὕψι κλινον αὖ οἱ δυσυχεῖς, εἰ μὴ τ' ἀ-  
 ληθείας ἄγνοια πᾶσαν ἢ ἱπ' παραγμάτων διαφορὰν  
 ἐκ ἱπ' κείσεων ἱπ' αὐτῷ ἀνέλοιτο. Τίμων δ' ἔν, ἢ  
 Κυκλώπων ἔθ' μάλα ψεκτεῖον, ἔς τὸς αὐτῶν  
 πων γυῖον παντελῶς χαλεπαίνοντας, ἢ πολιτικῶν  
 σωφθιαν μυσατομῆρες, εἰ ἀρετοῖς ἢ ἀπηναικῶν βιω-  
 σαι, πῶς ἱπ' μύθων ἠκέσασθαι. ἔτι δ' φιλανθρω-  
 πίας ἐπιλεηλομῆρες, ὥς ἐδὲ πὰ τ' ἐξουίας δίκαια  
 διεγίνωσκον, ἢ ἐδεμῖα τινι ἱπ' ἀπορέντων συμφορᾷ  
 ἐκ τῶ πὰ ἰδὲ τῶν ἀτάττειν διεκινῶντο. Τέτων ὅμοιοι τι-  
 νες ἱπ' φιλοσόφων ἐμοὶ δοκεῖν εἰώθασιν, οἱ γλυκύτη-  
 τι θεωρίας ἀφαρπαδύντες, πάντων αὐτῶν ὀλι-  
 γώρως ἔχεν πολλάκις λέγεσιν, ἐδ' τ' πατεῖδ' ὁ-  
 λείθρῳ, πὰ ἠδὲ ἱπ' ἐπιτηδολμάτων ὑπολείψεται,  
 ὡς πᾶν Ἀρχιμήδης ἐκείνῃς ἐν ἰσορείαις γέγραπται. Οἱ-  
 περ Σωκράτης ὁ Σωφρονίσκος, τῇ τῶ μαντεῖς ψήφῳ  
 ἱπ' θνητῶν ὁ σοφώτατος δικάσει, ἀκρεβῶς αἰδανό-  
 μενος, φιλοσοφίαν ἀρῶντος ὕψι οὐρανοῦ κατήγαγε,  
 καὶ τ' ἱπ' ἀνθρώπων ὁμιλίαις ἔπειτα παρῆναι ἐβέ-  
 ληθη, ἢ πᾶν δικαιοσύνης μάλιστα ἐλαττεῖσθαι. ἢ  
 γοῦμαι, οὐχ' ὅτι φυσικῶν ὑπερφανίζεν, ἢ καὶ αὐτὸς  
 ὑπ' Ἀναξαγόρου πεπαιδευμένον οὐ μετερείως ὑπεργά-  
 ζετο. ἀλλ' ὅτι τὸς πὰ τῇ πόλει ὠφέλιμα ἐκείνῳ  
 αἰαφέρεισθαι δεῖν ἐνόμιζε. Τοιγαροῦν τῶτο σκοπῶμεν  
 ὕψι οἱ ἱπ' ὄντων τῶν φύσιν διερευνῶντες, τὸς  
 τῶτο πὰς ἡμετέρας βελείας ἢ ἐλαττοῖας διδιδύμεμεν,  
 ὡς τῇ τὸς αὐτῶν δειγνείᾳ τ' Θεόν τ' αἰετον  
 ἢ μέγιστον μιμῶμεθα, ὡς μακάρεώτατος εἶναι διωά-  
 μενος

ministracione suscepta ( omnia enim bona in se continet præcellens illa ac divina natura ) mundum tamen condere, hominesque fingere, in animum induxit, ne deessent scilicet in quos largus & liberalis esse posset. Hujus autem primæ rerum omnium, æternæ, immutabilis, ac præpotentis causæ notitia, hominis felicitas præcipue continetur. Si quis enim illi, cui maria terræque obediunt, se omnino ducendum regendumque permiserit, in ejusque providentia facillime acquieverit, hunc semper hilarem, semper voti compotem vivere, hunc nullis adversis frangi, nullo metu conturbari, nihil agere invito animo, numquam de fortuna queri, necesse est. Nam quum illud semel tenuerimus, A Deo res humanas curari, ipsumque hominum justitia ac recte factis maximopere delectari; & studiosius virtuti operam dabimus, & si quæ perpeßu aspera nobis acciderint, ea moderate feremus, neque continuo nos in summis malis esse putabimus. Quis autem, nisi stultissimus, quum improbos & sceleratos homines copiis omnibus circumfluere interdum aspiciat, bonos contra paupertate, exilio, ignominia premi, hoc temere fieri existimet, Deumque negligentiam, aut etiam iniquitatis accuset, quæ vitia in eum cadere nullo modo possunt; ac non potius, cur tale aliquid eveniat, altiorem subesse causam, suspicetur? Quod si nos homunculos humi stratos, in divina consilia curiosius inquirere liceat; sapientissimum illum mundi rectorem, quum pios variis calamitatum generibus exercet, id agere intelligemus, ut eorum

μηδ', καίπερ οὐδεμίαν ἔξ' ὄντων διοίκησιν ὑποδέ-  
ξαιτο ἂν ( πάντα γὰρ τὰ γὰρ δὲ ἐν αὐτῇ περιέχει ἢ  
διαφέρεισα ἐκείνη φύσις, ἢ θεῖα ) κόσμον κτίζειν,  
κἀνθρώπους δημιουργεῖν εἰς νοῦν ἐνεβάλετο· ἡγούμεαι,  
ἵνα μὴ ἐκλείπωσιν, πρὸς ἕς διαφιλήσῃ ἂν εἶη.

Τῇ ταύτης ὁ πρώτης πάντων ἔξ' ὄντων, αἰώνις,  
ἀμεταβόλῃς, ἢ μέγα δυναμικῆς αἰτίας γνώσει, ἢ τῷ  
ἄνθρωπος δαίμονι μάλιστα περιέχεται. Εἴ τις γὰρ  
ἑαυτὸν τῇ γῆς ἢ θαλάττης κρατῶντι παντελῶς ἄγεσθαι  
ἢ διδωμένῳ ὑπαρξέειν, ἢ τῇ αὐτῇ φρονείᾳ μάλα  
προθύμως ἐφυσυχάσῃ, τῶν αἰεὶ παιδρὸν, αἰεὶ κατὰ-  
τυχόντα δάγειν, τῶν οὐδεμίαις θαλάσσεια δυσπρα-  
ξίαις, οὐδενὶ φόβῳ παράττεσθαι, οὐδὲ ἄκοντα ποιεῖν,  
οὐδέποτε μέμφεσθαι τὴν τύχην, πᾶσα ἀνάγκη. Καὶ  
γὰρ ἡμεῖς ἐκείνῳ ποτε διδαχθέντες, Θεὸν φροντίζειν  
τὰ ἔξ' ἀνθρώπων, καὶ ταῖς δικαιοσύναις τὴν ἡμετέραν  
ἢ κατορθώματα πλείους παρέχειν ἡδονῇ, ἢ μάλα  
συνδύομεν τὴν ἀρετῆς, ἢ ἐπ' αὐτὴν συμβῇ τὰ δυσφύρη-  
τα, αὐτὰ οἴσομεν δεινόνως, οὐδ' παραυτίκα ἐν τοῖς  
ἐχάτοις ἔξ' ἀνθρώπων εἶναι ὑποληψόμεθα. Τίς δ' ἂν,  
πλὴν εἰ μὴ τις ἀνόητος, πονηροὺς μὴ ἢ μιαινοὺς  
ἀνθρώπους πάντων λημάτων ὀλοεῖν ἐναλλάξ βλέ-  
πων, ἀγαθοὺς δὲ πενίᾳ, ὑποεισμῷ, ἀτιμίᾳ πείζε-  
σθαι, τῶν εἰκὴ συμβαίνειν νομίσει, ἢ τὸ Θεὸν εἰς  
δίκην ἐπάξειν ἀμελείας, ἢ ἢ ἀδικίας, αὐτὸν κα-  
κίαι εἰς αὐτὸν πίπτειν δυνάμει οὐδαμῶς; ἀλλ' οὐ  
μᾶλλον, τίνοις ὅτι καὶ τοιαῦτα ἐσμὲν πεπονδότες,  
βάθυον αἴτιον ὑπείναι ὑποπείσομεν. Εἰ δ' ἡμῖν ἀν-  
θρωπίστοις χαμαιπετέσι, πᾶσι τῷ Θεῷ βελᾶς μετ'  
ἐπιμελείας ἔξῃ διεδιδόντων, ἔξ' αὐτῶν παντὸς ἐκείνων σο-  
φώτατον κυβερνήτην, ἐν ποικίλῳ συμφορῶν γένει τὸς  
ἀσεβεῖς ἀσκοῦντα νοήσομεν, ὥς πᾶσι αὐτοῖς ψυχὰς ἔξ'



rum animos a corporeis voluptatibus, brutæque materiæ contagione paullatim avocet, terrenaque omnia despiciere doceat: qua certissima nempe via mens hominis ad veri contemplationem erigi solet. Secundis enim rebus plerumque luxuria diffluimus, & sensuum appetitionibus indulgemus: quorum blanditiis, tamquam Circæo aliquo poculo, deliniti, humana specie ferarum gerimus immanitatem. Quid ego nunc amatores commemorem? quid somno deditos? quid epulis saginatos? quid vino lustrisque confectos? nonne hi omnes peccandi facultatem, fructum divitiarum putant? nonne omnes a disciplinarum studiis vehementer abhorrent? nonne omnes partem hominis optimam ita ad terram deprimunt, ut de sua dignitate tuenda ne cogitare quidem possit? Quum igitur calamitates accipimus, tunc præclare nobiscum agi, nosque a Deo diligere, arbitremur: ut enim adolescentulis ætatis vitio ferocioribus custodem aliquem, aut pædagogum præficimus, qui eos a petulantia deterreat, instituat ad verecundiam; (29) eodem pacto Dei sapientia, quos diligit carosque habet, illos adversæ fortunæ erudiendos sæpius committit, qua duce voluptatum illecebras fugiant, rerumque sublimium cognitionem acerrime persequantur. Nec vero existimandum est, quod vulgi delicias oblectationesque aspernetur, magnis iccirco & solidis gaudiis vitam carere sapientis: nec gurgis ille Gallonius, (30) in quem Lucilius invehitur, tantam ex decumano acipensere, aut squilla jucunditatem capiebat, quanta a philosophis & mathematicis

σωματικῶν ἡδονῶν, ἢ συναφείας ὕλης ἀναισθητῆ κα-  
τὰ μικρὸν ὑποβέβη, ἢ πάντων γνῶνων καταφρανεῖν  
διδάξῃ· αὕτη γὰρ ὁδὸς βεβαιωτέτη, δι' ἧς ἢ τῷ ἀνθρώ-  
πῳ δόξοια πρὸς ἀληθείας θεωρησιν ὡς ἐπὶ τὸ πολὺ  
ξυνανίσησι. Πραγμάτων γὰρ ὁρωσάντων πολλάκις ἀ-  
σφαλόμεθα, ἢ αἰσθήσεων ἐπιθυμίας χερειζόμεθα·  
ὧν τῇ κολακείᾳ, καθάπερ Κιρκαίῳ τινὶ ἐκπώμα-  
τι, θελχθεῖτες, θνητῶν ὁμότητα ὑποφερόμεν ἀν-  
θρώπου μορφῇ. Τί ἐγὼ νῦν ἐρασᾶς ὑπομιμνήσκω;  
τί ἐκδοθέντας ὑπὸ γῆς; τί βρώμασι σιτιδέντας; τί μέ-  
θη ἢ πορνείῳις τεξυχωμένους; ἢ οὐχ' οὗτοι πάντες  
τὸν τῷ ἀμαρτάνειν δυνάμιν πλούτε καρπὸν ἡγούνται;  
ἢ οὐ πάντες παιδείας ἐπιτηδεύματα σφόδρα μυσάτ-  
ονται; ἢ οὐ πάντες τὸ αἰεσον τῷ ἀνθρώπῳ μέρ-  
οῦτω πρὸς γλῶσσαι πεπεισῶσιν, ὡς οὐδ' φυλάττειν τὸ ἀπὲρ  
ἀξίωμα δύνηται ἐπινοεῖσθαι; Ὅτε γοῦν πάχομεν ἀ-  
τυχίας, τότε ἡμᾶς κάλλιστα ἔχειν, ἢ πρὸς Θεοῦ  
ἀγαπᾶσθαι ἠγώμεθα· καθάπερ γὰρ ἐπὶ τοῖς νεανί-  
σχοις δὲ τὸν ἡλικίαν θνητωδετέροις τινὰ φύλακα ἢ  
παιδαγωγὸν καθισθῶμεν, ὅς αὐτὸς ὑβρεως μὲν ἂν ἀ-  
πείργῃ, παιδεύῃ δ' αἰχμύλῳ· οὕτως ἢ τῷ Θεῷ σοφία  
τῆς αὐτῆς ἀγαπομενῆς δυσυχίας παιδεύσαι πλεονά-  
κεις ἐπιβέβη, αἷς ὁδηγοῖς πὰρ ἑβ' ἡδονῶν θέλγητρα  
φύγῳσιν ἂν, ἢ μετεώρων ἢ ὑψηλῶν σμύεσιν ἡλαπύ-  
ρως ἐπιδιώκωσιν. Οὕτε μὲν αἰντέον, ἐπεὶπερ ὁ σο-  
φὸς ἰδιωτικῆς βουφῆς ἢ τέρψεων καταφρονεῖ, δὲ τῷ  
μεγάλων αὐτὸν ἢ ὁλοκλήρων χαρμάτων δεῖσθαι· οὐτ'  
ἐκεῖν· Γαλλῶνι· ὁ ὑπὸ ἑβ' Ῥωμαίων Γούργης κλη-  
θεῖς, εἰς ὃν Λεγκίλλι· ἐμβάλλεται, ἐκ πελωρεῖς  
ἔλλοπ· ἢ σκίλλης ποσαύτῳ ἐλάμβανε τερπνότητα,  
ὅση ἐκ δεξιότητ· ὁψυίας, ἢ ἐρμηνείας φύσεως,  
πρὸς ἑβ' φιλοσόφων ἢ μαθηματικῶν συλλέγεται.

ex ingenii sollertia, naturæque explicatione percipitur. Quæ porro spectacula, quæ pompæ, qui ludi, qui festi dies, cum cæli ac siderum suavissimo aspectu conferri possunt, modo ad hæc contemplanda eruditos oculos afferamus? Qua lætitia eum affici necesse est qui se humilibus curis magis magisque in dies expediri, & cum divina mente conjungi sentiat? huic certe nec damna rei familiaris, neque inimicorum calumniæ, neque dolor corporis constantiam adimere, aut ulla ex parte nocere possunt. Citeriora hæc sunt; neque ad animi arcem undique munitam suos impetus perferunt. At, credo, mors ipsa appropinquans hujusmodi hominem terrore concutiet, deque statu tranquillitatis tumultuantem dejiciet. An mori philosophus miserum ducat, cui tota anteacta vita commentatio mortis fuerit? Quid enim est, quæso, mentem, oculos, manus, reliquos sensus habere abstinentes, quid cupiditates numquam explere, quid a propinquorum, amicorumque consuetudine sæpius abesse, mundique immensitatem peregrinari, quam tantisper animum a corpore sejungere; ne, quum extremus advenerit vitæ dies, magnis quibusdam se spoliari bonis, queratur, quod ab hac turba & coluvione discedat, sed potius gaudeat e custodia corporis liberari? Et sane stultissimus quisque, quum sibi paullo post moriendum esse cognoverit, deorum hominumque fidem implorat, fortunamque suam turpissime lamentatur: fert enim ægerrime, se ab uxoris liberorumque complexu avelli, doletque prædiorum & pecuniarum amissionem:



Πολλῶν δ' ἐνόντων εἰπεῖν, αἱ ἥψ' ὁραμάτων ἐπιδεί-  
 ξεις, αἱ πομπαί, οἱ ἀγῶνες καὶ ἑορταί, τῇ οὐρανοῦ  
 καὶ ἄστρον ἡδίστη βλέπει διώκονται συμβάλλεσθαι,  
 εἴγε πρὸς τὰ ταῦτα θεωρεῖσθαι πεπαιδευμένοις πορυσ-  
 φέρωμεν ὀφθαλμοί; Ὅσης χαρᾶς ἐκείνιν αἰσθάνε-  
 σθαι ἀναγκαῖον, ὅσις ταπεινῶν φροντίδων μᾶλλον καὶ  
 μᾶλλον καθ' ἡμέραν ἀπολύεσθαι, καὶ πρὸς τὸ θεῖον  
 συνάπτεσθαι διακινώσκει; ὡς ἀληθῶς τοῖς ἔτι διακει-  
 μένοις ἐδὲ ζημίαι ἐσίας, ἐδὲ ἐχθρῶν διαβολαί, ἐδὲ  
 ἄλγος σώματος εὐσάθειαν ἀφαιρεῖν, ἢ βλάβην τι-  
 νὰ δύνανται καταφέρειν. Εἰδότερα ταῦτα, ἐδὲ πρὸς ἀ-  
 κρόπολιν τῆ θυμῷ κύκλῳ πανταχῇ τετειχισμένῳ  
 πᾶς αὐτῇ ὁρμᾷ πεποιθεῖται. Ἀλλ', οἶμαι, θάνατος  
 αὐτὸς ἐγγίζων ἄνδρα ποιῶτον ἐκπλήξει τῷ φόβῳ, καὶ  
 εὐσείας ἀταραξίας θορυβῶντα παρώσεται. Πότερον ὁ  
 φιλόσοφος ἄθλιον ὑπολαμβάνει τὸ ἀποθνήσκειν, ὃ  
 βίος ὅλος ὁ παρακείμενος ἐδὲν ἄλλο, ἢ θάνατος με-  
 λῆτος; Τί γὰρ ἐσι, δέομαι, νῦν, ὀφθαλμοί, χεῖ-  
 ρας, πᾶς λοιπὰς ἥψ' αἰσθήσεων ἐγκρατεῖς ἔχειν, τί  
 πᾶς ἐπιθυμίας ἐδέεσθαι ἀναπληρῶν, τί ἀπὸ τῆς ἥψ'  
 συγγενῶν, καὶ φίλων ὁμιλίας πολλάκις ἀπῆναι, καὶ  
 εἰς ἄμετρον τῆ παντὸς ἀποδημῆσαι, ἢ πρὸς βραχὺ  
 χωεῖσθαι ἀπὸ τῆ σώματος καὶ ψυχῆς; μὴ τὸ ἐχάτης  
 τῆ βίης ἀφαιρνομένης ἡμέρας, μεγάλων τινῶν ἀγα-  
 θῶν ἑαυτὸν ἀποδέσθαι καταμέμνηται, ὅτι ταύτης  
 παραχῆς ἀπαλλάττεται καὶ τῆ χλίδος, ἀλλὰ μᾶλ-  
 λον χαίρει τὸ τῆ σώματος εἰρηκτῆς ἐλαδερῆσθαι.  
 Καὶ μὲν ἀφρονέσας ὅσις, ἐπὶ γνῶσιν, μικρῶ  
 ὑπερον ἐπὶ ἀποθνήσκειν ἀναγκαῖον, θεὸς κἀνθρώπους  
 ἐπικαλεῖται, καὶ τὴν ἑαυτοῦ τύχην αἰχίσῳ ὀλοφύρεται.  
 Δεινοπαθεῖ μὲν γὰρ ἐπὶ ἀπειλοκῆς τὸ ἑαυτοῦ γυναικὸς καὶ  
 ἥψ' παίδων ἀποσπᾶσθαι· ἀνιᾶται δὲ τῇ ἥψ' κτημάτων

sionem: quibus omnibus carere facile posset, si umquam in vita cogitasset, Quidquid genitum sit, aliquando interituum: pudentis autem hominis esse, (31) quæ utenda acceperit, quum repetantur, ea reddere non invitum, atque etiam cum gratiarum actione. Sapientis vero proprium est, numquam repugnare naturæ, (32) neque beatam vitam diuturnitate temporis æstimare: quamobrem æquissimo animo divinis legibus paret, (33) saturosque convivas moriturus imitatur, qui sublato ciborum desiderio haud gravate mensam relinquunt. Magna vis profecto est philosophiæ ad omnem timorem, & præcipue mortis, abstergendum: illius, dico, philosophiæ quæ, morte obita, Dei cultoribus æterna præmia pollicetur; non istius ignobilioris, quæ humanos animos, quasi capite damnatos, omni spe futurorum fraudat. Quamquam & hujus sententiæ propugnatoribus; quorum numerum apud nonnullas nationes quotidie augeri dolemus; levia quædam & futilia solatia non desunt: quæ nemo certe piorum illis invidet. Nos vero meliora docti, hac dulcissima expectatione sustentemur, fore ut aliquando, postquam muneribus quæ cuique nostrum Deus assignavit, strenue perfuncti erimus, corporis vinculis effractis, in illam excelsam atque illustrem beatissimorum animorum sedem ex hac mortali vita migremus, ubi, quæ nunc magnis laboribus, longis vigiliis, assiduo studio vix invenire atque explicare possumus, (34) ea tandem aperta & patefacta celerrime ac firmissime comprehendamus.

Tunc

τε ἐν λημάτων ὑποβολῇ· ὧν πάντων ἐδιώατο δεῖσθαι  
 ῥαδίως, εἴ ποτε νενοήκη ζῶν, ἅπαντα τὰ γεγνημένα  
 φθαίρεσθαι δεῖν τὸ τελευταῖον, αἰδήμονα ὃ ἀνθρώ-  
 πος εἶναι, τὰ πρὸς λείαν εἰλημμένα, ἐπειδὴν πά-  
 χυς ἀπαιτῆται, εἰ βεβιασμένον ὑποδιδόναι, μάλ-  
 λον ὃ μετ' εὐχαριστίας. Ἔστι ὃ σοφῶς, τῇ φύσει ἐδέ-  
 ποτε ἀντιμάχεσθαι, ἐπὶ ζωὴν εὐδαίμονα τὰ πολλὰ  
 λίσσων καταμετρῆν. ὁ γὰρ τὸ μάλιστα ἀνεξικάκως τοῖς  
 τῷ Θεῷ νόμοις ὑπακούει, ἐν μέλλων ὑποδύσκειν τὰς  
 κορεστικὰς ἢ συνζαπέζων μιμείται, οἱ τῆς ἐδε-  
 σμάτων ἐπιθυμίας ἀναρεθείσης, εἰ δυσχερῶς ἐκ τῆς  
 ζαπέζης ἀναχωρεῖσι. Μεγάλη δυνάμις, ὡς ἀληθῶς,  
 ἐστὶ φιλοσοφίας πρὸς τὸ πάντα φόβον, καὶ θανάτου  
 ὑξαιρέτως, ὑποκαθαίρειν· ἐκείνης, λέγω, φιλοσοφίας  
 ἢ, μετὰ θάνατον, τοῖς τῷ Θεῷ λαβούταις ἀθλον  
 αἰώνιον ἐπαγγέλλεται· εἰ ταύτης ἀγχεσέρας, ἢ τὰς  
 ἢ ἀνθρώπων ψυχὰς, οἷον ζημιωθείσας θανάτῳ,  
 ἀπάσης ἢ ἐσομένων ἐλπίδων ὑποσερεῖ. Καίπερ  
 καὶ τοῖς τῷ ποιῆται δόγματι ὑπαραπισαῖς, ὧν ἀ-  
 ειθμόν παρ' ἐνόιοις ἢ ἐθνῶν καθ' ἐκάστω ἡμέραν  
 αὐξάνεσθαι λυπούμεθα, κοῦφαί τινες καὶ ἀνόνητοι  
 πρᾶγμα οὐκ ἐλλείπεσιν, ἐφ' αἷς δηλονότι οὐ-  
 δείς ἢ εὐσεβῶν αὐτοῖς ἂν φθογήσκειν. Ἡμεῖς δὲ  
 παιδείας κρείττονες τετυχηκότες, ταύτῃ τῇ γλυκυ-  
 τῇ προσδουκίᾳ ζεφώμεθα, μέλλειν ἡμᾶς, ἐπειδὴ  
 τὰ πρὸ Θεοῦ πεποιημένα παντὶ ἐκάστω ἡμῶν καθή-  
 κοντα διεωράξαμεν ἀνδρεῶς, ἢ τῷ σώματι δε-  
 σμῶν ὁμαρτήτων, εἰς ἐκείνῳ ἢ ὑψηλῇ ἐν λαμψρᾷ  
 ἢ μακαριωτάτων ψυχῶν ἔδραν ἐκ τῆς θνητῆς ταύτης  
 ζωῆς μετοικίξεσθαι, ὅπως ἂν νῦν πόνοις μεγάλοις,  
 μακρῶς ἀγρυπνίαις, ἀδελείπῳ ἐπιτηδύματι μόλις  
 εὐείσκειν ἐν ὁμαρτήσιν δυνάμεθα, τὸ τελευταῖον ἐμ-  
 φανή



Tunc nullis locorum spatiis circumscripti , nullis annorum finibus inclusi , nullis tempestatum vicibus obnoxii , tranquillam , securam , gaudiorum plenam , corruptionis denique expertem vitam agemus ; malorumque hominum conatus ridebimus , qui araneolarum simillimi , in rebus pusillis , inanibus , brevique tempore interituris distenti atque occupati sunt , & quum bonos acerbius affligunt , iis faciliorem in cælum viam quodammodo sternunt. His autem divinis atque immortalibus bonis ita potiemur , si philosophiam legem vitæ , non ostentationem scientiæ existimantes , ejus præcepta moribus nostris exprimere studebimus : quod ab his Doctissimis Viris , qui ad me audiendum frequentes convenere , accurate fieri videmus . Non enim satis habent , hoc Minervæ Musarumque domicilium omni liberalis doctrinæ genere , pro sua quisque parte , mirum in modum ornare , totaque Europa longe celeberrimum efficere ; sed etiam juventutem , quam disciplinis erudiendam suscipiunt , exemplo suo ad temperantiam , ad modestiam , ad omnem virtutem cohortantur : ne quorum oratio gravissimis tum verbis , tum sententiis instructa , & perpolita sit , eorum vivendi ratio turpiter ab oratione discordet. Quid multa ? paucos omnino adolescentes reperias qui quum studiorum curriculum in hoc Gymnasio Patavino recte ac diligenter confecerint , non in sinum parentum aucti prudentia atque humanitate redeant : ut quibus magistris usi fuerint , ex eorum convictu & consuetudine facile appareat. Hinc , tamquam ex  
equo

φανῇ ἢ γνωστέα, τάχιστα ἢ βεβαιότατα καταληψό-  
μεθα. Τότε οὐδ' τόπων δευσιμέσων, οὐδ' ὥραν ἀμοι-  
βαῖς ἐσοχοί, ἥσυχον, ἀκίνητον, χαρμάτων ἀνάπλεον,  
ἄφθαρτον τὰ τελευταῖα βίον δευτελέσομεν, καὶ πῖ  
πονηρῶν ἀνθρώπων ἐγχειρήμασι γελάσομεν, οἱ τοῖς  
μικροῖς ἀράχναις ὁμοιωτάτοι, πλάσμασιν ἐλαχίστοις,  
ματαίοις, ἢ ὠκυμόροις, κατέχονται ἢ δευτείνονται,  
ὅτε ὃ τὸς ἀγαθοὺς πικρότερον παλαιπωροῦσι, τότε  
ῥάονα ὁδὸν ἀμνητέως εἰς οὐρανὸν αὐτοῖς ὀχυροῦσι. Τέ-  
των ὃ ἦν θεῶν ἢ ἀθανάτων ἀγαθῶν ἕως δευλαύσο-  
μεν, εἰ φιλοσοφίαν οὐκ ἐπιδείξιν δευσιμέσων, ἀλλὰ νόμον  
βίῃ νομίζοντες, αὐτῆς τὰ δευγαγγέλματα ἡμετέροις  
ἀπεικάζειν ἤθεσι περασόμεθα. ὃ δευφ' ἦν σοφω-  
πάτων τέτων ἀνθρώπων, ἦν θαμὰ συνελεθόντων ἀκοῦσαί  
με, μάλ' ἀκειβῶς ποιούμενον ὁρῶμεν. Οὐ γὰρ αὐ-  
τοῖς ἀπόλκη τέτ' Α'θηνᾶς ἢ Μεσῶν οἰκητήριον παν-  
τὶ ἐλδθεεῖς μαθήσεως γνῆι, καθ' ὅσον ἕκαστος  
οἶός ἐστι, θαυμαστῶς δευκοσμεῖν, καὶ καθ' ὅλην  
τὴν Εὐρώπην πόρρωθεν δευβόητον δευτελεῖν, ἀλλ'  
ἐπὶ τέτοις, τὴν νεότητα, ἡν παιδείας διδάσκειν δευ-  
χειροῦσιν, ἐαυτῶν δευαδείγμασιν εἰς σωφροσύνην, εἰς  
κοσμιότητα, εἰς πᾶσαν ἀρετὴν δευκαλοῦσι. μὴ  
ὦν ὁ λόγος ἢ ῥήμασι σεμνοτάτοις ἢ δευνοίαις κε-  
κοσμημέτος ἢ κατεσκευασμέτος τυγχάνη ὦν, τέτων  
ὁ βίος αἰχρῶς ἦν λόγων ἀπάδη. Τί πλείω; ὁλί-  
γες τὸ δευάπαν νεανίας ἂν ὄροις, οἱ ἐπειδὴ ἦν ἐ-  
πιτηδεύματων δρόμον ὁρῶς ἢ ἀκειβέστερον ἐν τέτῳ  
τῷ Παταβίῳ γυμνασίῳ ἀπετέλεσαν, οὐκ ἂν εἰς κόλ-  
πον ἦν γονέων αὐξηθείτες φρονήσῃ ἢ δευαικεία τὸ  
τέλτος ἀνασρέψαιαν. ὥσε φανῶναι ῥαδίως ἐκ τῶ αὐτῶν  
συμβιώσεως ἢ σωηθείας, ὅποιοις τισὶ διδασκάλοις  
ἐλδῇ-

equo Trojano, acerrimi Theologi quotidie prod-  
eunt, qui religionem & scriptis & factis con-  
tra impiorum insidias apertamque vim fortissime  
& constantissime defendant: hinc summi Juris-  
consulti, qui & rempublicam administrare, &  
leges servare incolumes, & sceleratis resistere,  
& ab innocentium capite periculum propulsare,  
egregia cum eloquentiæ laude, possint: hinc op-  
timi Medici, qui notitia humani corporis, diu-  
turnaque earum rerum observatione quæ valetu-  
dini aut prodesse, aut obesse solent, civium sa-  
luti prospiciunt: hinc postremo Philosophi acu-  
tissimi, qui Geometriæ ac Mathesis universæ  
præsidio confirmati, naturæ scientiam incredibili  
sollertia, maximis ingeniis amplificare ac lon-  
gius proferre contendunt. Quæ omnia quum vo-  
bis & industriæ vestræ debeantur, Viri Sapien-  
tissimi, mihi etiam atque etiam cavendum est,  
ne languori me umquam desidiæque tradam; il-  
ludque sæpius considerandum, in quem Ordinem  
sim cooptatus, ad quos Collegas adjunctus; a-  
liena siquidem vigilantia, magna cessationis no-  
stræ exprobratio futura est. Tibi autem, Pro-  
syndice Nobilissime, qui optimarum artium stu-  
diosam juventutem consilio curaque gubernas, ei-  
que ad laudem colligendam strenuum sane ducem  
te præbes; vobisque pariter, magna indole A-  
dolescentes, quos una discendi cupiditas a dome-  
sticis laribus in hanc florentissimam urbem attra-  
xit, si quid ingenio, si quid exercitatione di-  
cendi, si quid hac mediocritate doctrinæ vestra  
studia juvare possum, id omne polliceor, & de-  
fero.



ἐλπίσαντο. Ἐντέθεν, καθάπερ ὅξ' ἵππε Τρωϊκοῦ,  
οἱ ἀνδρείοτατοι ἥρ' θεολόγων ὁσημέραι προσέρχονται,  
τὸν δόσεβειαν ἢ συγγραμμάσι ἢ ἔργοις κατ' ἐπι-  
βελῶν ἢ βίας ἐμφανούς τ' ἀσεβῶν ἰχυρότατον ἢ βε-  
βαιότατον ὁχλασώσοντες· ἐντέθεν ἄνδρες νομικώτατοι,  
εἰ ἢ τὰ τ' πόλεως διοικῆσαι, ἢ τὰς νόμους ἀβλα-  
βεῖς διαφυλάττειν, ἢ πρὸς τὰς πονηροὺς ἀνδίστασθαι,  
ἢ τ' ἥρ' ἀναιτίων κεφαλῆς τὰς κινδύνους ἀπωδεύειν  
διωυσόμμοι. ἐντέθεν ἄριστοι ἥρ' ἰατρῶν, οἱ γινώσκει  
τῶ ἀνθρωπείῳ σώματι, ἢ πολυλθονίᾳ παθαρτή-  
σαι ἥρ' τ' ὑγίαν ἢ ὠφελούντων, ἢ βλαπτόντων, τῆς  
ἥρ' πολιτῶν σωτηρίας ἐπιμελησόμενοι. ἐντέθεν τὸ  
τελευτάϊον οἱ ὀξύτατοι ἥρ' φιλοσόφων, οἱ γεωμετείας  
ἢ μαθήσεως ἀπάσης φρενᾶ βεβαιωσύντες, τὸν τ'  
φύσεως ἐπιστήμῳ ἀπίστω δεξιότητι ἢ μεγίσταις δυνά-  
μεις πληθύνεσθαι ἢ πορρωτέρω ἀναβάλλειν περράζου-  
σιν. Ὡν πάντων ἡμῖν ὀφειλομένων τῇ τε ὑμετέρᾳ  
πατρὶ, ᾧ σοφώτατοι ἄνδρες, ἐμοὶ ἢ πάλιν ἢ πολ-  
λάκις ἐλαβετέον, μὴ ἀπονία ποτὲ ἢ ραθυμία ἐ-  
μαυτὸν διδῶ. καὶ κείνο συνεχῶς κατανοετέον, τίνα τά-  
ξις ἔλαχον, τίσι συνεργοῖς παρὰ τὴν φύσιν· ἥρ' ἄλ-  
λων γὰρ ἢ ἐξηγόροις μεγάλην παύσεως τῆς ἡμετέρας  
ὀνειδίσεις μέλλει ἔσεσθαι. Σοὶ δ', ᾧ ἀντισυνώδικε δι-  
γενέσθαι, ὅς τέχναις τ' ἀρίστοις τὸν προσέχευον νεύ-  
σηται βελῆ ἢ φροντίδι κυβερνᾶς, καὶ αὐτῇ ἐς τὸ τ' ἐ-  
παινον συλλέγειν δρασθήσει μὴ ἡγεμόνα σαυτὸν παρ-  
έχεις· ἐπεὶ ὑμῖν ἐπίσης, ᾧ δυνάστατοι ἥρ' νέων, οὓς μί-  
νη ἢ φιλομαθία οἴκοθεν εἰς ταύτην τὸν δ' ἀνδραγα-  
τῶν πόλιν ἐφέλκεν· εἴ τι ἀγχινοία, εἴ τι ἀσκή-  
σει τῶ λέγειν, εἴ τι ταύτῃ μεξιοτήτι διδασκαλίας  
τὰ ὑμῶν ἐπιτηδεύματα ὠφελεῖν δύναμαι, ἐκείνα πάν-  
τα ὑπὸ χροῦμαι, ἐπεὶ εἰς ὑμᾶς καταφέρω. Πολλοὺς μὲν  
πρὸς

fero. Multos quidem ad hoc docendi munus magis idoneos, & a litteris paratiores quam ego sim, nullo negotio invenire poteritis: cui vero studia vestra magis cordi futura sint, aut qui propensio rem erga singulos voluntatem habeat, fortasse neminem. At quibus tandem verbis TE appellem, JOANNES ANTONI RUZINE, VENETÆ REIPUBLICÆ Senator Amplissime, hujusque civitatis Moderator Sapientissime? aut quæ gratiarum actio tuorum erga me meritorum magnitudinem æquare poterit, quod me dicentem præsentia tua confirmare, ac pro me quodammodo spondere volueris? Tu ex illa Familia ortus es quam vetustate antiquissimam, viris bellica civilique laude præstantibus ornatissimam, opibus, affinitatibus, honoribus cumulatissimam, historiæ loquuntur, monumenta declarant, cives atque exteri uno ore testantur. Vivit hoc nostro tempore, & porro vivat, (35) patruus tuus CAROLUS, Eques, Ædis D. Marci Procurator, ac Triumvir Litterarius, excellenti virtute, auctoritate singulari, ad summa quæque gerenda natus; qui octo legationibus apud maximos Europæ Reges pro patria obeundis, foederibus faciendis, fortissime dicenda sententia veram solidamque gloriam adeptus est: huic ipse tantum debeo, quantum persolvere numquam fuerit mearum facultatum. Ad hæc Nobilissimæ Familiæ decora Tu demum accessisti, constantia, fide, gravitate, continentia plane admirabili: quarum virtutum specimen apud nos ita dedisti, ut quum ex hac urbe discefferis, (36) absentia tuæ desiderium

πρὸς τὰ τῶν τῶν τῶν διδάσκειν μᾶλλον ὑπερθεδύεις ἔ' ἡγάμα-  
 μασι κατασκευασμένους, ἢ ἐγὼ τυγχάνω, ῥαδίως δοροῖτ'  
 αὖ· τὸν δ' ἢ ὑμετέρων ὑπερθεδύμάτων ὑπεμέλειαν μείζων  
 ποιησόμενον, ἢ ὑπὲρ πέπερον θέλημα πρὸς ἑκάστους ἔ-  
 ζοντα, ἴσως ἔδεναι. Τίσι δ' τὸ τελευτάων λόγοις προσ-  
 αγορεύω σε, ὦ Γεώργιε Ἀντώνιε Ρέζινε, τῆς ἡβ' Ἐνέῃς  
 πολιτείας μίγισε βυλάτῃ, ἔ' ταύτης τ' πόλεως διοι-  
 κητὴ σοφώτατε; ἢ τις αὖ δὲ χάρις ἡβ' σὺν πρὸς ἐμὲ  
 τῷ μεγέθει ὑπερθεδύμάτων ἀντιμεθεῖσθαι δύνηται;  
 ὅτι ἐμὲ λέγοντα τῇ παρουσίᾳ σε βεβαιῶσαι, ἢ ἐμὲ  
 τίνα τρόπον ἐγγυᾶσθαι ἡβελήθης; Σὺ δηλονότι ἐγεί-  
 νῃς ἐκείνης οἰκίας, ἢ ἀρχαιοτάτῃ παλαιότητι, πο-  
 λεμικῇ καὶ πολιτικῇ ἀρετῇ ὑπερθεδύμοις ἀνδράσι  
 κεκοσμημένῃ, ἡβήμασι, τιμαῖς, κήδεσιν ὑπερθεδύ-  
 τῃ, αἱ ἰσοεῖαι λέγουσι, τὰ μνημεῖα δηλοῦσιν, οἱ  
 πολῖται μετ' ἄλλοθίων ὁμοφώνως μαρτύρονται. Ἐν  
 τῷ τῷ ἡμετέρῳ ἡβήμῃ βιοῖ, ἢ εἰσαυθίς ἔ'δε ὑπὲρ  
 πολὺ ἔλθοι τῷ βίῃ, ὁ σὺ πρὸς πατρὸς θεῖον ὁ Κάρ-  
 ρολον, ἱπποῦς, τῷ νεῷ τῷ ἁγίῳ Μάρκῃ ὑπερθεδύ-  
 ἢ εἰς ἡβ' ἡβήμῃ τῷ γυμνασίῃ ὑπερθεδύ-  
 τῇ, ὑπερθεδύμων ἀξιώματι, πρὸς ὑψίς πάντα πρὸς  
 τὴν πεφυκώς. ὅς τῷ πρὸς βυλάτῃς ὑπερθεδύ-  
 δον πρὸς μεγίστους ἐν Εὐρώπῃ βασιλεῖς, τῷ πρὸς  
 κυρῇ, τῷ αἰδέεωπάτῃς γνώμῃ λέγειν, τ' ἀληθῆς  
 δόξης ἔ'τυχε ἢ ὁλοκλήρῃ· τῷ ἐγὼ πρὸς οὐκ ὀφείλω,  
 ὅσον ὑπερθεδύμων ἐπ' ἐμοὶ ὑπερθεδύμων μέλλει ἔ'σεσθαι.  
 Πρὸς δ' ταύτας τῷ γνωσεμωπάτῃς ἡβήμῃ ἀξίας τὸ τε-  
 λευτάων αὐτὸς πρὸς ἡβήμῃς, ὑπερθεδύμων, πίσει, σεμνό-  
 τητι, ἐγκρατεῖα ὑπερθεδύμων παντελῶς. Τῷ τῷ ἢ  
 ἀρετῶν ὑπερθεδύμων ὑπερθεδύμων παρ' ἡμῖν, ὡς ποτὲ σε  
 ἐκ ταύτης τ' πόλεως ἀπελθόντῃ, τ' τ' σῆς ἀπυστίας  
 πόθον οἱ τῷ Παταβίῃ πολῖται μελλήσωσι ὑπερθεδύ-



derium Patavini cives ægre admodum laturi sint. Sed ut aliquando exitum habeat oratio , & ne pudori tuo gravior sim , plurima quæ de TE dici ac prædicari possent , silentio prætereo , idque unum recipio , me hujus lætissimi diei memoriam semper animo servaturum , utque tuo tam insigni beneficio aliqua ex parte respondeam , diligentissime omnia facturum.

Habita est III. Nonas Febr. MDCCXXVII.

C O R A M

JOANNE ANTONIO II. RUZZINO

*Patr. Ven. Urbis Prætoræ , ac Propræfecto ,*

ET HENRICO LUDOVICO MEYER

*Nobili Probsthagensi , Artium Profyndico.*



νεν. Ἀλλ' ὥς τινα ἔξοδον ὁ λόγος ἔχη, καὶ μοι μὴ  
 ἄχθῃ διὰ τὸ αἰδῶ τὸ σὺν, πλεῖστα περὶ σὺ λέ-  
 γεσθαι ἢ αἰαγορᾶσθαι ῥαδίως δυνάμειν παρὰ λέγω,  
 καὶ μηδὲν ἄλλο ἐπαγγέλλομαι, πλὴν τὸ ἐμὲ ταύτης  
 ἰλαρωτάτης ἡμέρας τὸ μνήμην αἰετὶ τῷ θυμῷ διαφυ-  
 λάξαι, ἢ ὥς τῷ σὺ ὑποσημοπάτω διεργετήματι μέ-  
 ρος τι ἀμείψομαι, ἀκείβιστα πάντα ποιήσιν.

Τ Ε Λ Ο Σ.



# A N N O T A T I O N E S

## I N S U P E R I O R E M

### O R A T I O N E M.

(1) *si Deo pareret* ] Audi Senecam, ut plures alios omittamus, e Stoicorum præceptis ita scribentem Epistola 16. *Sive nos inexorabili lege fata constringunt, sive arbiter Deus universi cuncta disponit, sive casus res humanas sine ordine impellit & jactat, philosophia nos tueri debet. Hæc adhortabitur, ut Deo libenter pareamus, ut fortunæ contumaciter resistamus: hæc docebit, ut Deum sequaris, feras casum.*

(2) *Sed hæc Divinæ Providentiæ. . . . . curæ erunt* ] Plato in Phædone tomo 1. pag. 95. ἀλλὰ δὴ ταῦτα μὲν τῷ θεῷ μελήσει. & in Phædro tomo 3. pag. 238. ταῦτα μὲν ἔν θεῷ μελήσει.

(3) *tamquam in speculum, nobis inspicendum esse* ] Terentius Adelphis Actu 3. scena 4. versu 51. *Inspicere, tamquam in speculum, in vitas omnium Jubeo; atque ex aliis sumere exemplum sibi.*

(4) *in animis nostris virtutum quædam semina includit* ] *Quod si tales nos natura genuisset, ait Cicero initio libri 3. Tusculan. Quæstionum, ut eam ipsam intueri, & perspicere, eademque optima duce cursum vitæ conficere possemus: haud erat sane quod quisquam rationem ac doctrinam requireret. nunc parvulos nobis dedit igniculos, quos celeriter malis moribus, opinionibusque depravatis sic restringimus, ut nusquam naturæ lumen appareat. Sunt enim ingeniis nostris semina in-*  
nata



*nata virtutum: quæ si adolescere liceret, ipsa nos ad beatam vitam natura perduceret. nunc autem, simul atque editi in lucem, & suscepti sumus, in omni continuo pravitate, & in summa opinionum perversitate versamur, ut pene cum lacte nutricis errorem suxisse videamur. Quum vero parentibus redditi, demum magistris traditi sumus, tum ita variis imbuimur erroribus, ut vanitati veritas, & opinioni confirmatæ natura ipsa cedat. Idem libro I. de Legibus: Sequitur igitur, ad participandum alium alio, communicandumque inter omnes, justos natura esse factos (atque hoc in omni disputatione sic intelligi volo, quod dico naturam esse): tantam autem esse corruptelam malæ consuetudinis, ut ab ea tamquam igniculi exstinguantur a natura dati, exorianturque & confirmentur vitia contraria.*

(5) *discutiendæ sunt nobis luce veritatis, ignorantis caligines* ] Lucretius lib. I. de Rerum Natura v. 147.

*Hunc igitur terrorem animi, tenebrasque necesse est  
Non radii solis, neque lucida tela diei  
Discutiant, sed naturæ species, ratioque.*

(6) *quid videlicet homo sibi ipse debeat* ] Huc pertinent illa Senecæ ex Epistola 21. *Quum queritur, inquit, quare hominem natura produxerit, quare prætulerit animalibus ceteris, longe me judicas mores reliquisse? falsum est. Quomodo enim scies, qui habendi sint, nisi quid homini sit optimum, inveneris? nisi naturam ejus inspexeris? Tunc demum intelliges, quid faciendum tibi, quid vitandum sit, quum didiceris quid naturæ tuæ debeas.*

(7) *nullum omnino esse, dixere* ] Multarum fane rerum ὑπαρξίς certissima & necessaria est, quarum

tamen *σοία* & *φύσις*, propter nimiam obscuritatem, aut omnino, aut maxima ex parte ignoramus. Ita Deum, materiam primam, humanum animum, esse quidem manifestum est: quid porro hæc singula sint, definire non licet. Sunt enim res vi & effectu fatis illustres, natura penitus abditæ, & a sensuum mentisque judicio remotæ. Seneca Epist. 21. *Nos quoque animum habere nos scimus: quid sit animus, ubi sit, qualis sit, & unde, nescimus. & paullo post: Nemo non ex nobis intelligit, esse aliquid quod impetus suos moveat: quid sit illud, ignorat. & conatum sibi esse scit: quid sit, aut unde sit, nescit.*

(8) *animum tantummodo hominem esse, non corpus* ] Vide Nemesium *περὶ φύσεως ἀνθρώπου*. cap. 1. non procul ab initio.

(9) *quodam loco* ] In Alcibiade primo.

(10) *animum tantummodo humanum, &c.* ] Vide Epictetum Enchiridii capite 1. num. 1. 2. 3.

(11) *Vilis igitur abjectique mancipii talem curam suscipere debemus* ] Pulcherrima & memorabilia sunt in hanc rem verba Senecæ ex Epistola 8. *Hanc ergo sanam & salubrem formam vitæ tenere memento, ut corpori tantum indulgeas, quantum bonæ valetudini satis est. Durius tractandum est, ne animo male pareat: cibus famem sedet, potio sitim exstinguat, vestis arceat frigus, domus munimentum sit adversus infesta corpori. Hanc utrum cæspes erexerit, an varius lapis gentis alienæ, nihil interest: scito, hominem tam bene culmo quam auro tegi. Contemne omnia quæ supervacuis labor tamquam ornamentum & decus ponit. Cogita, in te præter animum nihil esse mirabile: cui magno nihil magnum est.*

(12) *si*

(12) *si contra, nimis liberaliter* ] D. Augustinus lib. 1. de Doctrina Christiana cap. 24. *Quod autem continentia quadam & laboribus quasi persequi videntur corpora sua; qui hoc recte faciunt, non id agunt ut non habeant corpus, sed ut habeant subjugatum & paratum ad opera necessaria.*

(13) *& multiplici rerum scientia præstare oportet*) Testatur Cornelius Celsus in Præfatione, eos qui rationalem medicinam profiterentur, hæc necessaria esse proposuisse: *Abditarum & morbos continentium caussarum notitiam, deinde Evidentium, post hæc etiam Naturalium actionum, novissime Partium interiorum.* -- -- -- Contra ii qui se *ἐμπειρικὸς* ab experientia nominabant, evidentes quidem causas, ut necessarias, complectebantur: obscurarum vero caussarum & naturalium actionum questionem ideo supervacuam esse, contendebant, quoniam incomprehensibilis natura esset. Priores illos medicos laudat Aristoteles capite ultimo libri primi Ethicorum ad Nicomachum, & *χαεῖντες* appellat, elegantes nimirum & disciplinis excultos. Locum ipsum afferre non pigebit: *Δῆλον ὅτι δὲ τὸν πολιτικὸν εἰδέναι πως τὰ πρὸς ψυχῇ. ὥπερ ἔ' τὸν ὀφθαλμὸς θεραπεύσονται, ἢ πᾶν σῶμα.* -- -- -- *ἢ τῶν ἰατρῶν δ' οἱ χαεῖντες πολλὰ πραγματεύονται πρὸς τὸ τῷ σώματι γινῶσιν.* i. e. Liqueat, eum qui ad civitatis gubernationem aptus futurus est, oportere ea quæ ad animum pertinent, scientia quodammodo comprehendisse: ut qui oculos ac totum corpus est curaturus, oculorum ac totius corporis naturam perspectam habere debet. -- -- -- At vero medici, qui sunt politiores, multum studii atque operæ in cognitione corporis ponere consueverunt. Cum rationalibus medicis & Aristotele facit Marcellus Palingenius, non inficetus poeta,



qui libro 10. Zodiaci Vitæ Humanæ v. 355. de medicina locutus, ita canit:

*Adde huc quod plena est occultæ cognitionis.  
Hæc florum, herbarum, lapidum secreta recludit:  
Et, quicquid tellus intra sua viscera celat,  
Perspicit, ac vires naturæ provida pandit,  
Corporis humani partes considerat omnes,  
Et revocat multos regnum ad Plutonis ituros.*

(14) *temporum opportunitates* ] Ovidius in Remediis Amoris versu 131.

*Temporis ars medicina fere est. data tempore profunt,*

*Et data non apto tempore vina nocent.*

Idem Artis Amatoriæ libro 1. versu 157.

*-- -- -- medici quoque tempora servant.*

(15) *tenuem victum anteferre copioso* ] Insignis est Horatii locus in hanc sententiam Satyra 2. libri 2. versu 70.

*Accipe nunc, victus tenuis quæ quantaque secum  
Adferat. in primis valeas bene: nam variæ res  
Ut noceant homini, credas, memor illius escæ  
Quæ simplex olim tibi sederit. at simul assis  
Miscueris elixa, simul conchyliæ turdis,  
Dulcia se in bilem vertent, stomachoque tumultum  
Lenta feret pituita. vides, ut pallidus omnis  
Cæna defurgat dubia? quin corpus onustum  
Hesternis vitiis animum quoque prægravat una,  
Atque adfligit humo divinæ particulam auræ.  
Alter, ubi dicto citius curata sopori*

*Membra dedit, vegetus præscripta ad munia surgit.*  
Horatio addendus M. Tullius, qui libro 5. Tusculanarum Quæstionum ita scribit: *Adde siccitatem, quæ consequitur hanc temperantiam in victu: adde integritatem valetudinis. Confer sudantes, ructantes, refer-*

refertos epulis, tamquam opimos boves: tum intelliges, qui voluptatem maxime sequantur, eos minime consequi, jucunditatemque victus esse in desiderio, non in satietate. Vide & Catullum Carmine 23. in Furium, ubi paupertatis commoda enumerat. Considerandum tamen id quod præcipit Cornelius Celsus capite 1. libri 1. Medicinæ. Prodest, inquit, nullum cibi genus fugere quo populus utatur: interdum in convictu esse, interdum ab eo se retrahere: modo plus justo, modo non amplius assumere: bis die potius, quam semel cibum capere: & semper quamplurimum, dummodo hunc concoquat. Id autem ab Hippocrate Celsus derivavit, quem plerumque sequitur κατὰ πόδα, & tantum non vertit. Doctissimi enim senis verba sunt Aphorismo 5. sectionis 1. Διὰ τὸ τοῦ ἐν τοῖσιν ὑγιαίνει σφαλεραὶ αἱ πάντα λεπταὶ ἐν καθήσκηται & ἀχειβέες διαίται, ὅτι τὰ ἀμαρτανόμενα χαλεπώτερον φέρουσι. i. e. Propterea, etiam bene valentibus periculosus est valde tenuis, & status ac exquisitus victus: quoniam errores gravius ferunt.

(16) principem illam hominis partem] Cicero libro 2. de Natura Deorum: Omnem enim naturam necesse est, quæ non solitaria sit, neque simplex, sed cum alio conjuncta atque connexa, habere aliquem in se principatum, ut in homine mentem, in bellua quiddam simile mentis; unde oriantur rerum appetitus. Vide D. Augustinum lib. 4. De Anima & ejus origine cap. 5. Idem Sermone 161. num. 6. In te quippe illud principatur quod melius est. Tenens Deus quod melius est, id est, cor tuum, mentem tuam, animam tuam, profecto per meliorem possidet & inferiorem, quod est corpus tuum.

(17) in beatorum insulis] Harum insularum meminit Cicero in Hortensio apud D. Augustinum libro

bro 14. de Trinitate capite 9. his verbis: *Si nobis, quum ex hac vita migraverimus, in beatorum insulis, immortale ævum, ut fabulæ ferunt, degere liceret, quid opus esset eloquentia? quum judicia nulla fierent* -- -- -- *Una igitur essemus beati cognitione naturæ, & scientia, quæ sola etiam deorum est vita laudanda, ex quo intelligi potest, cetera necessitatis esse: unum hoc, voluptatis.* A Platonis lib. 7. de Republica id sumsit Cicero. Lege divinum illum philosophum operum tomo 2. pag. 519.

(18) *quis enim porticibus forum circumdare &c.*) Hæc respondet Epictetus Enchiridii cap. 23. homini philosophiæ studium suscipere dubitanti. Audi verba servi germanam libertatem adepti: *Αλλ' ἡ πατρίς, φησιν, ὅσον ἐπ' ἐμοί, ἀβοήθητος ἔσται. πάλιν ποίαν ταύτῃ βοηθειαν; σοῦς ἔχ' ἔξει διὰ σέ, ἔτε βαλανεῖα; ἢ τί τῆτο; ἔδὲ γὰρ ὑποδήματα ἔχει διὰ τὸν χαλκέα. ἔδὲ ὀπλα διὰ τὸν σκυτέα. ἱκανὸν δὲ, ἂν ἕκαστος ἐκπληρώσῃ τὸ ἑαυτοῦ ἔργον. εἰ δὲ ἄλλον τινὰ αὐτῇ κατεσκήδασζες πολίτῃ πισὸν καὶ αἰδήμονα, ἔδὲν ἂν αὐτὴν ὀφέλεις; ναί.* i. e. *Sed patria, inquit, quantum in mea potestate situm est, auxilio carebit. Rursus, quod tu istud vocas auxilium? Porticus per te non habebit, nec balnea? Et quid hoc ad te? Neque enim calceos habet per fabrum ferrarium; neque arma per sutorem. Sufficit, si suum quisque munus expleat. At si alium quemdam ipsi civem præparares, fidum & verecundum, nihilne illam juvares? Ita vero. Atque etiam L. Seneca Epistola 8. posteaquam gravissima Stoicorum præcepta de moribus effudisset, ita philosophiam commendat, ejusque studium civitatibus prodesse, ostendit: *Si hoc mecum, si hoc cum posteris loquor, non videor tibi plus prodesse, quam quum ad vadium advocatus descenderem, aut tabulis testamenti annulum imprimerem, aut in senatu candidato vo-**

*-cem*



*cem & manum commodarem? Mibi crede : qui nihil agere videntur, majora agunt ; humana divinaque simul tractant. Dixerat autem non longe ab initio Epistolæ : Posterorum negotium ago : illis aliqua quæ possint prodesse, conscribo : salutare admonitiones, velut medicamentorum utilium compositiones, litteris mando.*

(19) *Tunc a matrum sororumque concubitu abstinere cœptum* ] Quum hæc scriberem, vetustissimum illud ac sapientissimum Pythagoræorum institutum mihi ante oculos versabatur, qui scilicet naturæ investigationem a morum disciplina numquam separabant : immo caussarum physicarum ductu atque auxilio, quomodo & res familiaris administranda, & respublica gerenda esset, optime explicabant : his potissimum adminiculis, viri, uxoris, parentum, liberorum, dominorum, fervorum officia accurate describentes. Ejus consuetudinis expressum solidumque vestigium videre est apud Ocellum Lucanum Pythagoræum capite 4. aurei libelli περὶ τῆς τῆ παντὸς φύσεως, *de Universi natura*. Id porro quum ignorarent inepti quidam homines, & ab omni eruditione prorsus imparati, quod genus audacia pro sapientiâ uti solet, Orationem hanc meam, tamquam ad Physicæ studia minus pertinentem, impudenter ac stolidè calumniati sunt : quos tamen tacita quadam miseratione prosequi, quam ulla verborum acerbitate ulcisci satius mihi esse videtur.

(20) *societatis caritas plures familias complecteretur* ] Vide D. Augustinum libro 15. de Civ. Dei cap. 16.

(21) *Illud quoque a sapientibus monitum video* ] Vide Platonem Dialogo 6. de Legibus tomo 2. pag. 778.

(22) E-

(22) *Epicurus ipse* ] Quid de amicitia vere senserit Epicurus, vide apud Senecam Epistola 9.

(23) *animus ex mente divina acceptus* ] Non tamquam pars aliqua divinæ naturæ; quod impium dictu esset: sed tamquam ex proxima & efficiente causa.

(24) *neque nobilium atque servorum alia natura est* ] Id monet L. Seneca, mihi sæpe vocandus ad partes, Epistola 47. *Vis tu cogitare, inquit, istum quem servum tuum vocas, ex iisdem seminibus ortum, eodem frui cælo, æque spirare, æque vivere, æque mori?* Quapropter crudelem in famulos herum ita insectatur Juvenalis Satyra 14. vers. 15.

*Mitem animum, & mores modicis erroribus æquos  
Præcipit, atque animas servorum & corpora, nostra  
Materia constare putat, paribusque elementis:*

*An sevir docet Rutilus, qui gaudet acerbo  
Plagarum strepitu, & nullam Sirena flagellis*

*Comparat, Antiphates trepidi laris, ac Polyphemus?*  
in quibus versibus ὡς ἐν παρόδῳ animadvertas velim, mores modicis erroribus æquos, esse mores hominis facilis, placabilis, misericordis, qui scilicet levioribus quibusdam delictis non præter modum irascitur, & naturæ communis fragilitatem æstimare novit. Cum Seneca & Juvenale facit Quintilianus lib. 3. Instit. Orator. cap. 8. *Et utilia honestis preferimus: ut quum suademus, ut bello Punico servi armentur. Sed tamen neque hic plane concedendum est, esse id inhonestum: liberos enim natura omnes, & eisdem constare elementis, & fortasse antiquis etiam nobilibus ortos, dici potest.*

(25) *Quid est enim turpius, &c.* ] Seneca Epistola

stola 6. Si cum hac exceptione detur sapientia, ut illam inclusam teneam, nec enuntiem, rejiciam. Nul-  
lius boni, sine socio, jucunda possessio est.

(26) Timonis] Vide Lucianum in Timone.

(27) Cyclopus] Talis erat Polyphemus ille  
Virgilianus, Æneidos libro 3. versu 621.

Nec visu facilis, nec dictu adfabilis ulli.

(28) credo, non quod Physicam improbaret] Cer-  
te Socratis accusatores videntur sibi persuasisse, So-  
cratem rerum sublimium & abditarum contempla-  
tioni operam dare solitum, quod ex eorum *αὐτωμο-  
σία*, seu libello iudicibus proposito manifestum est :  
*Σωκράτης ἀδικεῖ, ὃ περιεργάζεται ζητῶν τὰ τε ὑπὸ γλῶ-  
σῆ τὰ ὑπεράνεια*. Vide Apologiam apud Platonem.  
Negat quidem Socrates; verum nemo nescit, eum  
*εἰρονα* fuisse. Sed vide D. Augustinum lib. 8. de Civ.  
Dei cap. 3. ubi plura & egregia de Socrate Xeno-  
phon, Memorabilium ejus philosophi libro 1. capi-  
te 1. *ὅδε γάρ, inquit, περὶ τῆς τῶν πάντων φύσεως,  
ἢ περ τῶν ἄλλων οἱ πλεῖστοι διελέγετο, σκοπῶν ὅπως ὁ  
καλούμενος ὑπὸ τῶν σοφιστῶν κόσμος ἔφυ, ἔκ τίνων ἀνάγκαις  
ἕκαστα γένηται τῶν οὐρανίων· ἀλλὰ ὃ τὰς φροντίζοντας τὰ  
τοιαῦτα μωραίνοντας ὑπεδείκνυε*. i. e. Nec enim de rerum  
omnium natura sic disputabat, uti complures alii, ni-  
mirum considerans, quo pacto is qui a sapientiam pro-  
fessis mundus appellatur, ortus sit: quibusque de caus-  
is necessariis singulae res caelestes fiant. Immo eos qui  
his rebus occuparentur, fatuos esse, demonstrabat. Sed  
haec καθ' ὑπερβολὴν dicta mihi videntur. Caterum,  
Socratem imitati sunt Cyrenaici, doctore Aristip-  
po, qui, si Senecæ credimus id scribenti Epistola  
89. *naturalia cum rationalibus sustulerunt, & conten-*  
*ti fue-*



*ti fuerunt moralibus: sed hi quoque qui remouent, aliter inducunt. In quinque enim partes moralia diuidunt: ut una sit de fugiendis & expetendis, altera de affectibus, tertia de actionibus, quarta de caussis, quinta de argumentis. Causse rerum ex naturali parte sunt, argumenta ex rationali, actiones ex morali.*

(29) *adversæ fortunæ erudiendos sæpius committit*] Sacer scriptor Sapientiæ Salomonis eodem prope pacto locutus est de iustis & piis hominibus a Deo castigatis, capite 3. versu 5. Καὶ ὀλίγα παιδελθέντες μεγάλα εὖργετηθήσονται, ὅτι ὁ θεὸς ἐπέρασεν αὐτοὺς, ἵνα εὕρῃ αὐτοὺς ἀξίους ἑαυτῶν. Quæ vulgatus interpres ita Latine reddidit: *In paucis vexati, in multis bene disponentur: quoniam Deus tentauit eos, & inuenit illos dignos se.* Græcum παιδελθέντες maiorem profecto vim habet, quam Latinum *vexati*, respondetque nostro *erudiendos*.

(30) *in quem Lucilius inuehitur*] Apud M. Tullium libro 2. de Finibus Bonorum & Malorum.

(31) *quæ utenda acceperit, quum repetantur, ea redde-  
dere non invitum*] Cebes Thebanus in Tabula, de bonis Fortunæ loquens, Δια τῆτο ἔν, inquit, τὸ δαιμόνιον κελεύει μὴ θαυμάζειν, ὅ, τι ἂν πράττῃ αὕτη, μηδὲ γίγνεσθαι ὁμοίους τοῖς κακοῖς τραπεζίταις. ἢ γὰρ ἐκεῖνοι, ὅταν μὲν λάβωσι τὸ ἀργύριον παρὰ τῶν ἀνθρώπων, χαίρῃσι, ἥ ἴδιον νομίζουσιν εἶναι. ὅταν ἢ ἀπαιτῶνται, ἀγανακτῇσι, ἢ δεινὰ οἶονται πεπονθέναι. εἰ μνημονεύοντες, ὅτι ἐπὶ τῆτω ἔλαβον τὰ θέματα, ἐφ' ᾧ ἔδεν κωλύειν τὸν θέμενον πάλιν κομίσασθαι. h. e. Propterea igitur Genius jubet, non admirari, quodcumque hæc fecerit, nec improbis mensariis fieri similes. Et enim hi, quum argentum ab hominibus accipiunt, gaudent, & proprium esse censent: quum autem repetitur, indi-

indignantur, & iniqua se pati putant; non recordantes, hoc pacto se mutuum accepisse, ut quando luberet, creditor id repeteret. Lucretius libro 3. versu 984.  
*Vitaque mancupio nulli datur, omnibus usu.*

(32) *neque beatam vitam diuturnitate temporis aestimare*] Seneca Epistola 32. Considera, quam pulchra res sit consummare vitam ante mortem, deinde expectare securum reliquam temporis sui partem: in possessione beatæ vitæ positum: quæ beatior non fit, si longior.

(33) *saturosque convivas moriturus imitatur*] Sumtum hoc a Lucretio, qui libro 3. de R. N. versu 948. ita hominem invito animo e vita excedentem alloquitur:

*Nam si grata fuit tibi vita anteacta, priorque;  
 Et non omnia, pertusum congesta quasi in vas,  
 Commoda perfluxere, atque ingrata interiere:  
 Cur non, ut plenus vitæ conviva, recedis?*

Lucretium porro secutus Horatius, ita cecinit Satyra I. libri I. versu 117.

*Inde fit, ut raro, qui se vixisse beatum  
 Dicat, & exacto contentus tempore, vita  
 Cedat uti conviva satur, reperire queamus.*

(34) *ea tandem aperta & patefacta, &c.*] Digna sunt quæ hic legantur Latine reddita, acutissimi philosophi Malebranchii verba, quibus ipsi nobile opus suum *De Inquirenda Veritate* absolvere placuit. *Satius est, ait, cum probis aliquot annos in quarundam rerum ignoratione versari, & uno demum temporis momento lumen in omnem æternitatem duraturum consequi, quam naturalibus adminiculis ingenti cum studio & labore scientiam imperfectam, quæque nos in æternis relinquat tenebris, adipisci.*

(35) *pa-*

(35) *patruus tuus CAROLUS*] Eo tempore Dux Venetiarum.

(36) *absentiæ tuæ desiderium Patavini cives ægre admodum laturi sint*] *Desiderium absentiæ* hoc loco est mœror ex absentiâ contractus, cui desiderium absentiis hominis adjunctum est; quemadmodum apud Ciceronem Philippica 2. *desiderium dissidii* est mœror ex dissidio & similitate ortus, cum desiderio reconciliationis. *Ipsæ autem amore ardens*, ait Cicero, *confirmabat*, quod desiderium tui dissidii ferre non posset, se in exsilium esse iturum. Plautus eodem plane modo locutus Amphitr. Act. 2. Sc. 2. v. 30. *Atque id si vult experiri, suum abitum ut desiderem, Ecce hoc med haud invita se domum recipit suam. suum abitum*, hoc est, ipsum qui abiit. Hunc loquendi modum reprehenderunt olim censores audaculi, homines male feriati, qui minus tritas aures habent notandis Latinæ orationis veneribus; & nihilominus triumphant gaudio quum occasionem obloquendi melioribus se nactos esse arbitrantur.

---

Cicero in calce lib. 3. de Finibus Bonorum & Malorum.

**P**hysicæ quoque non sine causa tributis idem est honos: propterea quod qui convenienter naturæ vitæ sit, ei & proficiscendum est ab omni mundo, & ab ejus procuratione. Nec verò potest quisquam de bonis & malis vere judicare, nisi omni cognita ratione naturæ, & vitæ, etiam deorum; & utrum conveniat, necne, natura hominis cum universa: quæque sunt vetera præcepta sapientium, qui jubent tempori parere, & sequi Deum, & se noscere, & nihil nimis. Hæc sine physicis quam vim habeant (& habent maximam) videre nemo potest. Atque etiam ad justitiam colendam



*dam, ad tuendas amicitias, & reliquas caritates quid natura valeat, hæc una cognitio potest tradere. Nec vero pietas adversus deos, nec quanta his gratia debeatur, sine explicatione naturæ intelligi potest.*

*Idem libro 4. ejusdem Operis.*

*Etiam modestiam quamdam cognitio rerum celestium affert iis qui videant, quanta sit etiam apud deos moderatio, quantus ordo: & magnitudinem animi, deorum opera & facta cernentibus: justitiam etiam, cum cognitum habeas, quod sit summi rectoris, & domini numen, quod consilium, quæ voluntas; cujus ad naturam apta ratio, vera illa, & summa lex a philosophis dicitur. Inest in eadem explicatione naturæ insatiabilis quædam e cognoscendis rebus voluptas: in qua una confectis rebus necessariis, vacui negotiis, honesto ac liberaliter possumus vivere.*

*Idem libro 1. de Natura Deorum.*

*Omnia philosophiæ præcepta referuntur ad vitam. Vide Platonem lib. 10. de Legibus tom. 2. pag. 903.*

*M. Antoninus Imperator Eorum quæ ad se ipsum libro 2. num. 9.*

*Τύπων αἰὲ δὲ μεμνήσθαι, τίς ἡ τῶν ὅλων φύσις, καὶ τίς ἡ ἐμὴ, καὶ πῶς αὕτη πρὸς ἐκείνῳ ἔχουσα, καὶ ὁποῖόν τι μέρος, ὁποῖος τῆ ὅλης ὅσα, καὶ ὅτι ἔδειξ ὁ κολύων τὰ ἀκόλυστα τῇ φύσει, ἧς μέρος εἶ, πράσσειν τε αἰὲ καὶ λέγειν.*

*Horum meminisse semper oportet, quæ universi, quæ tua natura sit, quomodo hæc ad illam affecta, qualisque pars qualis universi exsistat, neminem quoque esse qui prohibere te possit, quominus ea facias dicasve semper quæ naturæ illi cujus pars es, consentanea fuerint.*

*D. Augustinus lib. 19. de Civ. Dei cap. 1.*

*Nulla est homini causa philosophandi nisi ut bea-*

*tus sit: quod autem beatum facit, ipse est finis boni: nulla est igitur causa philosophandi nisi finis boni: quamobrem quæ nullum boni finem sectatur, nulla philosophiæ secta dicenda est.*

Petrus Gassendus Libro Proœmiali capite 2.

*Philosophiæ dare operam, studereve sapientiæ, studere est primo ac præcipue suæ ipsius felicitati: scilicet, nisi quis eo spectat ut felicius vitam traducat, haud re vera philosophatur; ac jure de ipso dicat Comicus:*

*μισῶ σοφιστὴν, ὅστις ἔκ αὐτῷ σοφός.*

*Sapientem odio habeo, quisquis haud sapiens sibi est.*

Idem Præfatione ad Ethicam, Operum tomo 2.  
pag. 580.

*Id hic adnotandum --- Epicurum tanti fecisse moralem philosophiam, ut Physicam eatenus solum esse curandam censuerit, quatenus utilis quibusdam perturbationibus eximendis; ad ipsam proinde moralem, illiusve finem conducit.*

Idem Ethicæ libro 1. capite 1. pag. 594.

*Quod superest, tanti Epicurus facit cupiditatum delictum nosse, & suos cuique fines, sicut par est, præscribere; ut & propterea Physiologiam esse necessariam, contendat, ad discernendum videlicet, quænam revera naturales, necessariæque dicendæ sint, quænam inanes, ac supervacaneæ; & posse putet tum solum vitam feliciter transigi, quum solis naturalibus, necessariisque retentis inanes, & supervacaneas procul amandaverimus.*



J O. A N T O N I I  
V U L P I I

PHYSICÆ PROFESSORIS  
IN GYMNASIO PATAVINO  
S C H O L Æ D U Æ,

Altera, De Aristotele, ejusque laudatoribus, &  
reprehenforibus: Altera, Quæ præcipue eidem  
philosopho vitio vertantur.

*His adjectum est*

Σ Τ Ν Τ Α Γ Μ Α

*De Veteribus Philosophis Libro I. Physicorum ab Aristotele  
memoratis; in quo singulorum sententiæ de rerum  
naturalium principiis breviter & summatim  
exponuntur; ad usum studiosæ juventutis.*

EODEM VULPIO AUCTORE.



# VOLUME I

THE HISTORY OF THE

AMERICAN REVOLUTION

IN 1776

BY

JOHN ADAMS

ESQ.

OF THE MASSACHUSETTS

LEGISLATURE

IN 1776

AND

THE

DECLARATION OF INDEPENDENCE

OF THE UNITED STATES

OF AMERICA

IN 1776

AND

THE

*Viro Illustrissimo atque Excellentissimo*

JOANNI FRANCISCO

MAUROCENO

EQUITI

Joannes Antonius Vulpus S. P. D.

**Q**UÆRENTI mihi, ac diligenter  
circumspicienti, cui potissimum ex  
tam magno numero Amplissimorum  
Virorum quibus VENETA RESPU-  
BLICA abundat, Opuscula hæc mea,  
ad Philosophiam pertinentia, in fi-  
dem ac tutelam traderem; Tu statim occurristi,  
JOANNES FRANCISCE MAUROCENE, in cujus  
ea nomine, sine ulla prorsus dubitatione, apparere  
vellem. Quum enim amicorum hortatui repugnare  
non auderem, quotidiano pæne convivio ut ea ede-  
rem efflagitantium, providendum scilicet existima-  
vi, ne adversus malevolorum impetus, vindice ac  
patrono carerent. Quem porro Tibi anteferre debue-  
ram, aut cujus præsidio tutus magis atque muni-  
tus esse poteram, quam tuo, Senator Præstantissi-  
me? qui summo quamvis loco natus, omnibusque  
fortune muneribus auctus, moderatione tamen, pru-  
dentia, gravitate, constantia, vitæ integritate, ce-  
terisque viro principe dignis virtutibus id effecisti,  
ut apud homines non tantam generis tui splendor,

*non obita Legationes nobilissimæ, non gratia qua  
 flores in civitate, non quæ domi forisque singulari  
 cum laude a Te gesta sunt, quantam incorrupti  
 mores, & animi tui magnitudo, in secundis rebus  
 atque adversis æque spectata, admirationem sibi  
 conciliaverint. Enimvero Solem quis facilius ab or-  
 bita sua deflectat, quam Te ab honestatis rectique  
 tramite deducere possit. Sed illud me præter cetera,  
 ut, nimio pudore abjecto, ad Te accederem, invi-  
 tavit, quod lætione librorum, & familiaritatibus  
 doctorum hominum mirifice delectaris, eosque in oc-  
 culto sæpius latentes, benignitate tua protrahis, fo-  
 ves, confirmas: neque ullum umquam diem abire  
 pateris quo non de studiis bonarum artium, in pri-  
 mis vero Philosophiæ, quibuscumque rebus potes  
 (potes autem plurimis) egregie mereri nitaris. Hinc  
 Tibi, sapientissimi Senatus auctoritate, Gymnasii  
 Patavini Procuratio non semel commissa: cui pro-  
 vincia ita præfuit, ut viros excellenti doctrina at-  
 que eruditione, qui disciplinas publice profiterentur,  
 magnorum præmiorum spe proposita, in hanc urbem  
 undique acciveris: quorum sane scripta cedro linon-  
 da, sempiterna prudentiæ tuæ, & summi, quo fla-  
 gras, erga litteras & litteratos amoris monumenta  
 futura sunt. Norunt omnes qui Ædium tuarum ma-  
 gnificentiam Venetiis umquam introspexere, Te in  
 domestica Bibliotheca instruenda, exornandaque nul-  
 li sumtui pepercisse, neque etiamnum parcere: Hor-  
 tos vero amœnissimos quos Patavii possides, nemo  
 fere ingreditur, quin ingentem peregrinarum stir-  
 pium, florumque lectissimorum vim, ex omni terra-  
 rum angulo advectorum, mirari cogatur, quibus eos  
 locuple-*



locupletare quotidie pergis; ut & studiosorum hominum utilitati serviant, & Tibi gravissimis cogitationibus idemtidem fesso, honestissimum præbeant laxamentum. Quæ quum singula attentius considerare, ac præterea memoria repeterem, Te, si quis alius, meis & conatibus & studiis propensa voluntate semper favisse; oblatam mihi aliquando occasionem ad significandum, quanti Te ac virtutes tuas facerem, amittere nolui; videlicet pro certo habens, hoc meum qualecumque munusculum a Te (qua es in omnes humanitate) perbenigne exceptum iri. Hic porro Libellus duas Orationes, sive Scholas, complectitur, quas anno superiore in Gymnasio Patavino habueram, quum primum ad hoc tradendæ Philosophiæ munus accessissem. Harum argumentum est, de Aristotele, ejusque decretis ea in medium proferre quæ sciendi cupidam juventutem ab immoderata opinionum licentia, quasi frenis quibusdam injectis, continere possint,

Si modo præceptis patientem accommodet aurem.

Eo enim jam temeritatis ventum est, ut summi Philosophi doctrinam non solum disertis atque acutis homines (quotus autem quisque hujusmodi est?) verum etiam adolescentuli, vix primis elementis imbuti, audacissime cavillentur. quod sane nihil aliud esse mihi videtur, quam, ut veteri proverbio dicitur, Barbam vellere mortuo leoni. Duabus hisce Orationibus, additamenti loco, breve Commentarium adjunxi de Veteribus Philosophis Libro I. Physicorum ab Aristotele memoratis; in quo singulorum sententias de rerum naturalium principiis breviter &

*summam explicare conatus sum. Jamdiu enim animadverteram, Aristotelem parcius de hujusmodi opinionibus locutum quam ut a quolibet penitus cognosci atque intelligi possent. Quod Commentarium quamvis nonnulla contineat ex Historia Philosophiae Thomæ Stanleji depromta, ea tamen exhibet ita immutata, eoque cultu induta, ut jam alia omnino videantur: & præterea meas quasdam cogitationes proponit, nisi me rerum mearum amor valde fallit, non omnino contemnendas. Hec volebam nescius ne esses, Præstantissime Senator. Nunc reliquum est ut Te orem atque obtester, ut, si Amplissima Dignitati tuæ plurimum tribuo; si Tibi, carissimis Pignoribus, atque universæ Familiæ tuæ leta & prospera omnia a Deo Optimo Maximo & precor, & opto; quod facere ex animo numquam desinam; hæc Opuscula humane atque hilare, tuo more, excipias, meque in tui census volumine adscribas. Vale, ac Reipublicæ & Litterarum bono diutissime vive.*

*Patavii. Nonis Januarii. MDCCXXVIII.*



## SCHOLA PRIMA.

DE ARISTOTELE, EJUSQUE LAUDATORIBUS,  
ET REPREHENSORIBUS.

*Habita in Gymnasio Patavino III. Kal. Martias*  
A. D. M D C C X X V I I.



**P**HYSICAM disciplinam, Tri-  
umvirum Litterariorum jussu,  
Augustique Senatus Veneti de-  
creto, studiosis adolescentibus ex  
hoc illustri loco traditurus, &  
Aristotelis dogmata, ut vetus  
mos est hujus celeberrimi Gy-  
mnasii, potissimum explicaturus, id mihi primum  
omnium faciendum esse judico, ut de Aristotele  
ipso, ejusque scriptis pauca quædam commemo-  
rem; quæ apud eruditos quidem viros, & in an-  
tiquitatis cognitione diu multumque versatos vul-  
garia fortasse fuerint, sed tamen, quod ea scire  
juventutis intersit, prætermitti non debent. Quod  
quum præstitero, nonnulla deinceps de hujus phi-  
losophi, totiusque Peripateticæ scholæ amatoribus,  
nonnulla item de inimicis ac reprehensoribus,  
hodierno die, quam brevissime potero, ad-  
jun-



jungam: perendie autem, quænam præcipue Aristoteli vitio dentur, exponam, & utrum jure, an injuria, sedulo inquiram: postremo, quid in tanta opinionum licentia, quæ nunc auctoritatis iugo penitus excusso, plurimorum mentes invasit, cordatum hominem agere deceat, sine ullius offensione declarabo.

Aristoteles igitur, Peripateticorum princeps, Stagiris natus est: quæ urbs in Thraciæ Macedoniæque finibus olim sita fuit, ac propterea modo huic, modo illi provinciæ attributa. Pater illi Nicomachus; qui in majoribus suis Machaonem, medendi arte præstantissimum, numerabat: cujus nomen Homeri carminibus valde celebratum est. Hic Nicomachus, avitis vestigiis insistent, & ipse medicinam fecit: ejusque operæ usus est Amyntas Macedoniæ rex, Philippi pater, Alexandri Magni avus, vir bellica laude excellens. Mater Aristotelis Phæstis, sive Phæstias, appellata fuit. Natus autem est olympiadis XCIX. anno I. Archonte apud Athenienses Diotrephe, ut Diogenes quidem Laërtius, & Dionysius Halicarnasseus memoriæ prodidere. Parentibus vita functis, dum ipse admodum tener esset, Proxenum quemdam Atarnensem educatorem invenit; a quo liberaliter puerili doctrina institutus, poëticis & rhetoricis studiis animum summopere excoluit: cujus rei testes olim fuere Quæstiones Homericæ ab ipso adolescente conscriptæ, quæ jamdiu interciderunt. Anno ætatis XVII. jussu Oraculi Delphici, Athenas migravit, eo consilio scilicet, ut ceteris omnibus posthab-

habitis, aut certe in aliud tempus dilatis, uni philosophiæ operam daret. Ea in urbe viginti annorum spatio Platonem in Academia docentem audivit, ab eoque sapientiæ præceptis imbutus est. Plato vero, teste Joanne Philopono, cognomine Grammatico, in libro de mundi æternitate contra Proclum, Aristotelis ingenium adeo probavit, ut eum τὸν ὄντα τῆς διειρημένης, *mentem* videlicet *scholæ*, ejusque domum οἶκον τῆς ἀναγνώσεως, *domum lectoris* appellaret; quod nimirum in libris pervolutandis dies noctesque consumeret. Porro quum ab eodem Platone Xenocrates Aristoteli studiorum societate junctus esset, dolebat sæpius vir divinus, asinum se equo junxisse: agebatque, calcaribus Xenocratem, freno Aristotelem indigere. Ortæ sunt postea inimicitia præptorem inter ac discipulum: quarum, aliæ ab aliis causæ narrantur. Sunt qui scribant, Aristotelis mores Platoni displicuisse, vestis item genus, quo maxime splendido ac molli utebatur, comam præterea, tonsoris manu accurate compositam, incessum, fastidii atque arrogantia plenum, faciem denique ad risum paratam, & contemptum quemdam præferentem: quæ omnia ab illius temporis philosophorum, potissimum vero Platonis, modestia & frugalitate aberant sane plurimum. Quod autem Aristoteles, magna sectatorum cæterva stipatus, Academiam ingressus fuerit, ac Platonem dialecticis argutiis, & sophistarum fallaciis circumvenerit; qua re turbatus Plato domum suam se receperit, docendique facultatem deinceps illi permiserit, fabella videtur ab Aristoxeno,

xeno, Aristotelis discipulo, conficta; qui magistro vehementer iratus, quod ipsi Theophrastum ille prætulisset, eumque sibi succedere in Lyceo voluisset, varias calumnias in Aristotelem exco-  
gitavit, atque in vulgus emisit: quod animad-  
versum est ab Eusebio, Præparationis Evangeli-  
cæ libro XV. capite II; quum aliunde noverim-  
us, Aristotelem, quamvis a Platonis sententiis  
non raro discedat, ejus tamen, ubi occasio da-  
tur, honorificam facere mentionem; tantaque in  
eum pietate semper fuisse, ut ipsi de vita subla-  
to aras erexerit, divinosque honores instituerit.  
Pythaidem Hermiæ eunuchi, sororem, Atar-  
nensium in Mysia tyranni, quicum conjunctissi-  
me vixerat, & a quo ingentibus beneficiis affe-  
ctus fuerat, moribus & verecundia mulieris ca-  
ptus, uxorem duxit. qua postea vita functa,  
Herpylidem quamdam, civem suam, in matri-  
monio habuit, ex qua Nicomachus filius ei na-  
tus est, & ipse studiorum laude clarus. Per idem  
tempus Philippus Macedoniæ rex, vir, si quis al-  
lius, imperandi scientissimus, rerumque gestarum  
gloria celeberrimus, quum Alexandrum filium,  
quem ex Olympiade susceperat, adolescere videret,  
de ejus educatione valde sollicitus, Aristote-  
li, cujus fama sapientiæ totam Græciam per-  
vagata erat, philosophiæ præceptis erudiendum  
committere decrevit: misitque Athenas ad virum  
summum epistolam, qua ipsum optimis conditio-  
nibus in Macedoniam invitat; id testatus, Se-  
diis immortalibus agere gratias, quod filio au-  
ctus esset ea potissimum ætate, qua viveret A-  
risto-



ristoteles. Hujus epistolæ exemplum nobis servatum est ab A. Gellio, Noctium Atticarum lib. IX. cap. III. Maximi regis invitationibus paruit philosophus: quumque munere suo diligentissime fungeretur, non solum apud alumnum, verum etiam apud Philippum, ejusque uxorem Olympiadem, ingenti auctoritate & gratia floruit. Ibi octo annos commoratus est, ad id nimirum tempus quo, post Philippi mortem, Alexander regno potitus, atque incredibili gloriæ cupiditate agitatus, in Persas exercitu comparato, mare transmisit. Tunc enim studiorum quietem, animique tranquillitatem belli tumultibus præferens Aristoteles, discedendi veniam a rege impetravit, Callisthene Olynthio, consanguineo suo, apud eum relicto; qui postea quum in Alexandrum conjuravisset, detecta conjuratione, abscissis auribus & naso, cavea ferrea inclusus, diuque ad ludibrium circumlatus est: ac tandem leonibus obiectus, ut quidem Diogenes Laertius narrat, immanissimi excogitati facinoris mortē pœnas luit. Athenas igitur rediit Aristoteles, atque ibi quum Academiam a Xenocrate occupatam invenisset, Lyceum sibi ad docendum delegit. qui locus fuit in Athenarum suburbio, eo consilio a Pericle conditus, ut ibi novos milites bellicis artibus exerceret. Eo in loco quotidie docebat philosophus noster, deambulans usque ad horam qua ungi Græci solebant: quod ab illis ante cœnam fiebat. *A deambulando* igitur, sive, ut Græci loquuntur, *ὑπὸ τῇ ἀσπασίᾳ*, auditores Aristotelis *Peripatetici* appellati, scholaque ipsa *Peripatetica*.  
Dis-

Disputationum vero Aristotelis duo genera fue-  
 re : quasdam enim ἐξωτερικάς ipse nominavit,  
 quasdam ἀκροαματικάς. Εξωτερικὰ dicebantur,  
 quæ ad eloquentiam, civiliumque rerum notitiam  
 auditores informabant; quibus pomeridianas ho-  
 ras, & δελινὸν δείπαιον, *vesperinam* scilicet *de-*  
*ambulationem* dabat. Ακροαματικὰ contra erant,  
 in quibus philosophia quædam secretior, & a vul-  
 gi captu remotior tractabatur: quæque ad naturæ  
 cognitionem, dialecticasque subtilitates pertine-  
 rent, adolescentibus tradebantur. His antemeridi-  
 dianum tempus, & ἑωθινὸν δείπαιον, id est *matu-*  
*rinam deambulationem* destinaverat. Ex quo du-  
 plici disputationum genere, libri quoque ab A-  
 ristotele conscripti in duo genera tribui cœpere:  
 qui enim populari quadam dicendi ratione lecto-  
 ribus se commendant, modicaque animi conten-  
 tione adhibita, facile intelligi possunt, hos *exote-*  
*ricos* appellant: qui vero circa res obscuriores ac  
 difficiliore versantur, dataque opera pressius ex-  
 arati sunt, ut scilicet rudiorum ingenia magis  
 exercerent, iisque magistrum sæpius consulendi  
 necessitas imponeretur, illos *acroamaticos* vocant.  
 Quod posterius librorum genus quum in manus  
 hominum pervenisse intellexisset Alexander, rem  
 graviter tulit, & cum Aristotele exposulavit:  
 maluisset enim, hujusmodi libros occultari, ut  
 scilicet ipse ceteris hominibus, quibus potentia  
 antecedeat, etiam sapientia præstaret. Cui ta-  
 men querelæ Aristoteles ita occurrit: Editos qui-  
 dem libros illos a se fuisse, verum eorum pro-  
 mulgatione nihil prorsus de Alexandri gloria de-

tractum iri: tantis enim tenebris eos de industria involutos, ut qui vivam magistri vocem minime audissent, eorum intelligentiam assequi non possent. Exstant amborum epistolæ apud A. Gellium lib. XX. cap. V. Quod tamen non ita accipi velim, quasi de *acroamaticis* Aristotelis libris intelligendis omnino desperandum sit: frustra enim in scholis jussu magistratuum explanarentur, frustra ab auctore conscripti fuissent: sed ita potius, ut horum librorum explicatio viros requirat acerrimo ingenio, in studiis exercitados, neque vigiliis neque labori parcentes: quorum virorum penuria nullo non tempore magna est. Porro Aristoteles omnes philosophiæ partes tractavit, diligentius quidem & copiosius quam ab ullo antiquorum factum sit: multaque in singulis nova protulit; quemadmodum in Logicis demonstrandi artificium, quod pulcherrimis Analyticis libris accuratissime explicavit. Historiam præcipue animalium collegit: ad quod opus conficiendum ingentes ei sumtus Alexander Magnus supeditavit, octingenta nimirum talenta, ut Athenæus auctor est *δειπνοσοφιστῶν* libro IX. Aliquot insuper hominum millia, in quibus erant venatores, piscatores, aucupes, totam Græciam atque Asiam peregrinari jussit, & si quid in quadrupedum, piscium, aut volucrum genere novi, aut rari invenissent, id continuo ad Aristotelem deferre; ne scilicet vir maximus ullum naturæ opus ignoraret. Ab his percunctando Aristoteles quinquaginta volumina de animalium natura confecit; ex quibus decem tantummodo hoc nostro

tem-



tempore supersunt. Tredecim igitur annis philosophiam Athenis professus est Aristoteles, a nemine appetitus injuria. Vix autem e vivis Alexander excefferat, quum Eurymedon quidam, sacerorum antistes, impietatis eum apud judices accusavit, tamquam de diis & religione philosophus minus recte sentiret: (1) quæ calumnia a stupidis & indoctis in sapientissimos quosque viros, quasi sica aliqua venenata, semper adhibita est. Athenis igitur relictis, Chalcidem se contulit, eoque in oppido, postquam Theophrastum in tradenda philosophia successorem sibi delegisset, vi morbi consumptus de vita migravit, quum annum ætatis ageret LXIII. qui annus κλιμακτη-  
εικός a medicis vocari consuevit, difficilisque ac periculosus habetur. De morte Aristotelis multa feruntur fabulosa; illud in primis, quod Justinus Martyr in Parænetico, Etymologus Græcus verbo Εὐεργεσία, & Cælius Rhodiginus Antiquarum Lectionum libro XIX. cap. VIII. memoriæ prodidit; eum scilicet pudore extinctum, quod propositam sibi a nonnullis de Euripo quæstionem solvere nescivisset: cujus Euripi ea natura est, ut

(1) Plato in Euthyphrone tom. I. pag. 3. ὡς ἐν καινοτομῇ τὸς σε περὶ τὰ θεῖα, γέγραπται ταύτῃ τῇ γραφῇ. ἔ' ὡς διαβαλὼν δὴ ἔρχεται εἰς τὸ δικαστήριον, εἰδὼς ὅτι εὐδιάβολα τὰ τοιαῦτα πρὸς τῆς πολλῆς. hoc est: *Quasi ergo novum aliquid de rebus divinis introduceres, hanc accusationem instituit. atque eo consilio, ut tibi hac calumnia confleret invidiam in forum prodit, quod res hujusmodi apud plebem sit facile calumniæ obnoxia.*

ut XXIV. horarum spatio septies fluat ac refluat. Nec defunt qui scribant, quum ipse in litore sedens, aliquamdiu Euripum considerasset, neque rei causam percipere ullo modo posset, tædio victum, in eum se dedisse præcipitem; ut quoniam Aristoteles Euripum comprehendere nequiret, Euripus contra Aristotelem caperet. Sed hæc omnia ab ejus obtrectatoribus maligne conficta videntur, ut antea monuimus.

Hactenus de Aristotele ipso: nunc de ipsius laudatoribus, itemque de inimicis nonnulla dicenda sunt. Aristotelis ingenium vetus Græcia universa ita est admirata, ut eum δαίμονιον appellaverit. Stagiritæ vero summi viri memoriam quotannis colebant, festo die instituto, & religione sacrorum, quæ a Philosophi nomine ἀριστοτέλεια vocavere. Ammonius, qui de vita ejus præclarum Commentarium scripsit, pronuntiare non dubitavit, omnes eum humani ingenii terminos fuisse transgressum: ὑπερβέβηκε, inquit, ἀνθρώπινα μέτρα. M. Tullius Cicero, non solum eloquentiæ princeps apud Romanos, verum etiam philosophiæ studiis clarissimus, miris ubique Aristotelem laudibus ornat; eique, secundum Platonem, quem præ ceteris omnibus admirabatur, doctrinæ ac sapientiæ palmam defert. Nemo autem in laudando Aristotele tam longe provectus est quam Averroës Arabs, qui tanti philosophi scripta copiosissimis explanationibus interpretatus est. Hujus enim verba sunt: *Aristotelis doctrinam summam esse veritatem; quam contra ne hiscere quidem homini sano fas fuerit. gratias iccirco Deo Opt. Max.*

agendas, qui tanta in eum donâ contulerit, ipsumque in fastigio quodam collocaverit, ad quod nullus hominum antea pervenerit, neque ullo deinceps tempore quisquam pervenire possit. Quæ nimia profecto sunt atque immoderata, & præterea illiberale ac pertinax barbarorum ingenium arguunt, neque sine gravissima in genus humanum contumelia jactantur. Omitto nunc prope infinitam *Scholasticorum* multitudinem, qui sibi hanc legem imposuere sanctissime observandam, ut ne vel transversum unguem ab Aristotelis præceptis discederent; in umbra semper atque otio philosophati, neque umquam ad contemplanda naturæ opera in apertum prodeuntes. qui tamen quum se puros putos Aristoteleos dici atque haberi vellent, magistri sententias foede corruperunt, nihilque minus quam ejus mentem sunt affecuti. Id vero duabus præcipue de causis, Græcæ videlicet linguæ ignoratione, nimiaque disputandi libidine effectum est. Non abs re futurum existimo si unius tantum ex hoc acutissimorum hominum grege verba huc attulero. Is est Didacus Masius, qui quum in Commentario ad caput V. libri IV. Physicorum Aristotelis, insignem controversiam de Loci natura proposuisset; de qua scilicet Stoici, Academici, Claudius Galenus, Joannes Philoponus, & Julius Cæsar Scaliger ab Aristotele dissentiant, ita scribit: *Ego vero, nisi me Aristotelis auctoritas & D. Thomæ compelleret, manibus pedibusque in sententiam de intervallo libenter abirem, quam & intellectu faciliorem, paucioribusque difficultatibus patere, si attente & argumenta su-*  

*perio*



periora, & quæ de natura illius diximus, contem-  
 plemur, facile deprehendemus. Verum quia ingenii  
 fascēs submittendi sunt Aristoteli & D. Thomæ,  
 fatemur, locum superficiem esse & non intervallum,  
 quia hi gravissimi philosophi tradiderunt. Sed quem-  
 admodum Aristotelis nomen plurimis venerabile  
 atque augustum fuit; sic ex altera parte, ut sunt  
 hominum ingenia inter se diversa, non defuere  
 qui egregium virum falsis criminibus in odium  
 atque invidiam vocare, ipsique perpetuas infam-  
 iæ notas inurere conarentur. Quæ inimicorum  
 conspiratio multum ad Aristotelis gloriam confer-  
 re videtur; magnorum enim virorum id fatum  
 est, ut amicitiiis pariter ac inimicitiiis clareant:  
 neque laus illa perfecta habenda cui nullas pusil-  
 lorum & malevolorum hominum voces obstrepere  
 audiamus. E veteribus, maxime infensi Aristote-  
 li fuere Aristoxenus, atque Epicurus: quorum al-  
 ter ægre ferebat, Theophrastum sibi a præcepto-  
 re prælatum, ut antea dictum est: alter naturæ  
 vitio ad maledicendum ferebatur. Obscurioris ve-  
 ro nominis, tamquam rabiosæ aliquæ ex trivio  
 caniculæ, obtrectatores hi perhibentur, apud Eu-  
 sebiū Præparationis Evangelicæ libro XV. ca-  
 pite II; Alexinus, Eubulides, Democharis, Ce-  
 phisodorus, Lyco. Quorum aliquis Aristoteli for-  
 didum quæstum, aliquis crapulam, libidinem, at-  
 que impudicitiam, aliquis adversus deos impieta-  
 tem, vel in Platonem ingratum animum, aut  
 venenum Alexandro datum, alius denique anti-  
 quorum scripta compilata, & postea igni deleta  
 objecit. Quæ omnia eo argumento falsa esse di-

gnosimus, quod in criminibus ipsi affingendis ne duo quidem consentiant, sed singuli singula comminiscantur. Quid vero stultius, aut veritate alienum magis, quam ab Aristotele veterum philosophorum monumenta incendio fuisse consumpta? quum longo ab ipsius ætate intervallo, temporibus nempe Ciceronis, exstarent, qui eorum testimonio sæpissime utitur in libris quos de philosophia scripsit. Enimvero tanti fluctus in immerentem concitati non essent, nisi & apud reges gratia floruisset, ac æqualibus suis omnibus doctrinæ magnitudine præcelluisset. Incredibile videri posset, quod Laërtius de ipso litteris mandavit, eum scilicet quadringenta volumina conscripsisse; nisi Franciscus Patricius in Dissertationibus Peripateticis, aliorum scriptorum fidem secutus, ad septingenta quadraginta septem eorum summam produceret. (1) *Inde, igitur, ira, & lacrimæ, ut ait poëta.* Quid ego nunc veteres Ecclesiæ Catholicæ Patres commemorem? quos viros, boni superi! quam graves! quam doctos! quam divinæ sapientiæ lumine illustratos! qui omnes, tamquam facto agmine, Aristotelis philosophiam e Christianorum scholis excedere jubent, eamque cane pejus & angue vitari oportere contendunt; quod scilicet Divinorum Librorum auctoritati repugnans, mundi æternitatem, humanæque mentis simul cum corpore interitum doceat, aliaque impia & absurda dogmata in medium afferat, vique argumentorum confirmare ac stabilire conetur.

(1) *Juven. Sat. 1. v. 168.*

netur. Operæ pretium est audire Clementem Alexandrinum, cujus hæc sunt verba in Parænesi ad Ethnicos : Οὐδὲν δὲ οἶμαι χαλεπὸν , ἐνταῦθα γινώμεσθαι , ἢ τῶν ἐκ τῆ ἀπειπάτης μνηστῆραι . ἢ ὅγε τῆς αἰρέσεως πατήρ , ἔφ' ὅλων ἔ νοήσας τὸν πατέρα , τὸν καλέμενον ὑπατον , ψυχὴν εἶναι τῆ παντὸς οἰεται . τετέστι τῆ κόσμος τὴν ψυχὴν θεὸν ὑπολαμβάνων , αὐτὸς αὐτῷ ἀπειρείρεται . ὁ γὰρ τοι μέλεις τὸ σελεύης αὐτῆς διοείζων τὴν ἀνόνοισιν , ἔπειτα τὸν κόσμον θεὸν ἡγέμεσθαι , ἀειζέπεται , ἢ ἄμοιρον τῆ θεῶν , θεὸν δογματίζων . ὁ δ' Ἐρέσιος ἐκείνους Θεόφραστος , ὁ Ἀεισοτέλης γνώεμεσθαι , πῇ μὲν ἔρανόν , πῇ δ' πνέσμα ἢ θεὸν ὑπονοεῖ . id est : *Nec vero molestum erit, ut arbitror, quum ad hunc locum pervenerim, meminisse etiam Peripateticorum. Cujus sectæ pater, rerum omnium patrem ignorans, eum qui supremus dicitur, animam esse universi existimat: adeoque animam hujus mundi pro Deo habens, ipse a se confoditur. Etenim providentiam usque ad Lunæ orbem definiens, deinde vero mundum esse Deum existimans, eo fertur, ut eum qui Dei expers est, Deum esse statuatur. Eresius autem ille Theophrastus, Aristotelis familiaris, modo quidem cælum, modo vero spiritum esse Deum affirmat. His consentanea, immo & acerbiora legere est apud Justinum Martyrem in ejus Dialogo cum Tryphone; Irenæum Lugdunensem Antistitem, libro II. adversus hæreses, capite XIX. Tertullianum libro de præscriptione hæreticorum, capite VII. & in libris adversus Hermogenem; Lactantium Firmianum Divinarum Institutionum libro I. capite V. libro III. capite VIII. & libro VII. ca-*



pite I. Gregorium Nazianzenum Oratione XXVI.  
 & XXXIII. Epiphanium libro II. hæresi LXIX.  
 & libro III. hæresi LXXVI. Ambrosium libro I.  
 Officiorum; & plures alios, quos accurate recen-  
 set Joannes Launojus, Parisiensis Theologus, in  
 libro *De varia Aristotelis in Academia Parisiensi  
 fortuna*, ego vero libenter præmitto, ne audi-  
 tores meos humanissimos molestia fortasse affi-  
 ciam. Horum profecto sanctissimorum hominum  
 testimonio Aristotelis causa ita premitur, ut dif-  
 ficillimum videatur idoneam aliquam invenire  
 responcionem. Verumtamen illud cogitandum est,  
 si adversus Aristotelem hujusmodi accusationes ac-  
 cipimus, non ipsum modo, sed & omnes vete-  
 res philosophos, historicos, oratores, in primis  
 vero poëtas, abjiciendos nobis esse: in quorum  
 libris plurima passim occurrunt quæ ad falforum  
 numinum cultum pertineant, & Christianæ pie-  
 tati summopere adversentur. Et sane, quid caus-  
 sæ est, quod Græcos Latinosque poëtas tanta cum  
 animi voluptate legamus, nihilque in eo nos pec-  
 care arbitremur; nisi, quod ipsorum errores ita  
 manifesti atque explorati sunt, ut nobis fucum  
 facere nullo modo possint? Non est igitur ab A-  
 ristotelis lectione omnino abstinendum, sed potius  
 adhibenda cautio, ne quid imprudentibus fortas-  
 se noceat: utilesque sententiæ, quæ apud hunc  
 philosophum magno numero sunt, ab inutilibus  
 & pestiferis diligenter secernendæ. Quod & in  
 Platone ipso, veterum Ecclesiæ Patrum deliciis  
 atque amoribus, locum habet: cujus illi opinio-  
 nes amplexi, ab Aristotele abhorruere. neque e-  
 nim

nim Plato, vir alioqui divinus, nævis quibusdam & maculis caret, quæ & maximum illum Origenem, Platoniciæ philosophiæ studiosissimum, in errorem induxere. ut illud compertum sit, qui CHRISTUM ignoraverit, veritatem penitus afsecutum esse neminem. Primis autem Ecclesiæ temporibus, quum vera religio inter hostes acerbissimos versaretur, quorum alii ferro, alii sophismatis in ipsam pugnabant, severiores jure fuerunt in libros philosophorum viri illi sapientissimi qui providere debebant, ne quid Christiana respublica detrimenti caperet: nunc viribus piorum confirmatis, depulsis periculis, CHRISTO longe lateque imperante, majore quadam libertate utimur qui philosophiæ studiis vacamus. Quid? num sana omnia, incorrupta, aut ἀνίδωρα in eorum hominum libris quæ vetera quæque delicatissimo fastidio aspernati, nova tantum & sua mirantur? Nonne in quibusdam regionibus non ita pridem reperti sunt qui suis & ingeniis & studiis ferocius confisi, sanctissimas etiam religiones, atque instituta majorum, ad leges nescio quas ineptissime revocare ac perpendere voluerunt: supremoque illi rerum conditori ac parenti, quem nemo umquam, nisi insanissimus, esse pernegavit, bellum internecinum indixerunt; ut eum scilicet, si fieri posset, ex animis hominum omnino dele-  
rent? Horum opera scilicet, ac venenatis sermonibus & factum est antea, & quotidie fit, ut (1)

*Esse aliquos manes, & subterranea regna*

*Nec pueri credant, nisi qui nondum ære lavantur.*

F 4

Sed

(1) *Juvenalis Sat. 2. v. 149.*

Sed jam de semita in viam redeamus. Quum igitur postremis hisce sæculis omnia tranquilla, pacata omnia esse viderentur, & Stagiritæ doctrina scholarum principatum obtineret, exorti sunt repente qui eum de veteri possessione dejicere ac deturbare niterentur: in quibus fama clarissimi exstiteret Petrus Ramus, Franciscus Patricius, & Petrus Gassendus. Ac Ramus quidem tanto in Aristotelem odio exarsit (videte hominis ineptias) ut eum libris in vulgus editis, assiduisque maledictis divexans, immanes tragoedias in Academia Parisiensi excitaverit, quibus doctissimos homines, Aristoteli faventes, ac studiosorum adolescentium multitudinem ad inimicitias vocavit: quorum tandem conspiratione in cubiculo occisus, & de fenestra in subjectam aream præceps datus, effusis visceribus, violati Aristotelis manibus poenas dedit. Franciscus autem Patricius, vir summo ingenio, & in antiquorum monimentis perlegendis maxime exercitatus, Aristotelis doctrinam & scriptis & voce funditus convellere adortus est; quumque in Romano Gymnasio philosophiam publice profiteretur, Gregorio XIV. Pontifici Maximo auctor fuit per epistolam, ut Aristotelis voluminibus, tamquam impietatis magistris, procul amandatis, novam philosophiam, ex antiquis tamen purisque fontibus petitam, in scholas induceret. cui postea rogationi, ut videretur, tribunus aliquis intercessit. Petrus denique Gassendus, vir singulari eruditione, qui Democriti atque Epicuri decreta e diuturno situ atque oblivione in lucem protraxit, toto libro primo

*Exer-*



*Exercitationum Anti-peripateticarum*, Aristotelem modis omnibus dilacerandum suscipiens, nihil fani ab eo dictum esse clamat: universam ejus philosophiam, ineptam, garrulam, litigiosam, inertem, obscuram, fallacissimam appellat. Secundo autem libro Categorias Aristotelis irridet, Logicam ejus Analysin flocci facit, quasi deliria tantum & nugas continentem, definitiones ab eo allatas improbat, Pyrrhoniosque philosophos, qui nihil sciri posse affirmabant, quodammodo tueri videtur. Sed ne nimis longa oratione vobis molestiæ sim, Auditores optimi, reliqua quæ dicenda proposueram, Deo dante, vobisque faventibus, proxima schola exsequar.





# SCHOLA ALTERA.

QUÆ PRÆCIPUE ARISTOTELI VITIO  
VERTANTUR.

*Habita in Gymnasio Patavino Kal. Martii*  
A. D. MDCCXXVII.



NIMADVERTI sæpius, eos qui nullum sibi cum Aristotele commercium esse volunt, quamvis interdum omnibus eum contumeliis onerent, tria nihilominus, tamquam accusationis præcipua capita, ipsi, ejusque doctrinæ objicere solere: obscuritatem videlicet; ἀπαιδυσίαν, sive ἀμεθόδειαν, nimirum ordinis negligentiam; & falsas de rebus opiniones. Quæ singula hodierno die paullisper considerare decrevi; & si qua refellenda fuerint, refellere, si qua probanda, probare, sine iracundia, & partium studio.

Ut igitur quod primum proposui, id primum exsequar; obscuritatis librorum Aristotelis causæ plures feruntur, de quibus olim copiosam orationem habuit Petrus Joannes Nunnescius, Valentinus,

nus, Eloquentiæ ac Philosophiæ Doctor in Academia Barcinonenſi: ſed earum certiſſima & vulgatiffima illa eſt, tanti philoſophi monumenta, corrupta, depravata, interpolata, confuſa ad noſtram ætatem perveniſſe: multumque ab illo nitore abeſſe quem a ſcriptoris manu quondam acceperant. Strabo enim Geographiæ libro XIII. ut eruditis notum eſt, narrat, Ariſtotelem principem omnium fuiſſe quos bibliothecam libris undique conquiſitis inſtruxiſſe conſtet; cujus poſtea exemplum Ptolemæi Ægypti reges imitati fuerint, condita illa celebri Alexandrina. Hoſce autem libros, eodem Strabone teſte, Ariſtoteles morti proximus Theophraſto Ereſio tradidit, quem ſibi ſuccedere in docendi munere voluerat. Theophraſtus porro volumina ſua omnia Neleo cuiſdam Scepfio teſtamento legavit; qui Scepfio ea deportavit, morienſque hæredibus ſuis reliquit, hominibus litteraturæ omnis expertibus, qui ejuſmodi ſupellectile tam delectabantur,

*Quam gaudet ſpeculo cæcus, quam pectine calvus.*

Ii vero quum audiviſſent, Attalicos reges, quibus eo tempore Scepfii parebant, inſignem bibliothecam inſtituiſſe; ne librorum poſſeſſione inſpediti ſpoliarentur, eos in abdita quadam ſpecu ſepelivere, ubi centum triginta ferme annos delituerunt, ſitu ac vermibus fœde vitiati. Poſtremo quum in manus nonnullorum perveniſſent ex Ariſtotelis ac Theophraſti progenie, ab iis Apelliconi Tejo venditi ſunt, Peripateticæ philoſophiæ amatori, ſed librorum magis cupidus, quam diſciplinis erudito. Hic Ariſtotelis monumenta, quæ  
non-



nonnihil detrimenti ceperant, statim describi curavit, lacunisque perperam expletis, ut deinceps corruptissima legerentur, effecit. Paulo post autem Appelliconis mortem, quum L. Cornelius Sylla Felix Athenas occupavisset, hujusmodi bibliothecam inde sublatam, Romam secum asportavit. Qua in urbe Tyrannio Grammaticus, Aristotelis memoriæ studiosissimus, venia ejus libris utendi a bibliothecæ præfectis impetrata, eos librariis iterum describendos dedit: qui quum illa quæ scripserant, cum antiquo exemplari, unde sumpta fuerant, conferre neglexissent, corruptarum lectionum numerum insigniter auxere. Hactenus Strabo. Plutarchus autem in vita Syllæ huic Strabonis narrationi addit, Andronicum quemdam Rhodium a Tyrannione illos accepisse, atque in vulgus edidisse maculis iis deformatos quas hodie in illis passim deprehendi dolemus. Atque hæc prima & potissima obscuritatis librorum Aristotelis, causa est; quæ fato potius, quam ipsi scriptori tribuenda. Secunda quidem causa ipsum Aristotelem auctorem habet, qui scilicet quum philosophiam aperte ac perspicue studiosis hominibus tradere statuisset, neque eam fabularum atque ænigmatum involucris obtegere vellet, quod superiores philosophi ante ipsum fecerant, ne tamen a sapientibus in odium atque invidiam traheretur, quod cælestem disciplinam profani vulgi manibus indigne contrectandam exposuisset, pressa iccirco & subobscura in *acroamaticis* libris dicendi ratione usus est: quam sollertes quidem homines, multarumque litterarum præsidio instru-

cti,

ἔτι, adhibito studio, intellecturi essent; stupidi vero & rudes, omnino explicare non possent. Quod Aristotelis consilium justis æstimatoribus, laude potius, quam reprehensione dignum videbitur; qui noverunt, difficillimum & valde periculosum esse veterem docendi consuetudinem subito immutare, ac majorum instituta nimia festinatione convellere. Ceterum Peripateticæ familiæ philosophos, Aristotelem imitatos, a fabulis in scribendo abhorruisse, planeque ac perspicue locutos fuisse, testis locuples est Maximus Tyrius Dissertatione XXII. his verbis: Βέλει τοίνυν Αἰεσίαν μὲν καὶ Μελησαγόραν καὶ Ἐπιμενίδην καὶ τὰ ἄλλα ποιητῶν αἰνίγματα τοῖς μύθοις ἰσχυρῶς, ἐπὶ δὲ τῶν φιλοσόφων τὴν γνώμην τρέψωμεν, ταῖσι τῶν ἐκ Λυκείου καὶ Ἀκαδημίας τῆς καλῆς; ὃ γὰρ μυθολόγοι, ὃδ' αἰνιγματώδεις, ὃδὲ τερατείας ἀσπαζόμενοι, ἀλλ' ἐν δημοτικῇ λέξει τε καὶ διανοίᾳ εἰδισμένοι. quæ Latine ita vertuntur: *Vis igitur, relicto Aristea, Melesagora, & Epimenide, relictis poetarum fabulis & ænigmatibus, ad philosophos qui a Lyceo & Academia amœnitate nomen habent, animum convertamus? Siquidem hi nec fabulas, nec rerum verborumque obscuritatem, neque vanitatem amant, verum sermone populari, sensu aperto rem solent proponere. Porro, ut Plautino proverbio utar, (1)*

*Qui e nuce nucleum esse volt, frangit nucem.*  
 &, quemadmodum ait Epicharmus,

Τῶν πόνων πολλῶσιν ἡμῖν πάντα τ' ἀγαθ' οἱ θεοί.  
 hoc est: *Nonnisi laborum pretio dii bona nobis vendunt.* Ingenio acri opus est, assidua meditatione,

volu-

(1) *Curcul. Actu I. Sc. I. v. 55.*

voluptatum contemptu, constantia denique singulari, ut earum rerum cognitionem adipiscamur quæ cognitæ supra vulgus hominum nos extollunt, Deoque proximos reddunt: (2) *neque enim levia, aut ludicra petuntur Præmia*. Tertia obscuritatis causa in libris Aristotelis, ad ipsos lectores pertinet; estque Græcarum litterarum ignorantia & neglectio: sine quarum adminiculo, in Aristotelicæ sapientiæ adyta penetrare velle, ejusdem insanix fuerit, ac si quis pennis destitutus, sola brachiorum jactatione, avium volatum imitari in animum inducat. Hinc tam multa *Scholasticorum* somnia prodire, hominum sane acutorum, sed ab omni sæpe elegantia doctrinæ, ab omni eruditione alienissimorum: quos Græcæ Latinæque linguæ prorsus expertes, &, quod magis miremini, harum rerum inscitiam stolido quodam fastu & contracto supercilio plerumque ostentantes, illotis manibus Aristotelis philosophiam tractare non est veritum: sed hi tamen nubem pro Junone, quod olim Ixioni contigisse legimus, amplexati sunt. Ab hominibus enim semidoctis decepti, qui Aristotelis volumina e Græcis Latina facere conati fuerant, monstra opinionum summo philosopho affinxere, & pro thesauro carbones, Peripateticæ disciplinæ studiosis obtrudentes, antiquam scholæ faciem penitus invertère: quæ, nisi postremis hisce temporibus doctissimi homines ei opem tulissent, nihil jam de pristina pulchritudine, nihil de veteri majestate retinisset. Quo fato autem fieri dicam, Auditores,

(1) *Virgil. 12. Æneidos v. 764.*



res, ut nonnulli qui se philosophos appellari volunt, ornamenta dicendi, easque artes omnes quæ ab humanitate nomen habent, despiciatui ducentes, eruditos viros, multoque ipsis præstantiores, quasi litterariam quamdam plebeculam contemnunt? si qui autem ex his carmen fortasse scribant, eos vero indignos esse censeant qui vel philosophiæ nomen pollutis labiis pronuntient? Poëtarum enim, Grammaticorum, Rhetorum, Criticorum, Historicorum, omnium denique qui mansuetiores Musas amamus, hanc esse conditionem putant quæ olim fuit procorum Homericorum, qui Penelopæ nuptias frustra petentes, quum domina potiri non possent, ancillis interea commiscebantur. Horum igitur severissimorum hominum iudicio, (1) Parmenides, Empedocles, plerique Pythagoræorum e Græcis, Lucretius e Latinis, ingens flagitium commisere, quod philosophiæ decreta carminibus tradere ausi fuerint: & magno illi Galilæo, qui proavorum nostrorum temporibus floruit, succensendum est, propterea quod rerum cælestium contemplatione nonnumquam intermissa, Ludovicum Areostum in manus sumeret, ex ejusque lectione mirificam voluptatem perciperet. (2) Paucissimi sane homines, qui aliquo

(1) Vide Isaacum Casaubonum libro de Satira Romanorum cap. 5.

(2) Quintilianus Instit. Orator. lib. 5. cap. 11.

*Jam sententiis quidem poetarum non orationes modo sunt refertæ, sed libri etiam philosophorum, qui quamquam inferiora omnia præceptis suis ac litteris credunt, repetere tamen auctoritatem a plurimis versibus non fastidierunt.*

aliquo ingenio præstarent, ac liberali doctrina tempestive exculti essent, apud quos poëtica facultas gratia non valuerit, ullis umquam sæculis exstiterè: quam si qui oderunt, ii nullum fere bonarum rerum gustum habent. Sed ad propositum revertamur. Aristotelis itaque oratio Græce quidem scientibus, pura, perspicua, candida, pressa, tota denique Attica est: iccirco a Dionysio Halicarnasseo summo Rhetore, a Simplicio, a M. Tullio pleno ore laudata; cujus illa verba sunt in Academicis Quæstionibus: *Flumen orationis aureum fundens Aristoteles*. Desinant igitur ignavi homines de nimia Aristotelicorum librorum obscuritate queri: suam potius inertiam, suas delicias accusent. Vos contra, optimi ac strenui adolescentes, Græcis litteris operam date, quarum vobis in hoc celeberrimo Gymnasio excellentes magistri defuturi non sunt: harum enim lumine illustrati, & confirmati præsidio, illittratorum hominum tumultus compescere poteritis, qui quum ipsi cæcutiant, minus lucere solem clamant.

Quæ quum ita sint, miror quid in mentem venerit nonnullis, Aristoteli, Dialecticorum omnium principi, τὴν ἀμεθόδειαν, hoc est *ordinis in docendo negligentiam*, objicere: quæ, si memini, altera est ex tribus præcipuis criminationibus, initio orationis a me propositis. Proh deum atque hominum fidem! Aristotelem, ordinis amantissimum, in tradenda methodo facile principem, Logicæ Analyseos inventorem, a recta docendi via tam longe aberrasse! Nonne Aristoteles, priusquam

usquam aliquid tractare aggrediatur, de methodo qua uti decreverit in ea re explicanda, plura verba facit? Nonne iis partitionibus utitur quæ & res ipsas obscuras multa luce circumfundant, & discendi cupidis multum adjumenti afferant? Atque in Physicis quidem eam methodum adhibuit quam Græci *συνθετικὴν*, Latini *compositionis* vocant. Orsus enim a principiis, partibus, causis, summisque proprietatibus corporis naturalis (quam tractationem absolvit in libris *ὑπὲρ τῆς φυσικῆς ἀκοῆς*, sive *de Physico auditu*) progreditur deinceps ad ea quæ ex principiis constant, ad effecta, ad ipsa corpora naturalia considerata: simplicia primum, cælum videlicet atque elementa; tum composita e simplicium commixtione: quorum alia quidem imperfecta sunt, ut ea quæ in sublimi gignuntur, atque ideo τὰ μετέωρα vocantur, alia vero perfecta, qualia sunt metalla, & viventia omnia. In viventium autem genere, primum ea quæ ad ejusmodi animam pertinent unde stirpes atque ipsa animantia adolefcunt: secundo, quæ ad sentientem: postremo, quæ ad intelligentem, mentem scilicet humanam, accuratissime persecutus est; ut nimirum in homine, perfectissimo absolutissimoque naturæ opere, cujus causâ cetera omnia comparata sunt, finem disputandi faceret. Ut enim veteri proverbio fertur, ibi Physicus desinit ubi Medicus initium sumit. Quod & Sacrarum Litterarum auctoritati consentaneum est, a quibus docemur, ut sapienter animadvertit Lactantius Divinarum Institutionum libro II. capite VIII. *hominem suis*



*se ultimum Dei opus ; & sic inductum fuisse in hunc mundum, quasi in domum jam paratam & instructam . illius enim caussa facta sunt omnia .* Ethica vero diversâ plane ratione tractat Aristoteles ; in iis enim docendis utitur μεθόδῳ τῇ ἀναλυτικῇ, sive *resolutionis*, a summo scilicet bono exordium capiens , ac deinde ad ejus causas, nempe virtutes, considerandas, & ad ejus principia, προαίρεσιν videlicet , sive *electionem* , ac τὸ ἐκείσιν, seu *voluntatis libertatem*, paullatim progressus. In omnibus autem philosophiæ partibus id observare consuevit Aristoteles, ut primum proponat ea de quibus quærere ac disputare instituit: tum veterum sententias in medium afferat: deinde illas accurate examinet, ut si falsas invenerit, argumentis refutet; sin autem veras deprehenderit, laudet, atque in suos usus adhibeat. Postremo suam ipse sententiam explicat, stabilit, confirmat, inductione, syllogismo, auctoritate. Neque quidquam verbo tantum pronuntiat quod verbo negari possit: sed, quemadmodum philosophum decet, ubique addit momenta rationum, quibus vel ab invitis & repugnantibus assensionem extorqueat. Pulcherrimum vero ejus ὄργανον ad alias disciplinas comparandas ( Logicam dico ) quis umquam sine admiratione legere potuit? cui simile opus nulla ætas vidit, nulla visura est: quod quamvis aliqui æmulari conentur, numquam tamen paria facient; non, si se ruperint. Rhetoricorum autem libros, acerrimo ingenio maximaque cura elaboratos, & quæ de re poëtica philosophus noster litteris consignavit,

vit, præclara sane, ac omnem laudis modum prætergressa, in præsentia omitto; ad nostrum enim institutum minus pertinent, nec alioqui eximiis laudatoribus carent.

Venio nunc ad ultimum accusationis caput, quo contendunt adversarii, ab Aristotele falsa rerum principia statuta esse, utpote quæ neque corporis, neque animi sensibus ullo modo attingi possint; ex quibus principiis falsas item conclusiones derivaverit: præterea totam ejus physicam disciplinam rudem esse atque ignavam, eamque ad explicanda naturæ opera vires atque industriam deficere. Fateor libentissime, Auditores, ut vobiscum sincere agam, & ne viros egregios qui postremis hisce temporibus physicam sollertissime excoluere, debita laude fraudem, multa Aristotelem ignoravisse, quorum inventionem divinæ providentiæ in alias ætates differre placuit; quemadmodum & plurima ab hujus ætatis philosophis ignorari necesse est, quæ posterorum cognitioni servantur: infinitus enim est atque inexhaustus rerum occultarum & admirabilium thesaurus. Fateor etiam, Aristotelem, quamquam excellenti admodum ingenio erat, erroribus nihilominus obnoxium fuisse, quos videlicet humana natura prorsus vitare non potest. Profecto enim, (ut pauca ex pluribus hoc loco commemorem) quod γαλαξίαν, sive Lacteum Orbem in Cælo, μετέωρον in aëre collocatum existimaverit: quem Astronomi diligentissimi, *telescopei* subsidio instructi, minutarum stellarum multitudinem confertissimam esse deprehenderunt: quod Cometas Luna

inferiores arbitratus fuerit, eosque in suprema regione aëris ex igneis exhalationibus generari docuerit: quod nervos in animalibus originem ducere a corde, & ipse crediderit, & alios persuasum habere voluerit; errata sunt adeo manifesta, adeo gravia, ut nullo pacto excusari posse videantur. Nisi forte aliquis in summum illum animi ardorem culpam omnem conferre velit, quo Aristoteles concitatus, quaecumque ad philosophiam pertinerent, suis voluminibus complexus est: quod recte, ac pro rei dignitate præstare, ne unius quidem sæculi, nedum hominis, est: oportet enim antea rerum singularum *παρὸ μέρους* quæ vocantur, accuratissime considerare, omniumque effectuum naturalium læpius ac diutius periculum facere; ac demum, experimentis undique collectis, justum atque absolutum doctrinæ corpus conficere, quod non fallacibus conjecturis, at certo incorruptorum atque integrorum sensuum testimonio nitatur. Et sane in eo maxime deceptus est Aristoteles, quod putaverit, suo tempore philosophiam tam longe provectam esse, ut vix ultra provehi posset. De qua philosophi nostri opinione ita Cicero Quæstione tertia Tusculana: *Aristoteles veteres philosophos accusans, qui existimavissent, philosophiam suis ingeniis esse perfectam, ait eos aut stultissimos, aut gloriosissimos fuisse: sed se videre, quod paucis annis magna accessio facta esset, brevi tempore philosophiam plane absolutam fore.* Hunc autem Ciceronis locum describit Lactantius libro II. Divinarum Institutionum, capite XXVIII. Quanto L. Seneca sapientius!



tius! cujus verba e capite XXXI. libri VII. Naturalium Quæstionum petita, quod elegantissima sint, & ad rem mirifice pertineant, non possum facere quin hoc loco recitem. Ait igitur summus philosophus: *Quam multa animalia hoc primum cognovimus sæculo! & quidem multa venientis ævi populus ignota nobis sciet. Multa sæculis tunc futuris quum memoria nostri exoleverit, reservantur. Pusilla res mundus est, nisi in illo quod quærat omnis mundus habeat. Non semel quædam sacra traduntur: Eleusis servat quod ostendat revisentibus. Rerum natura, sacra sua non simul tradit. Initiatos nos credimus: in vestibulo ejus hæremus. Illa arcana non promiscue, nec omnibus patent: reducta, & in interiore sacrario clausa sunt. Ex quibus aliud hæc ætas, aliud quæ post nos subibit, aspiciet. Quando ergo ista in notitiam nostram perducentur? Tarde magna proveniunt, utique si labor cessat. & rursus in calce libri: Philosophiæ nulla cura est. Itaque adeo nihil invenitur ex his quæ parum investigata antiqui reliquerunt, ut multa quæ inventa erant oblitterentur. At mehercules si hoc totis membris premeremus, si in hoc juvenus sobria incumberet, hoc majores docerent, hoc minores addicerent, vix ad fundum veniretur, in quo veritas posita est: quam nunc in summa terra & levi manu quærimus. Num tamen, propter nonnulla quæ peccavit Aristoteles, vel propter multa quæ nescivit, ab ejus voluminum lectione abstinentum? quum in iis alioqui vera plurima contineantur, plurima utilia, plurima quæ recentiorum ingeniis facem quodammodo prætulere, ut*

longius in philosophiæ studiis progredierentur. Quæ, malum, impietas est, doctissimos homines, quorum opera & laboribus profeceris, contemnere, irridere, calumniari, ac tandem nihili facere? An putatis, Auditores, tantos progressus in physicis habiturum fuisse Cartesium, nisi antiquorum inventis uti potuisset, Platonis præcipue, Aristotelis, & Divi Augustini? Quid porro affert Petrus Gassendus quod non a Leucippo, Democrito, Epicuro, Lucretio, aliisque id genus philosophis mutuatus fuerit? Effetne campus in quo ipse exsultare posset, nisi pluribus ante sæculis inventi fuissent qui ad explicanda naturæ opera abuterentur atomorum regno & licentia? Eudoxum tolle, Hipparchum, Philolaum, Claudium Ptolemæum, Alphonsum Castiliæ regem; qui Herculeis plane laboribus

(1) *Admovere oculis distantia sidera nostris,  
Ætheraque ingenio supposuere suo;*

jam & Copernicum tolles, & Tychonem, & Galilæum, & Keplerum, & Cassinum, & quantum est Astronomorum; quos omnes veterum illorum præceptis, immo & peccatis debemus. Ita Pythagoras, Euclides, Archimedes, Apollonius, Pappus, in erudito illo pulvere diu multumque versati, & de formis, lineamentis, intervallis, magnitudinibus tota fere vita disputantes, ea excellentium ingeniorum monumenta reliquerunt, quæ longissimo post tempore Leibnitium, Bernoullium, & sæculi nostri μέγα θαῦμα Isaacum Newtonum ad virtutis imitationem excitarunt.

Qui-

(1) *Ovidius lib. I. Fast. v. 305.*

Quicumque enim tentando & periclitando, novas artes invenerunt, atque inventis, hominum vitæ profuerunt, quamvis haud raro in errores inciderint, memoria tamen sempiterna dignissimi sunt: duces enim & signiferos meliora & certiora excogitandi posterorum industriæ se præbuerunt. Nemo sane, nisi præceps in judicando, probare possit Leonardi Capuensis de Galilæo judicium: quem unum censet satis esse ad omnem omnino antiquitatem de gloriæ possessione deturbandam. Ego contra existimo, quemadmodum arboris pulchritudine ac proceritate, feminis laus augetur, ita recentiorum studiis & cogitatis, (1) majorum gloriam quotidie propagari.

Quod vero nonnulli clamant, ea rerum principia Aristotelem posuisse quæ neque cerni oculis, neque intimo sensu comprehendi possint, in eo, ut mihi quidem videntur, absurdi sunt. Id enim homini vitio vertunt quod contra maxime laudari merebatur. Vidit enim acutissime Aristoteles, ea quæ sensu percipiuntur, & quorum imagines animo formare possumus, a principiorum natura quam longissime abhorrere: sunt enim omnia composita & concreta ex aliorum commixtione: principia vero summe simplicia esse oportet: si enim ex aliis apta sint prioribus, jam prima

G 4                      prin-

(1) Plinius Histor. Nat. lib. 2. cap. 13. *In quibus aliter multa quam priores tradituri, fatemur ea quoque illorum esse muneris qui primi querendi vias demonstraverint: modo ne quis desperet sæcula proficere semper.*



principia non erunt. Præterea principia, interitus expertia esse debent, ne scilicet rerum semina umquam deficiant: quæ vero sub sensum cadunt, ea continenter labuntur, & fluunt omnia. siquidem, ut sapientissime ait D. Paulus Epistola II. ad Corinthios, cap. IV. τὰ βλεπόμενα πρόσκαιρα, τὰ δὲ μὴ βλεπόμενα αἰώνια. id est: *Quæ videntur, ad tempus durant, quæ vero non videntur, æterna sunt.* Magni autem ingenii est revocare mentem a sensibus, & cogitationem a consuetudine abducere; ut ait Cicero Tusculanarum Quæstionum lib. I. & quemadmodum Plato in Theæteto scribit: Ἀμύνητοι εἰσὶν οἱ ἕδὲν ἄλλο οἶόμενοι εἶναι, ἢ ἃ δυνάμει ἀπεὶξ τῶν χειρῶν λαβεῖσθαι. *Profani sunt, qui nihil aliud esse existimant nisi illud quod manibus palpare ac prehendere possunt.* Quapropter Pythagoras ille Samius, vitæ innocentia, & scientiæ magnitudine præstantissimus, teste Ovidio, libro XV. Metamorph. v. LXII.

-- -- -- -- licet cæli regione remotos

*Mente deos adiit: & quæ natura negabat*

*Visibus humanis, oculis ea pectoris hausit.*

Non placent quibusdam ab Aristotele posita principia: Democriti atomi potius arrident, aut triplex illa a Renato Cartesio ingeniose excogitata materia. Sed, pace dicam tantorum virorum, si hujusmodi principia probaverimus, non tamen Aristotelis de principiis doctrinam continuo evertemus: verum, ne probemus, multa impedimento sunt. Quis enim illa Democriti atque Epicuri corpuscula, partibus quidem prædita, sed nihilominus divisionis expertia, umquam intellexit?

quis

quis vero non videt, triplicem illam Cartesii materiam, elegans esse commentum, cui nihil tamen solidi subsit, nihil explorati? res tota in levi quadam conjectura posita est, ad quam postea, vel invitæ, naturæ leges accommodantur: quum contra, singulorum hominum cogitationes ad ipsas naturæ leges corrigi atque accommodari oportuisset. Hoc igitur præstant principia ab Aristotele posita, reliquorum philosophorum principis; quod Aristotelis principia labefactari nullo modo possint, reliquorum vero facillime. Quod etiam de occultis quibusdam rerum qualitatibus intelligi velim, ad quas confugere Aristotelem, cavillantur, quum rei naturam explicare nescit. Sapienter id quidem fit a philosopho: hominis enim prudentis est, a rebus incertis assensionem sæpius cohibere, neque incognita pro cognitis venditare. Laudanda profecto doctorum virorum sollertia qui veritatem assidue investigant, & quòdammodo venantur: sed neque illorum reprehendenda cautio qui quum omnia attente ac diligenter circumspexerint, id se demum fateantur nescire quod nesciant. Sed plerique, dummodo nova proferant, atque ad hanc diem inaudita, de ipsorum veritate non valde solliciti sunt: putant enim, hominis esse ad servitutem nati, alieno tantum ingenio sapere, ac, tamquam in schola pueros, magistri dictata recitare. Hinc superbissimum oritur antiquitatis fastidium; ut quidam se malint concinni alicujus erroris architectos perhiberi, quam cum veteribus philosophis recta & vera sentire. Quod illis pulchre succedere

dere videmus; quum enim rerum plurimarum veritas ab iis qui ante nos vixere, jamdiu fuerit occupata; haud raro contingit, ut nimio novitatis amore abrepti homines, in fraudem atque errores inducantur. Multæ igitur sententiæ quotidie prodeunt quas magno sæpe plausu excipi videmus: at brevi tempore consenescent adeo ac dilabuntur, ut vix ullum sui vestigium relinquunt. Quemadmodum enim adolescentibus qui parentes minus reverentur, merito accidere solet, ut quum ipsi liberos susceperint, ab iis vicissim contemnantur; eodem pacto, qui in antiquos philosophos, a quibus tot præclara accepere, injuriosi & contumeliosi sunt, posteritatis judicio plerumque puniuntur.

Si quis igitur vestrum, optimi juvenes, a me quæsierit, quo loco veteres philosophos, quo recentiores habere debeat, auctor illi fuerim, ut

(1) *Nullius addictus jurare in verba magistri*, unam veritatem sequatur; neque ita miretur antiquos, ut nostrorum temporum doctissimos viros despiciat, quorum sunt in physicam merita immortalia; neque rursus recentiorum ingeniis ita aduleatur, ut naturam tarditatis accuset, quasi nunc primum homines formare didicerit, ad hoc vero tempus umbras tantummodo ac simulacra hominum, ut ita dicam, genuerit. Sed, quoniam antiquitas quo propius aberat ab ortu & divina progenie, hoc melius ea fortasse quæ erant vera, cernebat, (M. Tullii verbis utor, ex prima Tusculana) si reverentia aut credulitate nimia ali-

(1) *Horatius Epist. I. lib. I. v. 14.*



aliquando peccandum est, a partibus antiquorum stare potius convenit, quam novis in dies erroribus immisceri. Hoc etenim deterior est novus error antiquo, quod quum corrigendi vetera spem ostenderit, nos iterum fallat, & iis qui a majorum præceptis discedere noluerint, irridendos præbeat. Nec tamen id tanta religione servari oportere censeo, quanta olim a Locrensisbus antiqua instituta retinebantur. Apud eos enim mos ille invaluerat, immo Zaleuci lege cautum erat, ut si quis receptam disciplinam ulla ex parte mutare vellet, aut novam aliquam legem suadere, id non aliter ei facere liceret quam si colum in laqueum induisset, ut nisi ea lex utilis inventa esset, aut nisi populo probaretur, illico ejus auctori fauces eliderentur. Minoris longe periculi res est, a nonnullis veterum philosophorum opinionibus in alia omnia abire, quam leges ad salutem civium conditas, diuturnoque tempore confirmatas, temere, ac pro libidine abolere. Usurpandum igitur sæpius illud Aristotelis: *Amicus Plato, amicus Socrates, at magis amica veritas*. ita etiam: amicus Aristoteles, amicus Cartesius, amicus Gassendus, at magis amica veritas. Fuerunt hi, fateor, doctissimi homines, admirabili ingenio præditi, dignissimi fane quibus multum, immo plurimum deferamus: homines tamen, & propterea humani aliquid interdum passi. Aurea sunt in hanc rem verba Lactantii, libro VII. cap. VII. *Divin. Instit. Incredibilis est, inquit, error illorum qui quum aliquam sectam probaverint, eique se addixerint, ceteras damnant*

*mnant tamquam falsas & inanes, armantque se ad præliandum, nec, quid defendere debeant, scientes, nec, quid refutare, incursantque passim sine delectu omnia quæ adferunt quicumque dissentiunt. Ob has eorum pertinacissimas contentiones nulla existit philosophia quæ ad verum propius accederet. nam particulatim veritas ab his tota comprehensa est. Ab omnibus igitur philosophis aliquid veri prolatum fuit: ii propterea laudandi qui ut unam conficiant doctrinæ summam erroribus quammaxime expertem, e singulis excerpunt ea quæ probabiliora videantur. Tanta porro est naturæ obscuritas, tantæ sensuum & mentis angustia, ut de Physicis jure optimo dici possit quod olim de mimis (1) Laberius pronuntiavit:*

*Non possunt primi esse omnes omni in tempore.*

*Summum ad gradum quum claritatis veneris,*

*Consistes egre; & quam descendas, decides.*

*Cecidiego: cadet qui sequitur, laus est publica.*

*Igitur, studiosi adolescentes, mores qui philosophum deceant, cupide arripite, candidos nimirum, atque ab omni pertinacia, invidia, dicacitate, obtrectandi libidine alienos; & Aristotelis dogmata, dum sine cortice natare olim possitis, & vestro judicio uti, interea cognoscite. Cujus Librum primum Physicorum, proxima schola interpretari incipiemus.*

(1) *Apud Macrobiurn Saturn. lib. 2. cap. 7.*





## Σ Τ Ν Τ Α Γ Μ Α

*De veteribus Philosophis libro I. Physicorum ab Aristotele memoratis; in quo singulorum sententiæ de rerum naturalium principiis breviter & summatim exponuntur; ad usum studiosæ juventutis.*

## D E P A R M E N I D E .



ARMENIDES patria Eleates, Pyretis filius, ut certe memoriæ prodidit Diogenes Laërtius lib. IX. cap. XXI. de vitis eorum qui in philosophia clauerunt, Xenophanem audivit. Ab ipso autem profectus est

Zeno Eleates, quem Dialecticæ inventorem ferunt; ejusque rationem philosophandi, paucissimis immutatis, omnino probavit. Plato in eo Dialogo quem *Parmenidem* inscripsit, refert, ab hoc philosopho unum rerum naturalium principium positum esse, quod neque prorsus infinitum esset, neque finitum. Duplices enim ἰδέας sive causas inducebat: unam ἀρχὴν γὰρ πρῶτην, principem & primam scilicet, alias ἐν φύσει ἑσώσας, id est quæ in natura continerentur: ac propterea  
variis



variis eas notis insigniebat; primam siquidem infinitam statuebat, secundas finitas. Infinitam illam vocabat ceterarum opificem & conservatricem; præterea ἀχρημάτισον, nulla figura præditam; ἀκίνητον, immobilem; ἄχρονον μὴ μετέχουσαν, temporis expertem; ἃ δ' ἐν χρόνῳ τὸ πᾶν οὖσαν, quæ nullo modo in tempore esset; ἀμήθεκτον, quæ communicari minime possit; ἡρώσεως ἢ οὐσίας αἰτίαν, generationis & substantiæ causam; denique ἐπὶ πάντα τὰ ὄντα γενεμνησκόν, in omnia quæ sint, distributam. Quibus omnibus certissimis atque illustribus notis Deum Opt. Max. a Parmenide quodammodo significari, luce meridiana clarius est. At præter illam principem causam, secundas quoque ιδέας, sive causas, sive naturas, ponebat Parmenides, ex quibus & per quas fiat id omne quod in hac rerum universitate sit, ac proinde in quibus ipsa τὰ καθέκαστα, id est singulæ res, proxime conserventur. Illas vero causas agebat esse πεπερασμένας, certis nimirum classibus distinctas atque definitas; & in rerum etiam singularum effectione περατωδεῖς, nempe terminata specie, & ἰσχηματισμένας, i. e. figura præditas. Præterea, illas οὐσίας esse, nempe substantias; & quatenus in suis individuis, quæ vocant, quotidie quasi nascantur, & in iisdem quodammodo intereant, ἐν χρόνῳ εἶναι, esse in tempore, docebat. Revocabat autem ad principem illam causam secundas omnes causas, & ipsarum fœtus, nempe res singulas generationi & corruptioni obnoxias: quod enim multa esse in rerum natura videantur, eo accidere dicebat, quod nostro

rum

rum sensuum fallacissimum sit iudicium: rem quamlibet autem consistere & cognosci ope illius causæ qua vere est quidquid est: in qua scilicet, & per quam sint omnia. Ita Parmenides naturam & naturæ principia cum Deo confunde-  
bat, & sibi ipse adversabatur: quandoquidem causas naturales antea passus erat, quæ a prima illa reapse distinguerentur. Opificem igitur cum opificio commiscebat, & causarum ἀταξίαν, id est *rectum ordinem*, perturbabat; quod philosopho maxime indecorum est. Et certe in physico argumento adhibere *metaphysicas* rationes, μεταβαίνειν est εἰς ἄλλο γένος, quemadmodum Græci loquuntur, hoc est *a genere in aliud genus transire*, atque, ut proverbio fertur, in alienam messem falcem mittere. Debent enim singulæ artes, disciplinæ, ac scientiæ suis & domesticis, non aliunde quæsitis, principiis uti. Propter hanc igitur ἀταξίαν, sive *ordinis perturbationem*, jure reprehensus est Parmenides a summis philosophis Platone atque Aristotele: qui etiam in illo impro-  
bavere, quod ὄντος, & ἐνός, *entis* nimirum, & *unius* nomina confunderet, tamquam si *unum* tantummodo esset *entis* genus, quum omnino plura sint: falsumque sit, in natura, tantummodo esse unum quiddam immobile, & præter id nihil aliud: quum contra natura in perpetuo quodam motu versetur, rerumque multitudinem & sensibus, & animo facile admodum percipiamus. Ceterum quamvis Parmenides *unum tantum ens*, idque immobile, κατὰ λόγον, hoc est *secundum rationem*, inveniri dixisset; ne tamen rerum singu-  
larum

larum varietatem inficiari ac tollere cogeretur, quod vecordis hominis atque infani fuisset; sensuum judicio convictus, duo tandem rerum principia, eaque κατ' αἰσθησιν, nempe *secundum sensum*, induxit: quæ calidum, & frigidum esse voluit; teste Aristotele cap. VI. lib. I. Physicorum, ubi docet, veteres omnes philosophos principia contraria posuisse.

### *De Melisso.*

Melissus Samius fuit, Ithagensis filius, discipulus Parmenidis, cum Heraclito etiam familiariter versatus, eo potissimum tempore quo ita de illo male sentiebant Ephesii, ut olim de Democrito Abderitæ, quem impium videlicet ac delirum esse opinabantur. Fuit vir in republica gerenda eximius, & magnæ apud cives suos auctoritatis, qui eum classi præfecere, & ob virtutem summopere coluere. Floruit, si Apollodoro fidem habemus, olympiade LXXXIV. Hic, Parmenidis vestigiis insistens, docuit, principium rerum unum esse, immobile, atque infinitum. unum hoc esse omnia. Melissi porro argumentationem, qua id efficere conatur, in Commentarios suos retulit Simplicius, celeberrimus Physicorum Aristotelis interpret. Hujusmodi autem est. *Si nihilum esset, de hoc affirmari aliquid posset, tamquam de ente aliquo.* id est, ut ego quidem interpretor: Nihili nulla natura est: nam si nihilum esse, dicere possemus, jam de ipso nihilo ita loqueremur ut de aliquo ente: quæ in-  
ter



ter se maxime repugnant. Sed si aliquid est, ait Melissus, aut genitum id est, aut sempiternum. Porro si genitum est, aut ex ente genitum est, aut ex non ente. Atqui neutrum dici potest. Etenim ex non ente res ulla gigni non potest, nedum rerum universitas, sive το πᾶν. Neque ex ente id quod est, gigni potest: nam alioqui esset antequam gigneretur. Genitum itaque non est id quod est: quomobrem semper est, neque interibit. Nam neque in non ens mutari potest id quod est: quæ omnium omnino veterum Physicorum sententia fuit: neque in ens, quandoquidem rursus maneret, neque interiret. Igitur id quod est, neque genitum aliquando est, neque umquam interibit. Quapropter semper fuit, semperque erit. At quum id quod est genitum, principium habeat; profecto id quod nunquam genitum est, principio caret. Id autem quod est, genitum non est; principio itaque caret. Præterea, quod interit, finem habet: si igitur aliquid non interit, & corruptionis est expers, finem non habebit. Id igitur quod est, quum sit corruptionis expers, finem non habet. Quod vero principio, & fine caret, infinitum est. Id igitur quod est, infinitum est. At si infinitum est, unum est. Nam si duo essent, infinita esse non possent, sed terminis inter se definirentur. Infinitum autem est id quod est; entia igitur plura non sunt. At si unum est id quod est, immobile etiam est; quandoquidem quod unum est, sibi semper simile est. Quod vero sibi simile est, neque interire, neque majus fieri potest, neque item dolet, aut mœrore aliquo afficitur. Nam si mœrore afficiatur, aut laboret, unum

H

non

non erit; siquidem quod motu aliquo cietur, ex alio semper mutatur in aliud. Nihil autem aliud est præter id quod est. quare hoc haudquaquam movebitur. Quod alio etiam modo manifestum fieri potest. Ejus quod est, vacuum nihil est, quandoquidem vacuum nihil est. Id igitur quod est, moveri non potest. Vacuo enim, sive inani, e natura sublato, id quod est non habet quo procedat. Sed neque in se comprimi potest: alioqui, seipso & rarius esset & densius; quod affirmari non potest, jam enim non esset unum. Immo vero, quo densius esset ipsum ens, hoc magis vacuum esset: vacuum autem nihil est. Si igitur vacuum non est, necesse est plenum esse. quamobrem id quod est, non movetur. Hactenus Melissus. Cujus rationem magis importunam, captiosique argumenti similem vocat Aristoteles, quam rationem Parmenidis. Falsa enim sumit, neque concludit; quemadmodum & ratio Parmenidis: at præterea vitiis magis evidentibus laborat. Porro idem Aristoteles Parmenidem ac Melissum e grege Physicorum exemit, quod scilicet in physico argumento rationibus e prima philosophia petitis nimium abusi essent, atque unum ens immobile statuissent, contra quam a Physicis factum sit, qui omnes unum aut plura principia mobilia & mutabilia invexere. Iccirco autem hi philosophi tam acriter & copiose ab Aristotele reprehensi & confutati sunt, ut videre est capp. II. III. & IV. libri I. Physicorum; quod is nimirum obscuritatem verborum & sententiarum, quam illi adamaverant, ferre non posset: velletque docere, propriis & perspicuis verbis tradendam

dam esse philosophiam, ut auditores lectoresque, magistri sententiam facile assequantur, neque in ea intelligenda aut explicanda frustra laborent. Non certe, quod putaret, summos illos viros tam longe a communi sensu abhorruisse, ut opinarentur, nullam esse omnino rerum dissimilitudinem: nec rursus, quod illis ridicula atque inepta dogmata vellet affingere, ut scilicet iis refellendis gloriolam sibi compararet: quod turpe quidem ac sceleri affine fuisset. Ab ænigmatibus igitur abstinendum est; neque sophistarum quorundam consuetudo imitanda, qui præstigias & fallacias artis suæ, verborum lenocinio commendant, ut maiorem ipsis reverentiam apud imperitos concilient: ac, tamquam atramento sepiæ, sic ambagibus & fabularum velamine semper obvoluti sunt. Nimirum dictitant, non esse naturæ mysteria temere in vulgus prodenda, sed potius, tamquam Eleusinia sacra, caute ac religiose occultanda. Sed qui sapiunt, rem unamquamque suo nomine appellare amant, & si quid ipsi assidua meditatione veri extuderunt, non id ceteris hominibus maligne invident, vel apud se continendo, vel ambiguis obscurisque vocabulis significando; verum liberalissimum illum omnis boni largitorem Deum Optimum Maximum imitati, cum studiosis communicant, atque in publicum proferunt. Stultorum contra est, vel inepte gloriosorum, ea loqui, aut monumentis litterarum mandare, quæ intelligi nolint:

*Omnia enim stolidi magis admirantur, amantque  
Inversis quæ sub verbis latitantia cernunt;*



*Veraque constituunt quæ belle tangere possunt  
Aures, & lepidò quæ sunt fucata sonore;*  
ut sapienter ait (1) Lucretius. Quod vitium si  
Parmenides ac Melissus declinare voluissent, &  
Aristotelis censuram effugissent, & commodiore  
fama uterentur, & melius profecto de posterita-  
te meriti essent.

*De Diogene Apolloniato, atque Anaximene.*

Diogeni Apolloniati, & Anaximeni visum est,  
infinitum aërem omnium rerum esse principium.  
Horum prior patrem habuit Apollonhemidem, &  
valde claruit in physicis. Anaximenem audi-  
vit: floruit iisdem temporibus quibus & Anaxa-  
goras. Hæc autem sunt ejus præcipua dogmata.  
Unicum elementum, ex quo fiant omnia, esse  
aërem: infinitos esse mundos, & infinitum ina-  
ne: hos autem mundos ex aëre coacervato &  
exsiccatò generari. Nihil ex nihilo fieri, neque  
in nihilum reverti posse. Terram rotunda figura  
præditam, & utrimque acutam, in media uni-  
versi regione sitam esse, quæ & ardoris conver-  
sione, & frigoris concretione consistat. Hujus  
philosophi meminit Aristoteles libro I. Metaphy-  
sicorum, cap. III. item lib. III. Historiæ anima-  
lium, cap. III. ubi ejus sententiam affert de ve-  
narum origine atque progressu. Constat autem,  
illum & medicinam fecisse.

Anaximenes, Diogenis Apolloniatae magister,  
Milesius fuit, sodalis, discipulus, & successor A-  
naxi-

(1) *Lib. I. de Rerum Natura, v. 642.*

naximandri. Floruit, Eusebio teste in Chronico, olympiadis LVI. anno II. Hic quoque principium rerum univrsarum aërem esse statuit, ex quo nimirum omnia nascantur, & in quem corrupta redeant. Ita nihil aliud esse animam nostram, quam aërem a quo temperemur: totumque mundum spiritu & aëre contineri. esse enim *spiritum* & *aerem* duo nomina rem eandem prorsus significantia. Docebat præterea, aërem deum esse, immensum & infinitum; & tamen gigni, semperque in motu versari. Ea vero quæ ex aëre, tamquam ex elemento, oriantur, definita esse: generari autem terram, aquam, ignem, tamquam secunda elementa; tum ex his reliqua omnia. Multa præterea feruntur ejus dogmata, quæ quod ad hanc de rerum principiis tractationem minus pertineant, iccirco a me prætermittuntur.

### *De Thalete.*

Ut autem isti quos adhuc memoravi, infinitum aërem principium rerum posuere; ita Milesius Thales infinitam aquam. Hic philosophorum antiquissimus apud Græcos fuit, eaque ætate floruit qua *philosophi* & *philosophie* nomen nondum fando auditum erat: sed qui rerum sublimium contemplationi vacabant, *sapientes* appellabantur. Mileti natus est, vel certe a Milesiis civitate donatus; quod nonnulli tradidere. Familia ejus apud Phœnices perantiqua fuit, utpote quæ ad Cadmum & Agenorem stirpis auctores referretur. Hujus dogma celeberrimum fuit, Omnium cor-

porum quæ natura constant, aquam primum esse principium: ad quod dogma stabiliendum his fere argumentis utebatur. Quum semen, ex quo, tamquam ex proximo principio, omnia oriuntur animalia, humidum sit, probabile item esse, res alias omnes ex humore originem ducere. Deinde; quia stirpium omnium alimentum humor est, qui fecunditatem ipsis largitur, & quo illæ destitutæ, arescunt atque intereunt. Præterea; quoniam ipse Solis stellarumque ignis, aquæ exhalationibus nutriatur, ipseque adeo mundus. Quam Thaletis doctrinam Pindaro Lyricorum principi placuisse crediderim, quum ita primam Olympiorum suorum Oden exorsus fuerit: *Ἄριστον μὲν ὕδωρ*: *Optima quidem est aqua.* meæque sententiæ suffragatur ejus poëtæ vetus Scholiastes ad illum locum. Hujus autem opinionis vestigia reperiuntur etiam apud Homerum, & Hesiodum, antiquissimos poëtarum; ut Plutarchus animadvertit in Opusculo quod inscripsit, *Ignis an aqua utilior*. Scholiastes vero Apollonii Rhodii ad librum quartum Argonauticon ejus poëtæ, versu DCLXXVI. Zenonis philosophi testimonio allato, affirmat, Chaos, ex quo, Hesiodo teste, omnia facta fuerint, aquam fuisse, quæ paullatim subsidens, in lutum abierit, quod postea densius effectum solidam terram procreaverit. Hanc vero doctrinam veteres illi e Græcia philosophi a Phœnicibus accipere, cum quibus ab heroicis usque temporibus commercium Græcis fuit. Non abs re igitur Numenius, ex antiquorum numero philosophus, ut Porphyrius tradit in libello de antro Nympha-



pharum, pro hac sententia Divinorum Librorum auctoritatem afferebat, (1) in quibus dicitur, Dei Spiritum in aquarum superficie cursitasse, ut ipsis nimirum calorem & motum impertiretur. E plurimis autem quæ de Thaletis sapientia feruntur, illud in fabulis numerandum crediderim, quod Plutarchus narrat in Convivio septem sapientium; Periandro videlicet, Corinthiorum tyranno, oblatum quondam fuisse monstrum, equa natum, capite equino, reliquis membris humanorum similibus. Quum autem rei novitate Periander vehementer commotus esset, accessisse ad eum Thaletem Milesium, monuisseque, non expiationibus aut sacrificiis deos immortales placandos, ob ea mala quæ monstrum portendere videretur; sed potius providendum, ne deinceps aliis equisonibus Periander uteretur quam qui matrimonio juncti essent. Conjecisse enim Thaletem, cælibes juvenes, curando armento præfectos, quum furorem libidinis sustinere non possent, equas ipsas inire solitos, ex eoque immani ac nefando congressu monstrum illud biforme prodiisse. Rem huic plane similem litteris mandavit Phædrus, Augusti libertus, Fabula III. libri III. quæ hujusmodi est:

*Ufu peritus hariolo velocior*

*Vulgo esse fertur: caussa sed non dicitur.*

*Notescet quæ nunc primum fabella mea.*

*Habenti cuidam pecora pepererunt oves*

*Agnos humano capite. monstro exterritus,*

*Ad consulendos currit mærens hariolos.*

H 4

Hic

(1) Geneseos cap. I.

*Hic pertinere ad domini respondet caput,  
 Et avertendum victima periculum:  
 Ille autem affirmat conjugem esse adulteram,  
 Et insitivos significari liberos:  
 Sed expiari posse majori hostia.  
 Quid multa? variis dissident sententiis;  
 Hominisque curam cura majore aggravant.  
 Æsopus ibi stans, naris emunctæ senex,  
 Natura numquam verba cui potuit dare:  
 Si procurare vis ostentum, Rustice,  
 Uxores, inquit, da tuis pastoribus.*

Uxoribus nimirum acceptis futurum erat ut ab ejusmodi ἀσελγεία in posterum abstinerent. Hujus porro fabellæ veram sententiam viri docti qui elegantissimum scriptorem explicandum susceperere, videntur aut minus affecuti, aut, fortasse pudoris gratia, obscurius interpretati.

### *De Heraclito.*

Heraclitus patria Ephesus, Blysonis filius fuit. Floruisse fertur olympiade LXIX. Darii Hystaspis temporibus. Xenophanem audivit; quamvis se nihil magistris debere, omniaque a se ipso didicisse professus fuerit. Hunc Aristonymus quidam apud Joannem Stobæum Sermone XXI. non in-scite ait adolescentem virorum sapientissimum fuisse; quod videlicet se nihil scire, ingenue ac pudenter fateretur; quum autem ad virilem ætatem pervenisset, stultissimum; quod jam nihil se ignorare affirmaret. Ignem omnium rerum principium, seu commune elementum, esse docuit.

Fini-

Finitam vero esse hanc rerum universitatem, eamque ex igne oriri, ac rursus, per quædam temporum intervalla, in ignem redire: idque facto fieri. Ex his autem quæ contraria sint, id quidem quod generationem efficiat, Bellum vocari & Contentionem: quod contra, ἐκπύρωσιν, seu mundi *exustionem*, efficiat, Concordiam & Pacem appellari. Quam Heracliti sententiam Dantes Etruscus poëta, ut illa ferebant tempora, disciplinis omnibus eruditus, his versibus attigisse videtur: (1)

*Da tutte parti l'alta valle feda  
Tremò sì, ch' i' pensai che l'universo  
Sentisse amor, per lo quale, è chi creda  
Più volte 'l mondo in Caos converso.*

Quamvis Empedocles quoque de Concordia & Contentione fere similia senserit, ut postea dicemus, quum ad ipsum ventum fuerit. Porro, ob continentem mutationem in qua omnia perpetuo versentur, rem nullam magis esse quam ejus contrarium, Heraclitus ajebat; atque ita simul esse ac non esse: quod primo maximeque communi principio recta adversatur. Quæ tamen conclusio Heracliti, si sensuum judicium spectes, vera quodammodo esse videtur: sensus enim, caducarum & mortalium rerum naturas tantum attingunt, quæ semper labuntur & fluunt: neque universales rerum *ιδέας*, quæ, si Platonem audimus, æternæ sunt, ullo modo contemplantur. Illas autem contemplari proprium munus rationis est. Quod pulchre explicat Cicero lib. I. *Acade-*

(1) *Inferni Cantu 12.*



cademicarum Quæstionum ad M. Varronem, ubi veterum Academicorum decreta recenset, his verbis: *Mentem volebant rerum esse judicem: solam censebant idoneam cui crederetur; quia sola cerne-  
ret id quod semper esset simplex & uniusmodi, & tale quale esset. Hanc illi ἰδέαν appellabant, jam a Platone ita nominatam: nos recte speciem possumus dicere. Sensus autem omnes hebetes & tardos esse arbitrabantur, nec percipere ullo modo res eas quæ subiectæ sensibus viderentur; quæ essent aut ita parvæ, ut sub sensum cadere non possent, aut ita mobiles & concitatæ, ut nihil umquam unum esset constans, ne idem quidem; quia continenter labe-  
rentur & fluerent omnia. Ceterum Heraclitus data opera, verborum & sententiarum obscuritatem quæsiuit: ut propterea σκοτεινός a Græcis, tenebricosus nempe, vocatus fuerit. Illius etiam scripta ea ænigmatum caligine obvoluta fuere, ut non solum grammatici, sed & philosophi acutissimi, in eorum explicatione frustra laborarent: quod colligimus e Sexti Empirici libro primo adversus Mathematicos, & ex Aristotelis nostri Rhetoricorum libro III. capite V. Quam obscuritatem illi vitio vertit etiam Lucretius Carus libro I. de Rerum Natura, hoc pacto:*

*Quapropter qui materiem rerum esse putarunt  
Ignem, atque ex igni summam consistere solo,  
Magnopere a vera lapsi ratione videntur.  
Heraclitus init quorum dux prælia primus,  
Clarus ob obscuram linguam magis inter inanes,  
Quamde graves inter Grajos, qui vera requirunt.*

Huic Heracliti sententiæ de perenni rerum mutatio-

tatione valde affinis fuit illa Gorgiæ, cujus mentionem facit Aristoteles in libello quem de ejus philosophi placitis conscripsit. Ajebat enim Gorgias, vel nihil omnino esse; vel si aliquid esset, illud esse incognitum; vel si aliquid cognoscere-tur, id explicari ac declarari nullo modo posse. Quæ quidem acrium ingeniorum deliramenta, infan- tiæ ac desperationi, quam sapientiæ, propiora mihi videntur.

*De Anaximandro.*

Anaximander Milesius fuit, Praxiadæ filius; popularis, sodalis, itemque discipulus Thaletis. Natus est olympiadis XLII. anno III. Polycra- tisque Samiorum tyranni temporibus magnam a- pud Græcos auctoritatem adeptus est. Ionicam sectam propagavit; quæ ita vocata est, quod Tha- les primus ejus auctor, ex Ionia fuerit, in qua regione Miletus erat, utriusque patria. Geome- triam ante alios omnes docuisse traditur, tabu- lasque ad Geographiam pertinentes invenisse. O- bliquum Zodiaci ambitum primus deprehendit: quo præclaro invento dictus est a Plinio Histo- riæ Naturalis libro II. capite VI. *rerum fores a- peruisse*. omnis enim mundi temperatio, planta- rumque & animalium ortus atque incrementum, ex obliqua Solis per Zodiacum conversione pen- dere videtur. Gnomonem reperit, sive stylum ad horas designandas, ipsumque Lacedæmone in so- lariis fixit. Primus æquinoctia, & solstitia nota- vit, & horologia commentus est. ὀροσκοπέια quo-  
que

que confecit, quæ tropicos & æquinoctia indicarent. Ejus auditores Anaximenes & Parmenides fuere. Utrum vero Anaximander medium aliquod inter elementa, nempe igne densius atque aëre rarius, vel aëre densius & aqua rarius, tamquam rem contrariis subjectam posuerit, quemadmodum de ipso tradere videtur Aristoteles libro III. de Cælo; an vero mixtum quoddam corpus, ut legimus libro XII. Metaphysicorum, incertum est. Hoc tamen veritati propius crediderim, quum & Anaximander in iis numeretur qui ex uno reliqua generari docent, contrariorum quæ in eo insunt, secretionem.

*De Empedocle, atque Anaxagora.*

Empedocles Agrigenti natus est, quæ nobilissima fuit Sicularum urbium post Syracusas: clara & locuplete in familia. Patriam autem, quamvis rebus aliis valde insignem, nominis sui celebritate, eximiæque sapientiæ gloria in cælum evexit; ut ex his quidem T. Lucretii versibus manifestum est, libro I. de Rerum Natura:

*Quorum Acragantinus cumprimis Empedocles est:  
Insula quem triquetris terrarum gessit in oris:  
Quam fluitans circum magnis amfractibus æquor  
Ionium glaucis aspergit virus ab undis:  
Angustoque fretu rapidum mare dividit undis  
Italiæ terræ oras a finibus ejus.  
Hic est vasta Charybdis, & hic Ætnæa minantur  
Murmura flammæ rursus se conligere iras,  
Faucibus eruptos iterum ut vis evomat ignes:*  
*Ad*



*Ad cælumque ferat flammâ fulgura rursum .  
 Quæ quum magna modis multis miranda videtur  
 Gentibus humanis regio , visendaque fertur  
 Rebus opima bonis , multa munita virûm vi ;  
 Nil tamen hoc habuisse viro præclarius in se ,  
 Nec sanctum magis , & mirum , carumque videtur .  
 Carmina quin etiam divini pectoris ejus  
 Vociferantur , & exponunt præclara reperta ,  
 Ut vix humana videatur stirpe creatus .*

Carminibus enim elegantissimis naturæ mysteria explicavit Empedocles: quam postea scribendi rationem ipse Lucretius apud Latinos imitatus est. Pythagoram ab eo auditum, Timæus auctor est Historiarum libro IX. Neanthes vero apud Laërtium libro VIII. refert, Pythagoræos usque ad Philolai & Empedoclis tempora doctrinam suam cum aliarum sectarum philosophis communicasse: postquam vero ipse poematis editis sacra illa & arcana dogmata vulgare cœperit, latam esse legem, ne deinceps ulli versuum artifici in eorum scholas pateret aditus. Non solum autem rerum naturæ contemplationi vacavit, sed & medicinæ operam dedit, eo quidem successu, ut admiranda plurima in morborum curationibus præstiterit. De morte ejus varia feruntur. Vulgatior tamen fama est, ipsum divinis honoribus augeri cupientem, in Ætnæ montis crateras se immisisse, ibique ignibus consumtum fuisse. Eo consilio nimirum id fecit, ut repente ex oculis hominum dilapsus, unus aliquis e diis immortalibus haberetur. Sed quum altera ex ejus crepidis vi flammæ rejecta esset, quas æreas eum gessisse scribunt,

bunt, præstigiæ detectæ sunt. De hujus philosophi morte ita Horatius, prope finem Artis Poëticæ :

----- dicam, Siculique poetæ  
Narrabo interitum. Deus immortalis haberi  
Dum cupit Empedocles, ardentem frigidus Ætnam  
Infiluit -----

Anaxagoras natus est Clazomenis, urbe Asiæ minoris, in provincia Ionia, olympiadis LXX. anno I. Quum opibus & nobilitate floreret, patrimonium amplissimum omnino contempsit, incultosque agros ovibus & camelis depascendos reliquit; ne scilicet quidquam esset quod ipsum a discendi divina delectatione vel paullisper avocare posset; ut Cicero scribit Quæstione V. Tusculana. Anaximenem audivit: vigesimoque ætatis anno Athenas migravit; qua in urbe triginta totos annos commoratus est. Divinandi scientia eum excelluisse tradit Suidas; quam scilicet hauserat e multiplici rerum abditarum cognitione. Ejus auditores nobilissimi feruntur, Pericles orator egregius, Archelaus, Socrates moralis disciplinæ parens, & Euripides Tragœdiarum scriptor, (1) qui sententiis utilissimis e sacro philosophiæ fonte derivatis poemata sua conspersit.

Im-

(1) Isaacus Casaubonus de Satyrica Græcorum Poesi lib. 1. cap. 6. *Ea fabula Cyclops est: cuius patrem esse Euripidem, præter consensum codicum, manifesto arguit vel sententiarum crebritas, e media interdum philosophia petitarum: qui proprius semper habitus poetæ hujus character.*

Impietatis demum accusatus, & ob id Athenien-  
sium finibus ejectus, Lampfacum concessit, ibi-  
que ad extremam senectutem tranquille vixit;  
adeo erecto animo & magno injuriam ferens, ut  
cuidam ita exsilium ei exprobranti: *Atheniensibus*  
*privatus es*; responderit, *Non ego illis, at illi me.*

Empedocles porro & Anaxagoras, quum ex  
permixtione res generari uterque docuisset, dua-  
bus rebus inter se diffidebant. Primo, quod Em-  
pedocles opinabatur, certis quibusdam temporum  
intervallis rerum separationem congregationemque  
contingere. Putabat enim, mundum sæpius ge-  
nitum fuisse per separationem; cujus ope res quæ-  
que a confuso illo acervo ac permixtione discre-  
tæ ac sejunctæ fuissent; corruptum pariter sæpe-  
numero per congregationem, cujus vi redierit ad  
antiquum Chaos: hanc vero separationis & con-  
gregationis vicissitudinem innumerabilibus antea  
sæculis permanisse, atque in posterum ad infinitum  
tempus mansuram. Ceterum, separatio-  
nem Empedocles Contentionem vocabat, sive  
Discordiam; congregationem vero, Amorem: ut  
ex ejus disticho apud Joannem Stobæum Ecloga-  
rum Physicarum capite XIII. manifestum est;  
quod tamen nonnulli codices Parmenidi tribuunt:

*Ἄλλοτε μὲν Φιλότητι σπέρχόμενα πάντα,*

*Ἄλλοτε δ' αὖτε ἕκαστα φορέμενα Νείκεϊ ἔχθρῃ.*

id est, vertente Hugone Grotio:

*Omnia nunc videas permixta cupidine vi:*

*Nunc sejuncta iterum discordi seditione.*

Anaxagoras contra, hujusmodi vicissitudinem haud-  
quaquam probabat; dicebatque, quum omnia ab  
omni



omni æternitate commixta & confusa fuissent, Intelligentiam sive Mentem, quæ nihil aliud est quam Deus, res distinguere ac separare cœpisse: hanc autem distinctionem & separationem numquam desituram, atque adeo mundum numquam interiturum. Deinde differebant Empedocles & Anaxagoras; quod nimirum hic affirmaret, principia illa quæ in rerum omnium confusione invenirentur, infinita esse, videlicet omnia illa quæ constant e similibus partibus, puta infinitas particulas carnis, infinitas sanguinis, infinitas osseas, ligneas infinitas, terrenas infinitas, & reliqua hujusmodi: Empedocles vero censeret, principia ex quibus res constant tamquam ex materia, esse tantum quatuor; vulgata nimirum elementa, ignem, aërem, aquam, terram: quæ singula deorum nominibus insigniebat. Ignem enim sive ætherem vocabat Jovem; aërem Junonem; terram Ditem sive Plutonem; aquam postremo Nestim; si Joannem Stobæum audimus loco superius allato, & Plutarchum de placitis philosophorum libro II. Præterea ponebat Empedocles duo contraria, nempe Contentionem & Amorem, tamquam causas effectrices, ut paullo ante dictum est.

Sed jam Anaxagoræ doctrinam de rerum ortu copiosius aliquanto exponamus. Anaxagoras igitur sibi dari postulabat, ac tamquam certum atque exploratum ponebat, non posse id quod est, fieri ac generari ex nihilo: quæ sententia fuit omnium omnino veterum Physicorum. Hujus principii gratia Physici dixerunt, omnia quæ in dies  
exsi-

existere videantur, antea fuisse: verum hoc ab aliis atque aliis diverso plane modo explicatum est. Nonnulli enim affirmavere, novarum rerum generationem nihil aliud esse quam mutationem sive ἀλλίωσιν; cujus ope, id quod antea erat, sed alia specie indutum, mutatur, & aliam formam suscipit, alioque modo se habet, puta densetur, vel rarefit. Nonnulli vero generationem, secretionem quamdam esse voluere, per quam id quod prius erat confusum atque permixtum, segregaretur & distingueretur: interitum contra seu corruptionem, congregationem quamdam esse dixere, per quam ea quæ distincta & segregata essent, rursus commiscerentur, & in pristinum Chaos redirent. Deinde ponebat Anaxagoras, etiam contraria, & quæ inter se repugnarent, ita confusa & commixta esse, ut in uno contrariorum aliud delitesceret. exempli gratia, in calido frigidum contineretur, in frigido calidum. Quod ita confirmabat: Contrariorum unum ex altero prodit: experientia enim quotidiana nos docet, plurima ex calidis frigida fieri, ex frigidis calida: & mel dulcissimum, in bilem converti, quæ amarissima est. Atqui hujusmodi mutationes non videntur explicari posse, nisi id quod apparet, in eo quod ex oculis vel aliis sensibus aufertur, delituisse dicamus. Unum igitur contrariorum inest alteri; adeoque contraria inter se confusa & commixta sunt. His positis, Anaxagoras ita ratiocinabatur: Necessè omnino est ut id quod fit, vel ex iis quæ sunt, fiat, vel ex iis quæ non sunt. Atqui id quod est, fieri ex iis quæ non  
I sunt,

sunt, sive ex nihilo, ἀδύνατον est; de quo Physici omnes uno ore consentiunt: igitur id quod fit, fit ex iis quæ sunt. Atqui ex iis quæ sunt, fieri non posset, nisi antea fuisset in eo ipso ex quo generatur. Necessse igitur omnino est, ut quodcumque fit, fuerit antea & latuerit in eo ipso ex quo generatur; in particulas quidem tenuissimas & a sensuum judicio remotissimas dispersum & dissipatum. Atqui videmus ex quolibet fieri quodlibet. Igitur πᾶν ἐν παντὶ μίχεται: hoc est, *quodlibet in quolibet delitescit: ac propterea omnia sunt inter se mixta, atque confusa.* Quamvis autem id verum sit, aiebat Anaxagoras, nihilominus unumquodque sensibus nostris id esse videtur quod, propter particularum ejusdem generis multitudinem, maxime apparet extrinsecus. Rem explicemus exemplo. Quamvis nullum album inveniatur sine admixtione nigri; nullum dulce sine admixtione amari; tamen quod plures particulas albas in fronte locatas habet, sensibus nostris album est: pariterque cujus plures particulæ dulces exstant, gustatui dulce videtur. Eadem ratione, quamvis nulla caro inveniatur in qua non insint osseæ particulæ; nullum contra os, carnis particularum expers: nihilominus illud in quo plures ossis vel carnis particulæ in prima fronte locatæ sunt, sensuum judicio est os, vel caro, atque ita recte vocatur. Hæc fere fuit Anaxagoræ de principiis rerum sententia; qui hanc particularum similitudinem, proprio, & hunc ad usum excogitato vocabulo, ὁμοιομέρεια appellavit: quod autem rerum omnium semina inter se per-

mixta



mixta essent, παναερεμίας quoque vocitavit. Porro hanc Anaxagoræ doctrinam eleganter descripsit Lucretius lib. I. de Rerum Natura, his versibus:

*Nunc & Anaxagoræ scrutemur ὁμοιομέρειαν,  
Quam Græci memorant, nec nostra dicere lingua  
Concedit nobis patrii sermonis egestas:  
Sed tamen ipsam rem facile est exponere verbis,  
Principium rerum quam dicit ὁμοιομέρειαν:  
Ossa videlicet e paucillis atque minutis  
Ossibus: sic & de paucillis atque minutis  
Visceribus viscus gigni: sanguenque creari,  
Sanguinis inter se multis coeuntibus guttis:  
Ex aurique putat micis consistere posse  
Aurum: & de terris terram concreescere parvis:  
Ignibus ex ignem, humorem ex humoribus esse:  
Cetera consimili fingit ratione, putatque.  
Nec tamen esse ulla parte idem in rebus inane  
Concedit, neque corporibus finem esse secandis:  
Quare in utraque mihi pariter ratione videtur  
Errare, atque illi supera quos diximus ante.*

paucis vero interjectis:

*Id quod Anaxagoras sibi sumit, ut omnibus omnes  
Res putet immixtas rebus latitare: sed illud  
Apparere unum cuius sint plurima mixta,  
Et magis in promptu, primaque in fronte locata:  
Quod tamen a verâ longe ratione repulsum est.*

Anaxagoram acerrime refellit Aristoteles libro I. Physicorum, capite V.

*De Democrito, atque Epicuro.*

Democritus Abderæ in Thracia natus est, summo genere, locuplete in familia. Trium fratrum

natu minimus fuit. Incidit ejus ortus in olym-  
 piadem octogefimam, quo tempore Anaxagoras  
 annum ætatis agebat quadragesimum. Quum sa-  
 pientiæ mirum in modum studeret, Geometriæ  
 discendæ causâ in Ægyptum profectus est, dein-  
 de in Persidem, & ad Chaldæos. Nec desunt qui  
 eum cum Gymnosophistis in India versatum esse  
 scribant, & in Æthiopiam usque penetrasse: ha-  
 rumque omnium gentium doctos viros diligenter  
 quæsisse, & inventos consuluisse. Quod vero,  
 ut studiis per otium vacaret nulla neque familia-  
 ris, neque publicæ rei sollicitudine impeditus,  
 in montibus & speluncis vitam degeret, insanus  
 propterea a civibus suis judicatus est. Quapro-  
 pter, ut eum sanitati restituerent, quem scilicet  
 plurimi ob eximiam doctrinam faciebant, litteras  
 ad magnum Hippocratem Coum civitatis nomi-  
 ne miserunt, orantes ne ad eos confestim veni-  
 re gravaretur, periculum scilicet artis suæ in tan-  
 to viro facturus. Quum venisset Hippocrates, ac  
 Democritum adivisset, sapientissimi hominis col-  
 loquio ita captus est, ut Abderitarum stuporem  
 facile agnosceret, qui philosophiam a dementia  
 internoscere non potuissent: eumque postea in fa-  
 miliarissimis semper habuit. Democritus Eleati-  
 cam sectam perfecit, vestigia secutus eorum qui  
 ipsum præcessere, in primis Leucippi. Principia  
 rerum statuebat Atomos, & Inane. Hæc duo  
 tantummodo reipsa esse in natura, docebat: ce-  
 tera vero omnia, ut refert Laërtius, *νενομίσθαι*  
 seu *δοξασθαι*: *videri* nimirum, & ab *opinionibus*  
 nostris ita *pendere*, ut ab iis precariam quodam-  
 modo

modo naturam sortiuntur. Duplex igitur rerum genus inveniri; unum earum quæ vere & proprie sint, &, ut ipsius vocabulo utar, ἐτεῖν: huiusmodi autem esse Atomos & Inane dumtaxat: aliud earum quæ sint νόμος, lege videlicet aut opinione; quam in classem composita omnia corpora referebat. Petrus autem Gassendus, vir doctissimus, metaphoram in hac voce νόμος, ut eam certe Democritus adhibuit, manifesto apprehendit. Censet enim, Democritum id significare voluisse: Quemadmodum iustitia & iniustitia, decorum ac turpe, laude ac reprehensione dignum, in vita civili a legum sanctionibus omnino pendeant; ita rerum qualitates, quas vocant, album puta & atrum colorem, dulcedinem atque amaritiam, calorem & frigus, in rerum natura, a vario situ atque ordine atomorum, quasi ab lege quadam, proficisci. Quemadmodum autem leges pro temporum conditione mutari soleant, eodem ferme pacto mutari situm atque ordinem principiorum; qua ex mutatione sensibus nostris novæ res quotidie appareant, atque oriri videantur: quamvis materia ex qua fiunt, æterna sit, & numquam mutetur. Ceterum atomi Democrito corpuscula sunt minima, solidissima, divisionis omnis & corruptionis expertia, variis figuris prædita, & iccirco partes habentia, sed quæ semper in ipsis fuerint, disjungi vero ac separari nullo modo possint. Atomus igitur, quamvis ob soliditatem partium dividi nequeat, unde nomen apud Græcos invenit; magnitudine tamen destituta non est: qua si omnino careret, neque eam



corporibus compositis impertiri posset, neque corpus ipsa esset. Qua de re sunt hi versus elegantissimi T. Lucretii Cari lib. I. de Rerum Natura:

*Tum porro, quoniam extremum cujusque cacumen  
Corporis est aliquod, nostri quod cernere sensus  
Jam nequeunt; id nimirum sine partibus exstat,  
Et minima constat natura; nec fuit umquam  
Per se secretum, neque posthac esse valebit:  
Alterius quoniam est ipsum pars, primaque, & ima:  
Inde alia atque alia similes ex ordine partes  
Agmine condenso naturam corporis explent.  
Quæ quoniam per se nequeunt constare, necesse est  
Hære, ut nequeant ulla ratione revelli:  
Sunt igitur solida primordia simplicitate:  
Quæ minimis stipata coherent partibus arte,  
Non ex ullorum conventu conciliata,  
Sed magis æterna pollentia simplicitate:  
Unde neque avelli quidquam, neque diminui jam  
Concedit natura, reservans semina rebus.*

*Cujusque corporis cacumen extremum* Lucretio non est atomus ipsa; at potius minima pars atomi, quæ pars ita aliis partibus caret, ut ne cogitatione quidem dividi possit. Pars igitur semper est, neque totius naturam umquam induere potest: atque iccirco semper aliis partibus in atomo cohæret, ex qua partium æterna atque indissolubili conjunctione atomi soliditas oritur. Quum autem hujusmodi partes numquam secretæ & sejunctæ fuerint, neque ad componendam atomum ullo tempore convenerint, sed in ipsa semper fuerint, propterea atomus corpus est simplex, & a compositorum corporum natura omnino diversum, quæ

quæ ex primorum corpusculorum nempe atomorum conventu oriuntur, atque in ea demum dissolvuntur. Inane autem, si Democritum audimus, corpus non est, sed spatium tantummodo vacuum, omnique corpore destitutum, quod primis corporibus, nempe atomis, locum præbet, eaque suo sinu recipit; ipsisque admixtum, rerum gignendarum, & motus causa est. Democritus igitur, ut facile intelligere possumus, contraria principia posuit, quum docuit, e solido atque inani omnes omnino res effectas fuisse. Solidum autem, sive plenum, sive corpus, sive atomos, *entis* nomine donavit: inane contra, *non ens* appellare voluit; non quod inane nihil omnino esset, sed quod esset aliquod *non ens*, ipsi *enti* sive corpori oppositum. Porro mixta seu secunda corpora, docebat, vel ex corpusculis individuis, vel ex nihilo constare oportere. Quum enim ea sit uniuscujusque mixti corporis natura, ut in partes dividi possit; nihil vetat, nos id reapse divisum fingere: sic autem necesse est, vel atomos tandem, vel nihilum relinqui. Fieri autem nequit ut nihilum relinquatur, quum ex nihilo nihil fiat. Oportet igitur atomos relinqui: ex quibus propterea & inani omnia effecta sunt. Ignorabant scilicet veteres Physici, hanc rerum universitatem a sapientissimo & præpotente Deo nulla ex materia creatam. propterea hoc tamquam commune scitum statuere, *Nihil ex nihilo fieri*. Quod quamquam per se notum philosophi existimabant, inventus est nihilominus T. Lucretius Carus, ex Epicuri schola Physicus acutissimus,

mus, qui hujusmodi effatum rationibus confirmandum fusciperet. Quæ argumenta omnia, levia magnam partem ac futilia, neque ad rem pertinentia, legere est apud ipsum libro I. de Rerum Natura, a versu CLVI. Neutrum vero horum principiorum quæ Democritus posuit, ex altero fit: sunt enim contraria, atque æterna pariter: sed utrumque conjunctum, rerum generationis causa est. Sunt quoque ambo infinita; atomi quidem numero, inane magnitudine. Atomorum proprietates præcipue duæ sunt, figura nempe, & magnitudo. Quod attinet ad figuram, multa sunt Democrito atomorum discrimina: quædam enim rectis lineis comprehensæ ac definitæ sunt, adeoque angulos habent: quædam unica linea curva conclusæ, angulisque carentes, puta aut rotundæ, aut *elliptica* figura: aliæ læves, aliæ asperæ: aliæ cavæ ac perviæ, aliæ vero aduncæ, neque hamorum dissimiles. Quod ad magnitudinem spectat, adeo sunt exiguæ, ut oculorum sensu vel acerrimo attingi nequeant: ea vero soliditate sunt præditæ, ut omnem plagam facile perferant, neque ulla vi secari aut infringi possint, neque pati aliquid, aut interire: sed perpetuo inviolatæ, integræ, individuæque permanent, & semina rebus gignendis assidue suppetunt. Fit igitur necessario, ut atomi sensilium omnium qualitatuum sint expertes: non enim putandum est, alias atomos nigras esse, alias albas, alias versicolores: vel quasdam dulces, quasdam amaras: quasdam calidas, quasdam frigidas: etenim hæ omnes qualitates ex varia atomorum  
inter



inter se conjunctione, & inanis cum atomis, originem ducunt: aliaque in aliam facile mutari potest, ut scilicet una recedente, altera adveniat: quæ mutatio ab atomorum soliditate alienissima est. Ad hæcæ duas atomorum proprietates, figuram scilicet ac magnitudinem, tertiam ab Epicuro adjunctam fuisse tradit Plutarchus in libris de placitis philosophorum, videlicet pondus. Aristoteles tamen libro I. de Ortu & Interitu, animadvertit, a Democrito atomum aliam alia graviolem statutam esse, ut quæque scilicet magnitudine præcelleret. Docebat præterea Democritus, atomos illas, sive prima corpora, in infinito inani semper moveri, in quo nihil summum, nihil infimum, neque quidquam medium, vel extremum sit. Hujusmodi motus, ut ille quidem falso existimabat, numquam incœpit, sed ab omni fuit æternitate. Unius autem generis est, nempe obliquus: quam Democriti sententiam Epicurus minime probavit, duplexque motus genus induxit, directum unum, declinationis alterum. Corpuscula in hoc immenso spatio perenni motu agitata, in se se mutuo incurrunt, atque ita vel resiliunt & separantur, quum scilicet figura unius, figuræ alterius minime accommodari potest: vel adhærent & junguntur, quum utriusque atomi figuræ optime conveniunt: ex qua conjunctione res omnes generantur, tamdiuque permanent, quamdiu aliarum atomorum extrinsecus assidue pulsantium ictus atque plagas sustinere possunt: quum enim debilitari cœperint, sensim fatiscunt, ac tandem in sua principia dissol-

vuntur. Sic omnia necessitate quadam fiebant, atque interibant; quæ nihil aliud erat quam rapidissimus motus atomorum, fatique nomine etiam appellabatur. Hanc necessitatem Democritus providentiæ loco habebat: quæ in repugnantia, velocitate, ac percussione materiæ tantummodo sita erat. Discrimina porro, atque *εἰσπρωσις*, quarum ope res existunt, ac singulas proprietates habent, & quas memorare videtur Aristoteles capite VI. libri I. Physicorum, Democritus Leucippum secutus, potissimum tres ponebat: *ῥυσµὸν*, sive *figuram*; *διαθιγλὼν*, sive *ordinem*; *τροπὼν*, sive *situm*. quemadmodum (ut hoc utamur exemplo) littera N & littera A differunt figura: syllaba A N & syllaba N A differunt ordine litterarum: litteræ vero Z & N solo situ discrepant. Manifestum igitur est, a Democrito quoque, ut & ab aliis Physicis, contraria inducta fuisse. Primum enim contraria sunt plenum & inane; quemadmodum ostendimus: deinde ipsius pleni, nempe atomorum, plura discrimina numerantur; neque solum in rerum generatione, sed in rebus ipsis genitis; quarum scilicet diversæ qualitates a diversa figura, ordine, atque situ primorum corpusculorum petendæ sunt.

Ceterum, hujusmodi principia pluribus e Græcia philosophis placuere. Leucippus enim, qui Democritum ætate præcessit, posuit τὸ πλῆρες ἔστι τὸ κενόν: hoc est *plenum atque inane*: Democritus τὰ νασὰ ἔστι τὸ κενόν: nimirum *solida & inane*: Metrodorus τὰ ἀδιαίρετα ἔστι τὸ κενόν: *individua scilicet atque inane*: Epicurus tandem, σώματα λόγῳ θεωρητὰ, ἀμέτοχα κενῶ, ἀγέννητα, ἀδιάφθαρτα,

ἔτε τραυδοῦναι διωάμηναι, ἔτε ἀλλοιοῦναι, ἢ τὸ κενόν: id est corpora quæ ratione tantum videri possunt, inanis expertia, neque umquam orta, neque umquam interitura: quæ neque perfringi, neque immutari possunt: & præterea inane. Empedocles autem, & Plato, & ceteri ante Platonem, nullum in rebus inane agnoverunt: quorum sententiæ Aristoteles noster subscribit. Stoici vero docebant, ἐντὸς τοῦ κόσμου εἶδέν εἶναι κενόν, ἐκτὸς δὲ ἀπειρον: id est, intra mundum quidem nihil esse inane, extra mundum vero id immensum reperiri, & nullis terminis circumscriptum. Porro inane, ut censent Epicurus atque Democritus, neque facere quidquam, neque perpeti potest: quæ duo solis corporibus conveniunt: sed tantummodo corporibus locum præbet, ut hac atque illac moveri possint. Itaque Epicurus inane appellabat χώραν, hoc est locum & regionem, & διάστημα, nempe spatium atque intervallum. Quapropter Lucretius libro I. nullam tertiam naturam vel esse vel excogitari posse affirmat, præter corpus & inane. Quidquid enim sit, aliqua magnitudine præditum esse oportere contendit, aut amplà, aut modica, aut perexigua certe. quod si tangi ab alio, vel percelli possit, in corporibus jure numerabitur: sin vero tactum omnem respuat, neque ullo modo corporibus permeantibus obsistat, immo transeundi facultatem ipsis largiatur, inane censendum erit.

Quoniam vero in Epicuri mentionem incidimus, & de illo nonnulla dicamus. Natus est Epicurus Athenis, quod vel ex initio libri VI. T. Lucretii Cari abunde constat; quamvis non de-



defuerint qui eum Samium appellarent; olympiadis CIX. anno III. patre Neocle, matre Chærestrata: atque Aristotele jam vita functo, doctrinæ fama florere cœpit. Hic philosophus nobilissimæ apud veteres sectæ conditor fuit, cui magni & præclari viri certatim secutis temporibus nomina dedere. Sumsit Epicurus a Democrito plurima, immo pleraque omnia, quæ suis quibusdam inventis deteriora fecit. Dialecticam, Geometriam, dicendique artem, quasi res inutilles, pro nihilo habuit. Sensuum judicio plurimum detulit. Voluptatem finem bonorum constituit. Animos hominum una cum corporibus interire docuit. Deorum providentiam sustulit; deque eorum natura levia multa & ridicula monumentis mandavit: quæ omnia apud M. Tullium, in libris ad philosophiam pertinentibus, Diogenem Laërtium libro X. de vitis philosophorum, & T. Lucretium Carum, qui Epicurum immodicis laudibus ornavit, ac universam ejus physicam elegantissimis carminibus explicavit, studiosi homines legere possunt.

### *De Pythagora.*

Pythagoras, a quo Pythagorici sive Pythagoræi appellati, in Samo insula natus est, Mnesarcho patre, ut plerique tradidere, mercatore ditissimo. Pherecydem Syrum, Anaximandrum, ac Thaletem adolescens audivit; quum odio Polycratis Samiorum tyranni solum vertisset, profugusque a patria multas regiones peregrinaretur. Cum Phœnicibus, Ægyptiis, atque Chaldæis philosophis fami-

familiariter versatus est, ab iisque multiplicem doctrinam hausit. In eam denique Italiæ partem venit quæ Magna Græcia olim appellata est, Tarquinio Superbo Romæ regnante, non autem Numma Pompilio, ut nonnulli falso tradidere, inter quos Ovidius libro XV. Metamorphoseon, ubi plura ejus præcepta commemorat. Ea in Italiæ regione scholas aperuit, juvenesque ad humanitatem, continentiam, erga senes reverentiam, frugalitatem, omnem denique virtutem informavit. Mathematicis præterea disciplinis, quibus excellebat, rerumque item divinarum atque humanarum notitia eorum animos imbuit. Silentium quinquennale auditoribus suis imperabat: cujus instituti multæ causæ feruntur: ea vero potissima, ut cujusque animus a rebus externis ad se ipsum converteretur, atque, ut ita loquar, secum habitaret, nullaque alia re impeditus, deos pure sancteque coleret. Ab omni animalium carne, vinoque item, ac fabis eosdem abstinere voluit: ne scilicet mens ipsorum nimio ciborum pondere gravaretur, ac tandem paullatim hebesceret. Numeris vim plurimam tribuit: imparem vero mascula dixit esse virtute, diisque cælestibus dicatum; quibus iccirco semper eo numero sacra fierent; plenumque ac perfectum appellavit. Parem vero, sive æqualem, imperfectum esse dixit atque feminum, deorumque inferorum proprium. Præterea, quæcumque ab impari numero generentur, ea mascula esse docuit, quæ vero a pari, feminea. Numerus enim par, sectioni ac divisioni obnoxius est: impar vero, utriusque expers; nequit enim  
divi-

dividi in duo dimidia; & iccirco efficax, & magna vi. Porro numerus ille qui ex multiplicatione paris & imparis prodit, ἀρρενὸς θηλυς, hoc est *hermaphroditus*, Pythagoræis dicebatur: quod videlicet masculæ simul ac femineæ naturæ particeps esset. E Pythagoræorum igitur doctrina Virgilius Ecloga VIII. — — — — — *numero deus impare gaudet.* ad quem principis poëtæ locum videndus Servius grammaticus. Musice a Pythagora mirum in modum exulta est; in qua vires maximas ponebat, quum ad animi perturbationes sanandas vel certe leniendas, tum etiam ad medicinam ægris corporibus adhibendam. Ejus doctrina de animorum immortalitate, atque in alia deinceps corpora, etiam ferarum & pecudum, migratione, quam proprio vocabulo μετεμψύχωσις appellabat, celebratissima est. De hac Ovidius libro XV. *Metamorph. v. CLIII.* verbis ipsius Pythagoræ:

*O genus attonitum gelidæ formidine mortis,  
Quid Styga, quid tenebras, quid nomina vana  
timetis,*

*Materiem vatum, falsique piacula mundi?  
Corpora sive rogos flamma, seu tabe vetustas  
Abstulerit, mala posse pati non ulla putetis.  
Morte carent animæ: semperque, priore relicta  
Sede, novis domibus habitant vivuntque receptæ.  
Ipse ego (nam memini) Trojani tempore belli  
Panthoides Euphorbus eram: cui pectore quondam  
Sedit in adverso gravis hasta minoris Atridæ.  
Cognovi clypeum lævæ gestamina nostræ  
Nuper Abanteis templo Junonis in Argis.  
Omnia mutantur: nihil interit. errat, & illinc  
Huc*



*Huc venit, hinc illuc, & quoslibet occupat artus  
 Spiritus: eque feris humana in corpora transit,  
 Inque feras noster: nec tempore deperit ullo.  
 Utque novis fragilis signatur cera figuris,  
 Nec manet ut fuerat, nec formas servat easdem;  
 Sed tamen ipsa eadem est: animam sic semper  
 eandem*

*Esse, sed in varias doceo migrare figuras.  
 Ergo, ne pietas sit victa cupidine ventris,  
 Parcite (vaticinor) cognatas cede nefanda  
 Exturbare animas, nec sanguine sanguis alatur.*

Hic primus philosophiæ nomen invenit; quum enim per Peloponnesum iter faceret, Leonti Sicyoniorum tyranno eum interroganti, cujusnam artis aut disciplinæ notitiam profiteretur, se philosophum esse respondit, videlicet. sapientiæ studiosum; quum ante ipsum, qui rerum cognitione floruerant, se σοφῆς, nempe sapientes, nominari, insolenter nimium atque arroganter, passi essent: quod nomen Pythagoras in solum Deum convenire arbitratus est. Pythagoræ secta, Italica dicta fuit, nimirum a regione in qua ille docuit: quemadmodum Thaletis, Ionica. Porro e Pythagoræorum cœtu fama clarissimi adhuc sunt, Timæus Locrus, Ocellus Lucanus, Archytas Tarentinus, Philolaus Crotoniates, Parmenides & Zeno ambo Eleatæ, Melissus Samius, & alii nonnulli.

#### *De Platone.*

Plato Atheniensis fuit, Aristonis & Perictyones filius, primum avi nomine appellatus Aristocles. Platonis vero nomen accepit, vel quod esset

ſet πλατὺς καὶ εἶρνα, lato & valido pectore, vel  
 quod τὸ πλατὺ τῷ λόγῳ ἦν, copioſum ſcilicet  
 atque apertum dicendi genus excoleret. Nec de-  
 ſunt qui hujus rei alias quoque cauſſas afferant,  
 quas longum eſſet ſingillatim recensere. Natus  
 eſt olympiadis LXXXVII. anno III. Archonte  
 Athenis Apollodoro. Gymnaſticæ, muſicæ, pictu-  
 ræ adoleſcens operam dedit; quibus deinde vale-  
 re juffis, in Socratis diſciplinam ſe tradidit, a  
 quo philoſophus effectus eſt. Annos natus duo-  
 detriginta, varia itinera ſuſcepit, ejuſque tempo-  
 ris doctiſſimos viros conſuluit, in primis vero  
 Euclidem Megarenſem, Theodorum mathemati-  
 cum, & Pythagoræos celeberrimos, Archytam,  
 Philolaum, Eurytum, Timæum Locrum, Eche-  
 cratem, Acrionem, & nonnullos alios. Cum va-  
 tibus & ſapientibus Ægyptiis familiariter verſa-  
 tus eſt. Ex Ægypto demum reverſus, Deliis o-  
 raculum declaravit, quo jubebantur cubum, ſive  
 aram quæ in Delo erat, duplicare. Ter Siciliam  
 ingreſſus, modo propitios, modo iratos utrumque  
 Dionyſium, ejus inſulæ tyrannos, expertus eſt.  
 Quamvis rempublicam attingere noluerit, conſi-  
 lio tamen, Dioni, multiſque viris principibus  
 præſto fuit. Docuit in Academia, qui locus fuit  
 nemoroſus, Athenis mille paſſuum intervallo di-  
 ſtans, conditus a quodam Academo heroë; unde  
 Platoniciæ philoſophiæ ſtudioſi, Academici poſtea  
 vocati. Ejus auditores præſtantiſſimi Ariſtoteles,  
 & Xenocrates fuere. (1) Oratione uſus eſt ele-  
 gan-

(1) Cicero in Oratore ad Brutum pag. 638. e-  
 dit.

gantissima, clarissimisque verborum & sententiarum luminibus exornata, quemadmodum ipsius monumenta quæ exstant, abunde testantur: ut iccirco poemati propior a summis dicendi magistris judicata sit. In Physicis Pythagoræos atque Heraclitum, in Ethicis Socratem, in Dialecticis Zenonem Eleatem & Parmenidem secutus est, a quo præcipue doctrinam de ideis, sive de formis rerum universalibus, accepisse videtur. Hanc porro doctrinam, quamvis a Platone sedulo emendatam, nonnulli sinistre exceperunt, & calumniari ausi sunt. Fato functus est olympiadis CVIII. anno I. ætatis vero suæ LXXXI. successore in Academia relicto Speusippo, sororis filio.

Ut igitur de principiis rerum a Platone positis, quod instituti nostri ratio postulat, aliqua dicamus; Aristoteles cap. V. libri I. Physicorum tradit, duobus modis ab his quos ipse Physicos appellat, principium unum statutum fuisse. Quidam enim, quum ipsum *ens*, sive principium, unum corpus *ὑποκείμενον* posuissent; & illud quidem vel trium elementorum unum, nempe aut ignem, ut Heraclitus, aut aërem, ut Anaximenes, aut aquam, ut Thales; vel aliud quippiam igne densius, & aëre rarius; raritate ac densitate, & omnino abundantia quadam & defectu,

K. . . . . ex

dit. Elzev. Itaque video visum esse nonnullis, Platonis & Democriti locutionem, etsi absit a versu, tamen quod incitatus feratur, & clarissimis verborum luminibus utatur, potius poema putandum, quam comicorum poetarum, apud quos nisi quod versiculi sunt, nihil est aliud quotidianè dissimile sermonis.



ex illo uno reliqua generari, rerumque multitudinem effici docuere. Abundantiam porro & defectum Plato potissimum adhibuit, magnum & parvum inducens loco materiæ reique subjectæ, ex qua reliqua orirentur. Et hoc ab aliis Plato differt; quod scilicet quum illi unum subjectum, tamquam materiam, & duo contraria, densitatem scilicet ac raritatem, quæ formæ ac differentiæ vicem fungerentur, statuissent; hic contrariam omnino viam ingressus, duo statuerit tamquam rem subjectam, nempe magnum & parvum; unum vero tamquam formam. Joannes autem Philoponus existimavit, materiam ideo magnum & parvum a Platone appellatam, quod hæc duo ad quantitatem pertineant, quæ a materia ante recipitur quam ea ullis qualitatibus afficiatur. Vocatam vero duplici nomine, ut scilicet *τὸ διᾶδος*, sive *duorum numerum*, significaret, de quo Pythagoræi mentionem sæpius fecerant. Ab his enim materia *dyas infinita* nominata erat, quod nimirum ipsa per se materia sit infinita, atque a forma tantummodo circumscribatur: divisionis præterea formarum, & multitudinis causâ & radix esse videatur. Primus enim numerorum qui ab uno recedit, ac divisionem patitur, *dyas* est. Plurima quæ de Platone scribi ac memorari possent, libenter prætermittimus: hæc enim quæ diximus, ad rem præsentem satis esse arbitramur.

F I N I S.

JO.

J O. A N T O N I I  
V U L P I I

OLIM PUBL. PHILOSOPHIÆ PROFESS.

O R A T I O N E S I V.

I. De Cæli Natura & Substantia.

II. Academicorum, & Scepticorum  
Philosophiæ rationem non esse in  
Phyfica omnino repudiandam.

III. De Vacuo.

IV. De Loco.

EJUSDEM AUCTORIS SCHOLIIS

I L L U S T R A T Æ.

THE UNIVERSITY OF CHICAGO  
LIBRARY

1000 UNIVERSITY AVENUE  
CHICAGO, ILL. 60607

DATE OF ACQUISITION  
1970/07/17

ACQUISITION NUMBER  
1000

ACQUISITION PRICE  
\$10.00

ACQUISITION DATE  
1970/07/17

ACQUISITION SOURCE  
UNIVERSITY OF CHICAGO

ACQUISITION TYPE  
LIBRARY

ACQUISITION STATUS  
ACQUIRED

ACQUISITION LOCATION  
UNIVERSITY OF CHICAGO

ACQUISITION DEPARTMENT  
LIBRARY

ACQUISITION DIVISION  
LIBRARY

ACQUISITION SECTION  
LIBRARY

ACQUISITION UNIT  
LIBRARY

ACQUISITION OFFICE  
LIBRARY

ACQUISITION PERSON  
LIBRARY

ACQUISITION PHONE  
LIBRARY

ACQUISITION FAX  
LIBRARY



*Viro Illustriss. atque Excellentiss.*

ANDREÆ SUPERANTIO

ÆDIS D. MARCI PROCURATORI,

EX ORDINE TRIUMVIRUM

ACADEMIÆ PATAVINÆ CURANDÆ,

Joannes Antonius Vulpus S. P. D.

**R**OGATUS olim a familiari suo Anaxagoras Clazomenius, ANDREA SUPERANTI Senator Amplissime, cujusnam rei causa natus esset: Inspiciendi, respondit, Cæli & Solis & Lunæ causa. Quum vero eundem philosophum quidam e populo (ut vulgaribus hominibus odiosum fere est sapientiæ nomen) acriter objurgaret, quod is a civium cœtibus libenter abesset, ac patriam prorsus negligere videretur; illud memorabile pronuntiasse fertur, digitum ad Cælum intendens, Mihi vero patriæ cura, & quidem summa est; non obscure significans, Nullam aliam sibi patriam esse quam Cælum. Socrates contra, quamquam ab Anaxagoræ disciplina profectus erat, existimavit tamen, homini a sublimium & cælestium rerum investigatione abstinentum, atque humana sola curanda, nempe quæ ad morum institutionem, familiæ præterea & civitatis gubernationem pertinerent. Ejus itaque vox in hanc sententiam pervulgata, ore omnium celebratur: QUÆ SUPRA NOS, NIHIL AD NOS. Uterque, si verum fateri volumus, non omnino recte. Nam ut civilia & domestica negotia floccifacientem, totum se astrorum contemplationi dedere, inurbanum ac subagreste non injuria videtur: ita Cæli aspectu neglecto mentis aciem ad ter-

vena & vilia penitus convertere, præposterum & natura hominis indignum haberi potest. Quamobrem Lactantius auctor gravissimus, *Divin. Institut. lib. 3. cap. 20.* Socrati vehementer succenset, quod is nobilissimum animal, & ad summa genitum, artibus terrarum finibus, tamquam pistrino aliquo, concludere & coercere voluerit: Aristoteles vero *Ethicorum lib. 6. cap. 7.* tradit, Anaxagoram, Thaletem, & horum similes alios, sapientes quidem appellatos fuisse, prudentes non sane; quod scilicet admirabilia & difficilia callerent, sed humana ac sibi profutura ignorarent. TE porro si neutrius erroris affinem dixerim, Vir Præstantissime, vere ac merito dixerim. SUPERANTIOS enim illos veteres, Majores tuos, imitatus, viros fortissimos, & civium suorum amantissimos, Patriæ semper consuluisti, & nunc, si quis alius, consulis Sevir Senatus regundo: verumtamen in doctrinæ studiis temporis aliquid ponis, & doctorum virorum sermonibus interes, eorum præcipue qui de cælestibus & divinis disputare consueverunt. Nimirum regiones illas animo peragrarare amas ad quas TE eximia probitas tua, & maxima erga Immortalem Rempublicam merita aliquando evectura sunt. Optimis enim curis de salute Patriæ agitata & exercitata mens (quod Cicero ipse testatur in Somnio Scipionis) in supremam illam sedem & domum suam celerrime pervolabit. Quæ quum ita sint, Orationem hanc meam De Cæli Natura & Substantia, tenuem illam quidem, sed industrie ac diligentie meæ in Physica tradenda specimen qualecumque, observantiæ vero erga TE Virum Summum, pignus ac testimonium, benigno animo, lætaque fronte, ut spero, excipies, meisque conatibus favebis. Deus Optimus Maximus, bonorum consiliorum adjutor, TE Patriæ, Familiæ, Gymnasio Patavino, mihi denique clienti & cultori tuo diu servet incolumem. Vale. Patavio. Kalendis Decembribus Anno D. cld lcc xxxii.

ORA-



## O R A T I O.

DE CÆLI NATURA,  
ET SUBSTANTIA.

*Habita in Gymnasio Patavino Nonis Novembris,*  
ANNO DOM. MDCCXXVII.



TUDIORUM curriculum hoc anno rursus ingressus, explicationem librorum Aristotelis de Cælo ab Amplissimis Rei Litterariæ Triumviris mihi mandatam esse video. Quum igitur in his libris philosophus noster, aspectabilem hanc rerum universitatem ex quinque omnino corporibus constare doceat : quorum quatuor, vulgata nimirum elementa, & mutabilia sint, & oriantur atque occidant ; quinti vero, a ceteris longe diversi, ea ratio sit, ut neque mutari possit, neque dissolvi ; existimo iccirco, me recte facturum, si, Deo Optimo Maximo opem atque auxilium ferente, celeberrimam quamque veterum & recentiorum Physicorum sententiam de Cæli natura & conditione in medio



posuero, atque hinc futuræ disputationis exordium cepero. Tota enim, quanta est, superioris illius regionis consideratio vel ad Astronomos pertinet, vel ad Physicos. Atque Astronomi quidem leges accurate investigant quibus astra, nempe corpora quæ in æthere moveri animadvertimus, constanter atque perpetuo trajectiones & conversiones suas absolvunt: horumque incredibili ac pertinaci labore, plurium sæculorum intervallo, effectum est, ut homines multo ante scire ac prædicere possent, quo loco Cæli quovis minimo temporis puncto unumquodque astrum futurum sit: quando item oriturum, vel occisurum: quando eodem quo aliud, perventurum; vel, contra, quanto spatio a quolibet alio abfuturum, puta utrum nonnullis tantum circuli gradibus, an quadrante, an vero tota diametro. Præterea, quo tempore, defectus non tantum Solis ac Lunæ, sed etiam minorum illorum planetarum qui circum Jovem feruntur, & quos Galilæi sollertia primum detexit, contingere necesse sit: atque utrum totum planetæ corpus obscurandum sit, an vero solum ejus pars aliqua; & quota. Quæ omnia diligentissimis supputationibus deprehensa, in ephemeridas postea redigere solent, magno vitæ hominum usui atque adjumento futuras. Quid ego nunc (1) Ptolemaicas tabulas, (2) Alphonsinas, (3) Prutenicas, (4) Danicas, (5) Rudolphinas, (6) Lansbergianas, (7) Philolaicas a Bullialdo concinnatas, (8) Streetianas, (9) Hirianas, Aureas denique Jo: Dominici Cassini, tametsi nondum editas, com-

memo-

memorem, immortalia excellentissimorum ingeniorum monumenta? hæ scilicet posteritati omnifidem facere possunt, ad quem usque finem terrestre animal homo, summa industria, improbo labore, mentis denique conatu progrediatur. In hos quippe viros, aut heroas potius, illa Ovidii e primo Fastorum (v. 297.) perbelle conveniunt:

*Felices animos, quibus hæc cognoscere primis,  
Inque domos superas scandere cura fuit!  
Credibile est, illos pariter vitiisque, locisque  
Altius humanis exseruisse caput.  
Non Venus, & vinum sublimia pectora fregit,  
Officiumve fori, militiæve labor.  
Nec levis ambitio, perfusaque gloria fuco,  
Magnarumve fames sollicitavit opum.  
Admovere oculis distantia sidera nostris,  
Ætheraque ingenio supposuere suo.  
Sic petitur Cælum: non ut ferat Ossan Olympus,  
Summaque Peliacus sidera tangat apex.*

His tamen, si verum fateri volumus, quamvis & hibernis noctibus vigilare, puroque ac sereno Cælo vim frigoris perpeti, quamvis oculos servandis siderum cursibus delassare, & planetas quosdam sub Solis radiis plerumque latentes, ac tamquam in insidiis positos, notare ac patefacere debuerint: quæ difficultatis ac molestiarum plena sunt; benignius longe argumentum propositum fuit quam Physicis, qui rerum earumdem naturas & proprietates explicare, in animum induxerunt. Etenim Astronomi, Trigonometriæ præsiidiis instructi, certissimam insistent viam qua planetæ cujuslibet a terra distantiam, singulorum periodos

riodos vel tardiores, vel celeriores, varios eorumdem accessus & recessus, tum astrorum loca, ortus, occasus, coitiones, digressiones, συζυγίας, oppositiones, aliasque τῶν φαινομένων mutationes penitus cognoscere possint, neque in errores adeo pudendos incidere: quamquam haud raro & ab iis peccatum est, regularum fortasse negligentia: Physici contra; quorum cognitio fere tota sensuum testimonio innititur; quum ad res cælestes explorandas ventum est, tam longe a nobis remotas, conjecturis opus habent, quæ fallacissimæ persæpe sunt. Neminem igitur vestrum, Auditores ornatissimi, indignari aut mirari oportebit, tam varias esse, tamque inter se discrepantes virorum doctissimorum de Cæli natura sententias. Nam si philosophos minime vulgares, de rebus humilioribus, quas & oculis collustrare, & manibus contrectare ac versare ipsis licet, summo-pere dissentire videmus; eo magis humanæ imbecillitati ignoscendum est quotiescumque mentis acies in rerum sublimium contemplatione, (10) quas natura longissimo intervallo a terrestribus hisce regionibus separare ac discescere voluit, hebescit quodammodo atque caligat; neque judicia sua ita firmare aut stabilire potest, ut nullum reprehensioni aut dubitationi locum relinquat.

Prima igitur de Cæli natura sententia (prima, inquam, non tempore, aut dignitate, sed quadam facilitate doctrinæ) Petro Gassendo tribuenda est, viro eximio, & in antiquorum philosophorum decretis cognoscendis maximopere exercitato; qui sectione II. Physicæ, lib. I. c. I. ter-

ram



ram tantummodo, & huic circumfusa elementa reliqua, stellas item fixas, & vagas, ex materia constare docet. Interjectum autem, vastissimum ac prope immensum, Cæli spatium, (quod pulchre (11) Pindarus Olympiorum Ode 1. dum Sol terras illustrat, vocavit ἐρήμῳ αἰθέρα, *desertum aetherem*) nequaquam corporeum, sed omnino materiæ expers, inane, ac prorsus immotum, esse suspicatur; quod tamen corporibus quibusbet, hac & illac permeantibus, omni sublato impedimento, transeundi potestatem faciat. Si quis hanc sententiam probet, nullo negotio fortasse explicaverit, cur Cælum sit summe pellucidum, (12) siderumque radios ad incredibilem distantiam trajiciat, neque ullum in adversam partem reflectat. Hæc enim est vacui, sive loci corpore carentis, natura, ut nullo modo obstat, sed spatium & viam corporibus præbeat. Neque vero quicquam esse causæ Gassendus arbitratur, cur ingentia illa cæli intervalla plena potius, quam inania existimare debeamus. Ut enim sidera per illa moveantur, atque discurrant, nullo adminiculo iis opus esse censet, quo librentur & sustineantur; quemadmodum aves aëre indigent ad volandum, pisces aqua ad natandum: neque enim stellas perinde graves esse ac volucres & pisces, nullumque extra se habere, in quem decidunt, inferiorem locum.

Enimvero, si fingamus, astra omni corpore quo fulciantur, destituta, magno impetu deorsum ruere, quo tandem ventura esse dicemus, aut quo tandem loco quietura? Nonne philosophi  
qui-

quibus placet, terram in media mundi regione immotam consistere, eam ponderibus suis libratam in aëre circumfuso pendere docent, propterea quod omnes terræ partes ad similem communemque naturam conveniant, unumque globum efficiant, adeoque si divulsæ inde fuerint, eodem summa ope reverti nitantur? Nulla porro causa est, quamobrem totum terræ corpus aliorsum ferri oporteat; quo enim, quæso, terra moveatur, si eam aliquo moveri contingat? num ad aliam terram multo majorem, cui comparata hæc terra nostra quam incolimus, pars ejus quodammodo habenda sit? at præter hanc terram, alia terra nulla est: num ad corpus aliquod cæleste, puta Solem, vel aliquam e stellis? at Solis, & cujuslibet sideris natura a terræ natura longe diversa est, neque iccirco fieri potest, ut vel totum terrenum corpus, vel ulla ejus pars ad tam dissimiles naturas congregetur. Quapropter mirum non est, terram in sua sede permanere, neque stationem deferere quam initio rerum sortita fuit. Ob eandem igitur causam singulæ stellæ, sive per tenuissimum labentes ætherem, sive per inania Cæli spatia (quod Gassendus opinatur) permeantes, numquam de suis regionibus dimoventur, eosdem semper cursus tenent, eosdem semper gyros absolvunt. Verisimile quidem est, si quemadmodum terræ particulæ a toto ejus elementi corpore avelli possunt, ita Lunæ partes (ut hoc potissimum exemplo utamur) ab ejus sideris corpore vi avellerentur, eas sibi postea relictas, eodem recasuras unde avulsæ fuissent: totum ve-

ro Lunæ corpus in sua regione semper manere oportet, perinde ac totus terrarum orbis e sibi præscriptis finibus numquam excedit. Eadem & reliquorum siderum ratio est.

Moventur igitur corpora cælestia, ut sapienter olim animadvertit Galilæus, (13) eo tantum genere motus quod (14) vel illa semper in eodem loco detineat, vel circa punctum aliquod medium per magni orbis ambitum deferat: quo motu neque ejus quæ movetur, stellæ, neque adeo proximarum stellarum ordo turbatur. Motum enim hujusmodi aut undique finitum, aut potius omni termino carentem appellare possumus: quum in circuli ambitu, a puncto quolibet conversio initium sumere, & ad punctum quodlibet, tamquam finem, contendere videatur. Quum autem certas maxime orbitas planetarum cursibus natura præscripserit, quas iis transilire non licet; propterea fit, ut intervalla quæ illas vel extrinsecus complectuntur, vel ab iis inclusa continentur, aliorum siderum trajectionibus expedita omnino relinquantur, neque ulla sequatur in rerum natura confusio. Porro quodcumque in orbem movetur, semper in eo est ut quodammodo e carceribus exeat, & ut pariter eodem redeat unde discessit. Idcirco solus motus orbicus æquabilis est, ac sui semper similis: neque progressu fit celerior, neque contra tardior atque tardior; id quod motui recto contingere videmus. Nam si corpus feratur ad terminum naturæ suæ convenientem, quo magis ipsi propius fit, eo velocius movetur: contra, si vi quadam ab-



reptum discedat a termino naturali; quo longius abripitur, eo segnius incedit. Quæ autem corpora in orbem moventur, quum semper ex locis naturalibus proficiscantur, ad ea semper nihilominus revertuntur: ita ut paribus omnino propensionis & repugnantia momentis æquabilitas motus conservetur. Nihil igitur mirum si corporum cælestium circuitus perpetuus est, neque tam longis temporum ætatibus adhuc cessat: ubique enim incipit, ubique desinit. Contra, in linea recta, per quam motus accelerat, aut retardatur, eum aliquando desinere necesse est. Qui enim motus progressu minuitur, aut languescit, violentus est: nihil autem in eo quod violentum est, perseverat. Qui vero augetur, & velocior fit, necessario tandem ad terminum pervenire debet, si quem habet, atque ibi cessare: (15) nam si nullum habuerit, neque incipere poterit. Nullo enim fine motui proposito, frustra esset motus. His argumentis adductus Galilæus, conversionem & circuitum dumtaxat, motum scilicet æquabilem atque perpetuum, proprium esse docet ingentium corporum hanc rerum universitatem constituentium, optimeque a Deo dispositorum: motu autem recto solum ob eam causam uti naturam, ut corpora quælibet, eorumque partes in sua loca, via nimirum brevissima, reponat, si forte e sedibus suis excefferint, aut ordine præpostero collocatæ fuerint. Propterea non temere Gassendus pronuntiavit, Astra nullum extra se habere, in quem decendant, inferiorem locum.

Immo vero quum ea sint ad motum suapte  
natu-

natura comparata, motusque ipsorum, supra quam credibile est, sit velox atque concitatus, iccirco, si Gassendum audimus, rationi consentaneum est, ut spatia quæ ab ipsis transmittuntur, a quovis corpore vacua & libera sint, quod motu scindi ac dividi oporteat, quodque propterea permeantibus vel tantillum obsistat. Porro, si tota illa spatia corpore aliquo repleta fuerint, quonam pacto radii e lucidis corporibus prodeuntes, aut ex opacis redeuntes, inoffenso, ut ita dixerim, pede ad nostras usque regiones pervenire possint, existimat, satis intellecturum esse neminem. Ait enim, hujusmodi corpus, stellas inter & hæc nostra loca interpositum, quantumvis tenue, quantumvis defæcatum, omnique crystallo purum longe magis atque pellucidum, contextum tamen e corpusculis esse oportere; quorum unicuique ea vis inerit, atque facultas, quæ exilem radium transire prohibeat, ipsumque a recto itinere facillime avertat. Nam si aër hic noster, olim quum sudum est, imbresque ac nives magna copia deciderunt, quamquam liquidissimus apparet, e longinquo tamen spectantibus (16) opacitatem quamdam contrahere videtur; (ejus enim corpuscula quæ remotiora sunt, exiguos illos meatus paullatim occludunt qui a propioribus ejus particulis liberi ac patentes relinquebantur) quid sentiendum erit de immenso aliquo corpore æthereo, inter sidera oculos nostros collocato? Fingamus enim, ætherem decies, immo centies, immo millies aëre hoc nostro puriorem esse; ea tamen est spatiorum immanitas, ut ipsum tandem

dem aere opaciorem effici necesse sit; atque ita stellis offusum, aut earum aspectum nobis eripere, aut saltem sub caligine quadam exhibere. Quod vero ceteri philosophi necessarium omnino existimant, sidera inter ac terræ globum, corpoream quamdam naturam interjectam esse, ne tanta sit rerum naturalium disjunctio; pernegat Gassendus, ullam requiri conjunctionem, mutuumve nexum inter duo tota quorum in eo natura consistit, ut unum ab altero maxime distet: ejusmodi autem, siderum atque telluris esse naturam. Si quis tamen obstinato animo contendat, corpus aliquod interjectum esse oportere; id profecto ea tenuitate futurum est, qualem vix cogitatione assequi possumus. Hanc porro sententiam, quæ Gassendo probabilis admodum visa est, postremis hisce temporibus Isaacus Newtonus, philosophus & mathematicus celeberrimus, acerrime propugnavit in opere quod inscripsit: *Philosophiæ Naturalis Principia Mathematica*. Cur enim planetæ perpetuo & æquabili motu circumferantur, neque ab orbitis suis umquam deflectant, hanc esse causam voluit, quod per inania Cæli spatia moveantur, neque in ullum aliud corpus impingant. Nam, ut ipse docet, hæc natura est impetus impressi, ut in corpore moto constantissime permaneat, nisi cum alio communicetur.

Ceterum, illud animadversione dignum mihi videtur, Gassendum, tametsi pæne omnia suæ philosophiæ decreta ab Epicuri, ejusque interpretis Lucretii fontibus derivaverit, de spatio tamen inter Solem terramque porrecto ab illis longe dis-

sen-



senfisse: quod certe spatium Lucretius libro 2. de Rerum Natura non omnino ἀσώματον atque inane esse docet, his versibus: (17)

*Nunc quæ mobilitas sit reddita materiæ  
Corporibus, paucis licet hinc cognoscere, Memmi.  
Primum Aurora novo quum spargit lumine terras,  
Et variæ volucres nemora avia pervolitantes  
Aëra per tenerum liquidis loca vocibus opplent:  
Quam subito soleat Sol ortus tempore tali  
Convestire sua perfundens omnia luce,  
Omnibus in promptu, manifestumque esse videmus.  
At vapor is quem Sol mittit, lumenque serenum,  
NON PER INANE MEAT VACUUM: quo  
tardius ire*

*Cogitur, aërias quasi quum diverberet undas:  
Nec singillatim corpuscula quæque vaporis,  
Sed complexa meant inter se, conquæglobata:  
Quapropter simul inter se retrahuntur, & extra  
Officiuntur, uti cogantur tardius ire.*

*At, quæ sunt solida primordia simplicitate,  
Quum per inane meant vacuum, nec res remoratur  
Ulla foris; atque ipsa suis e partibus unum,  
Unum in quem cœpere locum, connixa feruntur:  
Debent nimirum præcellere mobilitate;*

*Et multo citius ferri, quam lumina Solis,  
Multiplexque loci spatium transcurrere eodem  
Tempore quo Solis pervolgant fulgura calum.*

Comparat poeta mobilitatem atomorum per immensum inane discurrentium, cum celeritate radiorum Solis: atque ita ratiocinatur: Si tanta est luminis quod Sol mane diffundit, celeritas, ut, quamvis ei æther, vel aër medius non pa-

rum obſiſtat, momento pæne temporis nocturnam caliginem undique diſcutiat; quanta propterea primis corpusculis velocitas tribuenda eſt, quibus libere volitantibus nihil uſquam occurrit quod eorum itineri moram atque impedimentum afferre poſſit?

Nemo, ut opinor, inficiabitur, argumenta quæ paullo ante memoravimus, ingenioſe admodum ac ſollenter a Gaſſendo excogitata fuiſſe. Certe enim, ſi aſtra propriis motibus in Cæli ſpatiis corporeis atque immotis ferrentur, non ea porro pergerent velocitate qua pergunt: & ſaltem longiſſimis ſæculorum intervallis motus eorum tardior fieret. Neque puncto prope temporis tanta exſiſteret luminis propagatio, quantam reapse exſiſtere miramur. Corpus enim illud interpoſitum, quamquam ſumma tenuitate, ob immane tamen intervallum, radiis corporeis (ſeniores enim philoſophi, luminis radios non ſine corpore eſſe, jam docent) impedimento eſſet, quominus ad terram momento pervenirent. Ad hæc tamen incommoda ex natura tollenda ὁπὶ θεοῖς Gaſſendi minime neceſſaria eſt; quum præfertim ea corporum omnium colligationi adverſetur, inani videlicet ſpatio inter illa relicto. Nam & qui Cælos ex materia conſtare docent, eoſque fluxos & liquentes eſſe contendunt; de quorum doctrina non ita multo poſt verba faciam; ii & rerum univerſarum conjunctioni conſulunt, & idoneam cauſſam afferunt, cur ſidera tam celeriter moveantur, & cur lumen tam ſubito per imenſa Cæli ac terræ ſpatia diffundatur. docent enim,

enim, stellas non per immotam Cæli materiam discurrere, sed cum ea simul circumagi: neque radios luminis ab æthere ipso distinguunt, sed in eo potius consistere ostendunt: quod cujuscumque sit, suo loco declarabimus.

Altera ὑπόθεσις de Cæli natura, spatium illud omne quod stellas inter atque elementorum regionem porrigitur, solidissimo ac durissimo quodam corpore plenum esse ponit, sed crystalli, aut aquæ in glaciem concretæ simillimo; ne scilicet aliquis miraretur, id adeo pellucidum & perspicuum esse. Hanc opinionem defendit olim Anaximenes, qui nempe Cælum crystallo, sidera clavis crystallo infixis comparabat. Hujus etiam patrocinium suscepit Empedocles, (18) ut quidem Plutarchus tradit libro 2. de Placitis Philosophorum capite 11. his verbis: Εἰς πεδοκλής (φασὶ) στερέμινον εἶναι τὸ ἄνυσον, ἐξ ἀέρος συμπαχρῶς ὑπὸ πυρὸς χρυσάλλοειδῶς, τὸ πυρῶδες ἢ ἀερῶδες ἐν ἑκατέρῳ τῶν ἡμισφαείων δείχοντα. i. e. *Empedocles (ait) Cælum esse solidum, glaciei in modum ex igne ab aëre compactum, quod igneam aëriamque naturam in utroque globi semisse contineat*. Sunt etiam qui Anaximandrum Milesium, philosophum vetustissimum, popularem ac discipulum Thaletis, soliditatem Cælo tribuisse scribant (19); ex quo tamen certo colligere non possis, ei placuisse, cælestia corpora ex duriori aliqua materia constare, sed tantum ex ea quæ corruptioni & dissolutioni, propter soliditatem, haudquaquam obnoxia esset. Non etenim quæcumque sunt solida, & plagæ vim respuunt, dura continuo cen-



feri debent; siquidem & Epicurus atomos illas suas omnino solidas inducit, ac propterea corruptionis expertes, quæ tamen efficiendi corpora mollia, immo & fluentia, aërem puta & aquam, facultate præditæ sint. Utrum vero ita sentientibus Claudium Ptolemæum, insignem illum antiquorum temporum Astronomum, annumerare oporteat, necne, minus mihi compertum est. Nam Cæli quidem soliditas, ad cælestium orbium, epicyclorum præcipue, apparatus & machinationem struendam in primis idonea est; quorum ope Ptolemæus motus astrorum accuratius explicare & supputare sibi visus fuerat. Nonnullam tamen dubitationem afferunt ea verba quæ apud ipsum legere est *μεγάλης συντάξεως* l. 13. cap. 2. & recitantur Latine a Gassendo *Physicæ* sect. 2. lib. 1. cap. 1. *ἢ μὴ μόνον*, inquit, *ἀλλὰ τὰς κατὰ μέγεθος κύκλους τὸ ποιεῖν ὁδοῦν, ἀλλὰ ἢ ἀλλὰ τὰς σφαῖρας αὐτὰς ἢ τὰς ἄξονας τῶν ἀειφορῶν, ὧν ἢ αὐτῶν τὰ ἐν ταῖς διαφόροις κινήσεσι συμπλοκὴν ἢ ἐπαλληλίαν ἐν μὲν ταῖς κατασκευάζομεν παρ' ἡμῖν εἰκόσιν ὁρῶμεν ἐργώδη ἢ δυσώειςον πρὸς τὸ τῶν κινήσεων ἀκώλυτον, ἐν δὲ τῷ ἑρηνίῳ μηδαμῇ μηδαμῶς ὑπὸ τῇ ποιότητι μίξεως ἐμποδιζομένην.* i. e. *Ipsa in medio superando facilitas* (Græce τὸ ὁδοῦν) *non circulis tantum peculiaribus convenit, verum etiam sphaeris, circumductionumque axibus; quorum quidem in motibus variis implexionem, permixtionemque mutuam, creare videmus in his nostris quæ apparamus, speciminibus & laboriosam & difficilem exhibendis motibus libertatem: at vero in cælestibus haudquaquam, nulloque modo creatur ex ista com-*

*mixtione impedimentum*. Quibus verbis Ptolemæus non obscure significat, nullos in Cælo *excentricos* orbes, nullos epicyclos, nullos axes, nullas planetarum orbitas esse, cujusmodi vel mente fingere, vel machinis arte paratis exprimere licet; sed quum libera omnino sint, fluxa, & liquida Cæli spatia, stellas ipsas vario inter se positu, accedentes puta, recedentesque, ac (20) tamquam ad numerum choreas ducentes, illa omnia præstare unde instrumentum ac supellectilem veteres Astronomi sibi comparaverunt. Porro supremæ illius mundi regionis duritiem ac soliditatem Divinarum quoque Litterarum auctoritas tueri videtur: in libro enim Jobi, cap. 37. (ut alia plura testimonia prætermittam) legimus, *Calos a Deo conditore solidissimos, quasi ære, fusos esse*. Verum si quis attentius totum locum perpendere & considerare voluerit, inveniet, ea verba non ab ipso Deo, vel a Jobo prolata, sed ab Eliu Jobi amico, qui cum eo colloquebatur. Hunc autem paullo post, tamquam inepte ac stulte locutum, ipse Deus increpat. Hæc enim occurrunt initio cap. 38. *Respondens autem Dominus Job de turbine, dixit: Quis est iste involvens sententias sermonibus imperitis?*

Ceterum, hanc sententiam apud Græcos, Eudoxus Platonis familiaris maximopere propugnavit, teste Aristotele Primæ Philosophiæ lib. 14. (alias 12.) cap. 8. (21); qui scilicet, quum animadvertisset, motum siderum diurnum, sive ab ortu in occasum procedentem, omnium cælestium corporum esse communem, at nihilominus

planetas proprio motu ab occasu in ortum contendere; censuit iccirco, diurnum motum stellis inerrantibus per se convenire, quas motu alio nullo cieri, falso existimabat: moventur enim & stellæ fixæ tardissimo quidem, sed tamen vero motu, quemadmodum planetæ, ab occasu in ortum. Planetis autem motum ab occidente in orientem proprie ac per se congruere opinatus est: communem porro illum & diurnum, nonnisi κατὰ συμβεβηκός; quod videlicet ab orbe stellarum fixarum in easdem partes continenter abducerentur. Quum tamen vidisset, inerrantium stellarum motum cum errantibus communicari nullo modo posse si spatia Cæli fluxa & liquentia essent; regionem quidem fixarum unum orbem solidum ac firmum esse voluit, in quo stellæ omnes, tamquam in rotæ alicujus apside clavi, depactæ forent: illius autem fornici, ut ita loquar, orbem alium accommodavit, qui priorem omni ex parte contingeret, & cui Saturni stella quodammodo illigata esset: tum intra secundi hujus orbis cavum, tertium posuit, qui stellam Jovis secum ferret: atque ita deinceps usque ad orbem Lunæ, quæ, ut ait Cicero libro VI. de Republica, in Somnio Scipionis, *citima terris, ultima Cælo est*. Hos autem planetarum orbes impetu primi Cæli abripi voluit Eudoxus, ut tamen peculiari quodam motu ei semper obniterentur. Quam Eudoxi doctrinam, paucis quibusdam immutatis, Callippus tuendam & ornandam suscepit: deinde vero Aristoteles, ut perhibent, tantam ei conciliavit auctoritatem, ut duum milium



lium annorum spatio a Peripateticis, in rebus certissimis & omnino exploratis numerata sit; nimirum usque ad Tychonis tempora.

Hic enim, quum novam stellam in Cassiopeæ fidere deprehendisset; cometas porro non in aëre, ut Aristoteles Meteorolog. lib. 1. capp. 6. & 7. falso opinatus fuerat, sed supra Lunam positos esse, quemadmodum olim tradiderant (22) Anaxagoras atque Democritus, & Seneca ipse (23) suspicabatur, ac modo in altiora loca, modo in humiliora liberrime ferri, & quaquaversus evagari, certissimis matheseos regulis cognovisset; philosophos propterea monuit, ut Cæli soliditatem deinceps in fabellas referrent. Cujus moniti fides tunc est confirmata quum primum Astronomi animadverterunt, Martem eo tempore quo telluri propior est, sive *ωέγειθ*, infra Solem descendere: quod nulla ratione fieri posset si cælestes orbis ex duriore aliqua materia, puta crystallina, constarent: necesse enim esset, Martem e sphæra sua in Solis orbem solidum, atque immensa profunditate, penetrare. Ad hæc, nisi spatia Cæli fluxa & pervia forent, quomodo Venus jam citra Solem consisteret, jam ultra progrediretur, jam ad latus ejus incederet? quod ex mutabili ejus aspectu certissimum est. quomodo Jovis & Saturni comites circum eos planetas ferrentur? quomodo maculæ in Solis facie ab Astronomis notatæ eum continenter ambirent? Videtis igitur, nisi fallor, Auditores, hanc *ὑπόθεσιν* rationi pariter atque experientiæ adversari. Præterea, luminis radii non ea sane celeritate dif-

funderentur ac propagarentur qua nunc eos diffundi & propagari videmus: corpus enim illud crystallinum, quamvis nitidissimum, eos profecto aliquantum remoraretur, & fortasse a recto cursu detorqueret. Deinde, quum Sol in opposito nobis *ἡμισφαίρει* noctu detinetur, & radios tamen confertissimos in superius hoc *ἡμισφαίρειον* jaculatur, facile admodum contingere posset, ut radii, centum quidem, aut etiam sexcentos cælestis corporis meatus inoffensi transirent, sed tandem impedimentum aliquod meatibus interpositum offenderent, a quo retorquerentur: atque iccirco necesse omnino esset, innumerabilem radio-  
rum reflexorum multitudinem in oculos nostros incurrere, & noctem in diem quodammodo converti; quod nihilominus reapse non contingit.

Neque illud quidem argumentum quod affert Gassendus loco sæpius memorato, adversus hujus opinionis patronos, mihi videtur silentio prætereundum. Quum enim ob id potissimum cælestes orbes inducant solidos, ut inferiores a superioribus facile in easdem partes abducantur, ostendit vir ingeniosus, hoc nullo modo fieri posse. Nimirum & supremus ille orbis, & ceteri omnes qui supremo continentur, exquisitius formati, & quasi torno politi, circa commune centrum volvi debebunt. Nihil igitur præsto erit majoribus orbibus, unde abripiant minores, aut in illos vim suam exerceant, quamvis ipsos proxime contingant; superficies enim concavæ mirum in modum æquabiles ac læves, lubrico lapsu convexas, pari æquabilitate ac lævitate præditas, præterve-

hen-

hentur, neque in eas impetum facere, neque longius propellere, neque secum abducere ullo modo poterunt. Quod si devitandi hujus incommodi causa, cælestium orbium partes aliquas eminare, aliquas hiare fingamus, ut scilicet eminentes lacunosis excipiantur, eoque subsidio sphaeræ inferiores a superioribus, tamquam injectis harpagonibus naves, prorsum trahantur; id statim vitium consequetur, ut planetarum orbibus regressu prohibitis, proprioque motu penitus destitutis, unus tantum in Cælo motus, nempe diurnus, relinquatur.

Ceterum, tametsi Aristoteles cælestia corpora interitus omnino expertia esse, luculente admodum docuerit; non tamen æque manifestum est, ipsum existimavisse, ea solida esse, & quasi crystalli instar obtinere, vel aquæ in glaciem concretæ. Enimvero locum aliquem in quo Aristoteles id aperte contendat, monstrari mihi velim: nondum enim reperire potui. Quod sane si litteris mandasset, non obscure secum ipse pugnasset: crystalli enim natura terrena est, ac multum opaci admixtum habet: philosophus autem libro 2. de Anima cap. 7. docet, corpora cælestia summe pellucida esse; tum illud sæpius inculcat, Cæli qualitates ab elementorum qualitatibus differre plurimum. Neque Malebranchius, acerrimus alioquin Aristotelis inimicus, hanc opinionem ipsi objecit, cap. 5. lib. 6. de Inquirenda Veritate, ubi libros ejus de Cælo, de Ortu item atque Interitu, refellit, contemnit, irridet: quod certe facere haudquaquam neglexisset si hujusmodi



di sententiam ipsi tribui posse arbitratus esset. Non tamen valde negaverim, multa Aristotelem in his de Cælo disputationibus peccavisse, quod videlicet nullam, vel certe parvam admodum, Astronomiæ operam dederit: quam vix a limine videtur salutavisse.

Venio nunc ad tertiam de Cæli natura sententiam, quæ recentiorum pæne omnium philosophorum communis est. Horum itaque temporum philosophi, spatium illud vastissimum atque immoderatum, stellas inter ac tellurem diffusum, ex materia quidem constare docent, sed illa fluxa, spirabili, & mirum in modum attenuata; cui etiam, auræ æthereæ, sive ætheris aut aëris purissimi, maximeque subtilis, nomen imposuerunt: qui nimirum si cum aëre hoc nostro, quem ducimus, comparetur, tanto eum tenuitate antecellit, quanto ipse aër noster aqua rarior ac tenuior est. Quæ tamen opinio, si verum fateri volumus, & priscis nonnullis philosophis, in primis (24) Anaxagoræ, (25) Democrito, (26) universæ Stoicorum familiæ, pluribus etiam (27) Catholicæ Ecclesiæ Patribus tribuenda est: qui saltem inferius Cælum, in quo stellæ vagæ, sive planetæ, cursus & conversiones suas conficiunt, ex agitabili quadam tenuique materia compositum esse existimavere. Placuit porro Anaxagoræ, Democrito, eumque secuto Epicuro, quum solidos orbes e medio sustulissent, unum esse omnium stellarum motum, qui nempe ab ortu in occasum tendat: videri autem planetas contraria via orientem versus procedere, quod a superiorum  
sede-

fiderum incredibili celeritate, ipsi segniores, ad eam regionem relinquantur. Hujus doctrinæ ita meminit Lucretius l. 5. v. 620.

*Nam fieri vel cum primis id posse videtur,  
Democriti quod sancta viri sententia ponit:  
Quanto quæque magis sint terram sidera propter,  
Tanto posse minus cum Cæli turbine ferri.  
Evanescere enim rapidas illius, & acres  
Imminui subter vires, ideoque relinqui  
Paullatim Solem cum posterioribus signis,  
Inferior multo quod sit quam fervida signa:  
Et magis hoc Lunam, & quanto dimissior ejus  
Cursus abest procul a Cælo, terrisque propinquat,  
Tanto posse minus cum signis tendere cursum.  
Flaccidiore etiam quanto jam turbine fertur  
Inferior quam Sol, tanto magis omnia signa  
Hanc adipiscuntur, circum, præterque feruntur.  
Propterea fit, ut hæc ad signum quodque reverti  
Mobilius videatur, ad hanc quia signa revisunt.*

Neque vero tenuis hujusmodi atque subtilis materia, ex qua philosophi paullo ante memorati Cælum contextum esse volunt, ita continua censi debet, ut foraminibus omnino careat; quemadmodum olim (28) Franciscus Lana eam cogitatione finxerat: qui quum Cælum nulli mutationi neque corruptioni obnoxium statuisset, iccirco ex nullis atomis, sive particulis figura præditis, illud constare affirmavit: quod scilicet atomi exiguas quasdam vias inter se relinquere ament, ex quibus dissolutionem & corruptionem tandem consequi necesse sit: corpora enim propterea dissolvi atque retexi, quod eorum particulae magis conti-

*guæ,*

*guæ*, quam continuæ sint, atque adeo facillime situm atque ordinem mutare possint. Sed quum radii Solis & siderum per Cæli spatia transeant, & ad nos usque ferantur, manifestum est, Cælum non esse corpus ita continuum, ut omni prorsus meatu destitutum sit. (29) Corpus enim hujusmodi, quamquam tenuissimum, & mire subtile, radiorum luminis transitum profecto magis impediet quam corpus aliquod crystalli simile, in quo vias aliquas radiis patentes esse fingamus. Propterea Lanæ sententia nullo modo propugnari potest.

Præstat igitur, aut ego fallor, Cartesii doctrinæ adhærere, quam ad *φαινόμενα* facilius explicanda, nonnulli ejus sectatores aliquantulum immutaverunt. Verisimile itaque existimant Cartesiani, in ipsa mundi creatione atque exordio, spatium illud Cæli nullis prope terminis circumscriptum, a rerum omnium conditore ac parente Deo, corpore quodam fluxu atque incredibilis tenuitatis, repletum fuisse; quod corpus ex particulis quibusdam solutis, & punctis materiæ *contiguïs* constet: quæ puncta rotunda figura esse, ac instar globulorum habere, opinantur, ut scilicet impulsui magis obsequi possint. Hujusmodi autem puncta, eo motu qui est ad rectam lineam, pulsa vel pressa, luminis sensum in animalium oculis excitant. Quem pulsum materiæ cuidam summe attenuatæ, & in omnem partem admirabili celeritate agitata, tribuere ipsis placet: qua nulla tenuior, nulla mobilior esse, aut excogitari possit: deveniendum enim tandem est ad aliquod



quod motus principium; neque sine fine ulterius procedendum. Ab hac vero materia & spatia illa exigua quæ inter globulos æthereos comprehenduntur, accurate impleri; & ab eadem in certis mundi locis ingenti copia collecta, rerum opifice ita jubente, lucida illa & nobilissima corpora, Solem nimirum & stellas fixas, maximam partem componi opinantur.

Ut tamen hæc doctrina veritati proxima sit, illud vix intelligi potest, quomodo in Sole, & in reliqua illa stellarum inerrantium multitudine, sola vigeat materia subtilis, nulla re solidiore suffulta, quæ ipsam contineat, prohibeatque ne dilabatur: præsertim quum philosophi fere omnes astrorum corpora magis compacta, densa, & stipata esse velint quam sint Cæli spatia, in quibus feruntur. Nam corpora omnia vere pellucida, & colore destituta, quæ nullos luminis radios in adversam partem reflectunt, & propterea oculorum aciem fugiunt, rariora & leviora sunt, quam corpora opaca, & colorata, quæ quum lumen vel aliunde in ipsa incidens, vel ex sua natura profectum, ulterius transire prohibeant, ejus radios retorquent, & iccirco a nobis videri possunt. Aër porro, & multo magis æther corpora sunt vere pellucida, neque sub aspectum cadentia: contra, corpora lucida, ignita, & flammam emittentia, in quibus astra numerantur, sunt opaca, & colore infecta, quum & a nobis videantur, neque res alias post se collocatas videri patiantur. Manifestum igitur est, aëris & ætheris quam ignis & ignitorum corporum

rum materiam esse rariorem. Semper enim ignis ad terrestrem aliquam gravioremque naturam adhærescit, in quam scilicet vim suam exercet, & quæ ipsi alimentum ac sedem præbet. Quapropter non adeo inepta existimanda est (30) Anaxagoræ opinio, quam postea suffragio suo comprobavit (31) Democritus; natura nimirum terrestri stellas esse: ignemque post primam illam elementorum separationem, quum ad loca sua discessisset, terræ partes nonnullas ad se pertraxisse, utque igneam naturam referrent, effecisse. Ex quo colligebat, Solem massam aut lapidem esse immensæ magnitudinis, igni candentem. Sed hæc hæctenus.

Primam igitur, & ab ipso Deo profectam, materiæ tenuissimæ agitationem, *lucem* Cartesiani appellant: ex ea vero ortum ad rectam lineam, ætheris circumfluentis, in omnes partes impulsam, *lumen*, & *luminis radios* nominare consueverunt. Quæ quum ita sint, Solis propterea & reliquorum globorum lucem emittentium radii, dum ab origine sua profecti, ad oculos nostros pervenire nituntur, nihil offendunt quod ipsis impedimento sit, vel moram faciat, quominus momento temporis longe lateque diffundantur. Etenim spatia illa vastissima, sideribus lucidis interjecta, non alio corpore plena sunt quam æthere tenuissimo, sive punctis æthereis se se mutuo contingentibus: quæ puncta sunt ipsum luminis vehiculum, ut ita loquamur; pulsuque a corporibus lucidis accepto, ipsos luminis radios constituunt: atque ideo æther & radii non sunt  
duæ

duæ res inter se diversæ, neque æther ullo modo radiis permeantibus obsistit; id quod Gassendus verebatur. Deinde, si aliqua ratione admirabilis velocitas luminis intelligi aut comprehendi possit, hujus tantummodo ὑποθέσεως auxilio videtur comprehendi posse: ὑπόθεσις enim Gassendi alias quidem difficultates evitat, quæ jam a nobis memoratæ sunt: at explicandæ causæ, cur lumen, temporis prope puncto per ingentia Cæli terræque spatia discurrat, minus profecto idonea est. Nam si spatia illa vacua essent, cujusmodi ea fingit Gassendus, luminis corpuscula quæ primum e sideribus effluxissent, nonnisi ingenti intervallo temporis terram contingere potuissent. Æthereas igitur lineas animo concipere licet, a lucidis stellarum corporibus continenter pulsas, tamquam rigida quædam bacilla, vel tentos funiculos: qua similitudine, ad hanc ipsam rem explicandam, usi quondam fuerunt etiam Simplicius, & Joannes Philoponus, (32) celeberrimi Aristotelis interpretes. Hoc autem ætherearum linearum pulsu semel probato, facile declarari potest, cur terra, Luna, & planetæ reliqui, quos omnes opacos esse satis constat, Solis radiis obiecti tantopere splendeant: nisum scilicet earumdem linearum, quæ ad illos recta feruntur, opacitate sua sistunt, & contraria via ad oculos nostros detorquent: quo fit, ut imperitis hominibus, sensus luminis in ipsis excitatus, ab his corporibus, tamquam ab origine, advenisse, falso videatur.

Atque hæ sunt, Auditores, præcipuæ maximeque



meque celebres de Cæli natura opiniones. Possem & alias minus vulgatas in medium afferre: quas tamen libenter prætermitto, & quod infirmis admodum argumentis nitantur, & ne humanitate vestra diutius abutar. Existimo autem, quæ dixi, satis futura ad studiosorum adolescentium ingenia nonnihil acuenda, ut minus imparati, Aristotelis nostri decreta quum audire, tum æquis judiciis perpendere possint: cujus primum librum de Cælo, Deo dante, vobisque faventibus, proxima schola interpretari aggrediar.



# ANNOTATIONES

## IN SUPERIOREM

### ORATIONEM.

(1) *Ptolemaicas tabulas* ] Quæ in libris μεγάλης συντάξεως, nempe *Magnæ Constructionis*, sive *Almagesti*, Claudii Ptolemæi, Astronomorum apud veteres principis, passim occurrunt.

(2) *Alphonsinas* ] Eas Alphonsus X. Castellæ & Legionis Rex, cognomine Sapiens, ingenti sumtu confici curavit, & in vulgus edidit A. C. 1252. Quum ipse Astrologiam egregie calleret, ad illas tamen parandas doctissimos quosque Mauros, Arabas, & Judæos rerum cælestium cognitione florentes Toletum convocavit, eorumque opera usus est. Ceteris præstabat Rabbi Isaac Hazan, quem Hispanenses Judæi earum tabularum verum auctorem perhibent. Porro Alphonsini multa in hypothesebus Ptolemaicis immutaverunt.

(3) *Prutenicas* ] Auctore Erasmo Reinholdo Salveldiensi, qui eas Alberto Marchioni Brandeburgico, Ducique Prussiæ, Stetini, ac Pomeraniæ, anno 1551. dicavit Tübingæ. In his vero condendis, & Copernici numeris emendandis totos septem annos consumpsit.

(4) *Danicas* ] Quas nimirum Christianus Severini Longomontanus Danus composuit, Tychonis in Astronomia instauranda socius, & strenuus adiutor; Mathematicum vero publicus Doctor in Academia Hafniensi. Editæ sunt cum ejus Astronomia Danica Amsterodami 1621.

(5) *Rudolphinas* ] Quas e Tychonis Brahæi observationibus fere depromptas Joannes Keplerus divulgavit anno 1627. & Rudolphi II. Cæsaris, cu-

jus in aula floruerat, nomine insignivit. Vide Petrum Gassendum lib. 4. de vita Peireskii.

(6) *Lansbergianas* ] Ita dictas a Philippo Lansbergio Gandavenſi, qui eas edidit Middelburgii anno 1632.

(7) *Philolaicas a Bullialdo concinnatas* ] Iſmael Bullialdus, Aſtronomus excellentiſſimus, edidit Aſtronomiam Philolaicam Pariſiis 1645. adjectis tabulis.

(8) *Streetianas* ] Quæ exſtant in Aſtronomia Carolina nova Thomæ Streetii Angli. Id opus Joannes Gabriel Doppelmayr in Latinum ſermonem vertit, ediditque Norimbergæ 1705.

(9) *Hirianas* ] Juſſu Ludovici XIV. Galliæ Regis a Philippo de la Hire, illuſtri Mathematico, elaboratas, editasque Pariſiis anno 1702.

(10) *Quas natura longiſſimo intervallo &c.* ] Plurimis maximisque difficultatibus obſtructam eſſe rerum cæleſtium cognitionem, neque Ariſtoteles ipſe diſſimulavit; cujus hæc verba ſunt cap. 3. l. 2. de Cælo: καίπερ πόρρωθεν περιωμένοις ποιέσθαι τὴν ζήτησιν· πόρρω δ' ἔχ' ἔτι τῷ τόπῳ, πολὺ δὲ μᾶλλον τῷ ἔφ' συμβεβηκότων αὐτοῖς (ἑρανοῖς) πῖεи, πᾶμπαν ὀλίγῳ ἔχειν ἀισθῆσιν. *Quamquam*, inquit, *eminus facere inquisitionem conamur, eminusque non adeo loco, sed multo magis hoc ipso, quod eorum quæ accidunt ipsis Cælis, tenuem valde sensum habemus.* Hic autem animadvertendum est, Ariſtotelem ſenſuum judicio & periclitationi multum tribuere in exquirenda rei cujuſlibet corporeæ veritate. Niſi enim rerum φαινόμενα, nimirum ea quæ in rebus apparent, & in earum prima quaſi fronte locata, in ſenſus noſtros incurrunt, probe cognita atque explorata habuerimus, inanes omnino ὑποθέσεις de natura conſtituemus, ingenii que acumine ac ſollertia nimium abuſi, ſomnia tantum levesque conjeſturas  
am.



amplectemur. Recte igitur Lucretius lib. i. v. 423.

*Corpus enim per se communis deliquat esse  
Sensus: quo nisi prima fides fundata valebit,  
Haud erit, occultis de rebus quo referentes,  
Confirmare animi quicquam ratione queamus.*

Communem sensum appellat Lucretius ( ut id παρέργως moneam ) sensum omnium hominum, quibus ideo persuasum sit, corpora esse, quod ea videant, audiant, manu tangant. Ceterum varietatem ac difficultatem quæstionum ad cælestia corpora pertinentium uberrime exponit Philo Judæus ἐν τῷ περὶ ὀνείρων, in libro de Insomniis; ex quo locum insignem, quamquam longiusculum, proferre non gravabor, qui legitur etiam, sed Latine tantum, apud Petrum Gassendum Physicæ sectione 2. lib. 2. cap. 1. ὁ δ' ἔρανός, ait Philo, ἀκατάληπτον ἔχει τινὸς φύσιν, ἐδὲν αὐτοῦ σαφὲς γινώσκισμα πρὸς ἡμᾶς ἀποσείλας. τί γὰρ ἂν εἴποιμεν, ὅτι πεπτηγὼς ἐστὶ κρυσαλλὸς ὡς ἡζιῶσαν τινὲς, ἢ ὅτι πῦρ τὸ καθαρῶτατον, ἢ ὅτι πέμπτον κυκλοφορικὸν σῶμα, μηδενὸς τῶν τεττάρων στοιχείων μετέχον; τί δ' ἢ ἀπλανὴς ἢ ἐξωπύτω σφαῖρα; πρὸς τὸ ἂνω βάθος ἔχει, ἢ αὐτὸ μόνον ἐστὶν ἐπιφανὴς βάθος ἐρήμη, τοῖς ἐπιπέδοις χημάσιν ὅμοια; τί δ' οἱ ἀσέρες; ποτερον γῆς εἰσὶν ὄγκοι πυρὸς πληρῆς; ἀγκυα γὰρ ἔ' νάπας ἔ' δρυμὲς ὄξεπύρες εἶπον αὐτοὺς εἶναι τινες, αὐτοὶ δεσμοποιηεῖς ἔ' μύλωνος, ἐν οἷς τὰ τοιαῦτ' ἐστὶν ἐπὶ τιμωρίᾳ τῶν ἀσεβῶν, ὄντες ἐπάξιοι· ἢ συνεκτὴς ἢ ὡς εἴπε τις, πυκνὴ ἀρμονία, πιλῆματα ἀδιάλυτα αἰθέρος; ἐμφυχοὶ δὲ ἢ νοεροὶ ἢ νῆ ἔ' ψυχῆς ἀμέτοχοι; προαιρετικὰς δὲ, ἢ κατὰ βλάστησιν αὐτὸ μόνον κινήσεις ἔχοντες; τί δὲ σελήνη; ποτερον γήσιον, ἢ νότον ἐπιφέρειται φέγγος, ἢ λιανικῶς ἐπιλαμπόμενον ἀκτῖσιν, ἢ κατ' αὐτὸ μόνον ἰδίᾳ, ἢ τῶν ἑδέτερον, τὸ δ' ἐξ ἀμφοῖν, ὡς ἂν ἐξ οἰκείας ἢ ἀλλοτρίας πυρὸς κρᾶμα, πάντα γὰρ ταῦτα ἢ τὰ τοιαῦτα τῶν τεσσάρων ἢ αἰεὶς τῶν ἐν κόσμῳ σώματος ὄντα ἔρανός, ἀδήλα ἔ' ἀκατάληπτα σοχασμοῖς ἢ εἰκασίμῃς, ἢ παγίᾳ

λόγῳ τῆς ἀληθείας ἐφορᾶνται, ὥς τε καὶ ὁμόσαι τι-  
νὰ θαρρήσαντα, ὅτι θεοὺς εἰδὲς πῶποτε ἰχύσει τέτων  
ἐναργῶς καταλαβεῖν εἶδεν. i. e. Cælum naturam habet  
quæ comprehendi non potest; nullamque sui notitiam  
manifestam ad nos usque transmittit. Quid enim di-  
camus? esse illud concretam glaciem, ut nonnulli cen-  
suerunt? an ignem purissimum? an quintum aliquod  
corpus, cujus proprium sit in orbem moveri, nullius  
ex quatuor elementis particeps? Quid illa inerrans,  
& omnium extrema sphaera? an superius profunda est,  
an vero nihil aliud est quam superficies crassitudinis  
expers, planarum figurarum similis? Quid porro stel-  
lae? utrum sunt massæ quædam terreæ igne plenæ? qui-  
dam enim dixerunt, eas valles esse, saltus, ac silvas  
ignitas, ipsi carcere ac pistrino digni, in quibus hu-  
jusmodi sunt, ad pœnam impiorum, comparata. An  
sunt continua quædam, &, dixerit aliquis, densa  
compages, puta spissamenta ætheris non dissolubilia?  
Sunt ne animatæ intelligentesque, an mentis & ani-  
mæ expertes? Voluntarios ne motus, an tantummodo  
coactos habent? Quid Luna porro? verum germanum-  
que, an nothum præfert lumen? quod solaribus radiis  
illuceat, an propriis? An horum neutrum est? sed po-  
tius quoddam ex duobus temperamentum, ex proprio  
nimirum igne, & alieno? Hæc enim omnia & simi-  
lia, quæ ad quartum, idque præstantissimum, mundi  
corpus, nempe Cælum, pertinent, incerta, & quæ com-  
prehendi nequeant, conjecturis & similitudinibus, non  
solidæ veritatis rationi innituntur, ut jurare quis au-  
sit, mortalium neminem ullo tempore quicquam horum  
manifesto percipere posse.

(11) Pindarus ] Verba sunt poetæ: μηκέθ' ἀλὶς  
σκόπει Ἀλλο θαλπνότερον Ἐν ἀμέρᾳ φαιρόν' ἄστρον, Ἐ-  
ρήμας δὲ αἰθέρος Ne amplius Sole contempleris Aliud  
quod magis foveat, Interdiu lucidum astrum, desertum  
per ætherem. Noctu enim cælum frequens est multitu-  
dine

dine stellarum, nec proprie *desertum* appellari potest; interdiu autem, fulgente Sole, ac reliquorum siderum luce penitus oppressa, vacuum quodammodo apparet. Quam veram & germanam loci hujus explicationem vetus Pindari Scholiastes non satis pervidit.

(12) Aristoteles tamen Gassendo non facile concederet, inane spatium trajectioni radiorum a stellarum corporibus usque ad oculos nostros quicquam prodesse. Etenim cap. 7. lib. 2. de Anima, Democriti opinionem valde improbat, qui docuerat, si totum illud intervallum quo nos a Cælo distamus, inane fieret, nimirum ab omni corpore vacans, fore, ut per inane hujusmodi optime videre possemus quodlibet corpus vel minimum in Cælo positum, puta minimam formicam. Hanc vero sententiam Aristoteles ita refellit. Certum est, ait, nos videre non posse nisi visus noster extrinsecus moveatur ad videndum ab aliquo corpore. Visus porro non patitur, neque movetur ab ipso colore, nullo corpore interjecto inter colorem & visum: siquidem corpus coloratum si ponatur supra sensum videndi, non efficit visionem. Propterea igitur videmus, quod visus patiatur, contingatur, & moveatur ad videndum a corpore interjecto, nimirum a pellucido illuminato, per quod propagatur atque diffunditur species, seu similitudo coloris. Igitur si spatium interjectum ab omni corpore vacaret, nihil omnino cerni posset. Colligit propterea, pellucidum corpus, quod Græci vocant *Μακρὰ* *ῥέξ*, radiorum luminis *ὄχημα*, seu vehiculum esse.

(13) *Galileus* ] Systematis Cosmici Dialogo 1.

(14) *Vel illa semper in eodem loco detineat* ] Hujusmodi est motus planetæ circa proprium axem. Porro vera loci mutatio nihil aliud esse videtur, si rem accuratius perpendas, quam mutatio distantiae mobilis a centro. Ingentia autem mundi cor-



pora quæ moventur in orbem, numquam mutant distantiam suam a centro, quum semper ab eo æquis intervallis distent. Ingentia igitur mundi corpora quæ moventur in orbem, numquam vere mutant locum.

(15) *Nam si nullum habuerit* ] Aristoteles libro 1. de Cælo cap. 7. Εἰ ἀδύνατον γένεσθαι λευκόν, ἢ πηχυαῖον, ἢ ἐν Αἰγύπτῳ, ἢ γίνεσθαι τι τῶν ἀδύνατον. ἀδύνατον ἄρα ἢ φέρεσθαι ἐκεί, ὃ μηδὲν δύνατον ἀφικνεῖσθαι φερόμενον. i. e. *Si impossibile est, album quippiam esse, aut cubitale, aut in Ægypto; & fieri quicquam horum impossibile est. Impossibile est igitur, & illuc etiam quicquam ferri quo nullum corpus pervenire potest quod fertur.*

(16) *opacitatem quamdam* ) Hoc φαινόμενον eleganter expressit Valerius Flaccus l. 1. Argonauticon v. 496. ----- *donec jam celsior arbore pontus, Immensusque ratem spectantibus abstulit ær.*

(17) Versu 141.

(18) Quam sententiam Empedoclis videtur flocifacere Lactantius in libro de Opificio Dei, cap. 17. *An, inquit, si mihi quis dixerit æneum esse Cælum, aut vitreum; aut, ut Empedocles ait, aërem glaciatum; statimne adsentiar, quia Cælum ex qua materia sit, ignorem? sicut enim hoc nescio, ita illud scio.*

(19) Joannes Stobæus Eclog. Physic. cap. 14.

(20) *ac tamquam ad numerum choreas ducentes* ] Vide Platonem in Timæo tomo 3. pag. 40. litt. C.

(21) Verba sunt Aristotelis: Εὐδόξος μὲν ἔν, ἡλίας ἔ' σελεύης, ἐκατέρω τὴν φορὰν ἐν τρισὶν ἐτίθετο εἶναι σφαίρας. ὧν τὴν μὲν πρώτην, τὴν τῶν ἀπλανῶν ἄστρον εἶναι. τὴν δὲ δευτέραν, κατὰ τὸ διὰ μέσων ἧς ζωδίων. τὴν δὲ τρίτην, κατὰ τὸ λελοζωμένον ἐν τῷ πλάτει ἧς ζωδίων. ἐν μείζονι δὲ πλάτει λελοζῶσθαι, κατ' ὃν ἡ σελεύη φέρεται, ἢ κατ' ὃν ὁ ἥλιος. &c. i. e. *Eudoxus igitur Solis & Lunæ, utriusque latiorum*

*nem in tribus posuit sphaeris esse: quarum quidem primam eam esse quæ non errantium stellarum: alteram vero secundum id quod per medium zodiacum: tertiam porro secundum eum qui in latitudine zodiaci obliquatur: in majori autem latitudine obliquari eum secundum quem Luna fertur, quam secundum quem Sol. &c.*

(22) Vide Ricciolium lib. 8. Almagesti Novi sect. 1. cap. 6. n. 5.

(23) Seneca Natur. Quæst. l. 7. cap. 21. *Placet ergo nostris, inquit, cometas, sicut faces, sicut tubas, trabesque, & alia ostenta Cæli, densò aere creari. Ideo circa Septemtrionem frequentissime apparent, quia illic plurimum est aëris pigri. & rursum cap. 22. Ego nostris non assentior. Non enim existimo cometen subitaneum ignem, sed inter æterna opera naturæ.*

(24) Vide Plutarchum de Placitis Philosoph. lib. 2. c. 13. item Aristotelem l. 1. Meteorolog. c. 3.

(25) Vide Laertium l. 9. in vita ejus.

(26) Lucilius Balbus, disciplinæ Stoicorum maxime addictus, ita loquitur apud M. Tullium l. 2. de Natura Deorum: *Nec vero stellæ eæ quæ inerrantes vocantur, non significant eandem mentem atque prudentiam: quarum est quotidiana, conveniens, constansque conversio: nec habent æthereos cursus, neque Cælo inherentes, ut plerique dicunt physicæ rationis ignari: non est enim ætheris ea natura, ut vi sua stellas complexa contorqueat. nam tenuis, ac perlucens, & æquabili calore suffusus æther, non satis aptus ad stellas continendas videtur.*

(27) Lege præter ceteros D. Ambrosium Hexameri l. 2. c. 51. Consule item Ricciolium Almagesti Novi lib. 9. sect. 1. cap. 7.

(28) Franciscus Lana ] Operum Volum. 2. lib. 8. Prop. 31.


(29) Huic simillimum argumentum occurrit a-

apud Sextum Empiricum Pyrrhoniarum Hypotyposeon libri 2. cap. 12. cujus hæc verba sunt :  
 Εἰ ρέουσι διὰ τῆς ἐπιφανείας ἰδρωῖτες, εἰσὶ νοητοὶ πόροι .  
 ἀλλὰ μὴ τὸ πρῶτον, τὸ δεύτερον ἄρα. τὸ γὰρ εἶναι τὰς  
 ἰδρωῖτας ἐκκαλυπτικὸν ἐστὶ τῶ πόρος εἶναι, διὰ τὸ προ-  
 ειληφθῆαι ὅτι διὰ νεφέης σώματος ὑγρὸν ἐδύναται φέ-  
 ρεσθαι. i. e. *Si fluunt sudores per superficiem, sunt  
 pori quos mente percipere possumus : atqui prius est,  
 ergo & posterius. Nam fluere sudores est declarativum  
 hujus, videlicet poros esse : quod præconcepta sit in a-  
 nimo illa opinio, per solidum corpus humidum non  
 posse ferri.*

(30) Achilles Tatius Isagoge in Arat. cap. 11.  
 Plutarchus de Placitis Philosoph. lib. 2. cap. 20.

(31) Plutarchus ibidem.

(32) Joannis Philoponi, cognomine Grammatici, verba sunt, ex Commentario in caput 7. libri 2. Aristotelis de Anima : ὥσπερ, εἰ τις χοῖνος τῆς μακρᾶς καὶ διατεταμένης τοῦ ἄκρον κινήσει, πᾶσα ἡ χοῖνος ἄκρονως συγκινεῖται, διὰ τὴν ἐξ ἑμὲ μορίων σωείαν, τῶ προτέρως κινῆντος τοῦ ἐπόμενον . ἔτι δὲ νοεῖν καὶ ἐπὶ τῆς τῶ φωτὸς ἐνεργείας γίνεσθαι, διὸ πάντα ἐφεξῆς τὰ τῶ κόσμος σώματα ἀλλήλων ἀπτεσθαι. i. e. *Quemadmodum si quis funiculi longi distentique extremum moverit, funiculus totus, sine ulla temporis interjecta mora, unà movetur, propter partium continuationem ; dum scilicet antecedens quæque sequentem commovet : ita concipere oportet in actione quoque luminis rem habere, quod omnia mundi corpora se invicem deinceps contingant. Eadem fere legere est apud Simplicium in eundem locum Aristotelis : nisi quod Simplicius non funiculi, sed baculi potius comparatione utitur.*





*Viro Illustriss. atque Excellentiss.*

A L O Y S I O P I S A N O

E Q U I T I,

ÆDIS D. MARCI PROCURATORI,

TRIUMVIRO ACAD. PATAV. CURANDÆ,

Joannes Antonius Vulpius S. P. D.

**Q**UÆ me causæ impulerint, ut Orationem hanc meam, liberam profecto, & a vulgi auribus abhorrentem, qua non inscitæ vel ignaviæ patrociniū suscepi, sed nimiam tantummodo scientiæ fiduciam cohibere ac retundere studui; tuo potissimum Nomine, ALOYSI PISANE Senator Amplissime, insignitam edere ausus fuerim, paucis exponam. Audieram a viris gravibus, & quotidiana experientia confirmari videbam, TE bono Immortalis Reipublicæ natum, plura præstare semper quam polliceri, neque inanium verborum strepitu, sed illustrium factorum splendore delectari: propterea non alienum tua dignitate futurum existimavi si eorum Philosophorum defensionem ad TE deferrem qui quum ingenii humani imbecillitatem, in Rebus præsertim Physicis, & agnoscant, & libenter fateantur, nihil magnum promittentes, id tamen agunt (quod mihi multo pulcherrimum videtur) ut errores & opinionum fallacias omni ope & contentione devitent. Ad hanc singularem causam aliæ magis communes accesserunt. Cogitabam scilicet, TE unâ cum Sapientissimis Triumviris

ris Collegis tuis Gymnasio Patavino consulere, ac dare operam ut id omnibus ornamentis abundet: eosque in primis homines præmiis & beneficiis complecti qui non voce solum, sed monumentis etiam litterarum famam ejus apud exterarum nationes amplificare ac propagare numquam cessant. Quamvis igitur scripta mea, pusilla & humilia, usque ad seram posteritatem victura esse non sperem; TE tamen otii mei rationem accipere velim: TE, si non ingenium, at saltem laborem, diligentiam, & conatus meos judicio & suffragio tuo gravissimo comprobare. Deinde testimonium aliquod existare cupio ex quo intelligi possit, quanti faciam humanitatem illam tuam, probitatem, liberalitatem, animi constantiam secundis & adversis rebus spectatam, nobiles item Legationes quas olim pro Patria magnificentissime obivisti: quantum CAROLI Fratris tui, Summi Viri, Ædis D. MARCI Procuratoris, novam dignitatem, veteremque gloriam suspiciam: quantum PISANÆ Genti, antiquitate, honoribus, opibus, virtute militari, civili prudentia florentissimæ, a me jure tribuatur. Quæ si recensere singula aggrediar, ineptus fortasse videar: satis enim lucent ipsa per se, atque in orbis terræ theatro maxima celebritate versantur. Quod igitur unum superest, id ab Immortali Deo precabor, ut quæcumque in posterum sapienter deliberabis, ea TIBI fauste ac feliciter eveniant. Vale.

Patavio. Kalendis Decembribus Anno DOM.  
clobccxxxii.



ACADEMICORUM, ET SCEPTICORUM  
PHILOSOPHIÆ RATIONEM

non esse in Physica omnino repudiandam:

O R A T I O,

*Habita in Gymnasio Patavino VIII. Idus Novembr.*  
ANNO DOM. MDCCXXVIII.



UOD felix faustum fortunatum-  
que sit, eam aggredimur hoc  
anno disputationem quæ tum  
argumenti dignitate, tum re-  
rum copia & obscuritate cete-  
ris locis omnibus longe ante-  
cellit qui in philosophia tra-  
ctari solent. Nimirum de A-

nima dicturi sumus; cujus naturam origine pe-  
nitus abditam, vi & effectū satis illustrem, phi-  
losophi fere omnes ad hanc diem explicare co-  
nati, plurimis laboribus, maximis ingeniis vel  
nihil, vel parum admodum profecerunt. Nam si  
quid hominem scientiæ gloria ferocem eo demit-  
tere potest, ut imbecillitatem suam atque insci-  
tiam



tiam fateatur, id præcipue potest, quod rem sibi conjunctissimam; qua vivit, sentit, cognoscit, dijudicat, immo potiore sui partem, vehementer ignoret. Neque vero eorum philosophorum temeritati levitæque coërcendæ ac reprimendæ quos, veterem Græciam secuti, (1) *δογματικὸς* appellamus, præstantius ullum remedium est, si modo sanabili morbo laborant, quam si cogitare voluerint, tantam inter ipsos de Sensuum Animique natura dissensionem, apertissimum contra ipsorum decreta testimonium dicere. Quum enim pro sententia cujus patrocinium semel susceperunt, tamquam pro mœnibus & liberis, singulæ eorum familiæ cum adversariis manus conferunt; neque tamen illos æque contumaces, & paribus rationum momentis innixos de gradu dejicere, aut ad se traducere possunt: ostendunt vel invitati, nullam esse in rebus hujusmodi certam judicandi assentiendique notam, qua verum a falso internoscatur. Clamant quidem sæpius, (2) veritatem se invenisse, aliosque reprehendunt, quos in tenebris versari, & a recta philosophandi via nimium aberrare arbitrantur: sed quum idem sit omnium clamor, par jactatio, eadem in omnes convicia, incertus animi pendeas, quibus potissimum te adjungas: & postquam singulas opiniones cognoveris, ex incerto incertior fias. Quoniam vero decipi, sapientiæ studium professo valde inhonestum est; turpissimum, in errore deprehendi; propterea bis peccant; & quod rebus incognitis, tamquam cognitis, fidem habentes, in errorem facile inducuntur, & quod domesticorum

tan-

tantummodo suffragiis probati, quin a ceteris omnibus hebetes, inepti, infani denique vocentur, non laborant. Quæ sane incommoda nullo negotio devitarent, nisi, naturam hominis plus æquo admirati, in sensibus & mentis acie eam facultatem reponerent qua & veritatem assequi se, & ingentium Dei operum consilium atque rationem penitus intelligere posse confidunt. Enimvero non negaverim, a Deo Optimo Maximo egregii muneris loco vim cogitandi homini tributam esse: qua maxime distamus a feris, qua virtutem, & quæ ex virtute apta est, felicitatem adipiscimur, (3) qua privatas publicasque res optime administramus, qua nostræ nostrorumque saluti consulimus: at neque facile concesserim, posse nos, quamdiu corporis contubernio utimur, & cum perturbationibus luctamur, hoc tantulo ingenio ita verum videre, ut nusquam labamur, nihil opinemur, nulla veri similitudine illudamur. Laudet Epicurus, quantum volet, sensus: rerum judicia in ipsis ponat: contendat etiam, si diis placet, ubi semel aliquid falsi pro vero sensibus probatum sit, jam omne discrimen veri & falsi sublatum esse: (4) Democrito tandem irascatur, a quo pleraque sumsit; quod homo eruditus, & geometriæ peritissimus, Solem multis partibus terra majorem esse dixerit: ipse enim bipedalem censet, nempe tantum fere, quantus videatur. Accedant reliqui dogmatici, minus insanientes quam Epicurus; copias omnes contrahant, ut integros incorruptosque sensus, admonitamque ab iis rationem, summos veritatibus

tis disceptatores ac judices esse defendant: ego  
 interea, quod ingenii mei tarditatem probe agno-  
 scam, hisce naturæ interpretibus hodierno die va-  
 lere jussis, ad Academicos & Scepticos, non  
 transfuga, sed speculator, parumper divertam,  
 suspiciosum, at minime pertinax philosophorum  
 genus; qui multa de re qualibet in utramque  
 partem disputantes, vix quicquam statuere aut  
 affirmare audent: satisque sibi placent quum ali-  
 qua probabilia invenerunt, quæ sequantur, &  
 quorum ope vitam regant: alieno siquidem peri-  
 culo docti, nihil magis cavent quam ne fallan-  
 tur, aut fallant. Date mihi hanc veniam, obse-  
 cro, Auditores, ut hodierna luce eorum homi-  
 num temeritatem atque arrogantiam non feren-  
 dam qui rerum sublimium atque occultissimarum  
 numeris omnibus absolutam cognitionem profi-  
 tentur, cum aliorum gravitate ac prudentia com-  
 parem qui, solum Deum sapientem arbitrati, ve-  
 ri comprehensionem ab homine tollunt, eumque  
 rebus commentitiis, cujusmodi sunt pleraque de-  
 creta philosophorum, temere assentiri vetant.  
 Non id autem nobis propositum est, ut oratio-  
 ne hac nostra, ex doctissimorum virorum fonti-  
 bus hausta, physicas quæstiones exterminari opor-  
 tere doceamus; quod & per se absurdum esset,  
 & muneri nostro contrarium: verum, ut bona  
 spe adolescentes, a sophistarum præstigiis expedi-  
 tos, in viam solidæ eruditionis deducamus; ne  
 deinceps ullius auctoritate frangantur, sed libero  
 judicio usi, omnium opiniones cognoscant, de om-  
 nibus dubitent, sequantur probabiliora; ac de-  
 mum,



mun, quod M. Cicero solebat, (5) & *refellere sine pertinacia, & refelli sine iracundia parati sint.*

Veteres igitur Physici, quorum vestigiis plurimi etiam recentiorum insistant, neque naturæ obscuritate, neque rerum cognoscendarum multitudine, neque sensuum ac mentis angustiis deterriti; putaverunt, in homine eam facultatem sitam esse, ut non solum in vita communi, sed etiam in causis quibus rerum universitas continetur, industria & labore adhibito, quid verissimum esset, eruere, atque invenire posset. Speraverunt scilicet id quod optabant; & quum se discendi quærendique delectationi toto animo dedidissent; hujusque gratia, omnia quæ vulgus permagni æstimat, contempsissent, visi sunt sibi uberrimum vigiliarum & duritiæ fructum retulisse, veritatis inventionem. Unusquisque propterea quæ privatim cogitaverat, in medium proferbat: & quamvis inter ipsos nulla esset opinio-num & sententiarum concordia, ea tamen re non admonebantur ut, humanam infirmitatem reputantes, ingenio suo diffidere inciperent: sed (6) tamquam concilio Jovis interfuissent, ita de rerum principiis, de cæli natura & proprietatibus, de stellarum magnitudine, de fato, de diis immortalibus apud imperitum vulgus differebant. Quapropter Epicurus ille, qui, naturæ arcana a se penitus introspecta, magnifice gloriabatur, ita describitur a Lucretio lib. i. v. 69.

*Quem nec fama deum, nec fulmina, nec minitanti*

*Murmure compressit cælum, sed eo magis acrem*  
*Virtu-*

*Virtutem irritât animi, confringere ut arcta  
 Naturâ primus portarum claustra cupiret.  
 Ergo vivida vis animi pervicit, & extra  
 Processit longe flammantia mœnia mundi:  
 Atque Omne immensum peragravit mente, ani-  
 moque:*

*Unde refert nobis victor quid possit oriri,  
 Quid nequeat; finita potestas denique cuique  
 Quanam sit ratione, atque alte terminus hærens.*

Ut igitur ad hominem ex longinqua peregrinatione domum reversum amicorum concursus fieri solent; ex quo nimirum situs urbium, fluminum opportunitates, animalium & stirpium varietatem, templorum ædiumque privatarum speciem, populorum mores, mulierum formas, & id genus alia cupidissime sciscitantur; ita philosophos e cæli regionibus nuper ad terram delapsos, vel potius edormientes, juvenus adibat, interrogatura, (7) quæ Lunam gentes incolerent, quod pondus astrorum, quæ figura esset, qui planetarum ordo inter se. utrum sidera inerrantia, quemadmodum in aqua pisces, per tenuissimum ætherem suoapte motu ferrentur, an ab ipso cælo circumacta & orirentur, & occiderent: mundusne conversione sua concentum ederet; atque utrum finibus containeretur, ane omnino interminatus esset. Ad quæ omnia viri sapientes, ore durissimo, contractoque supercilio statim respondebant, ita rem quamque definientes, ut discipulis auctoritate commotis omnem contradicendi libertatem eriperent. Quos autem ab ipsis dissentire cognovissent, hos in physicis plane plumbeos,

beos, & ludibria verius quam philosophos esse affirmabant. Videtis, nisi fallor, Auditores, confidentiam hominum atque audaciam: cujus utinam hoc nostro tempore sublatum esset exemplum. Occurrunt enim in plateis, in tabernis, in angiportis, qui, quasi conjuratione facta, suo quodam jure sapientiam vindicent; (8) *qui esse primos se omnium rerum velint, nec sunt*; qui nihil metuunt magis quam ne aliquid nescire, aut ulla de re dubitare existimentur. A quorum quidem consuetudine me vehementer abhorreere non dissimulabo; id enim mihi persuasi, præclare actum iri nobiscum qui philosophiæ studiis delectamur, si in tanta rerum caligine, judiciorumque imbecillitate, vel exiguam veri scintillam umquam eliciamus, quod extra opinionum aleam positum sit, & quod labefactari disputando non possit. De vero enim hujusmodi, consensus esse debet non vulgi, sed eorum qui sapientes habentur. id enim tantummodo verum fuerit quod sanis & cordatis omnibus videbitur. Nam si quod tu verum arguis, ille falsum ostendat: si utraque sententia probabilibus argumentis fulta sit: cur tibi, quæso, de veritatis inventionem blandiaris? cur fidem facere postules? cur tibi impudenter arroges, qua de re litem alius intendit, homo perinde ac tu, & liber, & sanus, & philosophus?

At unam modo rem in physicis mihi monstrari velim de qua omnium philosophorum idem sit judicium, constans, atque perpetuum. Quid motu evidentius, quid illustrius, quid magis explo-

N

ratur,



ratum, si sensus in consilium adhibeas? videmus enim, stellas inerrantes atque planetas assidua rapi vertigine; litora æstu maris reciproco modo contegi, modo nudari; plantas adlescere, atque a minimo femine in altitudinem tolli; animalia omnis generis hac & illac vagari, ut sibi cibum & latibulum quærant; denique nihil usquam consistere: inventus tamen est Zeno Eleates, vir acutus, (9) qui motum aut esse, aut esse posse pernegaret: quique *Ἀγέδῳ* hoc suum iis argumentis muniret quæ inexplicabilia viderentur. Zenoni autem consenserunt (10) Parmenides atque Melissus, non infimæ classis philosophi, qui docuerunt, Id omne quod esset, unum esse, motus etiam ac mutationis expers: præterea (11) Diodorus Cronus.

Commune Peripateticorum decretum est, Omnia in rerum universitate corpora ita conferta & stipata esse, ut nullus Inani locus relinquatur: Peripateticis de hac re suffragatur Cartesius. Democritus contra, eumque secutus Epicurus omni ope Inane defendunt; ajunt enim, Sublato Inani ex rerum natura, motum quoque funditus interire. Utraque conclusio validissimis rationibus confirmatur: neutra tamen vim adversariorum sustinere potest: neque satis apparet, quæ potissimum eligenda, quæ rejicienda sit.

Jam ad alia transeamus. Philosophi quidam Galli, excellenti ingenio atque doctrina, præsertim vero scriptor celeberrimus qui Artem Cogitandi monumentis litterarum mandavit, id tamquam certissimum *δόγμα* ponunt; (12) Doloris, volu-

voluptatis, sitis, famis, reliquarum item cupiditatum affectionumque nostrarum in animis consignatas notiones, quas ipsi *ἰδέας* appellare amant, obscuras esse atque confusas; cujus etiam rei causas diligenter persequuntur. Quid ad hæc Cyrenaici præceptore Aristippo? Hi nimirum, si (13) M. Tullium audimus, testem idoneum, tantum ab hac sententia abhorrebant, ut contra, Ea se sola percipere dicerent quæ tactu intimo sentirent, dolorem videlicet ac voluptatem: in quo tactu solo putabant veri esse iudicium, quia sentiretur: negabant autem esse quicquam quod percipi posset extrinsecus. Ipsi quoque (14) Pyrrhonii, qui de rebus obscuris nullum decretum ponebant, sensui tamen caloris & frigoris, & harum similibus affectionibus, tamquam per se cognitis, assentiebantur.

Claudius Galenus, vir profecto maximus, neque solum medicinæ, verum etiam omnis liberalis doctrinæ studiis florentissimus; quem aridi & pusilli homunciones, a solida eruditione prorsus imparati, & (15) *rem compacto agentes, quasi in Velabro olearii*, hoc nostro tempore adeo contemnunt; libros de Ufu Partium humani corporis, pulcherrimos atque utilissimos conscripsit: in quibus (16) Dei providentiam extollit, quæ quum alias mundi partes, tum præcipue singula hominis membra admirabili plane sapientia, incredibilique sollertia molita sit. Quemadmodum vero Galenus hanc pietatem (17) e Stoicorum libris hauserat; ita plerosque Anatomen professos astipulatores habuit. Sed ecce tibi somniorum a-

mator Epicurus, qui hæc minime probet, neque se ineptire, sed egregie sapere arbitretur quum docet, (18) Non esse oculos, aures, linguam, manus, crura, pedes, & ea quæ sunt intus in corpore, propter eorum usum a diis immortalibus homini tributa: quoniam scilicet hujusmodi membra prius nata sint quam esset usus videnti, audiendi, loquendi, contrectandi, ambulandi, atque spirandi: sed potius, quum corpus humanum (ut reliqua omnia, ipsius Epicuri iudicio) fortuito atomorum concursu effectum esset, invenisse postea homines membrorum usum, quæ ipsis nullo deorum consilio aut beneficio contigissent. Adversus quod opinionis portentum plura disputat Christianus auctor Lactantius in libro de Opificio Dei.

Nihil autem magis miremini, Auditores, quam quod idem Epicurus Geometriam, Græcorum ingeniis tantopere excultam, summoque in honore apud ipsos semper habitam, omnino contemserit; quod scilicet geometricas rationes, quæ non persuadent, sed vim afferunt in docendo, a falsis initiis profectas diceret. Tanta vero fuit hominis auctoritas (incertum quibus artibus comparata; neque enim aut eloquentia, aut subtilitate differendi valebat) ut (19) Polyænum, familiarem suum, magnum mathematicum, in eandem sententiam secum trahere potuerit, ut eum temporis quod in hujusmodi studiis consumsisset, pœniteret. Porro id Epicuro cum Pyrrhoniis philosophis commune erat; quorum argumenta ad Geometriam evertendam collegit atque explicavit

Sex-



Sextus Empiricus libro 3. adversus Mathematicos.

Dies me deficeret si ea singillatim persequi oratione vellem quæ quum a nonnullis philosophorum vera ac manifesta judicata fuissent, aliis tamen æque doctis dubia, falsa, inepta, ridicula visa sunt. Quod puichre Lucianus ille Samosatenensis duobus versiculis comprehendit:

Οὐδὲν ἐν αἰθρώποισι διακείδον ἐστὶ νόημα.

Αἴλλ' ὅσ' ὀδυμάζεις, τῶν ἑτέροισι γέλως. scilicet:

*Haud in confesso est placitum mortalibus ullum:*

*Sed tibi quod mirum est, ridiculum est aliis.*

Et ante Lucianum Cicero de Amicitia: *Quæ quibusdam admirabilia videntur, permulti sunt qui pronihilo putent.* Quum igitur tam facile contingat, homines hallucinari, dum sibi quisque favet in cogitando, & sua nimis amplexatur atque osculatur; non injuria (20) M. Tullius Clitomacho credidit scribenti, *Herculis quemdam laborem exantlatum a Carneade, novæ Academiæ principe, a quo ipse Clitomachus fuerat institutus, quod ut feram & immanem belluam, sic ex animis nostris assensionem, id est opinionem, & temeritatem extraxisset.* Jam enim tempus est, ut Dogmaticorum vanitate satis considerata, ad Academicos & Scepticos veniamus.

Academia originem duxit a Socrate, qui, ut sophistas errore inflatos, & omnium rerum scientiam professos, urbane retunderet, Id solum se scire affirmabat, (21) nullam rem sibi cognitam esse. *Ideo dictus ἔρων, teste Quintiliano Institut. Orator. lib. 9. cap. 2. id est agens imperitum, & admirator aliorum, tamquam sapientum.* Porro

quum hæc incitiæ confessio philosophis a Socratis disciplina profectis minus placuisset, ac diu sine honore jacuisset, Arcesilam tandem, sive Arcefilaum, Pitaneum ex Æolide, acerrimo ingenio virum, defensorem invenit. Hic vero (22) ne illud quidem quod unum fuerat a Socrate exceptum, certo sciri posse aiebat, Nos videlicet nihil scire. Tantis enim tenebris mentem hominis obsitam & circumfusam esse, ut vim suam penitus ignoraret, ac etiamsi forte fortuna in verum incideret, tamen, illud verum esse, minime asseverare posset: quod nimirum nulla esset propria veri & falsi nota. Adversus omnium opiniones disputabat: &, quum vera sustulisset, verisimilia & probabilia inducebat, quibus perinde in vita atque in philosophia utebatur. Ab (23) Arcesilæ successoribus hanc de rebus omnibus dubitandi consuetudinem, quasi per manus traditam, Carneades accepit: ab eoque novis cogitatis emendata & aucta, postremo ad Philonem atque Antiochum pervenit. Scholæ vero faciem Antiochus non parum immutavit, qui quum veterem Academiam, ut fuerat a Socrate instituta, se instauraturum polliceretur, in Stoicorum decretis, quorum assiduo convicio premebatur, tandem acquievit. Hinc inusitata quædam, & sui prorsus dissimilis Academia prodiit, tamquam (24)

*Diversum confusa genus panthera camelo.*

Haftenus de Academicis: jam de Pyrrhoniis, quos & Scepticos vocant, nonnulla dicamus. Pyrrhonorum secta nomen & originem debet Pyrrhoni Eleo Plistarchi filio, qui, e pictore philosophus,

fophus, Dryfone primum, feu potius Bryfone, ut contendit Menagius ad Diogenem Laertium, deinde Anaxarcho Abderite præceptore ufus eft. Sed eorum poſtea, & quorumlibet dogmaticorum auctoritate contemta, nihil certo ſciri poſſe affirmavit, & in utramque partem de omni re propoſita diſputare inſtituit: neque hoc tamen ipſum tamquam plane certum docuit, neque in vita communi Scepticum egit (quod aliqui falſo tradiderunt); ſed legibus & conſuetudinibus patriis obtemperans, vitam ad ultimam ſenectutem tranquille ac ſuaviter produxit. Ab ejus diſciplina proſecti ſunt, Timon Phliaſius, qui quum alia plura, tum Sillorum tres libros conſcripſit, contumelioſum & petulans poematis genus; in quibus, ut Scepticum hominem decuit, philoſophos omnes qui certi aliquid ponebant quod tuerentur, veteris comœdiæ licentiam imitatus, probris & maledictis vexavit: Hecataeus Abderites, Eurylochus, Nauſiphanes Tejus, quem ab Epicuro auditum ferunt, & alii nonnulli. Pyrrhonis autem ſectatores (25) appellati ſunt etiam *Sceptici* ἀπὸ τῆς σκέπτεσθαι, *a conſiderando*, unde σκέψις, *conſideratio*, quod nullum conſiderandi finem facerent, & nihil ſtatuerent: nec non *Ephectici*, ἀπὸ τοῦ ἐπέχειν καὶ ἵψ' ἀπαγμάτων, ἢ δογματίζειν αὐτὰ ἀκατάληπτα, ut placet Suidæ: i. e. *a retinendo aſſenſu de rebus, docendoque, eas comprehendendi non poſſe*: item *Zetetici*, ἀπὸ τῆς ζητεῖν, *a quaerendo & inſtigando*, unde ζήτησις, ζήτημα, *quaestio*; quod ſemper quaerent, ſine ulla veri inveniendi ſpe: denique *Aporetici*, ἀπὸ τῆς ἀπειρίας



τοῖς ἀπορεῖν; quod scilicet de omni re dubitarent.  
 (26) Quum vero Pyrrhonis discipuli e vita excessissent, ejus disciplina diutius abjecta & intermissa jacuit, donec illam Ptolemæus Cyrenæus, a mortuis, ut ita dixerim, excitaret. Hujus auditores fuerunt Dioscorides Cyprius, Niolochus Rhodius, Euphranor Seleucensis, & Praylus ex Troade. Euphranorem porro Eubulus Alexandrinus audivit: ab hoc institutus est Ptolemæus Alexandrinus, cujus e schola Sarpedon & Heraclides prodierunt. Heraclidis Ænesidemus Gnossius discipulus fuit, plurium librorum auctor qui ad Pyrrhonis doctrinam illustrandam pertinebant.  
 (27) Hic, e Scepticorum præceptis non modo ἀφασία, & ἀπραξία, i. e. abstinentiam ab affirmando, & vacuitatem perturbationis, ut olim Timon, verum etiam ἡδονὴν, voluptatem plane consequi, ajebat. Ænesidemum præceptorem habuit Zeuxippus Polites, hunc Zeuxis ὁ γωνιόπης, ita dictus quod strabo esset, Zeuxin Antiochus Laodicensis. Antiochi auditores fuerunt Menodotus Nicomediæ natus, medicus Empiricus, & Theodes Laodicensis. Menodotus instituit Herodotum Tarsensem: Herodoto magistro usus est Sextus Empiricus, quo auctore etiam hac nostra ætate circumferuntur πυρρωνιῶν ὑποτυπώσεων, ἢ σχεωτικῶν ὑπομνημάτων βιβλία τρία, *Pyrrhoniani Compendii, sive Institutionum Scepticarum, libri tres*: præterea, ἀπὸς τῆς μαθηματικῆς ἀντιρρητικοὶ λόγοι δέκα, *adversus Mathematicos*, nempe disciplinarum doctores, *libri decem*. Postremo, Sexti auditor fuit Saturninus Cytheneus, & ipse Empiricus.

ricus. Ceterum, Pyrrhonis, quemadmodum & Aristonis, & Herilli, de virtute sententiam, suo tempore jampridem explosam fuisse, testatur Cicero lib. 1. de Officiis; quod *rerum nullum dilectum reliquissent, ut ad officii inventionem aditus esset.* (28) Ætate demum Juliani Imperatoris Pyrrhoniæ disciplinam obsoletam, & oblivione pæne sepultam fuisse, tum Pyrrhonorum plerisque libros intercidisse, ex fragmento quodam operis ipsius Juliani satis constat.

Duas autem gravissimas causas Academici & Sceptici habuere, quamobrem certam absolutamque scientiam e medio tollerent: sensuum (29) quum externorum tum intimorum infirmitatem, ac rerum ipsarum cognoscendarum obscuritatem. Quum enim veritas nihil aliud sit quam convenientia rei perceptæ cum judicio mentis percipientis; multa propterea sunt quæ cognitionem dubiam atque incertam faciant. Ac primum omnium, ad veritatem obtinendam, scire nos porteret, species aut imagines corporum extrinsecus advenientes, (30) si tamen ullæ sunt hujusmodi imagines) (31) omnino similes esse corporibus unde prodeunt. Deinde nobis exploratum esse deberet, aerem, vel aliud corpus interjectum, per quod rerum simulacra transeunt, nihil iisdem officere, quominus inviolata & integra ad sensus ipsos perferantur. Tum certo sciendum esset, a sensibus, postquam imagine rei commoti atque excitati fuerint, fidem omnino servatam, eaque in cerebro, ministerio nervorum, vestigia impressa fuisse quæ rei speciem accurate in ipso descri-

scribant. Neque minus cerebri fidem manifestam & perceptam esse oporteret, dum ab eo mens admonetur. Postremo illud vel maxime constare deberet, mentem a cerebro admonitam, certam & stabilem de re objecta sententiam tulisse. Hæc autem omnia ita comparata sunt, ut nullo studio, nulla industria philosophus quantumvis acutus argumenta invenire possit quibus eorum veritatem ostendat.

Neque enim rerum imagines rebus ipsis omnino similes esse contingit; quis enim dixerit, simulacrum Arboris (ut hoc potissimum exemplo utamur) nihil omnino ab Arbore ipsa, quam exprimit, discrepare? Arbor profecto videri ac manibus tangi potest, solida est, neque loco movetur: contra, simulacrum Arboris aciem oculorum fugit, ac tactum respuit, quum tenuissimum sit, maximeque fluxum ac mobile. Demus tamen, posse rerum naturas, hujuscemodi imaginibus penitus declarari; nonne corpus quod inter sensum ac rem objectam positum est, varias mutationes accipere solet? Non alia certe causa est, cur earundem rerum colores, alii nobis vesperi, alii sub meridiem videantur: & cur olim purpura Tyria (quod testatur (32) Julius Pollux in Onomastico) Solis radiis exposita, hilarius effloresceret, in umbra vero nitorem prorsus amitteret. Mare item, si longe spectetur, adventu diei purpurescit, tempestate ingruente nigrescit, plerumque cæruleum apparet. (33) Eodem pacto, pro vario lucis appulsu, item pro diverso oculi positu, atque aspectu, mutari solent colores in opalo gemma,



ma, in collis columbarum, in bullis quas pueri excitant ex aqua saponi admixta, in segetibus vento fluitantibus, in agro pisis consito, nunc secundum longitudinem, nunc oblique spectato, in fericis denique villosis: quæ res omnes a Latinis propterea *versicolores* appellantur. Sexcenta sunt alia generis ejusdem.

Quod ad sensum attinet, est quidem sensus affectio qua inviti commovemur, atque, ut Pyrrhonii loquuntur, *πάθος ἀβέλητον*: organa vero sensuum nullum judicium de rebus exercent, neque in ipsis veritas, aut falsitas locum habere potest: tantummodo rerum imagines accipiunt, & quid sibi appareat, summa fide menti exponunt: quemadmodum vero varias notiones (34) componere atque dividere, ita judicare solius mentis officium est. Quapropter sensus quilibet cum Sceptico philosopho non inepte comparari potest, qui, ut ait Sex. Empiricus Pyrrhon. hypotyp. lib. 1. cap. 7. *τὸ ἐαυτῷ φαινόμενον λέγει, ὡς τὸ πάθος ἀπαγγέλλει τὸ ἐαυτῷ ἀδοξάσας, μηδὲν πρὸς ἑξῶθεν ὑποκειμένων διαβεβαίμεν*. i. e. *quid sibi videatur, dicit, & affectionem quam sentit, annuntiat, sine ulla prorsus opinione; nihil de iis quæ extra sunt rebus affirmans*. Quum igitur sensuum, testimonium sit, non judicium, age vero, quam illud testimonium sit stabile, consideremus. Profecto, sensus ne in uno quidem homine semper eosdem invenimus, nedum in pluribus. Non idem est visus in juvene atque in sene: (35) non eadem utrique jucunda & molesta sunt. *Lurida fiunt, quæcumque tuentur ar-*  
*quati,*

*quati*, ut ait Lucretius lib. 4. versu 333. nempe morbus immutat aspectum. ( 36 ) Formosæ videntur amatoribus eæ mulieres quæ insigni aliquo corporis vitio laborant. Amor scilicet lolliginem oculis offundit. In pluribus autem hominibus quanta membrorum varietas est, quibus ad sentiendum utuntur! norunt id medici, qui ea dissecta & aperta viderunt. Ex quo efficitur, sensuum quoque ipsorum dissimilitudinem quamdam esse. Nihil igitur mirum si ea quæ in omnium aspectum incurrunt, diversa tamen singulis haud raro videantur: ut propterea necesse sit, ipsorum experimentorum fidem, quæ firmissima & certissima esse deberet, interdum labare. Audite, quæso, Senecam Naturalium Quæstionum lib. 7. cap. 11. *Illo ipso tempore, inquit, quo (cometæ) apparent, inter spectantes de habitu illorum non convenit: sed prout cuique acrior acies aut hebetior, ita dicit aut lucidiorem esse, aut rubicundior, & crines aut in interiora deductos, aut in latera divisos. Porro, quemadmodum difficile invenias duos tantum homines eadem omnino facie, iisdem omnino oris lineamentis, cujusmodi erant Menæchmi illi Plautini, ( 37 )*

*Ita forma simili pueri, uti mater sua*

*Non internoſſe poſſet quæ mammam dabat,*

*Neque adeo mater ipſa quæ illos pepererat;*

quod si aliquando forte contigerit, in prodigiis habetur; sic evenire vix potest, ut in uno atque altero homine par omnino sit oculorum, aurium, viscerum, ac præcipue cerebri conformatio. Quod quidem cerebrum, arx illa mentis, cogitationum-  
que

que officina, varios magnitudinis modos obtinet; pro figura scilicet, atque ambitu capitis in quo continetur. Plurimi autem refert, humani animi quali in domicilio locati sint: nec parum sane momenti habet ad ingenii bonitatem, rationis perfectionem, vimque memoriæ ipsa corporis, & singulorum viscerum temperatio. E sensuum igitur, ac (38) cerebri varietate miram judiciorum discrepantiam existere necesse est: unde tritum illud vulgi sermone proverbium, *Quot capita, tot sententiæ*. (39)

Tandem animus hominis, qui sensibus utitur, tamquam nuntiis rerum, atque interpretibus: & ad quem demum pertinet veri falsique judicium; quomodo exploratum habebit, se illorum testimonio haudquaquam circumveniri, aut in errorem induci? quomodo cognoscet, rem sibi sicuti est, enarrari? quum ipse sui naturam ignoret, neque scire possit, quibus vinculis cum corpore conjungatur, qua ratione ad ejus motum moveatur, & utrum ex rerum imaginibus sibi extrinsecus oblatis veritatem ipsi colligere liceat, necne. Quum igitur humani animi natura penitus abstrusa sit, ignotæ, quæ naturam consequuntur, proprietates, (40) jam veri & falsi regula nulla esse videtur, ad quam judicia rerum dirigantur: adeoque omnia philosophorum de rebus obscuris decreta, ejusmodi fere sunt, ut everti disputatione possint.

Hactenus de sensuum & mentis infirmitate dictum est: nunc de rerum cognoscendarum obscuritate paucis agamus. Itaque si res ipsas considera-



derare aggrediamur, inveniemus, duabus potissimum de caussis, ad intimam earum cognitionem nobis præclusum esse aditum: nimirum quod continenter labantur & fluant omnia, neque quicquam sit in universo quod vel minimo temporis puncto eundem omnino statum retineat: deinde quia nihil sciri plene ac perfecte potest quin unà sciantur reliqua omnia. Ac Heraclitus quidem rerum inconstantiam & mutabilitatem (41) sapienter flumini comparabat: agebat enim, qui bis idem flumen intraverit, umquam inventum fuisse neminem: quod videlicet prioribus aquis transeuntibus novæ semper adveniant. ita prorsus accidere, ut quum quis ad rem aliquam cognoscendam animum appellit, ea protinus in aliam faciem se convertat; neque propterea ullum comprehensioni locum relinqui. Corpora enim omnia ex quibus rerum natura constat, vel moveri & mutari pergunt, vel quamvis interdum quiescere videantur, nihilominus occulta quadam vi ad motum & mutationem nituntur. Propterea Plato in eo dialogo quem Cratylum inscripsit, rerum labentium caducarumque naturas intueri propius, atque comprehendere, non humanæ imbecillitatis, at divinæ cujusdam esse sapientiæ, significat: Φερέφαττα δ', inquit, πολλοὶ μὲν ἢ τὸ φοβῆνται τὸ ὄνομα..... ὑπὸ ἀπειρίας (ὡς εἴηκεν) ὀνομάτων ὀρθότητι. ἢ γὰρ μεταβάλλοντες σκοπῶνται ἢ Περσεφόνει, ἢ δεινὸν αὐτοῖς φαίνεται. τὸ δ' μνησθεὶς σοφίαν εἶναι ἢ θεόν. ἅτε γὰρ φερομένων τῶν πραγμάτων, τὸ ἐφαπτόμενον ἢ ἐπαφῶν, ἢ διωάμενον ἐπακολυθεῖν, σοφία αὖ εἴη. Φερέπαφα ἔν, διὰ τὴν σοφίαν

σοφίαν ἢ τὴν ἐπαφὴν τῆ φερομένης, ἢ θεὸς ἂν ὀρθῶς κα-  
 λοῖτο, ἢ ποιῶν τι. δι' ὅπερ ἢ σωέσιν αὐτῇ ὁ ἄδης σο-  
 φὸς ὢν, διότι ποιῶν ἐστὶ. νυνὶ δ' αὐτῆς ἐκκλίνουσι τὸ ὄνο-  
 μα, εἰς οὐσίαν καὶ πλείονα ποιήματα τῆ ἀληθείας, ὥστε  
 Φερρέφατταν αὐτὴν καλεῖν. i. e. *Pherrephatta nomi-*  
*ne ..... complures terrentur: rectæ sane nomi-*  
*num imponendorum rationis imperitia. nam mutato*  
*nomine, Persephones vocem spectant, ac proinde*  
*formidabile videtur illis superius illud vocabulum.*  
*id autem significat, deam illam esse sapientem.*  
*quandoquidem illud sapientiæ nomine censebitur quod*  
*in tanta rerum ultro citroque commeantium vicissi-*  
*tudine, res contingat & palpet, illasque solide com-*  
*prehendat atque assequatur (id est φερομένων πραγ-*  
*μάτων τὸ ἐφαττόμενον ἢ ἐπαφῶν.)* Dea igitur illa  
 recte vocaretur Pherepapha, aut quid simile, pro-  
 pter illam τὴν ἐπαφὴν τῆ φερομένης, id est com-  
 prehensionem rerum quæ fiunt, atque mutantur;  
 quæ quidem sapientiæ vi atque efficacia existit.  
 Itaque Orcus, qui sapiens est, cum illa quæ  
 huiusmodi est, consuescit. Nunc vero nominis  
 appellationem paululum declinant atque inflectunt,  
 elegantis & venustæ pronuntiationis rationem ha-  
 bentes magis quam veritatis, & Pherrephattam  
 ipsam vocant. Claudius quoque Ptolemæus, vir  
 summus, lib. i. cap. i. μαθηματικῆς σωτηρίας,  
 rerum in quarum investigatione Physici versan-  
 tur, obscuritatem ingenue confessus est. Quum  
 enim, Aristotelem secutus, τρία γένη θεωρητικῶν,  
 tria genera contemplativæ doctrinæ posuisset, *physi-*  
*cum, mathematicum, metaphysicum*, quod ipse θεο-  
 λογικὸν appellat: horum duo, nempe *metaphysi-*  
*cum*

*cum* & *physicum*, ait esse potius εἰκασίαν, ἢ κα-  
 πάληψιν ἐπιστημονικῶς, *conjecturam*, *quam compre-*  
*hensionem quæ scientiam efficiat: metaphysicum qui-*  
*dem*, ὁλὰ τὸ παντελῶς ἀφανὲς αὐτῷ, ἢ ἀνεπίλη-  
 πτον, *propter ipsius omnino latentem*, (42) *meta-*  
*physicamque naturam: physicum vero* ὁλὰ τὸ τ' ὕλης  
 ἄστατον ἢ ἀδύνατον, *propter materiæ instabilitatem*,  
 & *obscuritatem*, ὡς ὁλὰ τῷ, μηδέποτε αὖ ἐλπί-  
 σαι, ἀλλ' αὐτῷ ὁμονοῆσαι τὰς φιλοσοφῆντας, *ut pro-*  
*pterea numquam sperare liceat, philosophos de his*  
*ullo tempore consensuros. Et hanc esse causam cre-*  
*diderim, cur Isaacus Newtonus, recentiorum geo-*  
*metrarum facile princeps, Philosophiæ Naturalis*  
*Principiorum Mathematicorum lib. 3. in Scholio*  
*generali Proposit. XLII. hæc de rerum substantia*  
*affirmare non dubitaverit: Quid sit rei alicujus*  
*substantia, minime cognoscimus. Videmus tantum*  
*corporum figuras & colores, audimus tantum sonos,*  
*tangimus tantum superficies externas, olfacimus o-*  
*dores solos, & gustamus sapes: intimas substan-*  
*tias nullo sensu, nulla actione reflexa cognosci-*  
*mus.* (43)

Quis porro ullius rei cognitionem plenam at-  
 que perfectam sibi assumere audeat, (44) prius-  
 quam rerum multitudinem pæne infinitam, quæ  
 hac universitate continentur, animo & cogitatio-  
 ne percurrerit? quæ inter se connexæ adeo &  
 colligatæ sunt, ut nisi omnibus plane perceptis,  
 neque unam percipere atque intelligere possis.  
 Quod si rerum singularum cognitio difficilis ha-  
 betur, quanto magis omnium? hoc certe huma-  
 ni ingenii modum excedit. (45) Fingamus, a-  
 liquem



liquem intelligere velle, quæ sit hominis natura; quomodo is ex animo & corpore constet; quid in eo appetitus a ratione distet: huic profecto nota debet esse animi, corporis, rationis, atque appetitus natura. Quum vero corpus hominis ex elementis concretum sit, danda opera est, ut elementa ipsa cognoscantur. Sumatur ergo ab igne quæstionis initium. Consulendi sunt veteres ac recentiores philosophi, eorumque opiniones de ignis natura diligenter perpendendæ, atque aliæ cum aliis comparandæ. Ecce tibi Cartesius, ad quem philosophiæ dictaturam plerique nuper deferebant. Interroga illum, quid sit ignis: non ante doctum a se dimittet quam commentum illud suum de universi constitutione explicaverit, difficile fane ac longis ambagibus impeditum. Cave tamen ne homini fidem temere adjungas: nam & reliquos philosophos adire oportet, eorumque sententiis probe cognitis, quæ omnium verissima sit, demum judicare. Ad quod recte faciendum, primorum principiorum, communisque materiæ notitia necessaria est: quæ res in abdito latent, ac deinceps latebunt. Iisdem porro difficultatibus, trium quæ supersunt elementorum natura obsepta est.

Quæ quum exquisiveris, humani corporis fabrica tibi considerata erit: in qua re quum viri sollertes ac laboriosi plurimi, in hoc præcipue Gymnasio Patavino, ad hanc diem summa cum laude versati fuerint, ea nondum ad exitum perducta est. Neque vero aliquis vestrum existimaverit, Auditores, de corpore viventis hominis

O

eum

eum recte judicare posse qui totam humanorum cadaverum Anatomen perdidicerit, nisi plures alias calluerit disciplinas; meminisse enim vos oportet illorum M. Tullii verborum, ex Acad. Quæst. lib. 4. *Corpora nostra non novimus: qui sint situs partium, quam vim quæque pars habeat ignoramus. Itaque medici ipsi, quorum intererat ea nosse, aperuerunt, ut ea viderent: nec eo tamen ajunt Empirici notiora esse illa, quia (46) possit fieri ut patefacta & detecta mutantur.* Sileo nunc de singularum partium usu, & de infinitis quæstionibus ad generationem, vitam, & mortem hominis pertinentibus. Missas item facio subtiles atque involutas de Animæ natura, proprietatibus, ac præcipue immortalitate disputationes: quæ omnia scitu difficillima ei nihilominus cognoscenda sunt qui se, quid sit homo, intelligere postulet. Quemadmodum vero naturam hominis plane ignoramus, ita si affirmemus, cetera omnia a nobis nesciri, mendaces fortasse non erimus. (47) In omni enim quæstione quum aliquantum processimus, ad incognitum aliquod & ἀκατέλητον pedem offendimus. Et sunt hodie qui sententiis antiquorum evertendis atque exhibendis gloriam, & sapientis nomen aucupentur: qui albis dentibus rideant occultas qualitates, tutissimum scilicet, ut vocant, ignorantiae perfugium: quasi vero ipsi tanto conatu, tantoque fastidio, aut meliora, aut veriora protulerint! Naturam quidem ipsam ex particulis corporum tenuissimis, rotundis, oblongis, ramosis, acutis, obtusis, aliarumque figurarum assidue venantur, in quas

cor-

corpora dissolvunt: confidunt *microscopiis*, & aliis inventis, quibus oculorum infirmitati subsidio eunt: sed num iccirco sapientiores fiunt, quum rerum inter se permixtionis modum ignorent? Propior tamen est sensibus nostris rerum permixtio quam exiguæ earundem particulæ. Hæc vero præcipuum naturæ opus est: hæc ejus adytum, latibulum, cubile; sed quo propius, hoc difficilius inventu. Huic divinum illud subest, illud ἡγεμονικόν, quo impellente, movente, agitante, jungente, miscente formantur corpora. Hoc igitur nondum percepto, omnia ignorari necesse est. Profecto id quod in unoquoque semine agendi vim habet, nonnisi mentis conjectura attingi potest: nam quæ oculis videmus, manibusque tractamus, ad corporum compositionem vix quicquam conducunt. Ceterum, (48) philosophi qui *scientiam* definiverunt, *rei cognitionem per causam*, videntur nos admonere voluisse, vix homini datum scientiam adipisci; quum rerum causæ & obscurissimæ sint, & prope innumerabiles.

Hæc fere sunt, Auditores, quæ Academicos, maxime e schola Arcesilai, & Scepticos olim eo adduxerunt, ut nihil affirmarent, de omnibus dubitarent, assensumque retinerent. Quæ si quis copiosius aut subtilius exponi sibi desiderat, is M. Tullii Academicarum Quæstionum librum qui Lucullus inscribitur, & Sexti Empirici Pyrrhonias ὑποπώσεις evolvere ne gravetur. Nolite vero existimare, paucis tantummodo aut contemptis philosophis hanc dubitandi rationem placuisse.



Nam contra, ingenii atque eruditionis principes eam omni tempore probaverunt; neque Academici solum & Sceptici, sed ex aliis etiam familiis viri doctissimi: in quibus numerantur Anacharsis Scythes, Pherecydes Syrus, Pythagoras, (49) Empedocles, Gorgias Leontinus, Xenophanes, Epicharmus, Parmenides, Zeno Eleates, Anaxagoras, (50) Democritus, (51) Protagoras, Aristippus, Metrodorus Chius, Anaxarchus, M. Tullius, M. Varro doctissimus Romanorum, (52) Horatius Flaccus, Cornelius Celsus, & (53) Empirica medicorum secta, Lucianus, Megarici, Eretrici, & alii quamplurimi, quos omnes memorare longum & injucundum esset. Hos tamen a philosophiæ studiis, aut a rerum causis investigandis, prudenter instituta dubitatio minime retardavit: erant enim omnes acerrimo ingenio; plerique etiam in reconditis atque interioribus litteris ætatem egerant: sed quum se a veri ademptione exclusos arbitrarentur, nihilominus mirifice gaudebant si quid modo probabile quærendo extudissent, in quo esset aliqua veri species, aut similitudo. Cartesius quoque suarum Meditationum initio, eum qui errorem devitare studeat, jubet, omnia, etiam quæ exploratissima habentur, in dubium incertumque revocare: quamquam postea, dubitatione prorsus abjecta, & nova decreta proponit, & audacter defendit. Aristoteles ipse, quem opiniosissimum nonnulli falso crediderunt, nonne sæpissime inculcat suum illud *δοκῆι*, vel *φαίνεται*, hoc est, *videtur, apparet*; quo verecundiam suam in disputando testetur?

*Quam*

*Quam rationem, ut Cicero tradit sub finem ejus dialogi quem Lucillum inscripsit, veterum etiam Romanorum diligentia comprobavit: qui primum* IURARE EX SVI ANIMI SENTENTIA *quemque voluerunt: deinde ita teneri* SI SCIENS FALLERET, *quod inscientia multa versaretur in vita: tum qui testimonium diceret, ut* ARBITRARI *se diceret etiam quod ipse vidisset: quæque jurati iudices cognovissent, ut ea non esse facta, sed ut* VIDERI, *pronuntiarent.*

Tandem Divinorum Librorum auctoritas, a qua ne transversum quidem unguem pios & Christianos philosophos discedere oportet, mentem hominis ad operum Dei contemplationem, tamquam noctuam (ut ita dixerim) ad Solis radios, caligare affirmat: nec posse nos solius rationis præsidio vera ac falsa dijudicare, nisi majore quodam & altiore lumine divinitus perfundamur. Insignes loci sunt huc pertinentes Sapientiæ cap. 9. Ecclesiastici cap. 3. sed præsertim Ecclesiastæ cap. 3. ubi Salomon ita clamat: *Vidi afflictionem quam dedit Deus filiis hominum, ut distendantur in ea. Cuncta fecit bona in tempore suo, & mundum tradidit disputationi eorum, ut non inveniat homo opus quod operatus est Deus ab initio usque ad finem. & rursus cap. 8. Intellexi, quod omnium operum Dei nullam possit homo invenire rationem, eorum quæ fiunt sub Sole: & quanto plus laboraverit ad quærendum, tanto minus inveniet: etiam si dixerit sapiens se nosse, non poterit reperire.* Hæc autem, bona cum venia illorum dicta sunt qui nollent ullam de Deo aut religione in scholis

philosophorum fieri mentionem; a quibus ego vehementer dissentio.

Verum audire mihi videor aliquem e studioforum adolescentium numero qui ex me sciscitetur, quid igitur sibi faciendum censeam: num veri inveniendi desperatione Physicam abjicere debeat, & ab hujusmodi studiis omnino feriari? Ego vero huic auctor fuerim, ut (54) a doctissimis viris quos paullo ante memoravi, exemplum sumat; qui quum hanc sibi legem indixissent, **NULLI VISO TEMERE ASSENTIRI**, tamen egregia multa in physicis præstiterunt. Probabilibus videlicet contenti erant, neque eam conclusionum firmitatem postulabant quæ in hominem profecto non cadit. Quod qui faciunt, ii non prudentia solum, sed etiam eruditione ceteris philosophis præstare solent: non enim (55) *ad quamcumque sunt disciplinam quasi tempestate delati, ad eam tamquam ad saxum adhærescunt*; sed Academicorum propria libertate usi, idemtidem alio commeant, ut peregrinis mercibus domos locupletent suas; quærentes in re qualibet, quid constantissime dicatur. Præterea, ut verbis utar M. Tullii, (56) *Animorum ingeniorumque naturale quoddam quasi pabulum est consideratio contemplatioque naturæ. Erigimur, elatiores fieri videmur, humana despiciamus, cogitantesque supera atque cælestia, hæc nostra, ut exigua & minima, contemnimus. Indagatio ipsa rerum tum maximarum, tum etiam occultissimarum habet oblectationem.* (57) *Si vero aliquid occurreret quod verisimile videatur, humanissima completur animus voluntate.*



*ptate*. Quapropter (58) neque dubitationis fines eo usque proferemus, ut visa dormientium, ebriorum, & furiosorum nihil a cogitationibus vigilantium, siccorum, atque sanorum discrepare dicamus: neque contra, pro decretis nostris, aut magistrorum, tamquam pro capite aut fortunis, pugnabimus; sed bono modo, sine sudore & sanguine. Ita illud servabitur, (59) *quod apprime in vita utile est, VT NE QUID NIMIS.*



# A N N O T A T I O N E S

## I N S U P E R I O R E M

### O R A T I O N E M.

( 1 ) *δογματικὸς appellatus* ] Diogenes Laertius in proœmio Vitarum: τῶν δὲ φιλοσόφων, οἱ μὲν γιγόνασι ΔΟΓΜΑΤΙΚΟΙ, οἱ δὲ ΕΦΕΚΤΙΚΟΙ. δογματικοὶ μὲν, ὅσοι περὶ ἑῶν πραγμάτων ἀποφάνονται, ὡς καταληπτῶν· ἐφεκτικοὶ δὲ, ὅσοι ἐπέχουσι περὶ αὐτῶν, ὡς ἀκαταλήπτων. h. e. *Jam vero philosophorum aliqui decretis nituntur, alii ab assensu sustinendo nominantur. Decreta quidem habent hi qui ita res enuntiant ac si comprehendi possint: sustinent autem assensum hi qui quasi nihil comprehendi possit, ita de omnibus rebus assensum sustinent.*

( 2 ) *Clamant quidem sæpius, veritatem se invenisse* ] Sextus Empiricus Pyrrhon. hypotypof. lib. 1. cap. 14. φίλαυτοὶ τινες ὄντες οἱ δογματικοί, φασὶ δέιν ἑῶν ἄλλων ἀνθρώπων ἑαυτὰς προκρίνειν ἐν τῇ κείσῃ ἑῶν πραγμάτων. h. e. *Sibi placentes dogmatici se aliis hominibus in rebus judicandis præferendos esse dicunt.*

( 3 ) *Qua privatas publicasque res optime administramus* ] Idem Sex. Empiricus Pyrrhon. hypotypof. lib. 1. cap. 22. ἀρκεῖ γὰρ ( οἶμαι ) τὸ ἐμπείρως τε ἔ' ἀδοξάσως κατὰ τὰς κοινὰς τηρήσεις τε ἔ' προλήψεις βίβην, περὶ ἑῶν ἐκ δογματικῆς περὶεργείας ἔ' μάλιστα ἔξω τῆς βιωτικῆς χρείας λεγομένων ἐπέχοντας. i. e. *Sufficit itaque, ut arbitror, cum experientia usu parta, & ita ut dogma nullum statuamus, secundum communes observationes, & præoccupatas in animis hominum opiniones, vitam degere: de iis vero quæ ex dogmatica*  
curio-

*curiositate dicuntur, & quidem nullam vitæ communi utilitatem afferunt, assensum retinere. Cum Sexto concinit M. Tullius in Lucullo, his verbis: Itaque & sensibus probanda multa sunt. Teneatur modo illud, non inesse in his quicquam tale, quale non etiam falsum nihil ab eo differens esse possit. Sic quicquid acciderit specie probabile; si nihil se offeret quod sit probabilitati illi contrarium; utetur eo sapiens, ac sic omnis ratio vitæ gubernabitur. Etenim is quoque qui e vobis sapiens inducitur, multa sequitur probabilia, non comprehensa, neque percepta, neque assensa, sed similia veri: quæ nisi probet, omnis vita tollatur.*

(4) *Democrito tandem* ] Lege Ciceronem libro 1. de Finibus.

(5) *Tuscul. Quæst. lib. 2.*

(6) *Tamquam concilio Jovis interfuissent* ] Cicero lib. 1. de Natura Deorum: Tum Vellejus fidenter sane, ut solent isti, nihil tam verens, quam ne dubitare aliqua de re videretur: tamquam modo ex Deorum concilio, & ex Epicuri intermundiis descendisset; Audite, inquit, &c. Horatius Ode 25. lib. 3. Quibus

*Antris egregii Cæsaris audiar*

*Æternum meditans decus*

*Stellis inferere, & concilio Jovis?*

Hujusmodi philosophos Aristophanes ἐν νεφέλαις v. 225. ἀροβατῆντας appellat, Socratem ipsum de se ita loquentem inducens: ἀροβατῶ, ἢ περιφρονῶ τὸν ἥλιον. in aere incedo, & Solem sic intuor.

(7) *Quæ Lunam gentes incolerent* ] Lunam, & stellas reliquas, perinde ac tellurem nostram, incolli & habitari, plurimi veterum opinati sunt; Orpheus in primis, & Pythagorei Ocellus Lucanus,

Phi-



Philolaus Crotoniates, Nicetas Syracusius, Oeetes, Empedocles: tum Anaximander, Anaximenes, Anaxagoras, Aristarchus, Archelaus, Anaxarchus, Xenophanes, Democritus, Heraclitus, Metrodorus Chius, Leucippus, Epicurus, & eum secutus Metrodorus Lampfacenus: Diogenes Apolloniates, Zeno Eleates, Seleucus, Plato, & e Platoniorum grege non pauci: ut satis constat ex Aristotele, Diogene Laërtio, Plutarcho, Æliano, M. Tullio, Alexandro Aphrodisæo, Irenæo, Augustino, Hieronymo, Theodorito, Joanne Stobæo, Simplicio, Philopono, Suida, & aliis. Nonnullis etiam recentiorum (serio ne an joco, non facile dictum est) hanc doctrinam tueri placuit: in quibus numerantur Nicolaus Cusanus, Jordanus Brunus, Tycho Brahe, Thomas Campanella, Guilelmus Gilbertus, Renatus Cartesius, ejusque sectatores: præterea Keplerus, Galilæus, David Fabricius, Gassendus, Huygenius, Robertus Flud, Nevvtonus, Burnettus, Bælius, Lockius, Fontenellius, & alii; de quibus consule, si libet, virum celeberrimum Jo. Albertum Fabricium Bibliothecæ Græcæ lib. 1. cap. 20.

(8) *Qui esse primos se* ] Terentius Eunuchus A. 2. Sc. 2. v. 17.

(9) Vide Aristotelem lib. 6. Physicorum cap. 9.

(10) *Parmenides atque Melissus* ] Hujus rei testis locuples Aristoteles Physicorum lib. 1. cap. 3. & 4.

(11) *Diodorus Cronus* ] Id tradit Sex. Empiricus Pyrrhon. hypotyp. lib. 3. cap. 8.

(12) Vide Johannem Clericum Logices Parte 1. cap. 9. num. 3. & 4.

(13) *Si*

(13) *Si M. Tullium audimus* ] Ejus verba sunt in Lucullo: *Quid de tactu, & eo quidem quem philosophi interiorē vocant, aut doloris, aut voluptatis? in quo Cyrenaici solo putant veri esse judicium, quia sentiatur. Potestne igitur quisquam dicere, inter eum qui doleat, & inter eum qui in voluptate sit, nihil interesse? aut, ita qui sentiat, non apertissime insaniat?* & alio ejusdem libri loco: *Quid Cyrenei videntur, minime contemti philosophi? qui negant esse quicquam quod percipi possit extrinsecus: ea se sola percipere quæ tactu intimo sentiant, ut dolorem, & voluptatem: neque se, quo quid colore, aut quo sono sit, scire, sed tantum sentire, affici se quodammodo.*

(14) *Pyrrhonii* ] Sex. Empiricus Pyrrh. hypotyp. lib. 1. cap. 7. τοῖς γὰρ κατὰ φαντασίαν κατηναγκασμένοις πάθειν συγκατατίθεται ὁ Σκεπτικὸς ὅιον, ἔκ ἂν εἴποι θερμαινόμενος ἢ ψυχόμενος, ὅτι δοκῶ μὴ θερμαίνεσθαι ἢ ψύχεσθαι. i. e. Scepticus iis quibus per phantasiā cogitur affici, assentitur. Exempli gratia, quum calefit, aut frigefit, nequaquam dixerit, Puto me non calefieri, aut frigefieri. Porro, quo potissimum differret Cyrenaicorum opinio a Scepticorum doctrina, ostendit idem Sextus cap. 31. ejusdem 1. libri.

(15) *Rem compacto agentes* ] Plautus Capteiveis A. 3. Sc. 1. v. 29.

(16) *Dei providentiam extollit* ] Isaacus Casaubonus Epist. 258. Galeñum, inquit, vocari ἄθεον miror, virum tam assiduū in sapientia Dei prædicanda. Ego illum eo maxime nomine dignum laude, & æterna prædicatione semper judicavi.

(17) *E Stoicorum libris* ] Vide Ciceronem lib. 2. de Natura Deorum, & lib. 3. de Finibus B. & M.

(18)

(18) Non esse oculos, aures, &c.] Absurdam hanc Epicuri doctrinam ita exponit Lucretius lib. 4. ver. 821.

*Istud in his rebus vitium vehementer, & istum  
Effugere errorem, vitareque præmeditator,  
Lumina ne facias oculorum clara creata,  
Prospicere ut possimus; & ut proferre viai  
Proceros passus, ideo fastigia posse  
Surarum, ac feminum pedibus fundata plicari:  
Brachia tum porro validis ex apta lacertis  
Esse, manusque datas utraque a parte ministras,  
Ut facere ad vitam possimus quæ foret usus.  
Cetera de genere hoc, inter-quæcumque-pretantur,  
Omnia perversâ præpostera sunt ratione.  
Nil adeo quoniam natum est in corpore, ut uti  
Possemus; sed quod natum est, id procreat usum:  
Nec fuit ante videre oculorum lumina nata;  
Nec dictis orare prius quam lingua creata est:  
Sed potius longe linguae præcessit origo  
Sermonem: multoque creatæ sunt prius aures,  
Quam sonus est auditus: & omnia denique membra  
Ante fuere, (ut opinor) eorum quam foret usus.  
Haud igitur potuere utendi crescere caussa.*

*At contra conferre manu certamina pugnae,  
Et lacerare artus, fœdareque membra cruore,  
Ante fuit multo quam lucida tela volarent.  
Et volnus vitare prius natura coegit,  
Quam daret objectum parmaï leva per artem.  
Scilicet & fessum corpus mandare quieti  
Multo antiquius est quam lecti mollia strata.  
Et sedare sitim prius est quam pocula natum.  
Hæc igitur possent utendi cognita caussa  
Credier, ex usu quæ sunt vitæque reperta.  
Illa quidem seorsum sunt omnia quæ prius ipsa  
Nata, dedere suæ post notitiam utilitatis:  
Quo genere in primis sensus, & membra videmus.*

*Quare*



*Quare etiam atque etiam procul est, ut credere possis,  
Utilitatis ob officium potuisse creari.*

(19) *Polyænum*] Cicero in Lucullo: *Quid Polyænus, qui magnus mathematicus fuisse dicitur? is posteaquam Epicuro assentiens totam geometriam esse falsam credidit, num illa etiam quæ sciebat, oblitus est?*

(20) In Lucullo.

(21) *Nullam rem*] Ex earum puta rerum genere de quibus Physici disputare solent. Nam ceteroqui multa feruntur Socratis præcepta Ethica, Oeconomica, Politica.

(22) *Ne illud quidem &c.*) Neque secum ipse pugnabat Arcefilas hac enuntiatione: non enim id ponebat tamquam δόγμα firmum & stabile, quod omnem contradicendi libertatem tolleretur; sed potius tamquam ἀνθρωπείας πάθος ἀπαγγελίαν, i. e. *affectionis humanæ significationem*; quod nimirum ipsi videretur, nos nihil scire; ne illud quidem scire nos, *nos nihil scire*. Porro hujusmodi pronuntiata, ut & omnes Scepticorum voces assensum tollentes, non inepte comparat Sex. Empiricus lib. 1. Pyrrh. hypotyp. cap. 28. cum medicamentis vim purgandi habentibus, quæ ἡ μόνον τὰς χυμὸς ὑπεξαίρει τὸ σῶμα-τος, ἀλλὰ καὶ ἑαυτὰ τοῖς χυμοῖς συνεξάγει, *non solum humores corpore extrahunt, sed etiam semetipsa cum humoribus expellunt.*

(23) *Arcefilæ successoribus*] Arcefilam audivit Lacydes, Lacydem Evander, Evandrum Egefinus, qui Carneadis magister fuit. Testes Diogenes Laertius, & Cicero in Academicis Quæstionibus.

(24) Horatius Epist. 1. lib. 2. v. 195.

(25)

(25) *Appellati sunt etiam Sceptici* ] Vide Sex. Empiricum Pyrrhon. hypotyp. lib. 1. cap. 3.

(26) *Quum vero* ] Diogenes Laertius lib. 9. in vita Timonis.

(27) *Hic, e Scepticorum præceptis* ] Testis Eusebius lib. 14. Præparat. Evangelicæ.

(28) Idem lib. 3. de Finibus: *Quæ adhuc, Cato, a te dicta sunt, eadem, inquam, dicere posses si sequerere Pyrrhonem, aut Aristonem -- -- -- Hos ne igitur laudas, & hanc eorum sententiam sequi nos censeres oportere? Minime vero istorum quidem, inquit. Quum enim virtutis hoc proprium sit, earum rerum quæ secundum naturam sint, habere dilectum; qui omnia sic exæquaverunt, ut in utramque partem ita paria redderent, uti nulla selectione uterentur, virtutem ipsam sustulerunt. Loquitur apud Ciceronem Cato, Stoicorum præceptis addictus.*

(29) *Sensuum quum externorum &c.* ] Ob hæc duas causas, & ipse Aristoteles lib. 2. Metaphysic. cap. 1. fassus est, difficilem admodum esse adeptionem veritatis.

(30) *Si tamen ullæ sunt hujusmodi imagines* ] Rerum simulacra non solum esse, verum etiam corporea esse, ac de corporum superficie abrafa per totum orbem volitare, pluribus disputat Lucretius lib. 4.

(31) *Omnino similes esse corporibus unde prodeunt* ) Sex. Empiricus lib. 1. cap. 7. Pyrrh. hypotyp. ὡς περ γὰρ ὁ ἀγνοῶν μὲν Σωκράτην, εἰκόνα δὲ τῆς θεασάμενος, οὐκ οἶδεν εἰ ὁμοία ἐστὶν ἢ εἰκὼν τῷ Σωκράτει· ἔγωγε δὲ ἢ διὰ-

διάνοια τὰ μὲν πάθη τῶν αἰσθήσεων ἐποπτεύουσα, τὰ δὲ ἐκτὸς μὴ θεωρῶσα· ἔδὲ εἰ ὁμοιά ἐστι τὰ ἴσα αἰσθήσεων πάθη τοῖς ἐκτὸς ὑποκειμένοις εἴσεται. i. e. *Quemadmodum enim qui ignorat quidem Socratem, sed ejus imaginem conspexit, nescit an similis sit imago Socrati: sic & mens passiones quidem sensuum subaspectans, externa autem non intuens, ne hoc quidem sciet, an passiones sensuum externis subjectis similes sint.*

(32) Julius Pollux lib. 1. Onomastici cap. 4. χαίρει δὲ, inquit, ἡλίῳ ὁμιλῶσα τῆς πορφύρας ἢ βαφῆς. ἢ ἡ ἀκτὶς αὐτῷ ἀναπυρσθεῖ, ἢ πλείῳ ποιεῖ ἢ φαδρύτεραν τῷ αὐγῷ, ἐκφοινισσομένῳ ἐκ τῆς ἄνω πυρός. h. e. *Tinctura vero purpuræ Solem amat; etenim hujus illustrata radiis majorem letioremque splendorem purpureo colore coruscantem a supero igne concipit.*

(33) Eodem pacto, pro vario lucis appulsu, &c.] De hac re occurrunt versiculi elegantes in Catale-ctis Petronii:

*Fallunt nos oculi, vagique sensus  
Oppressa ratione mentiuntur.  
Nam turris prope quæ quadrata surgit,  
Adtritis procul angulis rotatur.  
Hybleum refugit satur liquorem,  
Et navis casiam frequenter odit.  
Hoc illo magis, aut minus placere  
Non posset, nisi lite destinata  
Pugnarent dubio tenore sensus.*

(34) Componere atque dividere] Vide Aristotelem Metaphysicorum lib. 6. cap. 3. & lib. 9. cap. 13.

(35) Horatius Epist. 1. lib. 1. v. 4. *Non eadem est ætas, non mens.* Cur autem senes præterita tempora mirentur, & laudibus extollant; præsentia vero despiciant,



spiciant, atque accusent, copiose ac eleganter ostendit Balthassar Castilioneus initio libri 2. de Aulico: quem locum si quis legerit, operæ pretium faciet; plurima enim pulcherrima, & huc spectantia continet.

(36) *Formosæ videntur*] Lucretium consule sub finem libri quarti, & Horatium Sat. 3. lib. 1. v. 38. Ideo servus ille apud Terentium Eunuchō A. 2. Sc. 1. v. 19. sic exclamat: *Dii boni, quid hoc morbi est? adeon' homines immutarier Ex amore, ut non cognoscas eundem esse?*

(37) Plautus prologo Menæchmorum, v. 19. Contra M. Tullius in Lucullo, *Fac enim*, inquit, *antiquos illos Servilios, qui gemini fuerunt, tam similes quam dicuntur: num censes etiam eosdem fuisse? non cognoscebantur foris; at domi: non ab alienis; at a suis.*

(38) *Ac cerebri varietate*] Vide Galenum τέρχυνς ἰατρικῆς, sive Artis Medicæ, cap. 12. & sequentibus.

(39) Inter hominem & hominem differre plurimum, copiose disputat Sex. Empiricus Pyrrhon. hypotyp. lib. 1. cap. 14. ἐν δὲ τέρῳ τῆς ἐποχῆς ζόπω.

(40) *Jam veri & falsi regula &c.*] Vide Sex. Empiric. lib. 2. cap. 5. sæpius memorati operis.

(41) *Sapienter flumini comparabat*] Platonem vide in Cratylo tomo 1. pag. 402.

(42) *Intactilemque*] Usus est hac voce Lucretius lib. 1. v. 438.

*Sin intactile erit, nulla de parte quod ullam*

*Rem*

*Rem prohibere queat per se transire meantem :  
Scilicet hoc id erit vacuum, quod inane vocamus.*

(43) Quod idem luculentis admodum verbis olim pronuntiare non dubitaverat Petrus Gassendus Exercitationum Paradoxicarum adversus Aristoteles lib. 2. Exercitat. 6. Igitur, inquit, paucis ad hæc respondere sic possumus. Primum non videri illos esse naturæ injurios qui ut naturæ nihil detrahunt, sic plusquam par est, non adjiciunt (par enim injuria videtur, & dicere quod non sis, & non dicere quod sis) : ac qui proinde concedunt indidisse quidem naturam omnibus hominibus sciendi desiderium ; at non tamen sciendi vel omni modo, vel omnia. Hinc quamdiu desiderant homines omnes scire plurima, & per experientiam, & quatenus illa apparent, verum est, quod natura duce illa scire desiderant : at statim ac præterea volunt, & naturas intimas, & causas necessarias scire, jam hoc scientiæ genus est quod naturam angelicam, vel etiam divinam attineat, nec homunciones deceat ; quocirca & hoc desiderium dici non potest esse a natura. Videlicet omnes homines pari modo desiderant immortalitatem : at quis censeat, hoc desiderium inditum esse a natura, per quam potius statutum est omnibus hominibus semel mori ? Quare ut quoniam, quantumcumque velint homines numquam mori, ex eo tamen quod nullus sit qui assequatur immortalitatem, colligimus, tale desiderium minime esse naturale ; sic colligere possumus, quoniam nullus hominum est qui minimæ rei naturam introspectam habeat, desiderium naturæ non esse, quo perspectam habere peroptet. Deinde vero & illud dari consequenter potest, esse causas scientiæ, at scientiæ tamen experimentalis, & , ut sic dicam, apparentialis ; siquidem intellectus noster scit, cognoscitque experiundo multa apparentia. Hæc omnia Gassendus ex Pyrrhoniorum fontibus derivavit.

Eam scilicet Physicæ partem quæ appellatur ἰσοει-  
κὴ, tantummodo probare, alteram vero cui nomen  
est αἰτιολογικὴ, vel ὑποθετικὴ, tamquam minus uti-  
lem, contemnere ac repudiare videtur. Nos a tan-  
to viro non plane dissentimus; nam, si verum fa-  
teri volumus, legitima & non fucata Philosophia  
nihil aliud est quam accurata observatio & colle-  
ctio τῶν φαινομένων, sive Historia Naturalis, cujus  
ope caute ac pedetentim leges naturæ investigamus  
atque venamur; non ultimas & remotissimas re-  
rum causas persecuti, sed sensibus nostris propio-  
res, quas imbecillitati humanæ solas attingere licet.

(44) *Priusquam rerum multitudinem*] Cicero Tu-  
scul. Quæst. lib. 2. *Difficile est in philosophia pauca es-  
se ei nota cui non sint aut pleraque, aut omnia.*

(45) *Fingamus, &c.*] Minutius Felix in Octa-  
vio, Editionis Lugd. Batav. 1652. pag. 15. *Nec re-  
cuso, inquit, quod Cæcilius asserere inter præcipua  
connisus est, hominem nosse se, & circumspicere debe-  
re, quid sit, unde sit, quare sit; utrum elementis con-  
cretus, an concinnatus atomis, an potius a Deo factus,  
formatus, animatus. Quod ipsum explorare & eruere  
sine universitatis inquisitione non possumus, quum ita  
cohærentia, connexa, concatenata sint, ut nisi divinita-  
tis rationem diligenter excusseris, nescias humanitatis;  
nec possis pulchre gerere rem civilem nisi cognoveris  
hanc communem omnium mundi civitatem.*

(46) *Possit fieri ut patefacta & detecta mutantur*] Cornelius Celsus in Præfatione, ubi de Empirico-  
rum secta: *Neque quicquam esse stultius, quam quale  
quid vivo homine est, tale existimare esse moriente, im-  
mo jam mortuo. Quinctilianus Declamat. 8. cap. 18.  
An fas putatis, ut suam servant viscera nudata fa-  
ciem? ut nihil perdat ex priore natura illud pectoris vi-  
tæque*



ταque secretum, quum admisit oculos? Plurimum in nobis etiam timore mutatur, &c. D. item Augustinus lib. 22. de Civ. Dei, cap. 24. num. 4. *Quia etsi medicorum diligentia nonnulla crudelis, quos anatomicos appellant, laniavit corpora mortuorum, sive etiam inter manus secantis perscrutantisque morientium, atque in carnibus humanis satis inhumane abdita cuncta rimata est, ut quid, & quomodo, quibus locis curandum esset, addisceret; numeros tamen de quibus loquor, quibus coaptatio, quæ ἀρμοσία Græce dicitur, tamquam cujusdam organi, extrinsecus atque intrinsecus totius corporis constat, quid dicam, nemo valet invenire, quos nemo ausus est querere?* Paria invenies apud Polybium Histor. lib. 1. non longe ab initio.

(47) *In omni enim questione* ] Vide Danielis Georgii Morhofii Polyhistoris Litterarii lib. 1. caput 12.

(48) *Philosophi qui scientiam definiverunt* ] Aristoteles Poster. Analytic. lib. 1. cap. 2. ἐπίσασθαι δὲ οἰόμεθα ἕκαστον ἀπλῶς, ἀλλὰ μὴ τὸν σοφιστικὸν ἔσπον, τὸν κατὰ συμβεβηκός, ὅταν τὴν τ' αἰτίαν οἰόμεθα γινώσκειν, δι' ἣν τὸ πρᾶγμα ἐστίν, ὅτι ἐκείναι αἰτία ἐστίν, ἥ μὴ ἐνδέχεται τῷτ' ἄλλως ἔχειν. i. e. *Scire autem putamus unamquamque rem simpliciter, non sophistico modo, id est ex accidenti, quum putamus causam cognoscere propter quam res est, ejus rei causam esse, nec posse eam aliter se habere.* Idem lib. 1. τῆς φυσικῆς ἀκροάσεως cap. 7. ἔστι δ' ἀρχῶν ἀπείρων ἔσῶν ἥ κατὰ πλήθος ἢ κατ' εἶδος, ἀδιύκτον εἶδέναι τὰ ἐκ τούτων· ἔστι γὰρ εἰδέναι τὸ σύνθετον ὑπολαμβάνομεν, ὅταν εἰδῶμεν ἐκ τίνων ἢ πόσων ἐστίν. i. e. *Si vero principia tam multitudine quam forma sunt infinita, fieri non potest ut ea noscantur quæ ex his constant. nam ita demum compositum nosse existimamus, quum novimus ex quibus,* &

*quot constet.* Præterea ( quod ad rem nostram plurimum facit ) lib. 2. ejusdem operis cap. 3. δὲ δὲ, inquit, ἀπὸ τοῦ αἰτίου ἕκαστος τὸ ἀκρόατον ζητεῖν. i. e. *Oportet autem semper summam cujusque rei causam querere.*

(49) *Empedocles* ] Operæ pretium est audire Ciceronem in Lucullo. Et tamen, ait, isti *Physici* raro admodum, quum hærent aliquo loco, exclamant quasi mente incitati: *Empedocles* quidem, ut interdum mihi furere videatur: abstrusa esse omnia, nihil nos sentire, nihil cernere, nihil omnino quale sit, posse reperire.

(50) *Democritus* ] Contendebat hic philosophus, mentem omnem esse animam corporis alicujus, quæ non operaretur nisi per corpus: ideoque affirmare non verebatur, mentem esse quemdam sensum, vel quamdam φαντασίαν imaginibus corporeis varias effingentem ac procudentem cogitationes: ex quo ajebat id consequi, omnia quæ videantur, ea vera esse: nullam enim esse in rebus ipsis aut veri, aut falsi notam, quum eæ diverso modo menti se spectandas idemtidem exhiberent. Vide Aristotelem lib. 1. de Anima cap. 2. & lib. 4. Metaphysic. cap. 4. De hac Democriti doctrina ita Sex. Empiricus lib. 1. adversus Logicos num. 135. Δημόκριτος δὲ ὅτι μὲν ἀναιρεῖ τὰ φαινόμενα ταῖς αἰσθήσεσι, ἢ τῶν λέγει μηδὲν φαίνεσθαι κατὰ ἀλήθειαν, ἀλλὰ μόνον κατὰ δόξαν. i. e. *Democritus autem ea quidem tollit quæ apparent sensibus: & ex iis dicit nihil vere apparere, sed solum ex opinione.* Quid porro intersit inter Democriti & Scepticorum sententiam, ostendit idem Empiricus lib. 1. Pyrrh. hypot. cap. 30. Adversus hanc sententiam, pro qua pugnavit & Protagoras, disputat Socrates apud Platonem in Theæteto a pag. 158.

(51) *Protagoras*] Vide Aristotelem lib. 4. *Metaphysic.* cap. 5. & *Sex. Empiricum* lib. 1. *P. hypotyp.* cap. 32. & lib. 1. *adversus Logicos* num. 388. *Platonem* quoque in *Theæteto* pag. 152. tomo 1.

(52) *Horatius Flaccus*] Ita de se ipse *Epist.* 1. lib. 1. v. 13.

*Ac ne forte roges, quo me duce, quo lare tuter:  
Nullius addictus jurare in verba magistri,  
Quo-me-cumque rapit tempestas, deferor hospes.*

(53) *Empirica medicorum secta*] *Celsus* in *Præfatione Medicinæ*: *Contra hi qui se ἐμπειρικοὶ ab experientia nominant, evidentes quidem causas, ut necessarias amplectuntur: obscurarum vero causarum & naturalium actionum questionem ideo supervacaneam esse contendunt, quoniam incomprehensibilis natura sit. Non posse vero comprehendere, putere ex eorum qui de his disputarunt, discordia: quum de ista re, neque inter sapientiæ professores, neque inter ipsos medicos conveniat. Lege quæ sequuntur, si vacat.*

(54) *A doctissimis viris quos paullo ante memoravi, exemplum sumat*] Juvat huc afferre verba *M. Tullii* ex eo dialogo qui *Lucullus* inscribitur. *Et si enim, inquit, omnis cognitio multis est obstructa difficultatibus, eaque est & in ipsis rebus obscuritas, & in judiciis nostris infirmitas, ut non sine causa & doctissimi & antiquissimi invenire se posse quod caperent, diffisi sint: tamen nec illi defecerunt, neque nos studium exquirendi defatigati relinquemus: neque nostræ disputationes quicquam aliud agunt nisi ut in utramque partem dicendo, & audiendo, eliciant, & tamquam exprimant aliquid, quod aut verum sit, aut ad id quamproxime accedat. Neque inter nos, & eos qui se scire arbitrantur, quicquam interest, nisi quod illi non*



*dubitant quin ea vera sint quæ defendunt: nos probabilia multa habemus, quæ sequi facile, affirmare vix possumus.*

(55) Cicero in eodem dialogo.

(56) Idem ibidem.

(57) *Si vero aliquid occurret*] Petrus Gassendus Physicæ sect. 1. lib. 4. cap. 1. *Tametsi, inquit, expetitæ a Physicis causæ hujusmodi sint, quales huc usque descripsimus, despondendum tamen animis non est, quatenus licet attingere ad illas prorsus intimas, præcipuas, propinquas, speciales, non detur; sunt tamen gradus varii inter ipsas, & alias prorsus remotas, organicas, externas, communes; ac non modo non pœnitendum, sed maxime etiam expetendum est, gradus quosdam attingere, qui ad summum illum, quantum fieri potest, proxime accedant. Jucundissimum quippe est crassiorem illam caliginem, & tenebras quasi nocturnas sic excutere, depellereque ex animo, ut, nisi ipsummet veritatis jubar, quasi splendidissimum Solem, contueri nobis concedatur; at versari tamen quasi in auro-ra verisimilitudinis liceat; ac, nisi habeamus perspectas causas quæ penitus certæ indubieque sint, tales nanciscamur quæ habeant speciem aliquam probabilitatis.*

(58) *Neque dubitationis fines eo usque proferemus*] Id nonnulli faciunt hoc tempore, nimio contemplationis usu, tamquam immodico vini meracioris potu, extra se rapti. Eodem scilicet pacto afficiuntur quo stupidus ille olim, a Catullo ita derisus Carm. 17.

----- *sed velut alnus*

*In fossa Ligurî jacet supper nata securi,  
Tantumdem omnia sentiens quam si nulla sit usquam,  
Talis iste meus stupor nil videt, nihil audit.*

*Ipse quis sit, utrum sit, an non sit, id quoque nescit.*

(59) Terentius Andriæ Actu 1. Sc. 1. v. 34.



# JOANNIS ANTONII VULPII

PUBLICI PHILOSOPHIÆ PROFESSORIS,

O R A T I O

D E V A C U O,

*Habita in Gymnasio Patavino VI. Idus Novemb.*  
ANNO DOM. MDCCXXIX.



UUM in ea parte philosophiæ, Auditores humanissimi, quæ mundi hujus corporei naturam causasque speculatur, plurima occurrant cognitu æque ac explicatu difficilia, quæ præclarissimis hominum ingeniis dissolvere atque illustrare

nondum concessum fuit, neque in posterum fortasse concedetur: tanta est vel rerum ipsarum divinitas, vel mentis humanæ imbecillitas: tum præcipue quæstio illa perdifficilis & perobscura semper habita est, Utrum in universo corporeo sit aliquid Inane, sive omni corpore destitutum, necne. Quam sane quæstionem si quis penitus

expedire, & ad vivum refecare posset, is ad intelligendam corporis & motus naturam, quorum cognitione tota Physica continetur, simplicem ac directam viam aperiret. Verum, quod valde dolendum est, veteres & recentiores philosophi hac de re ita dissentiunt inter se, ut argumentis argumenta, experimentis experimenta opposcentes, omnem veri inveniendi spem fustulisse, hominesque non temerarios a pronuntianda sententia omnino deterruisse videantur. Quoniam tamen rei tam abditæ investigatio, ac tam diversarum opinionum expositio honestissimæ voluptati vobis, qui ad me audiendum convenistis, ut confido, futura est; nihil alienum ab instituto meo fecero, qui hoc anno videlicet eos Aristotelis libros explicaturus sim in quibus agitur de materia, & reliquis principiis corporum naturalium, si ea brevitate ac perspicuitate qua potero, de Inani seu Vacuo nonnulla dixerò, atque hinc potissimum, disputationum mearum, tamquam auspicato, initium sumsero. quod, Deo Optimo Maximo auctore atque adiutore, vobisque approbantibus, bonum, faustum, felix, fortunatumque sit.

Nemo negaverit, in mentibus hominum de Inani aliquam esse cogitationem (*ideam* recentiores appellare amant); sive ei cogitationi veritas respondeat, quod contendunt Epicurei; sive sit omnino ficta, & præjudicatæ opinioni tantum debeatur, cujusmodi multæ sunt quas a matribus & nutricibus infantes olim accepimus. id autem Cartesianis placet. Porro duplex est de Vacuo cogitatio: popularis una, philosophorum  
alte-



altera. Rudes & agrestes homines, qui visui plurimum deferunt, & iccirco nullum corpus esse arbitrantur quod in oculos non incurrat, *inane* vocant id omne quod rebus quas continere solebat, destitutum ac spoliatum est. Hoc populari loquendi modo utuntur & politiores, consuetudini obsecuti: non tamen idem sentiunt ac vulgus. Poetæ præsertim, qui populi suffragia venantur, ita loqui gaudent. Quamobrem Horatius in Arte Poetica (v. 230.) scriptorem quemdam tumidum ait, *nubes & inania captare*, quasi cælum inter ac terram nullum corpus contineatur; quum tamen spatium illud omne aëre quaquaversus diffuso plenum sit. Idem poeta *dolium Danaïdum* apud inferos, *inane lymphæ* appellat (Ode 11. lib. 3.); & Priscum quemdam equitem Romanum, qui sine annulo equestri sæpius in publicum prodibat, *læva inani notatum* ait (Sat. 7. lib. 2.) Romani enim (1) annulos læva manu gestabant. Eidem *inanis* homo (Sat. 2. lib. 2.) & *inanis venter* (Sat. 6. lib. 1.) pro jejuno usurpatur, & *Attollens vacuum plus nimio gloria verticem* (Ode 18. lib. 1.) pulchre describitur: leve nimirum caput, & cerebro, ut aiunt, imminuto. Plautus vero in Aulularia (actū 1. scena 2.) anum quamdam, avarissimi hominis Euclionis ancillam, ita loquentem inducit:

— — — *an ne quis ædes auferat?*

*Nam hic apud nos nihil est aliud quæsti furibus:*

*Ita inaniis sunt opplete, atque araneis.*

Sed, ut poetæ missos faciamus, popularem *Inanis* significationem sic explicat M. Tullius in libello

bello de Fato: *Quum vas inane dicimus, non ita loquimur ut Physici, quibus inane esse nihil placet: sed ita, ut, verbi causa, sine aqua, sine vino, sine oleo vas esse dicamus.* Utrum vero Physicis inane esse nihil placeat, quod ait Cicero, nec ne, fuus erit postea dispiciendi locus.

Ut hunc vulgi errorem Anaxagoras refelleret, putantis videlicet, (2) aërem, quod sensu oculorum minus percipiatur, nullum esse corpus: & locum solo aëre plenum omnino vacuum esse; ostendendum suscepit (teste Aristotele lib. 4. Physicorum cap. 8.) aërem in corporibus numerari, adeoque locum in quo nihil sit nisi aër, non esse inanem. Id porro efficere conatus est Anaxagoras argumento primum ex utribus inflatis petito. (3) Utres enim aëre distenti sustinent pondera: sunt igitur pleni corpore, & valido quidem: aliter enim ponderibus sustinendis pares non essent. Utres autem inflati solo aëre pleni sunt. Aër igitur corpus est, ac validum quidem. Hoc autem Anaxagoræ argumento, aëris pondus, & vis contrahendi se in plagam, deinde rursus expandendi, quam vim, *elasticam* recentiores vocant, non obscure adumbrata videntur. Alterum argumentum eidem conclusioni stabiliendæ præbebant Anaxagoræ, fistulæ seu siphones, quibus attracto aëre, attrahitur & aqua. Aër igitur, agebat, corpus est aliquod: nam si nullum corpus esset, neque ipse attrahi posset, neque aqua, tota longitudine fistulæ ab ore attrahentis remota. Quæ scilicet ideo per fistulam ascendit, quod proxime contingat corpus aliquod fistula contentum,  
nem-

nempe aërem ipsum. Haëtenus de populari *Vacui* significatione dictum esto.

Philosophi contra, quorum est omnia subtilius rimari, (4) & vera nomina rebus imponere, *Vacui* appellatione significare volunt locum omni corpore carentem, qui tamen locus sit *δεκτικὸς τῷ σώματι*, puta qui sinu suo possit suscipere corpus, eoque repleri. Quum igitur philosophi Vacuum animo concipiant tamquam locum corpore carentem, & ad id excipiendum idoneum, vel saltem ut corporis absentiam: eaque sit cogitatio quam habent quum de Vacuo disputant; errare propterea videntur, rebusque manifestis adversari, qui statuunt, Vacuum nihil omnino esse. Profecto enim locus corporis, vel absentia corporis, est aliquid ab ipso corpore distinguendum: quodcumque tandem illud sit. Neque enim satis est ad omnem de Vacuo cogitationem, tamquam futilem & ineptam, jure ac merito repudiandam, si dicamus, neque Vacuum sensu attingi, neque ullam ejus imaginem animo formari aut concipi posse: multa enim sunt in rerum natura quæ nullo corporearum imaginum subsidio probe intelligimus. Nam neque tenebras cernere nobis licet, quæ nihil aliud sunt quam privatio & absentia lucis: & tamen, tenebræ quid sint, recte admodum percipimus, easque a luce inter-noscimus: neque silentium audimus, quod est vocis & soni defectus, neque ullam imaginem silentii animo adumbratam contemplamur: ex ipso tamen sono satis intelligimus, quæ sit ratio & quasi natura silentii: rursus ex alterno silentio  
magis



magis animadvertimus naturam soni; quod monet Aristoteles libro 2. de Cælo cap. 9. Ita & Vacui nullam imaginem cogitando effingere possumus; nihilo tamen minus, mentis acie, quid sit Vacuum, seu corporis privatio & absentia, facile cognoscimus.

Themistius porro, luculentus Aristotelis interpres, in Commentario ad lib. 4. αὐτὸ τὸ φυσικὸς ἀπορίασις, exponens veterum philosophorum sententias, qui Vacuum esse in natura, summa ope contendebant, ait, iis quibus placet, locum nihil aliud esse quam διάστημα, sive intervallum ac spatium, locum & Vacuum nomine discrepare, vi & re ipsa consentire, atque idem esse. eandem enim distantiam & spatium, corpore occupatum, locum esse: corpore destitutum, Inane. Hujusmodi porro Inane, si Themistium audimus, vel universo permixtum est, idque continuum esse prohibet; vel si cælum & mundus continua sint, & arcto materiæ nexu stipata, ipsum extra manet, ambituque suo universum continet atque complectitur. Triplex igitur Vacuum a philosophis memoratur: χωρὶς ὄν unum, sive *separatum*, nimirum, amplum illud & immensum spatium, (5) cujusmodi extra mundi oras porrigi atque diffundi, quilibet sibi fingere solet: διασπαρμύλλον, seu *diffeminatum*, alterum; scilicet exigua quædam intervalla sine corpore, quæ singula corpora discernant, eorumque partibus interponantur: tertium, *coacervatum*, quod ἀθρόον, vel σπυρθησπύλλον Græci appellant. id vero concipitur quasi modicum quoddam spatium, ex pluribus minoribus

bus existens, unde omnes corporeæ particulæ penitus depulsæ fuerint. Virgilius primum illud Vacuum, ab hoc mundo quem incolimus abjunctum & segregatum, (6) *magnum Inane* vocavit Ecloga 6.

*Namque canebat, uti magnum per Inane coacta  
Semina terrarumque, animæque, marisque fuissent,*

*Et liquidi simul ignis: ut his exordia primis  
Omnia, & ipse tener mundi concreverit orbis.*

Sunt qui existiment, immensum hoc Inane, quod unicuique cæli extima consideranti statim occurrat, (7) Chaos illud esse celebratum a poetis, de quo ita Hesiodus in Theogonia (v. 116.) *πρώτισα Χάος ἦν*: *primum omnium Chaos fuit.* Sed fortasse Chaos poetarum carminibus nobilitatum, non fuit spatium quod omni corpore prorsus destitueretur, sed potius materia, cujuslibet formæ ornamento carens, ut Platonici opinati sunt; qui locum materiam esse voluerunt, in qua scilicet formæ, tamquam in vestigio & solo, collocarentur: teste Aristotele lib. 4. Physicorum cap. 9. Porro eadem fere significatione qua Platonici Vacuum accipiebant, vulgatus Divinorum Librorum interpres, Geneseos cap. 1. *terram* appellat *inanem & vacuam*, antequam scilicet aër ipsi circumfusus, die ac nocte distingueretur, eaque ornaretur a Deo, variasque rerum formas acciperet. Septuaginta, eo loco ita legunt: ἡ δὲ γῆ ἦν ἀόρατος, ἡ ἀκατασκεύαστος. h. e. *invisibilis & incondita*, sive *inornata* aut *incomposita*.

De tribus hisce Vacui modis mire differentes  
philo-

philosophorum opiniones monumentis litterarum traditæ sunt. Stoici enim, auctore Zenone, statuebant, εὐτὸς τῷ κόσμῳ ἑδρὴν εἶναι κενόν, ἐκτὸς δὲ ἄπειρον: *intra mundum nihil esse Inane, extra mundum vero id infinitum esse*. Vacuum itaque coacervatum & disseminatum ex natura tollebant, (8) separatum relinquebant. Quam opinionem Stoici a vetustissimis quibusdam philosophis acceperant; quorum meminit Aristoteles lib. 4. Physicorum cap. 8. Pythagoræi separatum Inane posuerunt quidem, id tamen cum subtili quodam corpore confudisse videntur. docebant enim, spiritum tenuissimum extra cæli oras undique diffusum esse, qui nullis finibus contineretur: eum vero per quædam spiracula, sive euripos, tamquam aërem a pulmonibus animalium, ab ipso cælo assidue in universum duci: eoque singulorum rerum naturas distingui ac separari. Leucippus vero, Democritus, Epicurus, eumque secutus Lucretius, non solum immensum illud Inane ultra cæli ambitum esse voluerunt, in quo innumerabiles mundi, præter hunc nostrum, & orirentur & interirent: in quo atomorum concilia & dissidia fierent; verum etiam pro disseminato Inani, tamquam pro aris & focis, acerrime propugnarunt: cujus tantæ contentionis causas paulo post persequemur. Tandem, Hero, celeberrimus Mathematicus, Prologo in Spiritalia, pluribus docet, esse in corporibus disseminatum Inane, κατὰ φύσιν, h. e. *secundum naturam*; neque negat, coacervatum esse posse, immo id aliquando contingere ostendit, πρὸς φύσιν, id est *præter naturæ*



*tura ordinem*, & vi quadam cogente.

Videamus interea, quod initio polliciti sumus, Utrum Inane in rebus esse possit, nec ne. Perne-  
gant Peripatetici, & Cartesiani: ajunt Epicurei, Gassendus, & Angli nonnulli, viri doctissimi, hoc nostro tempore florentes. Vulgares Peripatetici, magistri sui Aristotelis doctrinam plus æquo admira-  
ti, nescio quem Inanis horrorem, si diis placet, in naturam inducunt: eoque fieri dicunt, quominus (9) aqua in clepsydris contenta, vel in vasculis ad hortos irrigandos comparatis, quum ea plena fuerint, foramine superiori accurate occluso, per inferiores meatus apertos exire possit. Quum enim aër externus ingressu prohibitus, in locum aquæ effluentis succedere nequeat; ideo si aqua inferius erumperet, Spatium Inane in vasculo relinqueretur. Ajunt itaque, naturam gravissimum hoc malum declinare studentem, aquam in vase, quamvis apertis foraminibus, sustinere. Cujus quidem rei falsam causam afferunt: præter quam enim quod, horrorem Vacui brutis corporibus tribuendo, res anima & sensu carentes, affectionibus quas in se ipsi experiuntur, contaminare non verentur, (10) ut Lucretianum loquendi modum adhibeam: neque fieri potest ut si Vacuum nihil omnino sit, quod iidem contendunt, natura id quod nusquam est, tantopere reformidet; (11)

*Nam sine re nomen Vacuum est, frustra que timetur;*  
hæc omnia quæ ob Vacui horrorem fieri, vulgo dicuntur, recentiores philosophi, magno Torricellio duce, ponderi, pressui, pulsui, &  
vi re-

vi resistendi circumstantis aëris accepta rectius ferunt. Hæc autem singula nos diligentius persequi atque explicare, temporis nobis ad dicendum præfiniti angustia non patiuntur. Ceterum docet Aristoteles Metaphysicorum lib. 9. cap. 7. id quod plenum est, exinaniri quidem posse, numquam tamen contingere ut re ipsa vacuum fiat; sic enim uno corpore spoliatur, ut nulla interposita mora, altero in prioris locum succedente impleatur. Quemadmodum continuum dicitur infinite dividi posse, non quod aut fuerint umquam, aut futuræ sint infinitæ partes continui reapse divisæ; verum quod illud semper dividi possit in partes plures & plures, absque ullo fine divisionis.

Jam quid Cartesiani, genus philosophorum pervicax, & suorum decretorum valde retinens, de Vacuo sentiant, consideremus. Hi quidem, Vacuum non esse, neque omnino esse posse in natura, constantissime defendunt. Nullum enim agnoscunt spatium, nullam rem magnitudine præditam, sive, ut ipsi loquuntur, *extensam*, quæ corporea non sint. Hæc autem conclusio ita Cartesianis firma, certa, atque explorata est, ut docere non dubitent, ne divina quidem virtute fieri posse, ut inter duo corpora Spatium Inane relinquatur: non minus enim rectæ rationi adversari vacuum magnitudinem, quam circulum quadratum, vel montem sine valle.

Verum (pace illorum dixerim) quum spatii cogitationem a corporis cogitatione longe diversam homines habeant, vel saltem habere se existiment, iccirco in bonæ methodi leges peccare videntur.

dentur qui corporis naturam, sive *σείαν*, in aliqua ejus proprietate collocant quæ utrum soli corpori conveniat, an alii quoque rei, non omnino certum est. At, inquiunt, corporis natura in alia nulla ejus proprietate consistere potest nisi in magnitudine, sive *extensione*. neque enim aut durities, aut pondus, aut figura, aut color, aut sapor, aut ulla sensibilis qualitas, ejus naturam constituere potest. Hæc enim omnia possunt in corpore mutari, & ab eo saltem cogitatione amoveri, ipso incolumi permanente: si vero tollatur a corpore magnitudo, sive *extensio*, statim peribit natura corporis. Esto, ut lubet: demus ultro, a sensilibus qualitatibus non absolvi corporis naturam: *extensionem*, contra, esse proprietatem corporis necessariam. Quid tum? quomodo ostendent Cartesiani, id quod rei alicujus ita proprium est, ut sit necessarium, diversis rerum generibus convenire non posse? Num, quæso, necesse est, ut res omnes quæ aliquid simile continent, eadem prorsus natura sint? Si verum hoc fuerit, nulla jam erit rerum distinctio, nulla varietas. Quamquam igitur & corpori & Spatio, tamquam necessaria proprietas, magnitudo tribuitur, sunt tamen corpus & Spatium res omnino diversæ: neutri enim desunt proprietates aliæ necessariae, ita uni convenientes, ut alteri convenire non possint, quibus ea satis inter se distinguantur, & separentur.

Rectius igitur, & rationi magis convenienter, mea quidem sententia, Keillius, & alii Newtoniani, (12) corporis naturam in soliditate sitam

Q

esse,



esse, contendunt: quæ proprietas a scholasticis hominibus *impenetrabilitas* dici consuevit. Est autem soliditas in corpore id per quod corpus aliis omnibus corporibus circumquaque prementibus resistit, & quamdiu aliquem occupat locum, alia corpora omnia, quantacumque vi ab ipsis urgeatur, illuc intrare prohibet. Animadvertere autem vos velim, studiosi adolescentes, non hic eam soliditatem a me intelligi cujus ope duriora & sicciora corpora a fluxis & mollibus discernuntur: quæ *solida* iccirco a medicis in homine appellantur. soliditas enim de qua loquor, omnibus corporibus inest, sive ea fluxa sint & labilia, sive firma & stabilia: sive mollia, sive dura: seu ægre admodum, seu nullo negotio moveantur: seu parum, seu multum ponderis habeant. Præter soliditatem porro, corpori convenit mobilitas, qua pariter proprietate satis ab Inani distinguitur. Corpus enim ab eo loco in quo situm est, alterius impulsu dimoveri potest, & alia atque alia deinceps loca occupare. Partes item corporis disjungi ac separari possunt, & in diversis locis poni, ita ut intervallis etiam longissimis inter se distent.

Spatium, contra, mentē concipimus tamquam illud in quo corpus omne locetur, & suam quodammodo regionem habeat: quod omnino penetrari a corpore possit, neque tamen ab illo tangatur: quod omnia corpora in se recipiat, neque ullius fugiat ingressum: quod neque moveri, neque agere, neque obsistere, neque ullam formam, vel figuram, vel qualitatem suscipere possit: cu-  
jus

jus partes disjungi nulla vi queant, sed ipsum immobile permanens, mobilium successionem excipiat, motuum velocitatem determinet, rerumque distantias metiatur. Harum autem proprietatum Inani convenientium nonnullas memoravit etiam Cleomedes, geometres ac philosophus præstantissimus, Meteororum libro 1. cap. 1. Videntis, aut ego fallor, Auditores, hæc tam discrepantia & inter se pugnantia, nimirum quæ corporis & Spatii propria sunt, eidem rei convenire nullo modo posse: ac propterea Spatium rem a corpore diversam omnino haberi oportere.

Ceterum, quod adjiciunt Cartesiani, neque divina virtute effici posse, ut Spatium Inane inter duo, vel plura corpora relinquatur; id vero temerarium est: Dei enim potentiæ ex hominis arbitrio modum imponit, eamque angustis nimium finibus circumscribit. Nonne Deus, omnia, quæ ex nihilo creavit, potest, si in animum induxerit, rursus ad nihilum revocare? Sit igitur vas quodlibet solo aëre oppletum: aërem qui vas se continetur, Deus tollat, atque in nihilum redigat, tum aliud corpus omne in ejus locum ingredi prohibeat: nonne continuo Spatium existet omni corpore Vacuum? Respondent Cartesiani, si hoc ponamus, necessario fore ut vasis latera corruant, & se se mutuo contingant. Sed hac responsione, (13) sua ipsi vineta cædunt: statuunt enim, nullum corpus a se ipso moveri. Quum igitur ponamus, nullum corpus esse quod vasis latera extrinsecus comprimat, & ad se invicem accedere cogat, nullus propterea consequetur

tur eorum accessus. Neque est cur postremo confugiant ad aërem exteriorem, vasi undique incumbentem, ejusque latera prementem. Pressus enim aëris est vis quædam finita: ejusmodi autem potest esse vasis firmitas, quæ hunc pressum tolerare possit: adeoque vasi sua figura constabit, neque id ullo pacto diffringetur. Nonne etiam Deus plures globos perfecte rotundos creare posset, uno tantum puncto se se contingentes, quæ est natura corporum perfecte rotundorum? Hi certe globi simul conjuncti Inane Spatium necessario exciperent. Aliis argumentis, & pulcherrimis quidem, e Geometriæ fonte derivatis, utitur Keillius, a me paullo ante laudatus, Introductionis ad veram Physicam Acroasi secunda, ut ostendat, Spatium esse posse nullis corporibus occupatum, saltem divina virtute: quem auctorem, harum rerum studiosi consulent. Jam enim alteram quæstionem e tribus propositis breviter explicare aggredior: Utrum videlicet reipsa Inane sit in universo, nec ne.

Leucippus, Democritus, atque Epicurus, eorumque sectatores, affirmare non dubitant, (14) Vacuum in rebus esse. Nolim autem, Auditoribus meis fucum facere id quod tradit Aristoteles lib. 1. Physicorum cap. 6. Democritum scilicet, solidum, sive plenum, sive corpus, sive atomos, τὸ ὄντιον, *entis* nimirum nomine donavisse; Inane, contra, μὴ ὄν, *non ens* appellare voluisse. Illud enim ita vocavit, non quod nihil omnino esse existimaret, (15) sed quod esset aliquod *non ens*, ipsi *enti*, sive corpori, oppositum. Quis enim ce-

tero-



teroquin ignorat, a summo illo philosopho, Leucippi doctrinam secuto, prima rerum omnium principia statuta fuisse Atomos & Inane? quæ duo tantummodo vere ac proprie essent in natura, &, ut ipsius vocabulo utar, *ἐτεῖν*; quum reliqua omnia, puta composita corpora, esse vellet solum *νόμος*, id est *lege* quadam, vel *opinione*: ea enim a iudicio sensuum ita pendere, docebat, ut ab iis precariam quasi naturam sortirentur. Porro Democritus ideo Atomos *ens*, Inane *non ens* vocavisse videtur, quod consuetudo fuisset veterum philosophorum ferme omnium, ut materiam solam *entis* & *substantiæ* nomine insignirent. Tribus vero argumentis Leucippus, Democritus, atque Epicurus, ostendebant, Vacuum in rebus esse. Primum erat huiusmodi. Si motus est, Vacuum est. Est autem motus. Est igitur Vacuum. Propositionem ita probabant. (16) Corporis officium esse scimus obistere, impedire, ac transitum rebus negare. Si omnia igitur in universo corporibus conferta & stipata fuerint, nullo interposito Inani, quomodo corpus ullum moveri poterit? Sane, ut corpus aliquod moveatur, necesse est, alia corpora ipsi proxima de via quasi decedere, ac locum dare. Quo pacto autem locum dabunt, si & ipsa finitimis corporibus impediuntur, quominus recedere possint? Corpus igitur quietis causa aliis corporibus esse videtur: Inane, contra, motus. Quod piscium exemplo illustrat Lucretius (lib. 1. vers. 371. & seqq.) Sunt qui fingant, ait, piscibus in aqua nitentibus, & ulterius pergentibus, ideo cedere undas, (17) viam-

que efficere, quod retro loca quædam relinquunt pisces, quo undæ ad latera cedentes demum confluerere possint. Hoc ipse commentum ita exhibilat:

*Scilicet id falsa totum ratione receptum est.*

*Nam quo squamigeri poterunt procedere tandem,*

*Ni spatium dederint latices? concedere porro*

*Quo poterunt undæ, quum pisces ire nequibunt?*

*Aut igitur motu privandum est corpora quæque,*

*Aut esse admixtum dicendum est rebus Inane:*

*Unde initum primum capiat res quæque movendi.*

Motum porro esse, memorati philosophi non argumentis quidem, at solo sensuum testimonio abunde liquere existimabant: quo primam rerum fidem fundatam esse, iisdem placebat. Nimirum Zenonis Eleatæ, Parmenidis item atque Melissi frigidas argutias, & contortas conclusiunculas floccifaciebant, qui nimio philosophandi studio ad insaniam pæne redacti, eo vires ingenii contulerant, ut motum omnem ex natura tollerent, atque omnia esse unum, ostenderent, idque æternum atque immutabile. (18) Eadem enim propositione usi Parmenides ac Melissus, qua Leucippus, Democritus, atque Epicurus: Si motus est, Vacuum est: id deinde sumebant: Non est autem Vacuum: ex quo colligebant, non esse motum. Utrique tamen eo consentiebant, quod existimarent, motum sine Vacuo esse non posse. Quemadmodum vero esse motum, sensu percipimus, tametsi difficillimum sit motus naturam penitus cognoscere atque explicare: ita Democritus, & reliqui Democriti placita probantes, contendebant, rationem testari Vacuum esse, quam-

vis

vis non diffiterentur, philosophos vix explicare posse, in quo Vacui natura consistat.

Porro, quum eodem sensuum testimonio multitudinem rerum in universo deprehenderent, propterea censebant, res a rebus interjecto Inani distingui, alioqui unum & idem futuras. Docebant etiam, Id quod sit vere unum, plura effici non posse; adeoque nullum Inane ab eo contineri: Inane enim interjectum divisionis rerum causam esse. Hac vera *unitate* solam atomum præditam esse, jactabant: quod nulla res, nisi atomus, Vacui ac divisionis expertus, tum solida esset atque immortalis. Cetera corpora ex atomis composita, *unitate* spoliabant: quum scilicet Inane contineant, & in partes tribui possint; nimirum in atomos tandem ipsas.

Alterum argumentum quo Leucippus, Democritus, atque Epicurus Vacui necessitatem in rebus ostendere conabantur, petatum ex eo erat, quod videamus, eadem sæpe corpora dilatari ac rarefieri, rursus vero contrahi & coangulari, ita ut majori & minori spatio subinde contineantur. Id autem, si hos philosophos audias, evenire nullo modo posset nisi corporibus Inane admixtum esset. Quum enim corpora se contrahunt, quo tandem illorum partes confugiant ac recedant, nisi spatia sint exigua, hic illic disseminata, omnique corpore vacantia, quibus, tamquam parvis vaginis, partes corporum recedentes excipiantur? Quumque jam contracta fuerint, minoremque locum occupaverint, sed idem tamen pondus habere deprehenduntur quod ante contractionem



nem obtinebant; nonne manifesto declarant, se jam Vacui minus quam antea, comprehendere? Eodem pacto quum explicantur, attenuantur, & in majorem speciem augentur, nullo tamen pondere addito, & eadem materiæ quantitate permanente; nonne locus præsto esse debet vacans corpore, quem rarefacta & dilatata rursus occupare incipiant?

Postremum argumentum conclusioni suæ stabilendæ iidem philosophi ab animalium & plantarum alimento atque incremento petebant. (19) Animalia enim ac plantæ, ut ipsis quidem videbatur, nutriri, crescere, & ad justum magnitudinis modum pervenire nullo pacto possent si omnia in eorum corporibus plena & conferta essent. Nam neque viæ ullæ paterent per quas alimentum ad venas deferretur: neque corpus refici atque impleri postularet si nihil hiulcum & inane in eo inveniretur.

Quid porro ad hæc argumenta Aristoteles, accerrimus ille, ut novistis, Vacui inimicus? Vir maximus, qua est confidentia, animique fortitudine, facile admodum, si non rationum momentis, at ipsa auctoritate & supercilio singula evertit. Contendit enim primo, si Vacuum e natura tollatur, non omnem continuo motum sublatum iri: sed fore ut relinquatur saltem is motus quem vocant ἀλλοιώσεως, sive *alterationis*: posse enim & plenum immutari, puta calefieri ac frigescere. Quando tamen corpora immutantur, & diversas qualitates deinceps accipiunt; utrum id contingat aliorum corporum adventu aut discessu,

su, vel saltem particularum ejusdem corporis quod immutatur, trajectione, ita ut nulla fiat ἀλλοίωσις sine motu quem *localem* appellant; nec ne; viderit Aristoteles, ac tota cum illo Peripateticorum schola.

Deinde ostendere conatur, posse corpora quælibet absque ope Inanis dilatari & coangustari, seu densa & rara fieri. Id enim docet ab aëre proficisci, vel alio corpore incluso. aër enim, ait Aristoteles, vel aliud simile corpus, quum res contrahuntur, exprimitur: quum explicantur, rursus ingreditur. Sed & motum *localem* sine Vacuo existere posse, ita ostendit Aristoteles. Potest, inquit, unum corpus alterius locum subire, si alterum illud loco cedat: quemadmodum quum lapis aquam, verbi causa, ingreditur, aqua continuo cedit: aquæ vero proximæ cedit alia aqua, & ita deinceps. Hinc fluctus illi ac vortices quos in aqua & aliis corporibus humidis, quum ea dividuntur, animadvertere licet. Sed (bona cum tanti philosophi venia loquar) nemo rusticorum id nescit, corpora scilicet corporibus in motu cedere. opinor, id explicandum erat, quomodo corpora, nullo interjecto Inani, cedere aliis possint. De hoc vero altum apud Aristotelem silentium. Hoc tamen opus, hic labor.

Præterea, quod intelligi vix potest, eam Aristoteles communi rerum materiæ facultatem tribuit, ut quum *actu* nihil sit, potestate omnia; ideo varias deinceps formas induere possit, & sine alterius adminiculo plurima efficere quæ admirabilia videantur: puta ex frigida calida, ex cali-

calida calidior; ex parva magna, ex magna iterum parva, ex tenuiori crassior, ex crassiori tenuior fieri. Quæ responsio, perplexa nimis & obscura, utrum veterum philosophorum pro Inani argumenta dissolvat, quæ invicta olim, & ἀδιάρυτα censebantur, doctioribus atque acutioribus dijudicandum relinquo.

Rationi demum ab animalium plantarumque alimento petitæ, tribus verbis occurrit Aristoteles. Ait enim, posse corpora augeri nullo alio corpore recipiendo, sed sola mutatione: quemadmodum quum aqua mutatur in aërem, crescit, & spatium majus incipit occupare. Hæc tamen doctrina, ut videtis, pari obscuritatis vitio laborat atque aliæ quas adhuc memoravimus.

Illud palmare superesset quod ad Vacuum e natura exterminandum affert Aristoteles, de mobilium scilicet velocitate, comparata cum vi resistendi *mediorum*, ut appellant: in qua quidem re, sollertissimo Galilæo teste in *Systemate Cosmico*, falsa multa pro certis atque exploratis philosophus noster posuit: id tamen lubens omitto, ne vobis longiori oratione molestior sim.

Ceterum Democriti atque Epicuri sententiam de Inani corporibus admixto, Petrus Gassendus, vir ingenio doctrinaque præstantissimus, & πολλῶν ἀντιᾶξιν ἄλλων, non solum probavit, verum etiam longius provexit, quum suspicatus est, imensa illa cæli spatia per quæ stellæ inerrantes, & vagæ conversiones suas absolvunt, materiæ omnīs expertia esse, vacua, & immobilia. Suspicionem Gassendi postea confirmavit celeberrimus

Newton



Newtonus. de quorum opinionibus memini me copiosius locutum in *Oratione de Cæli Natura & Substantia*, quæ non ita pridem edita est. *Lunam & stellas volitare per inania mundi*, cecinerat Manilius (lib. i. *Astronomicon* versu 200.), non sane quod intervalla illa cælestia omni corpore destituta esse, putaverit; sed more poëtarum, qui tenuissimum ætherem, & aërem ipsum interdum, *inanem* appellare amant, ut sermonis initio monuimus.

Hic aliquis fortasse ex me scire cupiat, si Vacuum sit, vel saltem esse possit in universo, quo mea propendere sententia videatur; quænam tandem sit Vacui natura. Num illud est aliquid re ipsa porrectum, veraque dimensione præditum: an sola corporis privatio & absentia? Quod si sit *actu*, orieturne ejus magnitudo tantummodo ex *relatione* ad corpora quæ ipso continentur, aut contineri possunt, nihilque aliud erit quam capacitas mera; & ad eandem rerum classem pertinebit ad quam spectant mobilitas & vicinitas? Utrum id creatum, an æternum; finitum, an infinitum est? His vero tot tantisque explicandis imparem esse me, fateor; præsertim quum summorum virorum, Aristotelis, Cartesii, Gassendi, Newtoni, hac de re contentiones & dissidia mecum reputo. id unum ajo, Vacuum, sive Inane, quamdiu nullo corpore occupatur, concipi oportere tamquam Spatium corpore carens, quod tamen eo impleri possit: quum vero corpus excepit, esse jam regionem ac locum corporis, & interiorem quidem. Longe enim absum ab Aristote-

stotelis opinione, qui locum exteriorum solum agnoscit, illumque nihil aliud esse censet quam superficiem cavam corporis proxime ambientis; adeoque docet, ultimum cælum in loco non esse, quod nimirum extra illud nullum corpus inveniat. Ceteras quæstiones, qui potest, expediat, (20) *Et erit mihi magnus Apollo.*

Eorum tamen philosophorum sententiam verisimillimam judico qui Vacuum, materiæ cujuslibet ab aliquo loco absentiam, vel privationem esse, docent: sive illam extra rerum universitatem, sive inter corpora quæ hac universitate continentur, vel inter ipsorum partes animo fingamus. Quod si dixerint Peripatetici, & Cartesiani, hujusmodi absentiam nihil omnino esse, quemadmodum & silentium, & tenebræ, & vitium, & miseria, & (21) reliquæ privationes nihil sint, id lubens concessero: dummodo ipsi contra fateantur, eam ab hominibus concipi tamquam rem aliquam, corpori & materiæ oppositam: quod mentis nostræ imbecillitati tribuendum est. Consueverunt enim homines non solum rerum quæ sunt, neque cogitatione nostra indigent ut sint, verum etiam privationum defectionumque multarum & naturas fingere, & nomina usurpare. Hæc tamen pudens & ingenua concessio philosophis illis nihil prodest qui quum Deum Optimum Maximum omnis materiæ conditorem agnoscant, omnia corporum plena esse, neque ullum relinqui Spatium posse corpore Vacuum, affirmant. Qui enim ita sentiunt, eorum erroris videntur affines qui libertatem Deo adimenes, ajebant, eum ab  
omni

omni æternitate res condidisse, ne scilicet ullo tempore creata corpora defuerint; vel ab eo nullis finibus mundum circumscribi potuisse, ne scilicet locus ullus relinqueretur vacans corpore: quorum utrumque quum falsum est, tum a Divina Majestate longissime abhorret. Fuit igitur tempus, aut certe æternitas aliqua, quum corpora nulla essent: sunt certi rerum universitatis fines, extra quos Deus, si inducat in animum, nullo negotio res novas creare potest: nihil etiam vetat, duo esse vel plura corpora in universo, quæ, nullo alio corpore medio, inter se distent. Si quis ita de Inani opinatur,

(22) *Et sapit, & mecum facit, & Jove judicat æquo.*





# A N N O T A T I O N E S

## I N S U P E R I O R E M

### O R A T I O N E M.

(1) *annulos leva manu gestabant* ] Id testatur præter alios Silius Italicus lib. 8. Belli Punici versu 677. ubi de annulis aureis cæsorū equitū Romanorū, quos post Cannensem cladem Pœni victores modio metiebantur.

*Congesto, levæ quodcumque avellitur, auro  
Metitur Latias victrix Carthago ruinas.*

(2) *aërem . . . . . nullum esse corpus* ] Huic vulgi opinioni blanditus Valerius Flaccus Argonauticon lib. 1. vers. 421. *ventos appellavit vacuos:*

-- -- -- -- *saltem in vacuos ut brachia ventos*

*Spargat* -- -- -- -- --

(3) *Utres enim aëre distenti sustinent pondera* ] Huc pertinet quod narrat Ælius Lampridius de Antonio Heliogabalo, bipedum nequissimo, in ejus Vita cap. 25. *Multis vilioribus amicis, inquit, folles pro accubitis sternebat, eosque reflabat prandentibus illis, ita ut plerumque subito sub mensis invenirentur prandentes. Primus denique invenit sigma in terra sternere, non in lectulis, ut a pedibus utres per pueros ad reflandum spiritum solverentur. Ad quem locum Lampridii hæc scribit Casaubonus: Fit hodieque & nos vidimus in Helvetia, ut pulvilli qui sedentibus subjiciuntur, non tomento aut pluma inferciantur, sed vento inflentur: qui si non distenduntur nimis, mollissimam sessionem præbent.*

(4) ☉

(4) & vera nomina rebus imponere] Hoc summo jure philosophi utuntur, ut non solum antiquis vocabulis novas affingant significationes, verum etiam, si res aliqua obscura & explicatu difficilis utilitatis & vulgo receptis nominibus satis commode significari nequeat, ad nova & inaudita confugiant. Male enim omnino ageretur cum universa philosophia si cogitationes hominum acutissimorum de rebus plerumque sublimibus, & a vulgarium hominum cognitione longe remotis, nonnisi trito sermone communibusque vocabulis declarari possent. Immo, non erraverit, si quis affirmet, linguas in dies augeri & locupletari ab ingeniis philosophorum, qui quum res mente volvant atque percipiant de quibus popellus ne suspicatur quidem, necesse habent ea verba sæpius adhibere quæ civium auribus incognita sunt. Vide Christiani, Wolfii Logicæ partem 1. sect. 2. cap. 4. §. 165. Quapropter Lucretius lib. 1. de Rerum Natura vers. 137. ita sapienter cecinit:

*Nec me animi fallit, Grajorum obscura reperta*

*Difficile illustrare Latinis versibus esse*

*(Multa novis verbis præsertim quum sit agendum)*

*Propter egestatem lingue & rerum novitatem.*

Neque injuria Horatius querebatur, a morosis quibusdam severisque censoribus novorum vocabulorum usum sibi invideri: qui scilicet maluissent, scriptorem quemlibet fines majorum non egredi, & antiqua tantum verba frequentare.

-- ego (inquit in Arte Poet. vers. 55.) *cur adquirere pauca,*

*Si possum, invideor? quum lingua Catonis & Enni*

*Sermonem patrium ditaverit, & nova rerum*

*Nomina protulerit. licuit, semperque licebit*

*Signatum præsentem nota procudere nomen.*

Verum in hanc rem memoratu dignissimus est locus

locus ex libro primo Academicarum Quæstionum M. Tullii ad M. Varronem: *Qualitates igitur, inquit, appellavi quas ποῶντες Græci vocant: quod ipsum apud Græcos non est vulgi verbum, sed philosophorum; atque id in multis. Dialecticorum quoque verba nulla sunt publica: suis utuntur. Et id quidem commune omnium fere est artium. aut enim nova sunt rerum novarum facienda nomina, aut ex aliis transferenda. Quod si Græci faciunt, qui in iis rebus tot jam sæcula versantur, quanto id magis nobis concedendum est, qui hæc nunc primum tractare conamur? Tu vero, inquam, Varro, bene etiam meriturus mihi videris de tuis civibus si eos non modo copia rerum auxeris, sed etiam verborum. Idem lib. 3. de Finibus: Dialectici & Physici verbis utuntur iis quæ ipsi Græciæ nota non sunt. Geometræ vero, Musici, Grammatici etiam more quodam loquuntur suo. item ipsæ Rhetorum artes, quæ sunt totæ forenses atque populares, verbis tamen in docendo quasi privatis utuntur, ac suis. Atque ut omittam has artes elegantes & ingenuas, ne opifices quidem tueri sua artificia possent nisi vocabulis uterentur nobis incognitis, usitatis sibi. -- -- -- -- Quo magis hoc philosopho faciendum est: ars est enim philosophia vitæ: de qua differens arripere verba de foro non potest. quamquam ex omnibus philosophis Stoici plurima nominaverunt. Zeno quoque eorum princeps, non tam rerum inventor fuit quam novorum verborum. Hactenus Cicero. Quorum sapientissimorum virorum auctoritati addenda est auctoritas Aristotelis, qui in libro κατηγοριῶν, capite de his quæ dicuntur ad aliquid, sive de relatione, ait, necessarium aliquando esse homini philosopho ὀνομαστικῶν, i. e. nomina fingere, quum scilicet nulla sunt nomina usitata quæ relationes quasdam recte exprimant. Quapropter doctissimi quique homines, bona cum venia pædagogorum, si res ipsa postulare videatur,*

a no-



a novis vocabulis usurpandis nequaquam abstinent. Satis mihi erit Dionysii Petavii, summi Theologi, & πολυμαθῆς ἄνθρωπος testimonium afferre, qui libro 3. de Deo Deique proprietatibus cap. 10. num. 4. quum vertisset illa verba D. Dionysii quæ leguntur capite 1. de Divinis Nominibus: τὸν αὐτὸν, ἐγκόσμιον, περικόσμιον, ὑπερκόσμιον, ὑπερπράνιον: eundem immundanum, circummundanum, supermundanum, supercaelestem; ita scribit: *Licebit enim Dionysii imitatione, nova, minusque Latina, sed necessaria, comminisci vocabula.* Verum hæc παρεκβατικῶς dicta sunt.

(5) *cujusmodi extra mundi oras porrigi atque diffundi, quilibet sibi fingere solet*] D. Augustinus lib. 11. de Civitate Dei cap. 5. quum eorum philosophorum errorem confutandum suscepisset qui mundum in tempore a Deo fieri non potuisse, ajebant; ne scilicet videretur Deus consilium & voluntatem subito mutavisse; urget illos exemplo spatii, seu loci, extra universum infinite diffusi, quem tamen locum Deus occupare non debuerit mundis innumerabilibus, aut unico quidem universo, sed nullis finibus circumscripto. *Nam si, inquit sanctus Doctor, infinita spatia temporis ante mundum cogitant, in quibus eis non videtur Deus ab opere cessare potuisse, similiter cogitent extra mundum infinita spatia locorum, in quibus si quisquam dicat non potuisse vacare omnipotentem, nonne consequens erit, ut innumerabiles mundos cum Epicuro somniare cogantur; ea tantum differentia, quod ille fortuitis motibus atomorum gigni asserit, & resolvi, isti autem opere Dei factos dicturi sunt, si eum per interminabilem immensitatem locorum extra mundum circumquaque patentium vacare noluerint, nec eosdem mundos, quod etiam de isto sentiunt, ulla causa posse dissolvi?* Hanc tamen cogitationem de immenso extra universum spatio

R

futi-

futilem aliquibus videri posse, non obscure significat idem Augustinus verbis quæ sub finem capituli legere est: *Quod si dicunt, inanes esse hominum cogitationes quibus infinita imaginantur loca, quum locus nullus sit præter mundum; respondetur eis, isto modo inaniter homines cogitare præterita tempora vacationis Dei, quum nullum tempus sit ante mundum.*

(6) *magnum Inane vocavit*] Id ita prius appellaverat Lucretius, quum aliis in locis, tum lib. 2. de Rerum Natura v. 108.

*Multaque præterea magnum per Inane vagantur,  
Conciliis rerum quæ sunt rejecta, nec usquam  
Consociare etiam motus potuere recepta.*

Porro Virgilius plurimum quidem veterum philosophorum sententias cognoscere studuit, præcipue tamen Epicuri ac Platonis, ut Donatus in Vita Poëtæ testatur: *Audivit a Scirone præcepta Epicuri: cuius doctrinæ socium habuit Varium. Quamvis diversorum philosophorum opiniones libris suis inseruisse, de animo maxime videatur, ipse tamen fuit Academicus: nam Platonis sententias omnibus aliis prætulit.* Sed & Maro ipse in Catalectis, Scironis Epicurei, qui temporibus Augusti magna sapientiæ laude florebat, tamquam præceptoris sui, mentionem facere videtur; ait enim, scholasticorum, rhetorum, poetarum denique studia dimittens:

*Nos ad beatos vela mittimus portus,  
Magni petentes docta dicta Scironis,  
Vitamque ab omni vindicabimus cura.*

(7) *Chaos illud esse celebratum a poetis*] Clericus ad eum Hesiodi locum ita scribit: *Χάος, Phœnicia, seu Hebraica lingua est thohou, vabohou, hoc est immensum Inane: Græcis autem dicitur ἀπὸ τοῦ χαλεπὸν,*

χαίρειν, hiare; quia vasa vacua hiare dicuntur. Perinde ergo est ac si Hesiodus diceret, fuisse tempus quo nihil erat eorum quæ videmus; quod cum Mosai-  
ca rerum genesi consentit.

(8) *separatum relinquebant* ] Plutarchus lib. 2. de Placitis Philosophorum cap. 9. ita scribit: οἱ δὲ Στωϊκοὶ (ἐκ τῶς εἶναι τῷ κόσμῳ κενόν) εἰς ὃ κατὰ τὴν ἐκπύρωσιν ἀναλύεται τὸ ἄπειρον. Ποσειδώνιος δὲ ἄπειρον, ἀλλ' ὅσον αὐταρχὴς εἰς τὴν διάλυσιν, ἐν τῷ πρώτῳ πειρῇ κενόν. id est: Stoici opinati sunt, extra mundum infinitum esse Inane, in quod scilicet conflagratione sua mundus dissolvatur. Posidonius vero, in primo libro de Inani, non infinitum, sed quantum dissolutioni sit satis. Hanc Stoicorum & Posidonii sententiam pulchre attigit Valerius Flaccus, poëta doctissimus, Argonauticon lib. 1. v. 827.

*Cardine sub nostro rebusque abscisa supernis  
Tartarei sedet aula patris: non illa ruenti  
Accessura polo, victam si solvere molem  
Juppiter, & primæ velit omnia reddere massæ.  
Ingenti jacet ore Chaos; quod pondere fessam  
Materiem, labsumque queat consumere mundum.*

In quibus Flacci verbis tria licet animadvertere: primum, *aulam patris Tartarei supernis rebus abscissam* non obscure significare χωριστὸν illud, seu *separatum* Inane, quod Zenoni, extra rerum universitatem esse, placebat. Neque tamen diffitebor, posse apud Valerium intelligi polum antarcticum, apud quem regiones mortuorum, & Plutonis domum fabellæ veterum collocabant. Illa enim, *Cardine sub nostro*, ostendunt *cardinem*, sive *polum*, arctico, qui semper nobis apparet, oppositum. De hisce duobus cardinibus ita Virgilius Georg. lib. 1. vers. 242.

*Hic vertex nobis semper sublimis: at illum  
Sub pedibus Styx atra videt, manesque profundi.*



Porro idem poëta Mantuanus Æneid. lib. 6. versf.  
268. *inania regna* Plutonis appellavit:

*Ibant obscuri sola sub nocte per umbram,  
Perque domos Ditis vacuas, & inania regna.*

Deinde, quod ait Valerius Flaccus, *Ingenti jacet ore Chaos*, confirmat etymologiam hujus vocis *Chaos*, quam attulimus proxima annotatione; nempe id vocatum fuisse ἀπὸ τῆς χαίνειν, *ab hiando*: nam *hiare*, proprie est ore aperto atque diducto spiritum efflare. Postremo, ea quæ sequuntur: *quod pondere fessam Materiem, labsumque queat consumere mundum*, illis Posidonii pulchre respondent: αὐτάρκεις εἰς τὸν διάλυσιν, *quantum dissolutioni sit satis*.

(9) *aqua in clepsydri contenta* ] Aristoteles Problematum sectione 2. num. 1. Διὰ τί, ait, ἐδὲ κατέχσσι τὸ πνεῦμα γίνεται ἰδρῶς, ἀλλὰ μᾶλλον ἀνέσιν; ἢ ὅτι τὸ πνεῦμα κατεχόμενον πληροῖ τὰς φλέβας ὥστε κωλύει ἐξιέναι; ὥσπερ τὸ ὕδωρ τὸ ἐκ τῶν κλεψυδρῶν, ὅταν πλήρεις ἔσας ἐπιλάβῃ τις. ὅταν δὲ ἐξέλθῃ, πολὺς γίνεται, ὅλγ' τὸ ἐν αὐτῇ ἐπιληψία ἀθροισθῆναι κατὰ μικρόν. id est: *Cur neque intendentibus, neque continentibus spiritum, sed potius relaxantibus, effluit sudor? An quoniam retentus spiritus venas implet, itaque sudorem exire prohibet? ut in aqua fit clepsydram, quum quis pleno jam vase, partem alteram obturavit: ubi vero spiritus remissus est, multus erumpit sudor; ipsa enim retentione, copia ejus paulatim collecta est. Vide & sectionem 16. Problematum num. 8.*

(10) *ut Lucretianum loquendi modum adhibeam* ] Lucretius lib. 3. de R. N. versu 892. ubi de hominum stultitia, quos miseret cadaverum insepulchrorum, & a feris laniatorum, ita elegantissime:

*Vivus enim sibi quum proponit quisque, futurum,*

Cor-

*Corpus uti volucres lacerent in morte, feraque,  
Ipse sui miseret: neque enim se vindicat hilum,  
Nec removet satis a projecto corpore; & illud  
Se fingit, sensuque suo contaminat adstans.*

(11) *Nam sine re nomen Vacuum est, frustra-  
timetur ] παρωδία est versiculi Ovidiani ex Elegia  
3. lib. 3. Amorum:*

*Aut sine re nomen Deus est, frustra-que timetur, &c.*

(12) *corporis naturam in soliditate sitam esse, con-  
tendunt ] Quod & aliquibus veteribus philosophis  
persuasum fuit. Sextus Empiricus Pyrrhon. hypo-  
typ. lib. 3. cap. 5. τινὲς δὲ σῶμα εἶναι λέγουσι τὸ ἑκχῆ  
διαστατὸν μετὰ ἀντιστηρίδας. i. e. Nonnulli autem corpus  
esse dicunt quod tres habet dimensiones cum resistendi  
vi. Petrus autem Gassendus Physicæ sectione 1. lib.  
3. cap. 6. ita scribit: Hic nota, quum videatur pos-  
se adjici ex Empirico, locoque ante recitato, ἀντισ-  
τήρις, vis resistendi, seu resistentia; hac tamen voce  
intelligi non tam proprietatem, quam ipsammet corpo-  
ris tribus reliquis subiectam naturam, τὸ ὑποκείμενον  
(ut Philoponus illud genus Democriti interpretatur)  
soliditatem scilicet, ex qua est ipsa resistentia. Argu-  
mento est, quod illic agatur de ratione intelligendi cor-  
pus: tale autem primario concipitur id quod (secus  
quam Inane, cui opponitur) & solidum est, & resi-  
stendi proinde capax. Quamquam & nihil forte ve-  
tat, tam ipsam resistentiam, seu vim resistendi, quam  
soliditatem proprietatem dici, ea ratione qua nihil  
magis cujusque rei proprium est quam ipsamet ejus  
substantia. Eam certe ob causam videtur Lucretius pro  
eodem habuisse quem appellat tactum, seu, si clarius  
velis, tangibilitatem, quæ etiam a soliditate, & vi  
resistendi non differt, scilicet illo carmine: (lib. 1. de  
R. N. vers. 455.)*

*Tactus corporibus cunctis, intactus Inani.*  
*Ut taceam, posse ἀντίτυπιν ad gravitatem revocari,*  
*quatenus rem gravem intelligimus ex nisu, quo nobis*  
*attollentibus resistit; & hanc fortassis fuisse causam,*  
*cur Aphrodisiæus proprietates atomorum enumerans,*  
*non gravitatis meminerit, sed illius loco, τῆς ἀντίτυ-*  
*πίας, quam solam figuræ, magnitudinique adjunxit.*

(13) *sua ipsi vineta cædunt* ] Horatius Epist. 1.  
 lib. 2. vers. 220.

*Ut vineta egomet cædam mea.*

(14) *Vacuum in rebus esse* ] Operæ pretium est  
 audire Lucretium, Epicuri decreta exponentem,  
 lib. 1. de R. N. vers. 420.

*Omnis, ut est, igitur, per se, natura, duabus*  
*Consistit rebus; nam CORPORA SUNT ET INANE,*  
*Hæc in quo sita sunt, & qua diversa moventur.*  
 & paullo post, versu 427.

*Tum porro locus, ac spatium, quod Inane vocamus,*  
*Si nullum foret, haud usquam sita corpora possent*  
*Esse, neque omnino quaquam diversa meare.*

In quibus versibus illud præcipue animadversione  
 dignum est, tam longe abfuisse Epicurum atque  
 Lucretium ab eorum philosophorum opinione qui  
 magnitudinem soli corpori tribuunt, ut potius vo-  
 luerint, corpus magnitudinem, & partes quas ha-  
 bet, spatio debere, in quo situm & locatum est.  
 Idcirco enim corpus hac & illac porrigitur, & per  
 partes explicatur, quoniam ipsi spatium subest,  
 quod ejus partibus aream, ut ita loquar, & finum  
 præbeat. Sublato igitur spatio, peribit corporis ma-  
 gnitudo, & cum magnitudine, ipsa ejus natura. Ut  
 enim sapienter monet D. Augustinus Epist. 187.  
 num. 18. *Spatia locorum tolle corporibus, nusquam*  
*erunt: & quia nusquam erunt, nec erunt.*

(15) *sed*



(15) *sed quod esset aliquod non ens &c.* ] Nonne ipsemet Aristoteles privationem formæ oppositam numerat in tribus principiis corporis naturalis? quum tamen privatio proprie sit *non ens*, & nihil aliud quam absentia formæ a subjecto apto ad formam accipiendam; ut ab ipso docemur quum aliis locis pluribus, tum Primæ Philosophiæ lib. 10. cap. 7. Quapropter mirum fortasse videatur, hunc philosophum, acerrimum privationis patronum, tantas cum Vacuo inimicitias suscepisse, nam eo pacto quo privatio est absentia formæ, Vacuum est absentia corporis, seu spatium corpore destitutum, quod eo repleri potest. Non tamen dissimulaverim, eo maxime discrepare privationem & Vacuum, quod privatio sit absentia certæ ac determinatæ formæ, non omnis omnino formæ; Vacuum vero sit absentia omnis omnino corporis.

(16) *Corporis officium esse scimus obsistere, &c.* ] Epicurus, teste Lucretio, decretorum ejus interprete, nullam tertiam naturam vel esse, vel excogitari posse, affirmabat, præter Corpus & Inane. Quidquid enim sit, magnitudine aliqua præditum esse oportere, docebat, vel ampla, vel modica, vel exigua certe. quod si tangi ab alio, vel percelli possit, in corporibus jure numerabitur: sin tactum omnem respuat, neque ullo modo corporibus permeantibus obsistat, immo transeundi facultatem ipsis largiatur, Inane censendum erit: quod neque facere quidquam, neque perpeti potest: hæc enim duo solis corporibus conveniunt. Propterea idem Epicurus Inane appellavit *χώραν*, hoc est *regionem*; & *διάστημα*, nampe *spatium* & *intervallum*.

(17) *viamque efficere* ] Tibullus Eleg. 6. lib. 1. vers. 27.

*Pauper in angusto fidus comes agmine turbæ  
Subjicietque manus, efficietque viam.*

(18) *Eadem enim propositione usi Parmenides ac Melissus* ] Vide Aristotelem lib. 4. Physicorum cap. 8.

(19) *Animalia enim ac plantæ* ] Lucretius lib. 1. de R. N. vers. 347.


*Præterea quamvis solidæ res esse putentur,  
Hinc tamen esse licet raro cum corpore cernas:  
In saxis, ac speluncis permanat aquarum  
Liquidus humor, & uberibus flent omnia guttis:  
Dissipat in corpus se se cibus omne animantum:  
Crescunt arbuta, & fœtus in tempore fundunt,  
Quod cibus in totas usque ab radicibus imis  
Per truncos, ac per ramos diffunditur omnes:  
Inter sæpta meant voces, & clausa domorum  
Transvolitant: rigidum permanat frigus ad ossa.  
Quod nisi inania sint, qua possent corpora quæque  
Transire, haud ulla fieri ratione videres.*

(20) & erit mihi magnus Apollo ] Virgilius Ecloga 3. versu 104.

*Dic, quibus in terris, & eris mihi magnus Apollo,  
Tres pateat cæli spatium non amplius ulnas.*

(21) D. Augustinus lib. 10. Confessionum cap. 16. *Sed quid est oblivio, nisi privatio memoriæ?* Videndus idem ejusdem operis lib. 12. cap. 3.

(22) *Et sapit, &c.* ] Horatius Epist. 1. lib. 2. versu 68.





JOANNIS ANTONII VULPII

PUBLICI PHILOSOPHIÆ PROFESSORIS,

O R A T I O

D E L O C O,

*Habita in Gymnasio Patavino VIII. Idus Novemb.*  
ANNO DOM. MDCCXXX.



SEMESTRIBUS feriis exactis, Auditores optimi, quæ & nos & studiosos adolescentes, docendi labore, audiendi que molestia defessos, ad quietem ac otium quotannis traducunt, intermissas disputationes, Divina Ope prius implorata, ea qua par est animi alacritate rursus aggredimur. Explicaturi sumus hoc anno libros Aristotelis de Cælo, nec non de Ortu atque Interitu, sive, ut aliis appellare placet, de Generatione & Corruptione. Ne igitur illotis, quod ajunt, manibus rem ipsam continuo tractaremus, aut de nostra consuetudine cito nimis desistere videremur, aliquid  
hodie



hodie præfandum existimavimus, non ex umbra rhetorum, vel e scholis declamatorum petitur, sed argumento nobis ad explicandum proposito nequaquam alienum. Loci propterea naturam ac definitionem investigabimus: quæ disquisitio & cum doctrina de Cælo conjuncta est, & ad corporum quotidie orientium atque occidentium compositionem ac dissolutionem vel maxime pertinet. Cælum etenim, si Aristotelem audimus, (1) Locus est communis rerum omnium quæ hac universitate continentur: neque ipsum per se est in Loco. Motus porro, summus Naturæ minister, cujus operâ dierum & noctium vicissitudo existit, anni tempora mutantur, stirpes aluntur & crescunt, vivunt animalia, sanguine scilicet e corde effluente, atque ad idem cor mirabili circuitu assidue recurrente: motus, inquam, sine quo nulla generatio futura esset, verum omnia segnia, sterilia, confusa, inornata, quin potius horrendis tenebris obsita ac circumfusa torperent, ablato Loco neque expediri, neque adeo intelligi potest. Quid enim aliud est motus quam corporis de uno in alium Locum translatio? Videtis, nisi fallor, Auditores, quemadmodum *ignorado motu necesse est ignorari naturam* (quod sapienter philosophus noster monuit initio libri tertii Physicorum) ita ad motum cognoscendum, egregie conducere Loci cognitionem. Enimvero si quis rerum ortum atque interitum a motu & Loco potissimum pendere, minus perspectum habeat, eum cogitare oportet, motum fuisse qui, pluribus jam sæculis a mundi exordio ad hæc usque

que tempora elapsis, longa & continua patrum serie, nos tandem *in dias luminis oras* ( ut Lucretii verba usurpem ) produxit: motum pariter esse qui, postquam ( 2 ) brevem lucis usuram fortiti sumus, nos paullatim auget, fovet, confirmat; mox atterit, minuit, consumit, donec ex hoc quasi theatro exeuntes, novis actoribus ( 3 ) cedamus, & ( 4 ) vitæ lampadem, tamquam decurso spatio, post nos victuris per manus tradamus. Tum vero corpora quibus utimur, in elementa solvuntur: quæ propriis recepta Locis, & ad sui similem collecta naturam, tantisper quiescunt, dum rursus ad novas res efficiendas inde evocentur. hunc autem ludum ludere numquam cessant. Quæ quum ita sint, tria præcipue hodierna disputatione exsequemur. Primum scilicet, quid vulgus hominum sentiat de Loci natura & proprietatibus, diligenter memorabimus. Deinde opiniones philosophorum afferemus; præcipue vero Loci definitionem ab Aristotele traditam expendentes, eam rebus manifestis adversari, ostendemus. Postremo sententiam nostram super hac re, doctissimorum virorum auctoritati, rationumque ponderibus innixam, proponere non verebimur. Id unum vestrum est, Auditores humanissimi, hominem de philosophiæ studiis bene merendi cupidum, eo quo soliti estis favore prosequi, & voluntate complecti.

Quæstionem de Loci natura, in illis numerandam esse quæstionibus quæ obscuritate ac difficultate sua, philosophorum ingenia torquere solent, nemo diffitebitur qui considerare voluerit, quan-

quantum Loci definitio ab Aristotele allata displiceat Epicureis, & reliquis omnibus qui spatium nullo corpore occupatum, & tamen trina dimensione præditum, non solum se animo concipere posse, affirmant, verum & necessarium esse in natura, contendunt: qua de re meminisse me hinc multa verba facere anno superiore, in ipsa studiorum instauratione. Nimirum ita comparata est ratio Loci atque temporis, ut quum ambæ res cognitu facillimæ videantur, utraque tamen valde perplexos explicatus habeat. Quotus enim quisque est qui tempus non se cognoscere arbitretur? pueri omnes & mulierculæ, hujusmodi scientiam profitentur: si tamen ex eorum aliquo exquirere instituas, quid sit tempus, æstuabit statim dubitatione, ac quo se vertat, nesciet. Id porro neque viri sapientes, nedum e plebe homines, facile expedire possint. *Quid familiarius, inquit D. Augustinus lib. 2. Confessionum cap. 14. & notius in loquendo commemoramus quam tempus? Et intelligimus utique quum id loquimur; intelligimus etiam quum alio loquente id audimus. Quid est ergo tempus? Si nemo ex me quærat, scio: si quærenti explicare velim, nescio.* Quamobrem si anteceptam animis hominum Loci informationem spectare velimus, (5) quam πρόληψιν vocat Epicurus, nihil erit Loco clarius: contra, si philosophis disputantibus aures demus, nihil erit eodem obscurius.

Et primum quidem opinantur homines, Locum esse receptaculum corporum, sive id in quo corpora, tamquam in vestigio, consistunt: (6) quod-

cum-



cumque enim alicubi est, id solum esse existimant; quod vero nusquam est, neque esse omnino. Hæc autem communis opinio, sensuum testimonio plurimum innixa est. Videmus enim, & solida multa corpora fluxis corporibus, & solidis fluxa, & solida solidis contineri ac terminari. Insulæ, ac pisces, verbi causa, mari, fluminibus, & lacubus undique coërcentur: arbores, homines, & brutæ animantes circumfuso aëre includuntur: elementa ipsa, planetæ omnes, atque ingentes astrorum globi in liquido & immenso æthere siti & collocati sunt. Rursum flumina & lacus ripis & alveo, mare litoribus, vinum dolio cohibetur: supellex conclavi, conclave domo, domus urbe, urbs agro terminatur & clauditur. Cui sensuum perceptioni postea nimium obsecuti, longius etiam processere, ut scilicet vel (7) nullos mundi fines agnoscerent, vel finitum illum quidem esse, concederent, sed aliquod Spatium Inane sibi fingerent, nullis terminis circumscriptum, quod ipsius mundi Locus esset, atque ipsum complecteretur extrinsecus.

Putat deinde vulgus, inveniri aliud Loci genus, quod *intervallum* recte dicere possumus: hunc porro Locum æqualem omnino esse rei locatæ, ejusque partes partibus recepti corporis accurate respondere. Intervallum hujusmodi censent immobile esse oportere, adeoque nulla ratione corrumpi posse; tametsi corpora quæ illud deinceps ingrediuntur, & moveantur, & intereant. Profecto enim, ut verbis utar poetæ Venusini (in Arte Poëtica versu 63.)

— *sive*

— — — — — *sive receptus*

*Terra Neptunus classes Aquilonibus arcet,  
Regis opus ; sterilisve palus prius , aptaque remis  
Vicinas urbes alit , & grave sentit aratrum ,  
Seu cursum mutavit iniquum frugibus annis  
Doctus iter melius , — — — — —*

hæ omnes mutationes quas Horatius memorat, ad corpora in Loco sita, non ad Locum ipsum pertinere videntur. neque si paludes foras derivatæ sunt, aut flumen alio versum, iccirco Locus non est idem qui antea fuit. Quare dicimus: (8) *Hic olim currebat flumen, hic stagnabant paludes*: nimirum hoc Loco, a quo corpora illa discesserunt, & in quem alia postea advenerunt. Atque hæ sunt Loci notiones quas etiam in animis indoctorum impressit ipsa natura.

Philosophi vero, quorum est complicatas hujusmodi notiones acutis & ingeniosis disputationibus evolvere, id primum sumunt, Esse in Loco, communem corporum omnium ( si unum supremum cælum excipias, Aristotele auctore ) proprietatem habendam: quæ vero corpore carent, & ab omni concretionem materiæ libera & segregata sunt, ea non esse in Loco, neque a Loco contineri, nisi κατὰ συμβεβηκός, nimirum *ex accidenti*. Ad quam rerum classem pertinent mentes illæ beatæ quibus voluntatis & consiliorum suorum ministris Deus Optimus Maximus uti solet: item animi hominum, & habitus rationem ac voluntatem humanam perficientes. Quemadmodum enim res hujusmodi proprie moveri non possunt, sed tamen aliquando moveri dicuntur, si cor-

si corpora illa moveantur quibus ipsæ præsumunt, & quæ perficiunt: sicuti scientia, *ex accidenti* moveri dicitur, si homo scientia præditus moveatur: eodem pacto & in Loco esse dici possunt, non per se, verum quia præsto sunt, vel adhærent corpori, quod ipsum proprie in Loco est. Fert etiam consuetudo sermonis quotidiani, ut metaphora quadam, humanis animis tamquam Loca tribuamus res quibus ii maxime delectantur. Neque hoc injuria; *Locis enim corpora continentur, animo autem Locus est affectio sua*, (9) teste D. Augustino Enarratione in Psalmum 6. num. 9. Hinc amator ille apud Plautum Cistellaria (Actu 2. sc. 1. vers. 6.)

*Ubi sum, ibi non sum: ubi non sum, ibi est animus.* Et apud Terentium parasitus (Eunuchi Actu 4. sc. 7. vers. ult.)

-- -- -- -- Jamdudum animus est in patinis.

(10) (11) Neque vero fictis rebus Locus ullus in natura relinquitur, qualia sunt monstra illa & portenta quæ poëtæ in otio comminiscuntur, Centauri puta, Briarei, Scyllæ, Chimææ, Minotauri, Satyri, Cyclopes, Harpyiæ, ac similia sexcenta: solus enim (12) *poëta, tabulas quum cepit sibi, Quærit quod nusquam est gentium, reperit tamen.*

Sumunt præterea nonnulli philosophorum, Locum magnam vim & *δυναμιν* esse; quum corpora universa in suum quæque Locum magna velocitate deferri, ac postquam eo pervenerint, ibi tandem conquiescere, videamus. Quorum tamen sententiæ omnino adversantur qui existimant,  
Locum



Locum nihil aliud esse quam vocabulum quoddam, ei ordini ac fitui quem corpora inter se obtinent, significando accommodatum: ceterum ipsorum corporum naturam nihil immutans, nec iisdem aliquid addens, aut detrahens. (13) Neque enim si quis me diu infecutus, anteire demum incipiat, ex hac ordinis & situs mutatione quicquam novi adipiscitur, aut aliquid eorum quæ habuerat, amittit: neque si quis e dextro sinister, e sinistro dexter fiat, id hominem sui dissimilem ullo modo facere potest. Ab his porro non longe abeunt qui (14) distantiam nescio quam corporis uniuscujusque a mundi polis immobilibus, & a punctis ortus atque occasus, Locum esse, opinantur: toties autem corpora Loco moveri quoties in eadem distantia non perseverant, sed ad polorum alterutrum, vel ad ortum, aut occasum magis accedunt. quæ puncta immobilia quum reapse nulla sint; (omnes enim mundi corporei partes continuis motibus agitantur) iccirco manifestum est, Loci naturam in alia re potius quam in distantia hujusmodi ponendam esse. Sed neque concedendum videtur, Locum nihil aliud esse quam vocabulum, aut mentis cogitationem: hoc enim si concedatur, illud ridiculum statim consequetur, corpora quæ dicimus Loco circumscribi, jam in vocabulo, aut mentis cogitatione futura esse.

(15) Obscurissima igitur est Loci natura; quod ingenue fatetur Aristoteles (16) lib. 4. Physicorum, cap. 1. nam quum res unaquæque ope definitionis cognoscatur, definitio autem constet ex gene-

genere ac differentia, difficillimum iccirco est veram Loci definitionem afferre, quoniam de ipsius genere magna inter philosophos contentio est. Nonnullis enim placuit, Locum ad materiam, tamquam ad genus, pertinere: nonnulli formam esse, dixerunt, aut certe aliquod corporum elementum. Inventi etiam sunt qui, (17) Divinam Immensitatem Locum esse, affirmarent. Sed, (18) ut Aristoteli videtur, Locus neque materia est, neque forma, neque corporum elementum, neque causa, neque, si diis placet, intervallum aut spatium: quam tamen ejus de spatio sententiam falsam esse, doctissimis hominibus persuasum est, ut postea declarabimus.

Ac primum quidem, Locus neque materia est, neque forma locati corporis. tametsi enim Locus proprius, quo nimirum corpus proxime continetur ac terminatur, locati forma esse videatur; eo prorsus modo quo figura, quæ terminat quantitatem, recte dici potest forma quantitatis: quum tamen forma semper conjuncta sit rei cujus est forma, neque ab ipsa ullo modo separari possit, propterea manifestum est, Locum non esse formam. Rursus quamquam Locus videtur quodammodo τὸ ὑποκείμενον, seu materia, rei locatæ dimensionibus definita; (quo pacto Locus in quo est unusquisque nostrum, videtur esse spatium in quo singuli sumus, & quod singulorum dimensionibus terminatur: materia enim quum per se nullis terminis circumscripta sit, ab alio fines mutuatur) nihilominus materia Locus esse non potest, quoniam scilicet materia componit locatum,

tum, Locus non componit. Iisdem fere argumentis docetur, Locum non esse caussarum aliquam, neque partem corporum, aut elementum. Sed neque Locus est spatium aliquod sive interval- lum, ait Aristoteles, a corpore ipso diversum. Aristoteli porro assentitur Cartesius. Nam uter- que ita existimat; Quodcumque in longitudinem, latitudinem, altitudinem porrigatur, id corpus esse: propterea spatium, quod tribus hisce dimen- sionibus gaudeat, corpus omnino esse. quam sen- tentiam anno superiore, quum ex hoc ipso loco de Vacuo sive Inani verba faceremus, copiose fa- tis refutavimus. Incredibile est, quantas hæc Ari- stotelis doctrina in scholis Peripateticorum turbas excitaverit; dum scilicet aliqui, magistri decreta, quamquam rebus manifestis adversantia, omni ope tueri conantur: nonnulli vero, petita prius venia, ab iisdem in alia omnia discedunt.

Quum igitur duplex Locus a philosophis memo- retur, interior, & exterior, horum prior, nem- pe spatium a corpore occupatum, & ab ipso di- versum, cujus partibus singulæ corporis locati par- tes accurate respondeant, propugnatur ab Epicu- reis, & a Petro Gassendo: exteriorem solum Ari- stoteles agnoscit; qui propterea libro 4. Physico- rum cap. 6. Loci definitionem hanc affert: Τὸ τῆς περιέχοντος πέρας ἀκίνητον πρῶτον, τῆς ἑστίν ὁ τόπος. i. e. *Ejus quod continet, terminus immobilis pri- mus, idipsum est Locus.* Quam philosophi defini- tionem scholæ vulgares Peripateticæ ita latius ex- plicare solent: *Locus est superficies concava corpo- ris ambientis, quæ aliud corpus proxime complectitur.*



Fatetur, ut videtis, Aristoteles, Locum magnitudine præditum esse, quamvis corpore careat: est igitur aliqua magnitudo carens corpore, puta superficies: quum autem corpus constare non possit ex principiis corpore carentibus, propterea constare non potest e superficiebus, neque in eas dissolvi; quod olim perperam (19) a Platone traditum est.

Hæc tamen Aristotelis definitio (pace loquar tanti magistri) non solum notionibus quas in animis hominum impressit ipsa natura, verum etiam doctrinæ ab eodem philosopho traditæ in libro Categoriarum capite de Quantitate, adversari videtur. Ibi enim aperte docuit, corporis partes quæ ad communem terminum conjunguntur, Locum quemdam obtinere: quamobrem & Loci partes, quæ obtinent singulas corporis partes, ad eundem conjungi terminum ad quem & corporis partes. Colligit propterea, Locum esse continuum: ea enim continui ratio est, ut ad unum communem terminum ejus partes copulentur. Quomodo igitur ait Aristoteles lib. 4. Physicorum cap. 6. eundem esse Locum partium corporis qui corporis totius, nempe superficiem concavam corporis ambientis? Profecto in Categoriis affirmaverat, ut audistis, tot esse partes Loci, quot sint partes corporis, ita ut singulæ Loci partes a singulis locati corporis partibus occupentur, ac penetrentur. Quæ sane mira hominis inconstantia est.

Non deerunt fortasse qui Aristotelem a crimine levitatis ita liberare se posse, arbitrentur, si dixerint,

rint, Categorias quæ circumferuntur, falso ejus philosophi nomen inscriptum habere: Archytæ enim potius Tarentino, vel certe Pythagoræorum alicui esse tribuendas. cui sententiæ suffragantur, viri doctissimi, Franciscus Patricius (20) in *Discussionibus* Peripateticis, qui scripta omnia, hoc tempore Aristoteli tribui solita, supposita illi fuisse, suspicatur, præter Mechanica, & libellum de Zenone, Xenophane, & Gorgia: (21) Felix Accorombonius, a quo animadversum est, plura in Categoriis contineri quæ a doctrina Metaphysicorum Aristotelis librorum omnino dissentiant: Ludovicus Vives (22) libro 3. de Causis corruptarum artium: & alii nonnulli. Hanc tamen opinionem improbant Ammonius Hermæ, vetus idemque gravissimus Categoriarum Interpretes, Boëthius Severinus, Gerardus Joannes Vossius in libro de Natura Logicæ capite 10. & communis præterea consensus eruditorum.

Sed quidquid tandem hac de re existimandum sit, illud profecto verum est, traditam ab Aristotele Loci definitionem naturali *ποσότητι* quam omnes homines de Loco habemus, minus accommodari posse. Quum enim, ut paullo ante ostendebamus, Locus corpori locato æqualis esse debeat, profecto superficies concava corporis ambientis non erit corpori locato æqualis, verum ipso major. nam omne quod continet, majus est eo quod continetur. Equidem non dissimulaverim, docere Aristotelem libro 4. Physicorum capite 6. superficiem concavam corporis ambientis ita examussim aptari ad superficiem convexam

corporis locati, (23) ut ambæ unum quodammodo fiant: & iccirco neutram earum majorem aut minorem esse alia. Sed præterquamquod hujusmodi doctrina omnem Loci rationem confundit, illud etiam sequitur absurdum; Locum non amplius futurum corporum receptaculum. Nam si extrema diversorum corporum fiant unum, mundus totus erit unum continuum: siquidem, ut ipsemet Aristoteles docet lib. 5. Physicorum capite 5. continuum tunc existit quum extrema diversarum partium in unum coaluerint, atque adeo partes illæ uno communi termino cœperint contineri. Sunt autem corpora quælibet universi partes. Quod si universum fiat unum continuum, Locus de rebus omnino tolletur; idque doctrinæ Aristotelis convenienter. Neque enim, (24) si Aristotelem audimus, totum universum est in Loco, quum extra illud nullum sit corpus a quo ipsum ambiatur: neque corpora mundum componentia erunt in aliis corporibus tamquam locata in Loco, sed tamquam partes in toto: quod non facile concessurus est Aristoteles.

Illud etiam ab eo qui accurate philosophari velit, considerandum est; nisi sit Locus interior, sive spatium a corpore occupatum, corpori æquale, & ab ipso diversum, partes locati corporis non amplius in Loco futuras: quoniam scilicet partes corporis quæ sunt intra superficiem ipsius, non tanguntur a superficie corporis continentis, quæ sola est Locus Aristoteli. Quis autem dixerit, partes corporis in Loco non esse? Profecto, quemadmodum toti corpori respondet



integer Locus, ita etiam partibus corpus componentibus Loci partes exacte respondere oportet: neque omnino corpus illud in Loco esse poterit cujus partes in Loco non fuerint.

Præterea, Loco interiore e rerum natura sublato, non liceret philosophis ponere, lapidem, aut quodlibet aliud corpus, moveri per Inane Spatium, puta per immensas illas regiones quas ultra cæli ambitum quivis cogitatione sibi fingere solet. Nam quum moveri nihil aliud sit quam alia atque alia deinceps Loca occupare, sive Locum mutare: quod, si in Aristotelea Loci definitione acquiescimus, non fit nisi a vicinia quorundam corporum recedendo, & aliis quibusdam appropinquando: certe, ubi nulla essent corpora præter illud quod moveri fingimus, nullus etiam esset hujusmodi accessus aut recessus, & nullus proinde motus. Philosophi nihilominus (25) recte sibi fingunt, moveri lapidem in spatiis illis omni corpore destitutis; tantum enim abest ut lapis ille per Inane moveri non deberet, ut potius eum, postquam semel moveri cœpisset, semper continuare motum necesse esset; quippe ubi nihil occurreret quod ipsi objectum, ejus motum impedire, aut ulla ratione retardare posset. Quamobrem, hoc etiam argumento satis constat, Loco interiore in rerum natura omnino opus esse.

Deinde quum omnes cogitatione concipiamus Locum tamquam immobilem, quomodo Locus exterior, quem solum agnoscit philosophus noster, immobilis esse potest? Nonne omne corpus quod ambitu & sinu suo aliud corpus complecti-

tur,

tur, mobile est? nonne sapius ultro citroque movetur? Sed neque hujusmodi Locus corruptionis expers erit; quum omnium corporum ea conditio sit, ut mutentur atque intereant: corruptio enim sequitur mobilitatem: corporibus autem corruptis, Locus ipse permanere debet. Quid quod Aristoteles gladio suo ipse se confodit, dum ait, interesse plurimum, contineaturne corpus tamquam in vase, an vero tamquam in Loco? vas enim esse quodammodo Locum mobilem, Locum esse quodammodo vas immobile. At si Locus fuerit superficies corporis, ea profecto movebitur, non per se quidem, sed saltem ad ipsius corporis motum.

Postremo, nisi ponamus Locum interiorem, qui sit spatium a corpore occupatum, & relinquatur solum Locus exterior, nempe superficies concava corporis aliud corpus proxime ambientis, illud ἀνάγκη necessario consequetur; turrim scilicet, quam commune hominum iudicium immobilem existimat, plus moveri quam cymbam secundo flumine vectam; quam tamen omnes moveri putant: propterea quod aër qui turrim proxime ambit, assidue agitetur a ventis, & ideo a turri sapius recedat, novo subinde adveniente: cymba vero in flumine iisdem semper aquæ partibus cum ea defluentibus contineatur. Si enim moveri nihil aliud est quam Locum mutare, Locus autem nihil est aliud quam superficies concava corporis proxime ambientis, ut Aristoteli placet; discedente corpore mutatur superficies, mutata vero superficie mutatur Locus; &

iccirco turris movetur, cymba non movetur.

Id incommodum Cartesiani facile admodum se declinare posse, confidunt. dicunt scilicet, eam superficiem quæ sit Locus, physice quidem esse mobilem, at mathematicè immobilem. hoc autem Locum a mobilitate satis vindicare: nam quamquam superficies mutatur, (26) in ejus tamen locum alia succedit, eadem omnino magnitudine. Quod, meo judicio, idem est ac si dicerent, Locum reapse mobilem esse; precario autem, utque Aristotelis & Cartesii placitis consulatur, immobilem.

Rectius igitur (27) Julius Cæsar Scaliger Exercitatione 5. de Subtilitate ad Hieronymum Cardanum, Joannes Baptista Hamelius Metaphysicæ Tractatu 1. disputatione 3. quæstione 6. & Joannes Keillius in Introductione ad veram Physicam Lectione 6. præter Locum exteriorum ab Aristotele definitum, agnoscunt etiam *ἄσπημα*, sive spatium a corpore occupatum, quod sit Locus ipsius interior. Quo posito, tolluntur difficultates, & sua Loco immobilitas constat.

Keillius præ ceteris docet, Locum, quemadmodum & spatium, duplicem esse, absolutum, & relativum. Locus absolutus huic philosopho est ea spatii immobilis, permanentis, & undique diffusi pars quæ a corpore locato occupatur: Locus relativus est ille qui sub sensum cadit, petiturque ac definitur a vicinitate, distantia, ordine, ac situ aliorum corporum circumstantium. Locus absolutus moto corpore permanet immotus: Locus relativus cum ipsis corporibus diver-

fas



fas Loci absoluti regiones ac partes pervagatur; quod facile intelligi potest ex hypothese terræ motæ; in qua scilicet majora corpora quæ tellure continentur, eundem Locum relativum semper obtinent, Loco absoluto deinceps mutato, & in sua sede relicto.

Neque est cur nonnulli contendant, spatium immobile nullas partes habere posse, quoniam in partes dividi nequit: Keillius enim existimat, ut Locus recte dicatur partes habere, satis esse si eæ notari, atque describi, & partibus locati corporis exacte respondere queant. Quod autem Aristoteles ait, (28) si spatium sit Locus, infinita Loca futura, id facile concedimus, neque tamen ullo modo absurdum existimamus. Profecto enim Loca sunt infinita: nimirum Loci partes semper decrecentes, & (29) infinitis corporum partibus semper decrecentibus, minoribus videlicet atque minoribus, respondentes, nullo certo ac definito numero comprehendi possunt.

Si qui porro sint quibus non facile persuadeatur, Locum esse quiddam a corpore diversum, quod nimirum in omni Loco corpus aliquod locatum est, nec Locus a corpore separari posse videtur; eos monemus ut rem hanc totam diligentius considerare, deque illa maturius iudicium ferre velint. Quemadmodum enim a philosopho materia sine forma concipi potest, immo debet [(30) saltem λογισμῷ νόθῳ, ut loquitur Timæus Locrus in Dialogo de Anima Mundi, & eum secutus Plato] ut materiæ natura melius intelligatur, tametsi materia semper aliqua forma vestita

stita & ornata sit; eodem pacto Locus sine corpore concipi potest, quamvis id omnino concedendum esset, nullum inveniri Locum corpore vacuum. Possunt enim duæ res ita inter se conjunctæ esse, ut nullo modo separari possint, & nihilominus diversam habere naturam, ut una non sit alia; diversamque sui notionem in mentibus hominum excitare: quod pluribus exemplis ostenderem si operæ pretium me facturum putarem.

Finem dicendi faciam, postquam illud testatus fuero, me in obscurissimam hanc de Loco questionem ingenii aciem acrius intendentem, eam tandem opinionem sequi, Locum exteriorem, quem solum Peripatetici Loci nomine dignantur, Locum proprie non esse, sed quemadmodum corporis, ita & veri Loci terminum. Suum tamen cuique judicium esto. Habetis, adolescentes optimi, quid de Loco sentiendum existimem: crastino die, si frequentes aderitis, explicationem primi capitis primi libri Aristotelis de Cælo a me accipietis.



# ANNOTATIONES

## IN SUPERIOREM

### ORATIONEM.

(1) *Locus est communis rerum omnium* ] Aristotelis afferam verba, ex Physicorum lib. 4. cap. 7. Τα δὲ κατὰ συμβεβηκός, ( ἐστὶν ἐν τόπῳ ) οἷον ἡ ψυχὴ, ἥ ὁ ἔρανός· τὰ γὰρ μόρια ἐν τόπῳ πῶς πάντα· ἐπὶ τῷ κύκλῳ γὰρ περιέχει ἄλλο ἄλλο. διὸ κινεῖται μὲν κύκλῳ μόνον τὸ ἄνω· τὸ δὲ πᾶν, ὃ πᾶν· τὸ γὰρ περὶ αὐτό τε ἐστὶ τι, ἥ ἐτι ἄλλό τι δεῖ εἶναι παρὰ τῆτο ἐν ᾧ ὃ περιέχει. παρὰ δὲ τὸ πᾶν ἥ ὅλον, ὃ δὲ ἐστὶν ἔξωθεν τῆ παντός. Καὶ διὰ τῆτο ἐν τῷ ἔρανῳ πάντα· ὃ γὰρ ἔρανός, τὸ πᾶν ἴσως. ἐστὶ δὲ ὁ τόπος ὃς ἥ ἔρανός, ἀλλὰ τῆ ἔρανός τι τὸ ἔχατον, ἡ ἀπτόμενον τῆ κινήσεως σώματος πέρας ἡρεμῆς. Καὶ διὰ τῆτο, ἡ μὲν γῆ, ἐν τῷ ὕδατι, τῆτο δὲ ἐν τῷ αἰέρι, ἔτος δὲ ἐν τῷ αἰθέρι, ὃ δὲ αἰθήρ ἐν τῷ ἔρανῳ. ὃ δὲ ἔρανός ἐκ ἐτι ἐν ἄλλῳ. id est: *Alia vero sunt in loco ex accidenti: ut anima, & cælum. nam omnes partes sunt quodammodo in loco: quoniam in circulo alia pars aliam continet. ideo superum corpus tantum in orbem movetur. universum autem non est alicubi: quod enim est alicubi, & ipsum est aliquid, & insuper oportet præter hoc esse aliud quidpiam, in quo sit, seu quod ipsum contineat: sed præter universum ac totum, nihil est quod scilicet sit extra universum. Proinde in cælo omnia sunt: nam cælum fortasse est universum. Locus autem est, non cælum, sed cæli quoddam extremum ac terminus quiescens, qui tangit corpus mobile. Ideoque terra est in aqua: hæc vero in aëre: hic autem in æthere: æther autem in cælo. sed cælum non est amplius in alio. Porro, quod ait Aristoteles,*  
ὃ γὰρ



ὁ γὰρ ἔργον τὸ πᾶν ἴσως, nam *cælum fortasse universum est*, attentius a nobis considerari oportet. Videtur enim philosophus decretum illud suum in dubium vocare quod tamquam certum & exploratum ponit in libris de Cælo, ubi cælum, sive mundum, unum tantum esse, & omnia complecti, docet, neque extra ipsius fines aut corpus ullum, aut Locum inveniri. Hic autem, particula *fortasse* usus, Democriti sententiam de universo non omnino futilem & commentitiam sibi videri, non obscure ostendit: τὸ πᾶν enim, sive universum, quod Lucretius *omne, rerum summam*, & *summam summarum* appellat, Democrito, eumque secuto Epicuro non est mundus hic a quo proxime continemur, verum spatium infinitum extra hunc orbem, in quo mundos innumerabiles ex fortuito atomorum concursu assidue fieri, uterque contendit. Huic Aristotelis dubitationi libenter acquievit Cartesius, qui scilicet neque finitum mundum, neque infinitum pronuntiare ausus, eum per *indefinita* porrigi spatia, affirmavit; quod idem est ac si dixisset cum Aristotele, dubitari posse, utrum cælum hoc quod videmus, sit universum; an potius rerum summa eo usque diffundatur quo sensuum & cogitationum nostrarum infirmitas pervenire non possit. Quem Aristotelis & Cartesii consensum ii minus mirantur qui noverunt, non tam ovum ovo simile esse, quam pleraque Cartesianæ philosophiæ capita veterum Peripateticorum decretis; non ut ea quidem barbaries Arabum, & scholasticorum hominum quicquiliæ foede inquinaverunt, sed ut olim a Græcis interpretibus caste ac magna cum fide explicata sunt.

(2) *brevem lucis usuram sortiti sumus*] M. Tullius libro 1. Tuscul. Quæstion. *At ea quidem (natura) dedit usuram vitæ, tamquam pecuniæ, nulla præstituta die.* Lucretius lib. 3. v. 984.

*Vitaque mancupio nulli datur, omnibus usu.*

(3) de-

(3) *decedamus*] Horatius Epist. 2. lib. 2. v. 213.

*Vivere si recte nescis, decede peritis:*

*Lusisti satis, edisti satis, atque bibisti:*

*Tempus abire tibi est -- -- -- --*

(4) *vitæ lampadem, tamquam decurso spatio, post nos victuris per manus tradamus*] Lucretius lib. 2. v. 74.

*-- -- -- sic rerum summa novatur*

*Semper, & inter se mortales mutua vivunt.*

*Augescunt aliæ gentes, aliæ minuuntur:*

*Inque brevi spatio mutantur sæcla animantium;*

*Et, quasi cursores, vitæ lampada tradunt.*

Sumsit hoc Lucretius a ludis quos Athenienses ἀγωνας λαμπαδευχης appellabant: in quibus cursores lampadem, seu facem, manu tenebant, & cursu confecto, iis qui deinceps cursuri erant, eam tradebant. significabat autem hic ludus vitæ humanæ brevitatem. Vide Platonem dialogo 6. de Legibus tomo 2. pag. 776. B.

(5) *quam πρόληψιν vocat Epicurus*] Vellejus Epicureus apud Ciceronem lib. 1. de Natura Deorum: *Quæ est enim gens, aut quod genus hominum, quod non habeat sine doctrina anticipationem quamdam Deorum? quam appellat πρόληψιν Epicurus, id est anteceptam animo rei quamdam informationem, sine qua nec intelligi quicquam, nec quæri, nec disputari possit. cujus rationis vim atque utilitatem ex illo cælesti Epicuri de regula & judicio, volumine accepimus.*

(6) *quodcumque enim adicubi est, id solum esse existimant*] Vulgaris hujus opinionis testis locuples Aristoteles lib. 4. Physicorum cap. 1. τὰ τε γὰρ ὄντα, inquit, πάντες ὑπολαμβάνουσιν εἶναι πᾶς, τὸ γὰρ μὴ ὄν ἐδάμην εἶναι. *Ea enim quæ sunt, omnes opinantur adicubi*

*licubi esse; quod vero non est, nusquam esse.* Id porro ante Aristotelem animadverterat Plato in Timæo his verbis: *Φαμὲν τὸ ὄν ἅπαν ἐν τινὶ τόπῳ, ἢ κατέχον χώραν τινὰ· τὸ δὲ μήτε ἐν γῇ, μή τέ πῃ κατ' ἔρανον, ἔδὲν εἶναι.* i. e. *Dicimus, id omne quod est, in Loco esse aliquo, & regionem aliquam tenere: quod vero neque in terra, neque usquam in cælo est, nihil esse.* Cum Aristotele ac Platone concinit D. Augustinus Epist. 187. num. 18. ita scribens: *Spatia Locorum tolle corporibus, nusquam erunt: & quia nusquam erunt, nec erunt.* Item D. Gregorius Nazianzenus Oratione 34. *Εἰ γὰρ, inquit, τὸ μὴ ὄν, ἔδαμῃ, τὸ μὴδαμῃ, τυχὸν ἔδὲ ὄν.* Nam si id quod non est, nusquam est; id quoque quod nusquam est, ne est quidem fortasse. Cicero pariter Quæstione prima Tusculana, loquens de hominibus vita functis: *Ubi ergo sunt ii quos miseros dicis? aut quem Locum incolunt? si enim sunt, nusquam esse non possunt. Ego vero nusquam esse illos puto. igitur ne esse quidem.*

(7) *nullos mundi fines agnoscerent*] Id quod Lucretius facit lib. 1. de Rerum Natura v. 997. hoc eodem vulgi argumento usus:

*Postremo ante oculos rem res finire videtur,  
 Aër dissipit colles, atque aëra montes:  
 Terra mare, & contra mare terras terminat omnes.  
 Omne quidem vero nihil est quod finiat extra.*

— — — — —

*Usque adeo passim patet ingens copia rebus  
 Finibus exemptis in cunctas undique partes.  
 Ipsa modum porro sibi rerum summa parare  
 Ne possit, natura tenet: quia corpus inani,  
 Et quod inane autem est, finiri corpore cogit:  
 Ut sic alternis infinita omnia reddat.*

Vide Petrum Gassendum Physicæ Sectione 1. libro 2. capite 2. *De Inani spatio, ac primo, quod vocant*  
*sepa-*



*separatum, extraque mundum: qui scriptor insignem locum Cleomedis affert huc spectantem.*

(8) *Hic olim currebat flumen, hic stagnabant paludes*] Ad has rerum locatarum, non Loci mutationes pertinent illa Propertii Elegia 1. lib. 4. v. 1.

*Hoc quodcumque vides, hospes, qua maxima Roma est,  
Ante Phrygem Ænean collis & herba fuit.*

nec non illa Tibulli Elegia 5. lib. 2. v. 57.

*Carpite nunc, tauri, de septem montibus herbas  
Dum licet: hic magnæ jam Locus urbis erit.*

denique illa Ovidii Fastorum lib. 2. v. 280.

*Hic, ubi nunc Urbs est, tum Locus Urbis erat.*

Cum quibus concinunt verba Aristotelis lib. 4. Physicorum cap. 2. Ἐν ᾧ γὰρ ἄνθρωπος ἐστὶ νῦν, ὕδωρ ἐν τῷ πρότερον ἔω, ὥς ἐστι δῆλον, ὡς ἔω ὁ τόπος τὸ ἐν ἢ χώρα ἔτερον ἀμφοῖν, εἰς ἔω, καὶ ἐξ ἧς μετέβαλλον. i. e. Nam in quo Loco nunc est aër, antea in eo aqua erat. quare manifestum est, Locum & receptaculum esse quiddam ab utrisque diversum, in quod, & ex quo sunt mutata.

(9) teste D. Augustino] Qui hanc sententiam copiosius explicat Enarratione in Psalmum 9. num. 15. *Pes animæ, inquit, recte intelligitur amor -- -- -- amore enim movetur tamquam ad Locum, quo tendit. Locus autem animæ non in spatio aliquo est, quod forma occupat corporis; sed in delectatione, quo se pervenisse per amorem lætatur.* D. autem Basilii Magnus in Homilia ad illud: *Attende tibi ipsi, explicat alia ratione, quomodo anima sit in Loco.* Οὐδὲ, inquit, ὁ σὸς νῆς προηγεμένῳ ἔχει τὴν ἐν τόπῳ διαξίβλῳ· ἀλλὰ διὰ τῆς πρὸς τὸ σῶμα συναφείας ἐν τόπῳ γίνεται. i. e. Ne tua mens quidem primario ac per se in Loco moratur: sed propter conjunctionem cum corpore, in Loco est.

(10) Eo-

(10) Eodem pacto loquitur Polynices apud Euripidem in Phœnissis versu 361.

--- -- -- -- -- ἀλλ' ἀναγκαίως ἔχει  
παῖδός ἐρᾶν ἅπαντας· ὅς δ' ἄλλως λέγει,  
λόγοισι χαίρει, τὸν δὲ νῦν ἐκῆσ' ἔχει.

--- -- -- -- -- sed necesse est

*Omnes amare patriam: qui vero aliter dicit,  
Verbis delectatur, mentem vero illic habet.*

Theocritus Idyllio 7. v. 43. Ἀἰσώργης δὲ γυναικὸς ἐπ' αἰλοτριῶ νόος αἰέν. *Impiæ vero mulieris animus semper est apud virum alienum.*

(11) *Neque vero fictis rebus Locus ullus in natura relinquitur* ] Aristoteles lib. 4. Physicorum cap. 1. Πῶ γάρ ἐστι ζαγέλαφος, ἢ σφίγξ; *Ubi enim est hircocervus, aut sphinx?* De hircocervo tamen, seu tragelapho, vide quæ ipsi animadvertimus ad Zachariæ Scholastici Dialogum contra Mundi æternitatem, Annotatione 60. Consule etiam Petrum Gasfendum Physicæ Sectione 3. membro posteriore, libro 1. capite 2. quod est *De Animalibus quadrupedibus, solidipedis, & bisulcis*. Errorem credentium esse in rerum natura Satyros notat Isaacus Casaubonus lib. 1. de Satyrica Græcorum Poësi, pag. 46. & seqq.

(12) *poëta, tabulas quum cepit sibi* ] Plautus Pseudolo Actu 1. sc. 4. v. 8.

(13) *Neque enim si quis me diu insecutus &c.* ] Placet nimirum his philosophis, Locum & Situm esse *predicationem relativam*, ut verbis utar Boëthii Severini ex libello de Trinitate capite 5. ubi hæc legere est, allatum a nobis exemplum valde illustrantia: *Non igitur dici potest, predicationem relativam quicquam rei de qua dicitur, secundum se vel*  
adde-

*addere, vel mutare. quæ tota non in eo quod est esse consistit, sed in eo quod est in comparatione aliquo modo se habere: nec semper ad aliud, sed aliquoties ad idem. Age enim, stet quisquam. ei igitur fit accedam dexter, erit ille sinister ad me comparatus; non quod ille ipse sinister sit, sed quod ego dexter accesserim. rursus ego sinister accedo, item fit ille dexter; non quod ita sit per se dexter, velut albus ac longus, sed quod me accedente fit dexter, atque id quod est, a me & ex me est, minime vero ex se se. Quare quæ secundum rei alicujus, in eo quod ipsa est, proprietatem, non faciunt predicationem, nihil alterare vel mutare queunt, nullamque omnino variare essentiam.*

(14) *distantiam . . . . . a mundi polis immobilibus* ] Vide Silvestrum Maurum in Paraphrasi ad caput 5. libri 4. Physicorum Aristotelis num. 9. textu 41.

(15) *Obscurissima igitur est Loci natura* ] Hujusmodi obscuritas non solum a re ipsa, verum etiam a præjudicatis multorum philosophorum opinionibus originem ducere videtur; qui nimirum id omne quod sit, aut Substantiam, aut Accidens esse, arbitrantur: omnem porro Substantiam vel corpoream, vel corpore carentem: Locum autem ac Tempus Accidentia esse corporea, docent. quum tamen, Locum non esse Accidens, ex eo saltem Accidentium genere quæ Substantiæ, tamquam rei subjectæ, adhærent, hoc argumento facile ostendi possit: Accidens enim est in Substantia ipsa, quæ solum quasi ac fundamentum est Accidentis. Dicimus autem de Substantia, eam esse in Loco. si igitur Locus sit Accidens, non amplius Accidens erit in Substantia, sed potius Substantia in Accidenti: quod absurdum est. Ceterum, Petrus Gassendus Loci naturam, meo quidem judicio, & omnium accuratissime investigavit, & feliciter deprehendit,



& a naturis reliquarum rerum separavit. Physicæ enim Sectione 1. libro 2. capite 1. docet: *Locum & Tempus incorporea quædam esse genere diversa ab iis quæ Substantiæ dici, aut Accidentia solent. Unde & effici, Ens generalissime acceptum, non adæquate dividi in Substantiam, & Accidens, sed adjici divisioni Locum & Tempus debere ut duo quædam membra: veluti si quis dicat: Omne Ens aut esse Substantiam, aut Accidens, aut Locum in quo omnes Substantiæ, & omnia Accidentia sint, aut Tempus quo omnes Substantiæ, aut omnia Accidentia durent. Putat propterea Gassendus, Locum esse quantitatem extensionemve quamdam, spatium nempe seu intervallum, triplici dimensione longitudinis, latitudinis, & profunditatis constans, in quo corpus recipi, aut per quod transire corpus possibile sit: at simul ejus dimensiones esse incorporeas, atque adeo Locum esse intervallum, spatiumve incorporeum, seu incorpoream quantitatem. Quo spectant illa Nemefii, Christiani philosophi, ex libro eleganti de natura Hominis, ab eodem Gassendo allata: Πᾶν μὲν σῶμα τριχῇ διασπτόν, & πᾶν δὲ τριχῇ διασπτόν, σῶμα. Καὶ γὰρ ὁ τόπος, καὶ τὸ ποῖόν, ἀσώματα ὄντω. i. e. Omne quidem corpus triplici dimensione prædeditum est: at quicquid triplici dimensione prædeditum est, non est corpus. Ejusmodi enim sunt Locus, & Qualitas, entia incorporea.*

(16) lib. 4. Physicorum cap. 1. ] Philosophi verba sunt: Ἐκεῖ δὲ πολλάς ἀπορίας, τί ποτέ ἐστιν ὁ τόπος· οὐ γὰρ ταυτὸν φαίνεται θεωροῦσιν ἐξ ἀπάντων τῶν ὑπαρχόντων. Ἐστὶ δ' οὐδ' ἔχομεν οὐδὲν σῶμα τῶν ἄλλων, οὔτε προηπορημένον, οὔτε προηυπορημένον περὶ αὐτοῦ. i. e. Existunt autem multæ dubitationes, quid tandem sit Locus. non enim idem videtur dispicientibus, ex iis omnibus quæ insunt. Præterea nihil habemus ab aliis de eo ante vel dubitatum vel expositum.

(17) Divinam Immensitatem Locum esse, affirmarent ]

rent] Arnobius libro 1. contra Gentes *Locum rerum ac spatium* appellat Deum, & *fundamentum cunctorum quaecumque sunt*. Marius item Victor, poëta Christianus, in Præfatione ita Deum alloquitur:

*Tu spatium rerum, mentis quocumque recessus  
Tenditur, excedis, spatio neque cingeris ullo.*

Ut alios plures omittamus. Quomodo id recte intelligi possit, disquirat doctissimus Petavius tomo primo Dogmatum Theologicorum, libro 3. *de Deo Deique proprietatibus* cap. 9. num. 10. Ceterum, utrum Locus & spatium a Deo creatum fuerit, nec ne, considerat Petrus Gassendus *Physicæ Sectione* 1. libro 2. capite 1. prope finem.

(18) *ut Aristoteli videtur*] Libro 4. τῆς φυσικῆς ἀκροάσεως cap. 4.

(19) *a Platone traditum est*] Plato in eo Dialogo pulcherrimo quem Timæum inscripsit a Timæo Locro philosopho Pythagoræo, cujus primæ sunt in disputando partes, docuit, elementa omnia componi e superficiebus rectangulis, adeoque dissolvi in superficies rectangulas: superficies porro rectangulas abire in triangula rectangula. Et quoniam triangulum rectangulum, sive ὀρθογώνιον, duplex est; aliud nimirum ἰσοσκελές, seu paribus cruribus constans, quod habet unum angulum rectum, & alios duos inter se æquales recto minores, sive acutos; aliud σκαλενόν, quod habet unum angulum rectum, & duos angulos acutos inæquales; ideo Plato dixit, terram primo componi, ac postremo dissolvi in triangula rectangula ἰσοσκελῆ, alia vero elementa primo componi, ac postremo dissolvi in triangula rectangula σκαλενά. Cujus Platonice opinionis αὐτονομίαν, ut ita loquar, solidis argumentis refutat Aristoteles lib. 3. de Cælo cap. 7.

(20) *in Discussionibus Peripateticis*] Tom. 1. pag. 21.

(21) *Felix Accorombonius* ] Apud Johannem Albertum Fabricium Bibliothecæ Græcæ libro 3. capite 6.

(22) *libro 3. de Caussis corruptarum artium* ] Pagina 99.

(23) *ut ambæ unum quodammodo fiant* ] Verba philosophi ad hanc doctrinam pertinentia sunt ea quæ sequuntur: Ο'ταν δὲ διηρημένον ἢ ἐκ ἀπτόμενον, ἐν πρώτῳ ἐσὶ τινὶ τῷ ἐχάτῳ τῷ περιέχοντι, ὃ ἔτ' ἐστὶ μέρος τῷ ἐν αὐτῷ ὄντι, ἔτε μᾶλλον τῷ διαστήματος, ἀλλ' ἴσον. Ε'Ν ΓΑΡ ΤΩΙ ΑΥΤΩΙ ΤΑ' Ε'ΣΧΑΤΑ ΤΩΝ Α'ΠΤΟΜΕΝΩΝ. *Quum autem est divisum, ac tangit* (loquitur Aristoteles de corpore alicubi locato) tunc est in aliquo primo, quod est extremum continentis, & neque est pars ejus quod in ipso est, neque majus intervallo, sed æquale: QUONIAM IN EODEM SUNT EXTREMA EORUM QUÆ SE TANGUNT. Sed si hoc Aristoteli damus, superficies nimirum duorum corporum, quorum alterum ab altero omni ex parte contingitur, in eodem Loco esse; quum superficies sit Locus, id absurdum statim consequetur, Locum in Loco futurum.

(24) *si Aristotelem audimus* ] Libro 1. de Cælo capite 10. in vulgaribus codicibus. Philosophus tamen secum ipse pugnare videtur. Docet enim libro 2. ejusdem operis cap. 5. cælum ultimum velocissime moveri. Quid est autem aliud moveri nisi Loca mutare, sive de alio in alium migrare Locum? Si cælum igitur non est in Loco, profecto moveri non potest. Quod enim in Loco non est, non potest mutare Locum, aut in alium Locum migrare. Deinde, idem Aristoteles huic sententiæ contrariam omnino conclusionem ponit libro 4. τῆς φυσικῆς ἀκροάσεως capite 6. Διὰ γὰρ, inquit, τὰ ἐκ τὸν ἔρανὸν μάλιστα οἴομεθα ἐν τόπῳ, ὅτι αἰεὶ ἐν κινήσει. *Icecirco & cælum maxime putamus esse in Loco, quia semper est*



est in motu. Flagitiosam hanc doctrinæ inconstantiam satis in tanto philosopho mirari nequeas; nisi forte eo confugas, ut dicas, vocem illam *οἰόμεθα*, putamus, de vulgarium hominum opinione, non de ipsius Aristotelis decreto, accipiendam atque intelligendam esse.

(25) recte sibi fingunt] Vide Petrum Gassendum Physicæ Sectione 1. libro 5. capite 4. quod est *De motu rerum projectarum*.

(26) in ejus tamen locum alia succedit, eâdem omnino magnitudine] Digna sunt profecto quæ hic legantur verba Julii Cæsaris Scaligeri, doctissimi hominis, & quantum illa ferebant tempora, in philosophiæ studiis maximopere exercitati. Sic igitur ille scribit Exercitatione 5. de Subtilitate ad Hieronymum Cardanum, num. 3. *Quinetiam ex his ipsis judicatur, quam recte senserint nostri (nimirum Peripatetici) de Loci immobilitate. Quum enim diceretur hoc ab antiquis, hunc quoque affectum esse Loci, scilicet immobilitatem: tum isti corporis ambientis superficiem moveri viderent: multa commenti sunt. Aëre namque moto circumfusam corpori superficiem aliam atque aliam subinde evenire necesse est. Ajunt igitur: Licet ratio aëris, & aquæ sit alia succedens a præcedente, tamen est eadem præcedenti per æquivalentiam. Quam plene hæc expediant dubitationem, vides. Nostra ergo definitione solvuntur omnia. Illud enim spatium numquam movetur. Siquidem corpus ipsum in suo spatio, ac sane eodem numero, semper est.*

(27) Julius Cæsar Scaliger] Cujus hæc sunt, ad rem qua de agimus pertinentia: *Non est igitur Locus, exterioris corporis ambiens superficies: sed id quod intra eam superficiem continetur. Est autem quodammodo ens, & quodammodo non ens. Est enim non ens, quia ens continetur ibi: & est ens, quia est aliquid allicujus: nempe cavum intra corpus. Quod autem Lo-*

*cus non sit superficies corporis exterioris, acutius intuenti patet. Sic enim, duobus in Locis unum corpus esset. Namque superior Lunæ superficies esset Mercurii Locus: & alter ejusdem Locus esset, interior Veneris superficies. Hinc etiam sequitur tot argumentorum facilis ac perspicua solutio. Manifestum enim est, quemadmodum primum cælum est in Loco. Et sane in suo spatio, quod occupat. Ut sit hæc Loci vera definitio, non per superficiem. Qua ex contemplatione magnopere erit philosopho laborandum, quibus dicendi modis statuere poterit aliquid esse in Loco, &c.*

(28) *si spatium sit Locus, infinita Loca futura ]* Εἰ δ' ἔν τι τὸ διάστημα τὸ περὶ τοῦ, ἢ μόνον ἐν τῷ αὐτῷ τόπῳ, ἅπτεροι ἂν ἦσαν τόποι. *Ceterum si intervallum esset aliquid quod sua natura esset, ac maneret eodem in Loco, infinita essent Loca. Verba sunt Aristotelis τῆς φυσικῆς ἀπορίας libro 4. capite 6.*


(29) *infinitis corporum partibus semper decrescen-  
tibus, minoribus videlicet atque minoribus ]* Verbum *decrescere* tribuitur interdum a scriptoribus Latinis etiam rebus quæ tametsi neque augeantur, neque minuantur, cum aliis tamen rebus ejusdem generis comparatæ, illis majores aut minores deprehenduntur. Satis mihi fuerit asserere insigne Tibulli exemplum ex Elegia 5. lib. 2. v. 31.

*Fistula, cui semper decrescit arundinis ordo,  
Nam calamus cera jungitur usque minor.*

(30) *saltem λογισμῷ νόθῳ ]* Vide Annotationem nostram 58. ad Dialogum Zachariæ Scholastici adversus Mundi æternitatem, quem Dialogum de Græco in Etruscum sermonem ipsi vertimus.

J O. A N T O N I I  
V U L P I I  
D I S S E R T A T I O  
I N  
L U C R E T I U M.







# DISSERTATIO IN LUCRETII M.

---

*Viro Doctissimo Clarissimoque*

JOANNI GRATIANO

In Gymnasio Patav. Philosoph. Profefs. Prim.

JO. ANTONIUS VULPIUS S. P. D.



UUM T. LUCRETII CARI,  
poëtæ nobilissimi, ejusdemque  
philosophi acutissimi, Libros  
DE RERUM NATURA, ad  
optimarum editionum verita-  
tem diligenter exactos, meo-  
que sumtu typis excusos, in  
publico proponere statuissem; quod videlicet bo-  
norum exemplarium pænuria studiosos juvenes  
jamdiu laborare intelligerem; prorsus autem ne-  
cessarium mihi videretur, de utilitate ex tam e-  
gregio scriptore capienda, quidve in ejus lectio-  
ne caveri, quid contra feligi ediscique oportere-  
ret,

ret, paucis exponere; tu statim animo occurristi, JOANNES GRATIANE, nostri temporis philosophorum eloquentissime, ad quem potissimum, tamquam ad judicem harum rerum maxime peritum, orationem meam omnem disputationemque converterem. Dolueram enim sæpissime, has quæ libris præponuntur, & auctoris consilium, susceptique operis rationem declarant, sive Epistolas, sive, ut multis appellare libet, Præfationes, nemini scilicet ex doctorum numero inscriptas, ac tantum populari studio commissas, plerumque neglectui esse, aut certe oscitanter legi; quo fit, ut de incognitis rebus pravissima quotidie judicia temere proferantur, utque eruditorum hominum labores non ea quæ par fuerat, gratiæ atque honoris mercede excipiantur. Tibi igitur, præ ceteris, viro quum in veteri elegantia, tum in omnis ævi doctrina summo opere exercitato, quaecumque hoc industriæ ac diligentiae specimen mittendum esse existimavi; futurum enim sperabam ut nominis tui fama & celebritate, quæ ubique magna est, invitati complures, manum huic scriptioni nostræ cupidius admoverent. Quod si etiam, præter te unum, qui nostris hisce legendis otium suum consumere vellet, inventus esset nemo, non iccirco me laboris mei fructu, quem petiissem, cariturum videbam: ubi enim alia omnia adversa atque inimica sint, pulchrum tamen est, si minus successum, at optimam saltem de disciplinarum studiis benemerendi voluntatem suffragio tuo gravissimo comprobari. Sed quæ præterea me causæ



fæ impulerint ut hoc ad te litterarum darem,  
 brevissime, si potero, exponam. Audiebam te  
 admodum adolescens, summa juventutis frequen-  
 tia, in hoc Gymnasio Patavino e superiore loco  
 philosophiæ decreta illustri cum laude tradentem:  
 audiebam doctorum virorum honestissimos de te  
 tota urbe sermones: audiebam quæ de ingenii  
 tui magnitudine, de tua in veterum recentio-  
 rumque Physicorum commentariis evolvendis af-  
 fiduitate ac sollertia, de ista præcipue, in ho-  
 mine philosopho plane admirabili, qua ad Tul-  
 lium proxime accedis, facultate dicendi, apud  
 exteros esset opinio. Videram libros tuos quos  
*de Rebus Gestis invictissimi Ducis Francisci Mau-*  
*roceni Peloponnesiaci*, tum quos *de Thermis Agri*  
*Patavini* copiose atque ornate conscripseras; &  
 quamvis ea subsidia omnia quæ ad recte judican-  
 dum requiruntur, nondum mihi per ætatem com-  
 parare potuissem, quo tamen in pretio habendus  
 esses, ex ipsis librorum argumentis non inanem  
 conjecturam faciebam. Acceperam etiam a ma-  
 joribus natu, numquam te affinem fuisse earum  
 rerum quas fert adolescentia; numquam, turpe  
 otium atque inertiam secutum, corporis volupta-  
 tibus, bonorum ingeniorum pestibus, te ener-  
 vandum tradidisse; numquam ab honesti recti-  
 que tramite vel tantulum deflexisse: at contra  
 dies noctesque in bibliotheca tua delitescere, ra-  
 ro in foro aut in hominum conventibus conspi-  
 ci solitum: semper ea meditatum quæ reipubli-  
 cæ utilitatem, tibi ipsi gloriam afferre possent;  
 virilem denique a puero severitatem, pruden-  
 tiam,

tiam, animique constantiam, non sine ingenti æqualium tuorum admiratione, præstitisse. Quæ quum ego attentius considerarem, acres mihi ad virtutem stimulos exemplo tuo subijci sentiebam; quumque laudi tuæ incredibiliter faverem, illum aliquando diem illucescere optabam quo quanti te facerem, certissimo testimonio omnino perspectum haberes. Huic porro nostræ, quam de tuo ingenio, doctrina, moribus, adolescens imbibe-ram, opinioni tantum abest ut grandior & confirmata ætas quidquam detraxerit, ut contra insignis accessio facta fuerit: multa enim quæ propter judicii imbecillitatem antehac dignoscere nullo pacto poteram, nunc demum penitus intueri mihi licet. Hoc quidem tempore non id in te supra cetera admiror (quamvis id quoque vehementer admirer) quod tibi cum malis etiam hominibus commune esse nihil vetat; multarum nempe rerum scientiam cum singulari eloquentia conjunctam; verum præclaris illis virtutibus facile primas tribuo quibus a te invidiam vulgi amoliris; ut nemini, nisi sceleratissimo, consuetudinem tuam, vitæque rationem reprehendendi locus relinquatur. Quam enim demisse de te tuisque rebus sentis! quam principum virorum, quorum secretioribus consiliis non raro adhiberis, familiaritate innocenter uteris! quam omnibus auxilio tuo indigentibus facilem humanumque te præbes! quam ab obrectandi libidine, ac reliquorum contemptu abhorres! quam aliena studia, honestosque conatus, ac si tua de gloria commodisque ageretur, quibuscumque rebus potes, adjuvas,

juvas, tueris, confirmas! Quid porro de pectoris tui candore dicam, nullo umquam malevolentiae felle suffusi? quid de oris tui verecundia, qua omnium vel qui te primum viderunt, animos tibi concilias? quid postremo de illa tua in amicitiiis colendis admirabili fide atque constantia, cujus non semel illustria a te data sunt documenta? Fuit hæc in amicos pietas, quemadmodum veteres tradidere, unum ex præcipuis Epicuri decretis, haud paullo gravioris philosophi quam vulgares censeant ludimagistri; cujus tu rationem philosophiæ, ut est a viro incomparabili Petro Gassendo, nonnullisque recentioribus emendata, & Christianæ religioni accommodata, in plerisque videris non improbare. Quo etiam nomine T. LUCRETII CARUM a te benigne exceptum iri confido, vitio quidem temporum suorum identidem insanientem, cetera vero ingeniosum, acutum, bonæ frugis poetam; quodque tibi eum vehementius commendare debet, sermonis elegantiae studiosissimum; quæ quamvis ab Epicureorum grege fere contempta, ad Epicuri tamen sententias cognoscendas, aliarum quoque sectarum homines facile invitare possit. Hæ sunt causæ quibus adductus, te in rerum pulcherri-  
marum meditatione versantem interpellare ausus sum: nunc illud te rogo, ut si ea tantummodo in medium afferam quæ a te minime ignorantur, ne continuo mihi succenseas, quemadmodum Phormioni olim, inepto ac deliro seni, de re militari coram se disputanti, fertur Hannibal succensuisse: hæc enim quæ in gratiam tironum a  
me



me conscripta sunt, eo consilio ad te mittuntur, ut ea scilicet, si bona fuerint, auctoritate tua confirmare velis, sin autem mala, castigare censura.

Omnis igitur quæ a LUCRETII poëmatibus in legentium animos proficisci potest utilitas, ea sine dubio non aliunde quam ex rebus de quibus agit poëta, & ex ejus dicendi genere, oritur necesse est. Si res ipsas consideremus, tria potissimum dispicienda occurrunt: quid videlicet de diis & religione, quid de animorum natura, quid de materia primisque corporibus LUCRETIVS noster, vel potius LUCRETIO interprete doceat Epicurus. Hæc sunt, nisi fallor, desipientis hujus sapientiæ præcipua capita; quæ tamen a nobis breviter summamque attingentur; non enim ad commentarium scribendum aggredimur (præstiterunt id magna cum laude viri doctissimi) nec est sane hujus loci aut temporis longiorem instituere disputationem. Satis erit si juventutem monuerimus, ut meminerit, in LUCRETII lectione, tamquam in lubrico & periculoso loco, sibi caute ac suspenso pede incedendum: non omnibus quæ veritatis speciem præ se ferre videantur, temere adfentiendum: ad naturæ sæpe judicium, rectæque rationis normam provocandum: delectu denique utendum, quo & profutura pauca arripiantur, & multa nocitura declinentur. Hinc autem orationis nostræ initium sumemus.

Placet LUCRETIO, & reliquis Epicureis, perturbationes omnes quibus hominum vita exercetur,

cetur, metum in primis ac superstitionem, non alio pacto quam rerum naturæ cognitione, leniri ac mitigari posse: dandam iccirco operam philosophiæ, non ut tantummodo inanem quamdam sciendi cupiditatem expleamus, indoctique vulgi plausum & admirationem copia verborum, & linguæ mobilitate aucupemur; quod multis olim propositum fuisse, & hodie adhuc esse, intelligimus; verum ut, populari errore depulso, nihil jam abjectum cogitantes, contraque fortunæ vim, ac mortis terrorem animum erigentes, hoc, quod nobis datur, vivendi tempus tranquille beateque traducamus. Sapienter id quidem, ac bono exemplo; non enim ad hoc nati videmur, ut nosmetipsos negligentes, ac, tamquam incultos agros, vitiorum situ ac squalore horrescere sinentes, cæli terræque ambitum dimetiamur, & quæ natura densissimis tenebris circumfusa esse voluit, in iis vestigandis toti simus: at potius ad studium justitiæ atque honestatis; unde vera voluptas demum exsistit. Flagitiosum sane ac miserum est, homines in philosophia diu multumque versatos, plebejis adhuc & anilibus morbis laborare, adhuc lucelli amore flagrare, adhuc glorio-  
lam captare, adhuc invidia tabescere, malisque libidinibus transversos rapi, adhuc spe ac metu jactatos fluctuare; quumque magnifica & sublimi oratione ad populum usi fuerint, in ea tandem probra incidere quæ a vulgaribus hominibus, naturam tantum ducem secutis, facile devitari videmus. Hinc fit ut philosophi plerumque male audiant; ipsumque nomen philosophiæ  
apud

apud eos præsertim qui rem familiarem vel publicam gerunt, in contemtionem fere ac ludibrium venerit: existimant enim, rem esse levissimam, neque omnino aliud quam callidam & speciosam inertiam; quod scilicet neque locupletiores, nec adeo meliores familiares suos efficere soleat. Nosti, quid Centurio ille apud Persium dicat: \*

*Quod sapio satis est mihi: non ego curo  
Esse quod Arcesilas, ærumnosque Solones,  
Obstipo capite, & figentes lumine terram,  
Murmura quum secum, & rabiosa silentia ro-  
dunt,  
Atque exporrecto trutinantur verba labello,  
Ægroti veteris meditantur somnia, gigni  
De nihilo nihilum, in nihilum nil posse reverti.  
Hoc est, quod palles: cur quis non prandeat,  
hoc est.*

At vero si ad mores formandos, vitæque com-  
moda amplificanda totum hoc studiorum genus  
adhibeatur, intelliget profecto populus, nullum  
esse negotium quod tam operoso salubrique otio  
anteponi mereatur, honestioremque aliquanto o-  
pinionem de gravissimis disciplinis mente com-  
prehendet. Ajunt, Socratem eo nomine philoso-  
phos reprehendere solitum, quod otiosis disputa-  
tionibus tempus tererent, & in rebus a vitæ u-  
su remotissimis, omnemque intelligentiæ nostræ  
conatum exsuperantibus multam eamque inanem  
operam collocarent: quamobrem ipse primus phi-  
loso-

\* Sat. 3. v. 78.



lofophiam e cælo deduxit, ac ftudium omne fuum ad morum doctrinam convertit. Contra Epicurus, quum ſibi finem bonorum unicam ftatuiffet voluptatem, ſive, ut invidioſo vocabulo abſtineam, animi a metu ceteriſque perturbationibus omnino vacui, tranquillitatem, ac quodammodo libertatem; in abditas propterea rerum cauſſas iis inquirendum cenſuit qui tale ac tantum bonum adſequi voluiſſent: præcipuam enim malorum cauſſam hominibus eſſe arbitratus eſt veri ignorationem; quod non, uti Socrates, perdifficile inventu, vel, ut Arceſilas ceterique omnes novi Academici, omnino ἀναπύλητον, \* ſed contra, ſenſuum ductu minime fallaci, promptum expeditumque, quin etiam ſtrenue veſtigantibus, ipſum per ſe benigne occurrere ſolitum exiſtimavit. Haætenus laudari poterat Epicurus; modo ex rerum naturæ contemplatione, falſis ratiunculis deceptus, non eos dementiæ, ſtuporis, atque impietatis fructus collegiſſet qui ejus nomini perpetuas infamiæ notas apud poſteritatem inuſſerunt. Metum, ait, præ reliquis animi perturbationibus ei cavendum eſſe cui curæ ſit beate vivere; amorem enim, odium, dolorem, iram, paullo rariuſ, & quaſi per intervalla, hominum vitam male habere: metum autem, tamquam Siſypho ſaxum, aſſidue capiti impendere, neque ullam adeo miſeris voluptatem puram & defæcatam relinquere; quum ſcilicet præſentibus bonis minus gaudere oporteat in futurorum malorum cogitatione defixos. Eſt hoc Epicuro commune cum

V

Stoi-

\* quod comprehendendi non poteſt.

Stoicis, ex quorum præceptis hæc magnifice loquitur Epictetus: \* κρείσσον γάρ ἐστι λιμὼν ἀποθανεῖν, ἄλυπον ἢ ἀφοβον γρύμενον, ἢ ζῆν ἐν ἀφθόνοις ταρασσόμενον. Sed ob id tamen Epicuri ratio vehementer improbari debet, quod nimirum religionem, ac insculptam in hominum mentibus de Dei providentia, & de animorum immortalitate opinionem, earum quæ in vita sunt molestiarum atque cruciatuum culpam pæne omnem sustinere voluerit: proptereaque summa ope contenderit ut persuaderet, a diis neque mundum administrari, neque ullam rerum humanarum curam geri: animos item hominum, quod corpora natura præditi sint, una cum ipsis corporibus interire. Hæc enim tam absurda sententia malis potius, quam bonis videtur consultum vellem. Boni siquidem suppliciorum terrore quæ apud inferos esse constat, quod videlicet ad se non pertineant, minime percelli solent: quemadmodum Lex Julia de adulteriis ei tantum formidanda est qui alienam uxorem corruperit; nemini autem, præterquam parricidæ, culleus metum incutere debet. Nec vero quum se a Deo curari cogitant, horrorem aliquem ex ea cogitatione percipiunt: quin etiam spes omnes suas in eo collocare, atque ab ipso innocentia, virtutis, multorumque benefactorum præmia, postquam corporum vinculis effractis, ex hac turba & colluvione discesserint, tamquam strenui milites ab æquif-

\* *Enchirid. cap. 16. Præstat enim perire fame, timoris ac molestiæ expertem; quam copiis omnium rerum circumfluentem, animo vivere perturbato.*

æquissimo imperatore, exspectare consueverunt. Quæ præmia si auferas, non quidem ab honestate ad turpitudinem traducentur; gratuito enim recte agere, id demum est bonum esse; at fortasse in virtutis curriculo aliquid de pristina alacritate remittent. Mali contra, pœnarum metu depulso, qui solus eos in officio continere, aut saltem ab ultimis sceleribus perpetrandis cohibere poterat; si spes ulla se ostendat, occulta fore magistratibus quæ peccaverint, jam libidinibus habenas laxabunt, jam se omnibus stupris, perjuriis, sacrilegiis, cædibus contaminabunt. Egregiam vero disciplinam, quæ bonos a statu virtutis dejiciat, malos autem, proposita scelerum impunitate, ad securius peccandum invitet. At quibus tandem rationibus confirmat, humana diis curæ non esse? Sollicitudinis, inquit, expertes deos esse convenit, atque a rebus gerendis omnino ferari; id enim vel maxime ad beatitudinem pertinet. Quasi vero, ut nos homunculi negotiorum varietate ac multitudine obruimur, ita præcellens illa ac divina natura aut lassitudini obnoxia esset, aut diuturnæ administrationis tædio capi posset. Nonne hoc est, quemadmodum Ciceroni videtur, \* *verbis relinquere deos, re autem tollere?* Porro, si dii neque gratia moveantur, neque ira tangantur, non video, quo pacto homines de eorum natura, vi, ac potestate quidquam suspicari potuerint; quam procul dubio, si per ipsius vestigia cognosci oportuit, beneficentia potissimum, ac vindicta oportuit innotuisse. Vi-

V 2

detur

\* *De Nat. Deor. l. 1. in calce.*



detur autem Epicurus joculari potius quam serio philosophari voluisse quum *deos non habere corpus, sed quasi corpus, non sanguinem, sed quasi sanguinem* (id quod testatur (1) M. Tullius) litteris traditum reliquit. Posuerat enim, duas tantummodo naturas in universo existere, materiam scilicet, sive corpuscula solida atque individua, & inane, quod locum corporibus daret, ipsisque admixtum rerum gignendarum causa esset: nihil præterea excogitari posse quod per se existeret; reliqua vero omnia aut his duobus conjuncta, aut horum eventa appellari debere, ut ex his LUCRETII nostri versibus constat: (2)

*Præterea, nihil est quod possis dicere ab omni Corpore sejunctum, secretumque esse ab Inani: Quod quasi tertia sit rerum natura reperta.*

& paullo inferius: (3)

*Ergo præter Inane, & Corpora, tertia per se Nulla potest rerum in numero natura relinqui; Nec quæ sub sensus cadat ullo tempore nostros, Nec ratione animi quam quisquam possit apisci. Nam quæcumque cluent, aut his conjuncta duabus Rebus ea invenies; aut horum eventa videbis.*

Igitur si dii corpore carent, secundum Epicuri sententiam nec omnino sunt: naturam enim ἀσώματων, (4) & ab omni materiæ concretione sejunctam, præter inane, ipse nullam agnoscit. Secum igitur pugnantia docet. Viderat nimirum,

(1) *De Nat. Deor. lib. I. c. 18. 25. 26.*

(2) *Lib. I. v. 446. & sequ.*

(3) *Lib. I. v. 431. & sequ.*

(4) *Expertem corporis.*

mirum, si dii corpus habuissent, necessario futurum ut dissolutis corporibus, ipsi quoque perinde ac homines, & universa mundi compages, aliquando interirent; quod quum alienum deorum majestate judicaret, ut ii qui malæ causæ patrociniū susceperē, ad sermonis argutias ineptiasque confugit. Turpem hanc magistri sui sententiarum inconstantiam videtur LUCRETIVS initio poëmatis imitatus: etenim qui contra deorum providentiam acerrime disputaturus erat, quasi prodito decreto, Venerem supplex rogat, ut ab amatore suo Marte Romanis civili discordia identidem laborantibus pacem impetrare velit. Qui nodus vindice dignus eruditissimorum hominum ingenia torlit, veluti ex quadam Petri Victorii Epistola ad Joannem Casam manifestum est. Ego vero existimaverim, Veneris auxilium iccirco invocasse LUCRETIVM ipso in limine operis sui, ut videlicet se poëtam ostenderet, significaretque, deos nusquam esse nisi in fabulis poëtarum: quibus alioqui omnem fidem abrogare conatus est libro secundo, ubi quid antiquitas de matre deorum Berecynthia, & de Curetibus ejus deæ sacerdotibus commenta fuerit, elegantissimis versibus exponit: & rursus libro quinto, ubi silvarum incolas Faunos, Nymphasque, tum Arcadiæ deum Pana, fistulatore scientissimum, & si qua sunt alia Græcorum ingeniorum φαντάσματα, \* urbane admodum ac lepide irridet. Quæ mihi attentius consideranti illud in mentem venit, tantam illam numinum mul-

\* *visa, spectra.*

titudinem quæ infelicibus illis temporibus *urbes ararum compleverat*, ut nostri poetæ verbis utar, sapientiæ studiosis causam fuisse, cur oppositam (1) ἀθεόρνητος opinionem turpissime nanciscerentur; quis enim, quæso, naris paullo emunctioris, & a sensu communi non destitutus, ferre poterat minutos illos, & patellarios, tum vappas, ac nebulones deos; in hortorum angulis, in stabulis, in culinis, in cloacis etiam ac sterquiliniis, stultissimorum hominum vota captantes? Igitur, si minus excusatione, at certe miseratione digni sunt veteres philosophi, qui quum adeo indigna de diis sentire non possent, cupientes proferre meliora, ipsi quoque a veritate longissime aberraverunt. Ceterum ea vis est naturæ, ut non solum Plato, Aristoteles, & plerique alii acerrimo ingenio viri, unum rerum omnium auctorem & conservatorem Deum (qui nobis Christianis maximo ac singulari beneficio pleniorum sui notitiam largiri voluit) cogitatione adsecuti fuerint, tametsi qualis esset minime perspexerint; verum etiam LUCRETIVUS ipse vel invitatus eum quodammodo agnovisse, immo & falsus esse videatur. Quo enim illa pertinent e quinto libro? (2)

*Ujque adeo res humanas vis abdita quædam*

*Obterit, & pulchros fasceis, sævaque secureis*

*Proculcare, ac ludibrio sibi habere videtur.*

Profecto dii nihil agentes, & qui nullum ob scelus indignantur, a rebus humanis permiscendis abstinere dicendi sunt.

Quam

(1) impietatis, quæ deos esse negat.

(2) vers. 1232. & sequ.



Quam vero laborat poëta noster, quam æstuat, quam se expedire nescit, ubi hominum animos, quemadmodum reliqua omnia, e corporeis particulis, tenuissimis illis quidem atque incredibili pernecitate agitatis, constare docet! Dixeris eum instituti sui poenitere, qui materiam quocumque tandem partium ordine dispositam, motuque incitatam, sensus, cogitationem, prudentiam, memoriam denique efficere posse, & ipse crediderit, & alios persuasum habere voluerit. Quod certe si quis accuratius animadverterit, absurdorum omnium maxime absurdum esse deprehendet. Calorem, aërem, ventum ad effingendum animum commiscet LUCRETIVS; quibus tamen propositi operis summam confici non posse, intelligit: addit igitur quartam naturam, expertem nominis, unde, tamquam a fonte, incipiant oriri sensus: eam persubtilem esse dicit, corpoream tamen. At quum corpus, quantalibet tenuitate præditum, corpus numquam esse desinat, semperque a cogitationis natura plurimum distet, incircò iisdem rursus difficultatibus poëta premitur; quas, ut erat perspicax, videre facile potuit; ut pessimæ causæ favebat, vitare nullo pacto potuit. Quamobrem argumenta quibus animos post mortem nequaquam superesse, at statim retexi & dissipari contendit, quod infirmo fundamento subnixa sint, jam omnia sua sponte corruunt; quæ sane, si primum illud concederetur, ipsos nimirum corporea constare natura, plurimum ponderis ac momenti habitura fuerant.

Venio nunc ad illam in qua fortunæ omnes

Epicureorum positæ sunt, de primis corporibus, & de materiæ soliditate sententiam. Docet igitur LUCRETIVS ex magistri præceptis, innumera esse in rerum natura corpuscula, exiguitate sua sensum omnem fugientia, compositionis, & sensilium qualitatum expertia, partes quidem habentia, sed eas quæ nequeant separari, variis figuris prædita, æterna, per infinitum inane irrequieto motu deorsum tendentia, quorum fortuito concursu, sine ullo deorum adminiculo, non solus hic quem incolimus terrarum orbis, & circumfusus ipsi æther aliquando procreatus fuerit, verum etiam alii extra hunc innumerabiles mundi omnibus minimis temporum punctis procreentur; quos tamen singulos, exacta ætate, ob assiduos materiæ nifus corrumpi oporteat, eadem semper incolumi permanente. Immodicam profecto corpusculis hisce vim atque licentiam tribuisse videtur Epicurus. Quum etenim ceteri philosophi pæne omnes naturam, ut ait Cicero, (1) in duas res omnino dividerent, quarum altera esset efficiens, altera vero huic se formandam atque efficiendam præbens; quumque in ea quæ efficeret, vim quamdam & facultatem, in ea quæ efficeretur, materiam esse censerent; quemadmodum Plato mundi deum architectum, res pulcherri-  
mas ex informi materiæ sinu educentem describit, (2) Stoici vero calorem illum ac spiritum per cæli terræque spatia diffusum jactare non desinunt,

(1) *Academic. Quæst. ad M. Varronem lib. i. cap. 6.*

(2) *in Timæo, & in libro de Anima Mundi.*

finunt, quem mundi animum appellant: (1) placuit Epicuro, Democriti rationem secuto, materiam nullo alio indigere a quo moveatur, ipsamque suoapte motu cieri. Hunc autem motum inferiora versus esse dixit; credo, quod reliqua corpora ex primis apta deorsum ferri vidisset; in quo ille, mea quidem sententia, vehementer falsus est. Quid sit enim *descendere* in infinito inani, ubi nihil medium est, quo ex omni regione pondera detrudantur; quæ item superæ, quæ inferæ partes in eodem appellari debeant, intelligere posse arbitror neminem. Porro, quæ de atomi recta descendantis levi declinatione, nec certo loco, nec tempore fieri solita, ut res nimirum effici possent, fatique necessitas tolleretur, arbitrato suo somniavit Epicurus, nostra refutari oratione non postulant, quum eorum vanitatem copiose ac luculenter suo more ostenderit M. Tullius in libris quos de Finibus Bonorum & Malorum, ac de Fato conscripsit. Neque a nobis expectandum est, ut puerilem ac ineptam illam de simulacris fabulam, in qua exponenda plurimos atque egregios versus perdere non dubitavit LUCRETIVS, cachinno & sibilo excipiamus. Ipsa quam sit futilis, per se declarat: neminem autem sanum in errorem potest inducere.

Fatendum tamen est, quum tot ac tanta peccent Epicurei, multa nihilominus ex ipsorum disciplina vitæ admodum utilia, & ipsi Christianæ religioni consentanea disci posse. Quod enim sensus defendunt adversus Academicorum argutias, neque animi errores iis tribuendos esse cla-

(1) *Cic. de Nat. Deor. lib. 2.*

mant;



mant; quod res certas a dubiis diligenter fecerendas, nec cuiquam viso temere adfentiendum, monent; quod in fulminum, tonitruum, aliarumque rerum quæ in sublimi gignuntur, terræmotuum item, ac morborum quorundam caussis explicandis aut vera, aut saltem veris affinia proferunt; quod mundum denique ortum, atque aliquando interituum testantur; gratiæ illis habendæ sunt, nec est cur eorum cogitatis atque inventis uti nolumus. Præterea, ut ad LUCRETIIUM referatur oratio, multa sunt in hoc poëmate, de mortis contemptu fortiter, de temperantia graviter, de humanitate leniter, postremo de animi tranquillitate dicta sapienter. Quibus rebus factum est, ut veteres illi Ecclesiæ patres, summa sanctitate ac doctrina viri, Arnobius in primis, Lactantius, ac Prudentius, a LUCRETII lectione non abhorruerint, ut ex eorum scriptis facile apparet; quum enim sententiarum pondere, tum verborum luminibus, quibus totum hoc poëma, quasi gemmulis quibusdam, conspersum est, mirifice capiebantur.

Haëtenus de operis argumento, quantum instituti nostri ratio postulare videbatur, dictum a nobis est: deinceps de sermonis genere quo usus est LUCRETIIUS, breviter considerandum. Si quis autem plura & pleniora expetiverit, is Dionysii Lambini, atque Oberti Gifanii, virorum doctissimorum, ac de poëta nostro optime meritorum, lucubrationes adire ne gravetur; quibus pauca omnino supersunt quæ adjiciamus. Mirus est igitur in LUCRETII carminibus Romanæ orationis nitor, mirus verborum delectus ac splendor;

dor; quod scilicet ejus ætate nondum multitudo  
 illa peregrinorum, atque inquinata loquentium  
 in urbem confluxisset, quæ Latinam linguam iis  
 quæ poëtæ mortem consecuta sunt temporibus,  
 ita paullatim immutavit, ut alia prorsus videretur.  
 Ex hac porro emendate ac pure loquendi  
 facultate, jucunda legentibus oritur perspicuitas,  
 quæ rebus alioquin obscuris, & intellectu difficil-  
 lissimis, quales necessario sunt quæ a philosophis  
 tractari solent, clarissimam lucem adfert; quo in  
 genere LUCRETIVUM excellere, dubio procul  
 fatendum est. Vix enim unus aut alter ex nu-  
 mero philosophorum (te unum semper excipio,  
 JOANNES GRATIANE) soluta oratione ea  
 persequi commode possit quæ scriptor elegantissi-  
 mus nullo negotio versibus explicavit. Non so-  
 lum autem proprietatem verborum, causam esse  
 crediderim cur Epicuri doctrina, quam LUCRE-  
 TIUS exponit, facile percipiatur; sed præterea  
 ordinem, ac totius operis partitionem; qua ni-  
 mirum alia ex aliis præcognitis ita pendent, o-  
 mnique inter se apta & connexa sunt, ut ho-  
 mini non hebeti sciendi cupiditatem addant, de  
 studii vero molestia & labore multum imminuant.  
 Atque hæc LUCRETIVUM ea tempestate præ-  
 stitisse, qua Græcorum inventa, subtilesque de  
 rerum natura quæstiones Latinis litteris tradi ac  
 perpoliri posse doctissimi etiam Romanorum diffi-  
 debant, quantum a justis æstimatoribus haberi  
 debet! Verbis quidem horridis, & obsoletis, nu-  
 meris item præfractis, & asperis, quos ab En-  
 nio aliisque antiquioribus poëtis acceperat, sæ-  
 pius

pius utitur; sed ut sublimitatem, ac majestatem quamdam orationi conciliet, tum etiam ut fatietatem devitet, in quam eos incidisse videmus qui se suaves semper & comtos, numquam austeros & grandes esse voluerunt. Non sum nescius, inveniri nonnullos, ab omni elegantia sermonis, & præcipue a Musarum familiaritate alienissimos, quibus LUCRETIVM vel digito attingere religio futura sit: dictitant enim, se, rebus supervacaneis omnino abjectis (ita hæc studia quæ ab humanitate nomen habent, ipsis appellare placet) nudam & simplicem colere veritatem, quam inanum verborum phaleris violari & obscurari nolint: nihil esse poëticæ levitatis cum philosophia commune: hujuscemodi nugis bona adolescentium ingenia depravari, aut obtundi: postremo, tempus omne male perire quod non in solidiorum disciplinarum studio & cognitione ponatur. Hi sunt scilicet qui cum litteris assidue bellum gerunt, qui Aristotelem, Platonem, Theophrastum, ac veteres pæne omnes philosophos præ se stupidos & nihili homines fuisse judicant, quod non, ut ipsi, infantes & barbaros se in philosophando præbuerint, neque in disputationibus gravissimis, poëtarum testimonio abuti veriti sint: hi sunt qui M. Tullii Ciceronis nomine audito, ludimagistri cujusdam de trivio mentionem fieri putant. Hos ego si causas docere velim propter quas LUCRETIVS philosophiæ decreta carmine potissimum tradere aggressus fuerit, nihil profecto agam; non enim umquam adduci poterunt ut se omnium bonarum rerum



rerum ignaros, omnis eruditionis expertes esse fateantur. Valeant igitur præposterî homines, qui libellos suos (horribiles, boni superi, & sacros libellos!) quos ne ipsi quidem interdum ex animo satis probant, ætatem ferre, ac famæ antiquorum officere posse confidunt. Quamobrem optimos adolescentes, & LUCRETII nostri studiosos, non hos honestarum artium osores, quæ deinceps dicturus sum, legere & cognoscere cupio. Ea est ad permovendos tenendosque hominum animos pulchritudinis vis atque natura, ut res quantumvis utiles, nisi hac, tamquam condimento aliquo suavissimo, adpersæ fuerint, ob adjunctam ipsis difficultatem, paucos omnino amatores invenire videamus. Ex hoc fonte, non aliunde, artes pæne omnes quæ vitæ commodis inserviunt, originem duxisse videri possunt. Non enim, ut exemplo rem illustremus, satis est architecto si domum exstruat firmam atque solidam, quæ diurnum lumen admittat, imbres & frigora nimiosque ardores excludat: verum etiam id propositum habet, ut apta partium dispositione, specieque operis grata & eleganti, decora sit atque aspectui jucunda. Idem in vestium ornatu, idem in cibis parandis, idem in militaribus armis, idem in sollemnibus pompis, omnique religionis cultu quotidie fervari cernimus. Quid? non ille orbis conditor Deus, quum hanc rerum universitatem, tamquam ingentem aliquam domum in usum hominum creare statuisset, eam ornamentorum omnium varietate distinguere ac insignire voluit? quam Græci universitatem ab  
orna-

ornatu κόσμον, Latini *mundum* appellavere. Sciebat enim sapientissimus artifex, divinum hoc, & rationis particeps animal pulchritudine potissimum affectum iri. Sæpe quidem sum admiratus, quidnam esset, cur, ut quæque res pulchritudinis plurimum in se contineret, ita maximis obsæpta esset difficultatibus; vetus enim illud experientia comprobari videbam, χαλεπὰ τὰ καλὰ. (1) Inveniebam autem, quum ad difficilia, eademque profutura, capeffenda hortari natura homines vellet, eosque a laboribus subeundis vehementer abhorreere intelligeret, honestatem, pulchritudinem, gloriam, uberrimam contentionis mercedem ipsis proposuisse. Quæ quum ita sint, magna profecto laus Empedocli, ac LUCRETIO nostro debetur, qui philosophiam, rem humano generi saluberrimam, at, si cultum ei omnem, & quasi vestem orationis detraxeris, tristem ac morosam futuram, carminum suavitate ac pulchritudine, quibus nihil in vita dulcius, juventuti amabilem atque expetendam reddere voluerint. Operæ pretium est ipsum audire LUCRETIVM, consilium suum ita Memmio exponentem: (2)

-- -- quoniam hæc ratio plerumque videtur  
 Tristior esse, quibus non est tractata, retroque  
 Volgus abhorret ab hac; volui tibi suaviloquenti  
 Carmine Pierio rationem exponere nostram,  
 Et quasi musæo dulci contingere melle,  
 Si

(1) *Difficilia, quæ pulchra.*

(2) *Lib. I. v. 942. & sequ. & Lib. 4. v. 18. & sequ.*

*Si tibi forte animum tali ratione tenere  
Versibus in nostris possem, dum perspicis omnem  
Naturam rerum, qua constet comta figura.*

Decebat præterea, nisi fallor, res minime humiles aut populares, non familiari & quotidiano dicendi genere, sed maxime sublimi, quale scilicet poëtarum est, explicari: quemadmodum ab Homero, pluribus in locis poëmatum suorum, sapientissime fictum est, alia deos, alia homines lingua uti: mentis enim altitudinem electa & magnifica verba, atque a vulgari consuetudine remotissima subsequi necesse est. Quærat fortasse aliquis, quid sibi voluerit Q. Cicero, cui adsentitur (1) Marcus frater, quum LUCRETII poëmata non ita multis luminibus ingenii, multæ tamen artis esse, judicavit: quod Q. Ciceronis iudicium (2) Dionysius Lambinus, ut ægre admodum ferebat, LUCRETIO ingenii laudem eripi, aut perperam explicasse, aut saltem callide videtur dissimulasse. Multa occurrunt quæ responderi possint, at illa in primis; ex M. Tullii verbis modo memoratis nihil aliud colligi, nisi, præ admirabili artis præstantia, quam LUCRETIUS in suis de rerum natura carminibus adhibuerit, si qua ipsis insint ingenii lumina (insunt autem plura, & egregia) non adeo apparere: vel ipsum operis argumentum arte magis quam ingenio tractari postulavisse; quod poëta opti-

(1) *Lib. 2. ad Q. Fratrem, Epist. 11.*

(2) *In Dissertat. de T. Lucretii patria, genere &c. tertiæ suæ hujus poëtæ editioni præfixa.*



optime præstiterit. Non enim eadem LUCRE-  
 TII ratio erat, Epicuri sententiam exponentis,  
 quæ Tragicorum, Epicorumque poetarum esse so-  
 let, qui nisi res incredibiles, & monstra passim  
 confingant, statim de manibus deponuntur. Ut-  
 cumque vero res se habeat, (nam a Jano Gru-  
 tero, & Jacobo Gronovio verba illa Ciceronis  
 aliter leguntur) quoties ab angusta philosophiæ  
 semita in late patentes eloquentiæ campos eva-  
 gari libuit poetæ nostro, quantum ingenio vale-  
 ret, fatis ostendit. Principiis & finibus librorum  
 nihil elegantius, nihil splendidius, nihil jucun-  
 dius excogitari potest. Quam copiose atque ele-  
 ganter describit LUCRETIVS mutuas inter  
 Martem Veneremque blanditias! Religionem tru-  
 culento aspectu a cæli regionibus mortalium ge-  
 neri minitantem! Iphigeniam, superstitione A-  
 gamemnonis patris, ad aram Dianæ, hostiarum  
 more, raptatam! Corybantes circum Cybelem æ-  
 ra quatientes! cruciatus denique illos quos poë-  
 tæ apud inferos esse finxerunt, scelestis homini-  
 bus in hac vita ingeniosissime accommodatos!  
 Porro quis negaverit, ea esse pulcherrima quæ de  
 malis ex amore nasci solitis, de puellularum &  
 amatorum vitiis, de agrestibus & immanfuetis  
 primorum hominum moribus, de pestilentia de-  
 nique Athenis grassante poëta noster litteris tra-  
 didit? In quibus omnibus profecto tanta vis elu-  
 cet ingenii, ut plane dolendum sit, tam illu-  
 stre bonum ab egregio scriptore ad Epicuri po-  
 tius, quam vel ad Platonis, vel ad Aristote-  
 lis, vel ad Zenonis etiam, meliorum longe  
 phi-

philosophorum, sententias explicandas collatum esse.

Jam omnium quæ proposueram, tractatione absoluta, reliquum est, Vir doctissime, ut quid in LUCRETIO typis recudendo ego meusque frater præstiterimus, paucis enarrem. Primum omnium, ut poëmatís contextum quam emendatissimum daremus, Editionem Londinensem Anni MDCCCXII. maxime accuratam atque elegantem, plerumque secuti sumus, quæ fere cum Dionysii Lambini Editione consentit: nonnullas tamen Thomæ Creechii Angli castigationes, qui non ita multis ab hinc annis LUCRETIVM interpretatus est, quod nobis vehementer probarentur, & ad veritatem proxime accedere viderentur, libenter sumus amplexi. Utile autem gratumque lectoribus futurum existimavimus si ejusdem Creechii Argumenta singulis libris præponeremus, & quæ idem adversus impías ineptasque Epicuri opiniones, breviter quidem, at nervose acuteque disputavit, singulis pariter subjungeremus. Variarum Lectionum libellum, quem Londinenses ex præstantissimis Editionibus, ac MSS. Codd. congefferunt, omittere nolimus: quamvis non ignoraremus, fore ut hic labor noster in multorum reprehensiones incurreret, eorum videlicet qui quum ipsi minutam hujusmodi diligentiam numquam adhibeant, in aliis etiam irrident. At publicis utilitatibus consulentem, quid imperiti, aut malevoli homines de se in angulis tabernarum effutiant, non admodum curare oportet. Utinam vero ea nobis temporis copia sup-

peditasset, ut Codices duos manu exaratos, quos ex Bibliotheca Canonorum Ecclesiæ hujus Patavinæ, antiquis voluminibus instructissima, depromptos, nobiscum perbenigne communicavit Vir nobilitate, doctrina, vitæ integritate præcellens, Comes Trojanus Borromæus, ejusdem Ecclesiæ Canonicus, per otium scrutari potuissimus! Horum alterum Petrus Barrocius, Episcopus Patavinus, homo, ut illis temporibus, non vulgariter doctus, ipse sua manu descripsit. At si novam aliquando LUCRETII editionem nobis adornare contigerit, varias ex iis Codicibus lectiones, modo pretium operæ fuerit, proferre in animo est. Ne quid tamen dissimulem, quum unam aut alteram utriusque libri paginam attentius perlegissem, eos adeo inter se similes esse deprehendi, ut Terentianum illud \* de ipsis dici posse videatur:

*Qui utrumvis recte novit, ambos noverit.*

Verborum denique obsoletorum, & numerorum rationem, tum singularium loquendi generum quæ a LUCRETIO usurpata sunt, locupletissimum Indicem, summaque industria elaboratum, adjunxi: in quo conficiendo, si me ab Oberti Gifanii doctissimis Conlectaneis adjutum negem, impudens profecto sim. Non tamen ejus viri auctoritatem ubique mihi sequendam esse duxi, & quæ in illis dicta erant fusius, ipse in adolescentium gratiam contraxi, & multa denique de meis adversariis quotidianis excerpta eodem importavi; ut quivis facile intelliget qui opellam hanc nostram cum Gifanii laboribus comparare voluerit.

Hæc

\* *Andriæ Prologo v. 10.*



Hæc erant, Vir celeberrime, de quibus apud te verba facere non inutile arbitrati sumus; quæ omnia, pro tua singulari humanitate, æqui bonique consulas, rogamus, quum propter ipsarum rerum dignitatem, tum propter nos etiam tui studiosissimos; qui non plane nulli sumus; cœpimus enim, ut audimus, instituto hoc nostro juvandi optimas litteras, malorum invidiam promereri. Vale. Patavii Kal. Januarii Anno a Virginis Partu cld io ccxxi.



# I N D E X

## NOMINUM PROPRIORUM,

Rerumque memorabilium quæ in Orationibus  
VULPII de Aristotele, atque in Syntagmate  
de Veteribus Philosophis continentur.

### A

|  |                  |
|--|------------------|
| <b>A</b> BANTEI Argi.                              | pag. 142         |
| Abderitæ male sentiunt de Democrito.               | 112. stupidi.    |
| 132.   |                  |
| Academia, & Academici.                             | 75. 82. 93. 144  |
| Academia a Xenocrate occupata.                     | 77               |
| Academus heros.                                    | 144              |
| Acragantinus Empedocles.                           | 124              |
| Acrion Pythagoreus.                                | 144              |
| Ægyptii sapientes.                                 | 132. 140. vates. |
| Æsopus.  | 119              |
| Æthiopia.  | 132              |
| Ætna mons.   | 124. 125         |
| A. Gellius.  | 77. 79           |
| Agenor.  | 117              |
| Agrigentum, Siciliae urbs.                         | 124              |
| Alexander Magnus, Aristotelis discipulus.          | 76. 77. 83.      |
| expostulat cum Aristotele, quod is libros acroama- |                  |
| ticos edidisset.                                   | 78               |
| Alexandrina bibliotheca.                           | 91               |
| Alexinus, Aristoteli obtrectat.                    | 83               |
| Alphonfus Castiliae rex, Astronomus excellens.     | 102              |
| D. Ambrosius.                                      | 86               |
| Ammonius.  | 81               |
| Amyntas Macedoniae rex, Magni Alexandri avus.      | 74               |
| Analyseos Logicae inventor Aristoteles.            | 96               |
| Ana-   |                  |

|  |                                      |        |
|--|--------------------------------------|--------|
| <i>Analytici Aristotelis libri.</i>                            | 79                                   |        |
| <i>Anaxagoras Clazomenius.</i>                                 | 124. 126. & sequu.                   |        |
| <i>Anaximander Mileſius.</i>                                   | 117. 123. 124.                       |        |
| <i>Anaximandrum audit Pythagoras.</i>                          | 140                                  |        |
| <i>Anaximenes Mileſius.</i>                                    | 116. 117. 145. auditor <i>Anaxi-</i> |        |
| <i>mandri.</i>   | 124. <i>Anaxagoræ magiſter.</i>      | 126    |
| <i>Andronicus Rhodius libros Aristotelis in vulgus edit.</i>   |                                      |        |
| 92.  |                                      |        |
| <i>Antiquitas laudata.</i>                                     |                                      | 106    |
| <i>Antiquis etiam nova quodammodo debentur.</i>                | 102. 103                             |        |
| <i>Apellicon Tejus.</i>  |                                      | 91     |
| <i>Apollodorus Archon Athenis.</i>                             |                                      | 144    |
| <i>Apollodorus Historicus.</i>                                 |                                      | 112    |
| <i>Apolloniates Diogenes.</i>                                  |                                      | 116    |
| <i>Apollonius Pergæus, inſignis mathematicus.</i>              |                                      | 102    |
| <i>Apollonius Rhodius.</i>                                     |                                      | 118    |
| <i>Apollothemides, pater Diogenis Apolloniæ.</i>               |                                      | 116    |
| <i>Archelaus, Anaxagoræ auditor.</i>                           |                                      | 126    |
| <i>Archimedes.</i>   |                                      | 102    |
| <i>Archytas Tarentinus.</i>                                    | 143. 144                             |        |
| <i>Areostus (Ludovicus.)</i>                                   |                                      | 95     |
| <i>Argi Abantei.</i>   |                                      | 142    |
| <i>Aristeas philoſophus ænigmata in ſcribendo conſectatur.</i> |                                      |        |
| 93.  |                                      |        |
| <i>Aristocles prius appellatus Plato.</i>                      |                                      | 143    |
| <i>Aristo, Platonis pater.</i>                                 |                                      | 143    |
| <i>Aristonymus.</i>  |                                      | 120    |
| <i>Aristotelea, ſacra in honorem Aristotelis.</i>              |                                      | 81     |
| <i>Aristotelei.</i>  |                                      | 82     |
| <i>Aristotelis dictum celebre.</i>                             |                                      | 107    |
| <i>Aristotelis inventis utitur Cartesius.</i>                  |                                      | 102    |
| <i>Aristoxenus, Aristotelis diſcipulus, magiſtrum calu-</i>    |                                      |        |
| <i>nniatur.</i>  |                                      | 75. 83 |
| <i>Atarnenſes.</i>   |                                      | 74. 76 |
| <i>Athenæus.</i>   |                                      | 79     |
| <i>Athenas Sylla occupat.</i>                                  |                                      | 92     |



|  |     |
|--|-----|
| <i>Atheorum venenati sermones.</i>                         | 87  |
| <i>Atrides minor, i. e. Menelaus.</i>                      | 142 |
| <i>Attalici reges.</i>                                     | 91  |
| <i>Averroes Arabs Aristotelem miris laudibus extollit.</i> | 81  |
| <i>D. Augustini cogitatis utitur Cartesius.</i>            | 102 |

## B

|  |     |
|--|-----|
| <i>BARCINONENSIS Academia.</i>                   | 91  |
| <i>Bernoullius (Joannes) laudatus.</i>           | 102 |
| <i>Bibliothecam primus instruit Aristoteles.</i> | 91  |
| <i>Blyso, Heracliti pater.</i>                   | 120 |

## C

|   |              |
|---|--------------|
| <i>CACUMEN extremum cujusque corporis, Lucretio quid sit.</i>                     | 134          |
| <i>Cadmus.</i>  | 117          |
| <i>Callisthenes Olynthius, Aristotelis consanguineus, in Alexandrum conjurat.</i> | 77           |
| <i>Casaubonus (Isaacus.)</i>  | 126          |
| <i>Capuensis (Leonardus.)</i>   | 103          |
| <i>Cartesius (Renatus.) 107. laudatus. 102. ejus materia triplex.</i>             | 104          |
| <i>Cassinus, Astronomus excellens.</i>  | 102          |
| <i>Cephisodorus, Aristoteli obtrectat.</i>  | 83           |
| <i>Chærestrata, Epicuri mater.</i>  | 140          |
| <i>Chalcide moritur Aristoteles.</i>  | 80           |
| <i>Chaldaei philosophi.</i>   | 73. 132. 140 |
| <i>Charybdis.</i>   | 124          |
| <i>Cicero, vide M. Tullius.</i>   |              |
| <i>Clazomene, urbs Ioniæ, patria Anaxagoræ.</i>                                   | 126          |
| <i>Clemens Alexandrinus.</i>  | 85           |
| <i>Cælius Rhodiginus.</i>   | 80           |
| <i>Cogitationes hominum ad naturæ leges accommodari oportet.</i>                  | 105          |
|   | Come-        |

|   |     |
|---|-----|
| <i>Cometas Luna inferiores falso existimavit Aristoteles.</i> | 99  |
| <i>Copernicus (Nicolaus) Astronomus excellens.</i>            | 102 |
| <i>Corinthiorum tyrannus Periander.</i>                       | 119 |
| <i>Cubi duplicatio.</i>                                       | 144 |

## D

|   |        |
|---|--------|
| <i>DANTIS locus explicatus.</i>                                 | 121    |
| <i>Delphicum oraculum.</i>                                      | 74     |
| <i>Delus. Delii.</i>  | 144    |
| <i>Democharis, Aristoteli obtreſtat.</i>                        | 83     |
| <i>Democritus Abderites. 34. 88. 102. 63. &amp; sequu. 104.</i> |        |
| <i>112. 131. &amp; sequu.</i>                                   |        |
| <i>Dialecticæ inventor Zeno Eleates.</i>                        | 109    |
| <i>Diogenes Apolloniates.</i>                                   | 116    |
| <i>Diogenes Laërtius. 74. 77. 84. 109. 125. 132. 140.</i>       |        |
| <i>Dion, amicus Platonis.</i>                                   | 144    |
| <i>Dionysius Halicarnasseus.</i>                                | 74. 96 |
| <i>Dionysius uterque, Siciliæ tyranni.</i>                      | 144    |
| <i>Diotrephes Archon Athenienſium.</i>                          | 74     |
| <i>Disputationum &amp; librorum Aristotelis duo genera.</i>     | 78     |
| <i>Dyas infinita, quæ.</i>                                      | 146    |

## E

|   |          |
|---|----------|
| <i>ECHECRATES Pythagoreus.</i>                                | 144      |
| <i>Eleates Zeno.</i>  | 109. 145 |
| <i>Eleatica ſecta a Democrito absoluta.</i>                   | 132      |
| <i>Eleusinia ſacra.</i>                                       | 115      |
| <i>Empedocles Agrigentinus. 121. 124. &amp; sequu. 139.</i>   |          |
| <i>philosophiam carminibus tradit.</i>                        | 95       |
| <i>Epheſii male ſentiunt de Heraclito.</i>                    | 112      |
| <i>Epicharmus.</i>  | 93       |
| <i>Epicurus Athenienſis. 88. 102. 104. 137. 139. 140. A-</i>  |          |
| <i>ristoteli obtreſtat.</i>                                   | 83       |
| <i>Epimenides, philoſophus &amp; pœota, enigmata in ſcri-</i> |          |
| <i>bendo</i>  |          |

|  |             |
|--|-------------|
| <i>scribendo confectatur.</i>                    | 93          |
| <i>D. Epiphanius.</i>                            | 86          |
| <i>Error novus antiquo deterior.</i>             | 107         |
| <i>Etymologus Græcus.</i>                        | 80          |
| <i>Eubulides, Aristoteli obtrectat.</i>          | 83          |
| <i>Euclides geometra.</i>                        | 102         |
| <i>Euclides Megarensis.</i>                      | 144         |
| <i>Eudoxus, vetus Astronomus.</i>                | 102         |
| <i>Euphorbus Panthoides.</i>                     | 142         |
| <i>Euripides Tragicus, Anaxagoræ auditor.</i>    | 126         |
| <i>Euripus Chalcidensis.</i>                     | 80          |
| <i>Eurymedon Aristotelem impietatis accusat.</i> | 80          |
| <i>Eurytus Pythagoræus.</i>                      | 144         |
| <i>Eusebius.</i>                                 | 76. 83. 117 |

## F

|  |    |
|--|----|
| <i>FABULIS quidam philosophi in scribendo usi.</i> | 22 |
|--|----|

## G

|  |  |
|--|--|
| <i>GALENUS.</i>                                  | 82   |
| <i>Galileus (Galileus) Astronomus excellens.</i> | 95. 102  |
| <i>Gassendus (Petrus.)</i>                       | 107. 133. <i>ab antiquis pæne omnia sumit.</i> 102. <i>Aristotelis inimicus.</i> |
|  | 88   |
| <i>Gorgie sententia de rerum cognitione.</i>     | 123  |
| <i>Græcarum litterarum ignoratio perniciofa.</i> | 82. 94. <i>eorum magistri excellentes in Gymnasio Patavino.</i>                  |
|  | 96   |
| <i>D. Gregorius Nazianzenus.</i>                 | 86   |
| <i>Gregorius XIV. Pontifex Maximus.</i>          | 88   |
| <i>Grotius (Hugo.)</i>                           | 127  |
| <i>Gymnosophistæ, Indorum sapientes.</i>         | 132  |

## H

|                            |                     |
|----------------------------|---------------------|
| <i>HERACLITUS Ephesus.</i> | 112. 120. & sequen. |
|                            | 145.                |
| <i>He-</i>                 |                     |



|   |         |
|---|---------|
| <i>Heraclitum secutus Plato.</i>  | 145     |
| <i>Hermaphroditus numerus, qui.</i>   | 142     |
| <i>Hermias eunuchus, Atarnensium in Mysia tyrannus, Aristotelis amicus &amp; affinis.</i> | 76      |
| <i>Hermogenes, contra quem scripsit Tertullianus.</i>                                     | 85      |
| <i>Herpylis, altera Aristotelis uxor.</i>   | 76      |
| <i>Hesiodus.</i>  | 118     |
| <i>Hipparchus, vetus Astronomus.</i>  | 102     |
| <i>Hippocrates Cous Democritum adit.</i>  | 132     |
| <i>Historia animalium ab Aristotele conscripta.</i>                                       | 79      |
| <i>Homericæ Quæstiones ab Aristotele adolescente conscriptæ.</i>                          | 74      |
| <i>Homerici proci.</i>  | 95      |
| <i>Homerus.</i>   | 74. 118 |
| <i>Horatius.</i>  | 126     |

## I

|  |          |
|--|----------|
| <i>IDEARUM duo genera a Parmenide inducta.</i>                 | 109. 110 |
| <i>Ideæ Platonis.</i>  | 145      |
| <i>India.</i>  | 132      |
| <i>Inventa Anaximandri.</i>                                    | 123      |
| <i>Inventoribus artium &amp; disciplinarum omnia debentur.</i> | 102.     |
| <i>Joannes Philoponus. vide Philoponus.</i>                    |          |
| <i>Ionia.</i>  | 123. 126 |
| <i>Ionica secta, a Thalete condita.</i>                        | 123. 143 |
| <i>D. Irenæus, Lugdunensis Aristes.</i>                        | 85       |
| <i>Italica secta, a Pythagora condita.</i>                     | 143      |
| <i>Italice pars, Magna Græcia.</i>                             | 141      |
| <i>Ithagènes, Melissi pater.</i>                               | 112      |
| <i>Junonis templum Argivum.</i>                                | 142      |
| <i>Justinus Martyr.</i>  | 80. 85   |
| <i>Ixionis fabella.</i>  | 94       |

## K

KEPLERUS, *Astronomus excellens.* 102

## L

LABERIUS. 108  
*Lactantius Firmianus.* 85. 97. 100. 107.  
*Lacteus orbis in cælo, quid.* 99  
*Lampsacus.* 127  
*Launojus (Joannes.)* 86  
*L. Cornelius Sylla Felix Athenas occupat.* 92  
*Leibnitius laudatus.* 102  
*Leonardi Capuensis de Galileo judicium.* 103  
*Leon Sicyoniorum tyrannus.* 143  
*Leucippus.* 102. 132. 138  
*Locrenses institutorum veterum valde retinentes.* 107  
*Logica Aristotelis, singulare atque egregium opus.* 98  
*Lucretius.* 95. 102. 116. 122. 124. 125. 131. 134. 135.  
 139. 140.  
*Lyceum, Aristotelis schola.* 76. 77. 93.  
*Lyco, Aristoteli obtrectat.* 83

## M

MACHAON, *medendi arte præstantissimus.* 74  
*Macrobius.* 108  
*Magna Græcia, Italiæ pars.* 141  
*Masius (Didacus) Physicorum Aristotelis interpres.* 82  
*Maximus Tyrius.* 93  
*Melesagoras philosophus, enigmata in scribendo conse-*  
*ctatur.* 93  
*Melissus Samius.* 112. & sequu. 143  
*Methodus quænam in Physicis & Ethicis ab Aristotele*  
*adhibita.* 97. 98  
*Metrodorus.* 138  
 Mi-

|  |          |
|--|----------|
| <i>Migratio animorum in alia corpora.</i>                  | 142      |
| <i>Miletus, Ioniæ urbs.</i>                                | 117. 123 |
| <i>Mnesarchus, Pythagoræ pater.</i>                        | 140      |
| <i>M. Tullius Cicero.</i> 84. 96. 100. 104. 106. 121. 122. |          |
| 126. 140. 144. <i>Aristotelis laudator.</i>                | 81       |
| <i>M. Varro.</i>   | 122      |
| <i>Musicæ vires maximæ.</i>                                | 142      |

## N

|  |     |
|--|-----|
| <i>NEANTHES.</i>   | 125 |
| <i>Necessitas Democrito quid sit.</i>                          | 138 |
| <i>Neleus Scepheus.</i>  | 91  |
| <i>Neocles, Epicuri pater.</i>                                 | 140 |
| <i>Nervos a corde proficisci, falso existimat Aristoteles.</i> | 100 |
| <i>Nestim aquam vocabat Empedocles.</i>                        | 128 |
| <i>Newtonus (Isaacus) laudatus.</i>                            | 102 |
| <i>Nicomachus, Aristotelis filius.</i>                         | 76  |
| <i>Nicomachus, Aristotelis pater.</i>                          | 74  |
| <i>Novitatis nimius amor.</i>                                  | 105 |
| <i>Numa Pompilius.</i>   | 141 |
| <i>Numenius philosophus.</i>                                   | 118 |
| <i>Numeri masculi, &amp; feminei.</i>                          | 141 |
| <i>Nunnesius (Petrus Joannes) Valentinus.</i>                  | 90  |

## O

|  |                     |
|--|---------------------|
| <i>OBTRACTORES Aristotelis.</i>  | 83                  |
| <i>Ocellus Lucanus.</i>  | 143                 |
| <i>Olympias, Philippi Macedoniæ regis uxor, Alexandri Magni mater.</i> | 76. 77              |
| <i>Origenes, Platonis amantissimus, in varios errores incidit.</i>     | 87                  |
| <i>Ovidius.</i>  | 102. 104. 141. 142. |



## P

- PANTHOIDES Euphorbus.* 142  
*Pappus Alexandrinus, insignis mathematicus.* 102  
*Parisiensis Academia.* 17. 86. 88  
*Parmenidem sequitur Plato.* 145  
*Parmenides Eleates.* 109. & sequu. 143. *Anaximandri auditor.* 124. *philosophiam carminibus exponit.* 95.  
*Patricius (Franciscus.)* 84. *Aristotelis inimicus.* 88  
*D. Paulus.* 104  
*Peloponnesus.* 143  
*Penelope.* 95  
*Periander, Corinthiorum tyrannus.* 119  
*Pericles, Anaxagoræ auditor.* 126. *Lyceum condit.* 77  
*Perictyone, Platonis mater.* 143  
*Peripatetici veteres perspicue loquuntur, & scribunt.* 93. *unde dicti.* 77  
*Persarum sapientes.* 132  
*Phædri, Augusti liberti, fabella explicata.* 119. 120  
*Phæstis, sive Phæstias, Aristotelis mater.* 74  
*Pherecydes Syrus.* 140  
*Philippus Macedoniæ rex, Alexandri Magni pater.* 76.  
 77.  
*Philolaus Crotoniates, Pythagoræus, Astronomus & philosophus.* 102. 125. 143. 144  
*Philoponus (Joannes) cognomine Grammaticus.* 75.  
 82. 146.  
*Philosophi omnes veri aliquid protulere.* 108  
*Philosophi quidam humaniores litteras aspernantur.* 95  
*Philosophi veteres, ac recentiores quo loco habendi.* 106  
*Philosophia longe abest a perfectione.* 100. *propriis & perspicuis verbis tradenda.* 115  
*Philosophiæ nomen a Pythagora inventum.* 143  
*Philosophorum veterum monimenta Aristoteles non delevit.* 84  
*Phœnices.* 117. 118  
 Phæ-

|  |                         |
|--|-------------------------|
| <i>Phænices philosophi.</i>  | 140                     |
| <i>Pindarus.</i>   | 118                     |
| <i>Plato.</i> 75. 76. 83. 104. 107. 109. 111. 121. 139.<br>143. & sequu. <i>deliciæ SS. Patrum.</i> 86. <i>caute le-</i><br><i>gendus.</i> | 87                      |
| <i>Platonem ceteris philosophis præfert Cicero.</i>  | 81                      |
| <i>Platonis inventis utitur Cartesius.</i>   | 102                     |
| <i>Plautus.</i>  | 93                      |
| <i>Plinius Historicus.</i>   | 103. 123                |
| <i>Plutarchus.</i>   | 92. 118. 137            |
| <i>Poëtica Aristotelis laudata.</i>  | 98                      |
| <i>Polycrates Samiorum tyrannus.</i>   | 140                     |
| <i>Porphyrus.</i>  | 118                     |
| <i>Praxiades, Anaximandri pater.</i>   | 123                     |
| <i>Principia rerum summe simplicia esse oportet.</i>   | 103                     |
| <i>Proclus.</i>  | 75                      |
| <i>Proxenus Atarnensis, Aristotelis educator.</i>  | 74                      |
| <i>Ptolemæi, Ægypti reges.</i>   | 91                      |
| <i>Ptolemæus, Astronomus excellentissimus.</i>   | 102                     |
| <i>Pyretis filius Parmenides.</i>  | 109                     |
| <i>Pyrrhonii philosophi.</i>   | 89                      |
| <i>Pythagoræi.</i>   | 125. 146                |
| <i>Pythagoræi plerique philosophiam carminibus tradunt.</i>  | 95                      |
| <i>Pythagoram audit Empedocles.</i>  | 125                     |
| <i>Pythagoras Samius.</i>  | 102. 104. 140. & sequu. |
| <i>Pythais, prima Aristotelis uxor.</i>  | 76                      |

## Q

|                            |     |
|----------------------------|-----|
| <i>QUALITATES occultæ.</i> | 105 |
|----------------------------|-----|

## R

|  |     |
|--|-----|
| <i>RAMUS ( Petrus ) Aristotelis inimicus, quomodo ob-</i><br><i>ierit.</i> | 88  |
| <i>Rhetorica Aristotelis laudata.</i>                                      | 98  |
|  | Ro- |

|   |    |
|---|----|
| <i>Romam asportantur libri Aristotelis.</i> | 92 |
| <i>Romanum Gymnasium.</i>                   | 88 |

## S

|  |          |
|--|----------|
| <i>SACRÆ Litteræ.</i>  | 97. 119  |
| <i>Samiorum tyrannus Polycrates.</i>                                       | 140      |
| <i>Samium nonnulli dixerunt Epicurum.</i>                                  | 140      |
| <i>Scaliger (Julius Cæsar.)</i>  | 82       |
| <i>Scepsis, Mysiæ oppidum.</i>   | 91       |
| <i>Scholastici philosophi.</i>   | 82. 94   |
| <i>Scholiastes Apollonii Rhodii.</i>                                       | 118      |
| <i>Scholiastes Pindari.</i>  | 118      |
| <i>Seneca.</i>   | 100. 101 |
| <i>Servius grammaticus.</i>  | 142      |
| <i>Sextus Empiricus.</i>   | 122      |
| <i>Sicilia. 144. ejus descriptio.</i>                                      | 124      |
| <i>Sicyonii.</i>   | 143      |
| <i>Simplicius, Physicorum Aristotelis interpres.</i>                       | 96. 112  |
| <i>Socrates. 107. Anaxagoræ auditor.</i>                                   | 126      |
| <i>Socratis auditor &amp; sectator Plato.</i>                              | 144. 145 |
| <i>Sophistarum præstigiæ.</i>  | 115      |
| <i>Speusippus, Platonis sororis filius, ejusque successor in Academia.</i> | 145      |
| <i>SS. Patres ab Aristotelis doctrina abhorrent.</i>                       | 84       |
| <i>Stagiræ urbs, Aristotelis patria.</i>                                   | 74       |
| <i>Stagiritæ Aristotelem colunt, tamquam deum.</i>                         | 81       |
| <i>Stobæus (Joannes.)</i>  | 120. 127 |
| <i>Stoici.</i>   | 82. 139  |
| <i>Strabo.</i>   | 91. 92   |
| <i>Suidas.</i>   | 126      |
| <i>Sylla Athenas occupat.</i>  | 92       |
| <i>Syracusæ.</i>   | 124      |

## T

|                             |     |
|-----------------------------|-----|
| <i>TARQUINIUS Superbus.</i> | 141 |
| <i>Ter-</i>                 |     |



|   |   |
|---|---|
| <i>Tertullianus.</i>  | 85  |
| <i>Thales Milesius.</i>   | 117. & sequu. 143. 145                                  |
| <i>Thaletem audit Pythagoras.</i>   | 140   |
| <i>Theodorus mathematicus.</i>  | 144   |
| <i>Theophrastus Eresius, discipulus &amp; successor Aristotelis in Lyceo.</i> | 76. 80. 83. 85. 91. a Clemente Alexandrino reprehensus. |
|   | 85  |
| <i>D. Thomas.</i>   | 82. 83  |
| <i>Timæus Historicus.</i>   | 125   |
| <i>Timæus Locrus, Pythagoræus.</i>  | 143. 144  |
| <i>Trojanum bellum.</i>   | 142   |
| <i>Tryphon.</i>   | 85  |
| <i>Tycho Brahe, Astronomus excellens.</i>                                     | 102   |
| <i>Tyrannio grammaticus, Aristotelis volumina describi curat.</i>             | 92  |

## V

|                   |         |
|-------------------|---------|
| <i>VIRGILIUS.</i> | 94. 142 |
|-------------------|---------|

## X

|   |          |
|---|----------|
| <i>XENOCRATES, Platonis auditor, Aristotelis condiscipulus.</i> | 75. 144  |
| <i>Xenophanes, Heracliti &amp; Parmenidis magister.</i>         | 109. 120 |

## Z

|   |     |
|---|-----|
| <i>ZALEUCUS, Locrensium legislator.</i>               | 107 |
| <i>Zeno Eleates. 118. 143. Parmenidis discipulus.</i> | 109 |
| <i>Zenonem Eleatem secutus Plato.</i>                 | 145 |

## F I N I S.




---

PATAVII. CIOIOCCXLIV.

PRID. IDUS SEPTEMBRIS.

EXCUDEBAT JOSEPHUS COMINUS.







n/e



